


Z.J. SHAPULATOVA

MIKROBIOLOGIYA FANIDAN AMALIY VA LABORATORIYA MASHG'ULOTLARI




1968.12.20
2000.12.20

O'ZBEKISTON RESPUBLIKASI
OLIY VA O'RTA MAXSUS TA'LIM VAZIRLIGI

Z. J. SHAPULATOVA

MIKROBIOLOGIYA
FANIDAN AMALIY VA
LABORATORIYA
MASHG'ULOTLARI

*O'zbekiston Respublikasi Oliy va o'rta maxsus ta'lif
vazirligi tomonidan 5410600 – Zooingeneriya (turlari bo'yicha)
ta'lif yo'nalishining talabalari uchun o'quv qo'llanma*



Toshkent
“Ijod-press”
2019

UO'K: 579(075.8)

KBK: 28.4ya73

Sh24

Taqrizchilar:

M.N.Mamatova – SamVMI Epizootologiya, mikrobiologiya va virusologiya kafedrasini dotsenti, veterinariya fanlari doktori

B.A. Elmurodov – Veterinariya ilmiy tadqiqot instituti mikrobiologiya laboratoriysi mudiri, veterinariya fanlari doktori

Shapulatova, Z.J.

Mikrobiologiya fanidan amaliy va laboratoriya mashg'ulotlari.
(Matn): O'quv qo'llanma / Z.J.Shapulatova. – T.: "Ijod-Press" nashriyoti,
2019. – 240 b.

ISBN: 978-9943-6224-8-7

O'quv qo'llanma ikki moduldan iborat bo'lib, "Mikrobiologiya fanining umumiyl qismi" modulida mikrobiologiya laboratoriyasida ishlash qoidalari, mikroorganizmlarni o'rghanishning asosiy mikrobiologik, immunologik usullari yoritilgan. "Mikrobiologiya fanining xususiy qismi" modulida infektion kasallik qo'zg'atuvchilarining laboratoriya diagnostikasi usullari, qo'llanadigan biopreparatlar, yem-xashak mikrobiologiyasi, sut va sut mahsulotlari, go'sht, tuxumni mikrobiologik tekshirish usullari berilgan. Qo'llanmada amaliy va laboratoriya mashg'ulotlarining uslubiy ko'rsatmasi, mikrobiologiya fanining umumiyl va xususiy qismlari modullari bo'yicha talabalar bilimini mustahkamlash uchun nazorat va test savollari keltirilgan.

UO'K: 579(075.8)

KBK: 28.4ya73

ISBN: 978-9943-6224-8-7

© "Ijod-Press" nashriyoti, 2019
© Z.J.Shapulatova, 2019

KIRISH

Ushbu o'quv qo'llanma mikroorganizmlarning umumiy xususiyatlari, morfologiyasi, fiziologiyasi, genetikasi va ekologiyasini, ularning tabiatda moddalar aylanishi, sanoat va qishloq xo'jaligining har xil ishlab chiqarish tarmoqlaridagi roli, infektion jarayonlarni, immunitet, uning turlarini, asosiy infektion kasalliklarning qo'zg'atuvchilari, ularga diagnoz qo'yish, maxsus oldini olish usullarini, yem-xashak mikrobiologiyasi, sut va sut mahsulotlari, go'sht, tuxumni mikrobiologik tekshirish usullarini o'rgatadi hamda respublikamizdagi ijtimoiy-iqtisodiy islohotlar natijalari va hududiy muammolarning chorvachilik sohasida zooinjeneriyaning istiqboliga ta'siri masalalarini qamraydi.

Chorvachilik xo'jaliklarida zooinjerlar xizmatini tashkil etishda, inson va hayvonlarni yuqumli kasallikkardan himoya qilishda, insonlarni sifatli oziq-ovqat mahsulotlari bilan ta'minlash, hayvonlarning mahsuldarligini oshirishda fanning o'rni juda nam katta. Oziq-ovqat, yengil sanoatda, go'sht va go'sht mahsulotlari, sut va sut mahsulotlari, tuxum yetishtirishda, vino, pivo tayyorlashda, non yopishda, qandolat mahsulotlarini tayyorlashda ishtiroy etadi. Mikroorganizmlar yordamida sanoatda har xil kislotalar, spirt, vitaminlar, fermentlar, aminokislotalar va antibiotiklar olinadi, shu tufayli respublikamizdagi ijtimoiy-iqtisodiy islohatlar natijalariga, chorvachilikning rivojlanishiga ta'siri katta.

Ushbu fan O'zbekiston Respublikasi Prezidentining 2015-yil 29-dekabr "Veterinariya to'g'risida"gi qonuni, 2006- yil 23- martdag'i PQ-308 qarori, 2008-yil 21-apreldagi PQ-842-sonli "Shaxsiy yordamchi, dehqon va fermer xo'jaliklarida chorva mollarini ko'paytirishni rag'batlantirishni kuchaytirish hamda chorvachilik

mahsulotlari ishlab chiqarishni kengaytirish borasidagi qo'shimcha chora-tadbirlari to'g'risida"gi, 2009-yil 26-yanvardagi "Oziq-ovqat mahsulotlarini ishlab-chiqarishni kengaytirish va ichki bozorni to'ldirish yuzasidan qo'shimcha chora-tadbirlar to'g'risidagi" va 2015-yil 29-dekabrdagi PQ-24/60-son "Qishloq xo'jaligida islohatlarni yanada takomillashtirish va rivojlantirish chora-tadbirlari to'g'risida"gi qarorlari, "O'zbekiston Respublikasini yanada rivojlantirish bo'yicha Harakatlar strategiyasi to'g'risida"gi 2017–2021-yillarda mamlakatni rivojlantirishga mo'ljallangan farmoni va boshqa me'yoriy huquqiy hujjatlarda belgilangan vazifalarni amalga oshirishga muayyan xizmat qiladi.

Oliy o'quv yurtlarining asosiy vazifalaridan biri –chuqur fundamental bilimlarni va puxta amaliy tayyorgarlikni o'zida mujassamlantirgan keng ixtisosli mutaxassislarni shakllantirishdan iborat. Qo'llanma oliy ta'lim muassasalarining zootexnika sohasida ta'lim olayotgan talabalar o'zlarida ushbu kasbiy ko'nikmalarini shakllantirish va rivojlantirish imkoniyatiga ega bo'lishlari va tanlangan mutaxassisliklarini egalashlari uchun umumkasbiy fanlarini chuqur o'rganishlari, yetarli bilim va ko'nikmalarga ega bo'lishlarini ta'minlaydi. *Mikrobiologiya* fani tayanch biologik fan hisoblanadi. U "Hayvonlar fiziologiyasi", "Hayvonlarni oziqlantirish", "Zoogigiyena", "Veterinariya asoslari" va boshqa fanlar bilan o'zaro bog'liq.

Ushbu o'quv qo'llanma talabalarni mikrobiologiya fanidan olgan nazariy bilimlarini mustahkamlab, o'quv materialni mustaqil o'zlashtirish, mikrobiologik tekshirish uslublarini amalda o'rganishga imkon beradi. Laboratoriya tekshirish usullari, qishloq xo'jalik hayvonlari va parrandalarda uchraydigan yuqumli kasallikkarni va qo'zg'atuvchlarining xususiyatlarini aniqlash, ularni bir-biridan farqlash, oldini olish hamda qarshi kurashishda xo'jaliklarga katta amaliy yordam beradi. Bundantashqari oziqa bazasini mustahkamlash, yem-xashak, silos, senajlarning, sut va sut mahsulotlarini, go'sht va tuxumni to'g'ri saqlash, sifatini aniqlashga ko'maklashadilar.

Amaliy va laboratoriya mashg‘ulotlarini bajarish bo‘yicha o‘quv qo‘llanmada quyidagi maqsadlarni amalga oshirish ko‘zda tutilgan:

Talabalarda mikroorganizmlarning umumiyligi xususiyatlarini, tabiatda organizmda va xo‘jalik ishlab chiqarishining turli tarmoqlarida xilma-xil biologik jarayonlaridagi roli, atrof-muhit obyektlarini, yem-xashak, sut va sut mahsulotlari, go‘sht, tuxumni va h.k.larning sifatini tekshirish usullarini, infektion kasallik qo‘zg‘atuvchilari, ular chaqiradigan kasallikka diagnoz qo‘yish, oldini olish bo‘yicha maxsus zamonaviy samarador usullari, bunda qo‘llaniladigan biopreparatlar bo‘yicha yo‘nalish profiliga mos bilim, ko‘nikma va malakalarini shakllantirish va rivojlantirishdan iborat.

Amaliy va laboratoriya mashg‘ulotlari uchun uslubiy ko‘rsatma:

Talabalar ma’lum mavzuda amaliy mashg‘ulotlarni bajarishlari uchun avval o‘sha mavzu bo‘yicha nazariy bilim va yaxshi tushunchaga ega bo‘lishlari kerak. O‘qituvchi talabalarni patologik material bilan aniq, toza va ehtiyyotlik bilan ishlashga o‘rgatadi. Laboratoriyaning muhiti, xonaning ideal tozaligi talabalarda mas’uliyat hissini, o‘ziga talabchanlikni tarbiyalaydi, kuchaytiradi. Birinchi amaliy darsda talabalarni kafedra, laboratoriyaning ish tartibi va qoidalari bilan tanishtirish lozim: laboratoriya xalatda kirib o‘zining ish joyini egallab; ish stolida barcha kerakli buyumlar bormi, mikroskop ish holatidami tekshiradilar va kamchiliklarni darhol o‘qituvchiga aytadilar; amaliy darslarda nihoyatda tinchlik saqlanishi kerak, maqsadsiz bir joydan ikkinchisiga ko‘chish mumkin emas; ruxsatsiz laboratoriyanadan tashqariga birorta materialni – probirka, bo‘yoq, pipetka va h.k. chiqarish man etiladi; shaxsiy buyumlarni (kitob, sumka) maxsus ajratilgan joyda qoldirib, o‘zida daftar, rangli flomaster va ruchka qolishi kerak. Zararli materialni tekshirganda, tirik kulturalar bilan ishlaganda faqat kerakli asboblardan foydalilanildi (pinsetlar, bakteriologik ilmoq, shpatel va h.k.). Ishlatilgandan so‘ng bu asboblar alan-

gada cho'g' holiga keltirib, qaynatib yoki boshqa usullar bilan dezinfeksiya qilib zararsizlantiriladi. Bexosdan bakteriya kulturası to'kilsa, zararlı material bilan ifloslangan buyumlar darhol dezinfeksiyalanishi kerak.

O'qituvchi talabalar bilan savol-javoblar o'tkazib, mavzuga tushuncha beradi. Talabalarga aniq topshiriq va vazifalar berib, ularni bajarish uslublari bilan tanishtiradi. Ba'zan mavzuga bog'liq holda uslublarni o'qituvchining o'zi talabalarga bajarib ko'rsatadi. Talabalar ko'rib, kichik guruhlarga bo'linib mashg'ulotlarda berilgan vazifalarni mustaqil ravishda o'zlari bajaradilar. O'qituvchi vazifani bajarish jarayonini nazorat qilib, kerak bo'lganda yordam beradi, talaba xatoga yo'l qo'ysa, tezda uni tuzatib tushuncha beradi. Natijalarini o'qituvchi preparatni mikroskopda ko'rib nazorat qiladi, ish to'g'ri bajarilgan bo'lsa, uni daftarga yozib, chizib olishlariga ruxsat beradi. Talabalar jadval va rangli plakat, tarqatma kartochkalardan ham foydalanib, bajarayotgan ishlarini qiyoslay olishlari, sinchiklab kuzaishlari, bir vaqtida tartib bilan ketma-ketlikni saqlagan holda ishlashga o'rganishlari kerak. Laboratoriya da talabalarga ajratilgan stoldagi asbob-uskuna, anjom, eritma, kultura bo'yoqlar bilan tanishib, ularni ishlatishni o'zlashtiradilar. Darsdan keyin har bir talaba ish joylari ni tartibga keltirib, qo'llarini yaxshilab yuvib, dezinfeksiyalaydilar. O'qituvchi va talabalar shaxsiy gigiyena hamda texnika xavfsizligi qoidalariga rioya qilishlari shart.

Dars oxirida o'qituvchi talabalar bajargan ishni baholab, xato, kamchilik va yutuqlarini muhokama qiladi. Shu tarzda darsni mustahkamlab boradi. Xususiy mikrobiologiyani o'rganishda yuqumsiz kasallikdan o'lgan yoki so'yilgan hayvonlardan olingan material bilan ta'minlanadi. Material keltirilganda talabalar u qoidaga binoan olin-ganmi, to'g'ri hujjatlashtirilganmi baholab, keyingina tekshirishga tushadilar. Albatta bir-ikkita darslarni to'liq bakteriologik tekshirish, barcha laboratoriya hujjatlarini rasmiylashtirish bilan o'tkazilsa, yanada yaxshi bo'ladi.

I -MODUL.
MIKROBIOLOGIYA
FANINING UMUMIY QISMI

1-mavzu. Mikrobiologiya laboratoriyasini tashkil etish va uning tuzilishi, jihozlanishi, maqsadi. Biologik mikroskop, uning tuzilishi va ishlash qoidalari

Mashg‘ulotning maqsadi: Talabalarni mikrobiologiya laboratoriysi, uning asosiy jihozlari va unda ishlash qoidalari bilan tanishirish. Mikroskopning tuzilishi va u bilan ishlash qoidalalarini o‘rganish.

Material va jihozlar: Har xil modeldag‘i biologik mikroskop; immersion moy, bo‘yalgan tayyor har xil mikrob preparatlari to‘plami, plakatlar, videoproektor, kompyuter.

Uslubiy ko‘rsatmalar

O‘qituvchi talabalarga bakteriologik laboratoriyyada o‘zini tutish va ishlash tartibini, texnika xavfsizligi va shaxsiy profilaktika qoidalariiga amal qilish kerakligini tushuntiradi, talaba:

1.Biologik mikroskopning tuzilishi bilan tanishib, rasmini daftarga chizadi va asosiy qismlarining nomini yozadi.

2.Preparatni mikroskopda ko‘rish usullarini o‘rganib, mustaqil ravishda immersion obyektivda bo‘yalgan tayyor biologik preparatlarni ko‘radi.

Hayvonlar kasalliklari tashxisi va oziq-ovqat mahsulotlari xavfsizligi davlat markazi bu – davlat muassasasi hisoblanib, davlat veterinariya xizmati tizimiga kiradi, uning faoliyati chorvachilikni rivojlantirishga, hayvonlar infektion kasalliklarining oldini olish va ularni yo‘q qilishni ta’minlashga, shuningdek, xalqni hayvonlar va odamlar uchun umumiy bo‘lgan kasalliklardan himoya qilishga qaratilgan. Ish mashtabi bo‘yicha tashxis markazi tizimi quyidagicha:

tuman (shahar), tumanlararo, (zonal), viloyat va respublika tashxis markazlari.

Tashxis markazi O'zbekiston Respublikasi Davlat veterinariya qo'mitasiga va Respublika hayvonlar kasalliklari tashxisi va oziq-ovqat mahsulotlari xavfsizligi davlat markaziga bo'ysunadi va hisob beradi.

Tashxis markazining asosiy vazifasi – qishloq xo'jalik hayvonlari, parrandalar, mo'ynali hayvonlar, baliq, asalari va h.k. lar kasalliklariga diagnoz qo'yish, go'sht, sut va boshqa hayvon hamda o'simliklardan olinadigan oziq-ovqat mahsulotlari, oziqlarni ekspertiza qilishdan iborat. Laboratoriyalarda, shuningdek, ilmiy ishlar bajariladi.

Tashxis markazida bakteriologiya, parazitologiya va mikologiya; serologiya va biokimyo; virusologiya; toksikologiya; IFA va PZR; oziq-ovqat mahsulotlari xavfsizligi, mikrobiologiya va veterinariya-sanitariya ekspertizasi; radiologiya; asalari, baliq va quyon kasalliklari laboratoriyalari, ozuqaviy muhitlar tayyorlash bo'limi bo'ladi. Bundan tashqari, alohida sterilizatsiya, yuvish, termostat, avtoklav, jasadni yorish, aseptik sharoit yaratilgan maxsus boks, laboratoriya hayvonlari (oq sichqon, dengiz cho'chqalari, oq kalamush, quyon, donor qo'yilar va h.k.) uchun vivariya va alohida biosinov xonasini bo'lishi kerak. Bundan tashqari ma'muriyat va mutaxassislar uchun xonalar ajratilgan bo'lishi kerak. Laboratoriya ishchi xonalarini yorug', keng, baland bo'lib, poli linoleum yoki kafellangan, devoriga plastika yoki kafel urilgan, stol 80 sm balandlikda usti plastika, linoleum, oyna bilan qoplangan yoki maxsus oq bo'yoq bilan bo'yagan hamda barcha kerakli jihoz, asbob-uskunalar, reaktiv va h.k.lar bilan ta'minlangan bo'lishi kerak. Issiq, sovuq suv, kanalizatsiya, sovun, sochiq va dezinfeksiyalovchi eritmalar bo'lishi zarur.

Mikrobiologiya laboratoriyasining jihozlari. Laboratoriya ishlash uchun quyidagi asbob, apparatlar kerak: biologik mikroskop qo'shimcha moslamalari bilan (yoritgich, fazli – kontrastli qurilma, qorong'i maydonli kondensor va h.k.), lyuminessentli mikroskop-

lar, termostatlar, sterilizatsiya uchun apparatura (quritgich shkaf, avtoklav, Kox apparati), pH – metr, distillangan suv olish uchun apparat (distillator), sentrifugalar, texnik va analitik tarozilar, filtrlash uchun apparatura (Zeyts filtri va h.k.), suv haminomi, mikroanaerostat, sovutgichlar, paxta – dokali tiqinlar tayyorlash uchun apparat, asboblar to`plami (bakterial ilmoq, shpatel, igna, pinset va h.k.lar), laboratoriya idishlari (probirka, kolba, Petri kosachalari, matraslar, flakonlar, ampulalar, paster va o`lchamli pipetkalar) va boshqalar.

Laboratoriyada preparatlarni bo`yash uchun maxsus joy ajratilgan bo`lib, unda bakterial bo`yoqlar, spirt, kislotalar eritmalar, filtr qog`ozi va boshqalar joylashtiriladi. Har bir ish joyi gazli gorelka yoki spirt lampasi, dezinfeksiyalovchi eritmalar bor bankalar bilan ta`minlanishi zarur. Kundalik ish uchun laboratoriya zarur oziq muhitlar, kimyoviy reaktivlar, diagnostik preparatlar va boshqa laboratoriya materiallari bo`lishi kerak.¹

Mikrobiologiya laboratoriyasida ishlash qoidalari. Laboratoriya steril (nihoyatda toza) muhit yaratish va tozalikka hamda tartibga qat`iy rivoja qilish zarur. Xususan mikrobiologiya laboratoriyasida ish boshlashdan oldin talabalarni u yerdagi tartib-qoida bilan bat afsil tanishtirish kerak.

1. Laboratoriya oq xalat va qalpoq kiyib ishlash kerak. Xalatsiz kirish qat`iy man etiladi. Xalatda laboratoriya hududidan tashqariga chiqish mumkin emas.

2. Laboratoriya har qaysi ish joyi talabga javob beradigan bo`lishi kerak. Daftar, ruchka, qalamdan boshqa narsa laboratoriya kiritilmaydi.

3. Laboratoriya chekish va ovqat yeish, ichish taqiqlanadi.

4. Ish boshlashdan avval hamma narsa (asboblar, idishlar, gaz, (spirtli) lampa) shu jumladan, mikroskop tayyorligiga ishonch hosil qilish zarur. Kamchilik, nosozliklar bo`lsa o`qituvchiga aytish kerak.

¹Кисленко В.Н. Практикум по ветеринарной микробиологии и иммунологии.
– М.: КолосС, 2005. с.4-9.

5. Gaz gorelkasi yoki spirt lampasini faqat gugurt bilan yoqish kerak.
6. Elektr tarmoqlari simlariga metall yoki boshqa buyumlar bilan tegish mumkin emas.

7. Talabalar o‘qituvchi ruxsatisiz elektr asbob va apparaturalarni ishlatishi mumkin emas.

9. Ish tugagandan keyin har qaysi talaba o‘z ish joyini yig‘ish-tirishi, keyin xalatini va qalpog‘ini yechib, qo‘lini yaxshilab yuvib, quritib, so‘ngra laboratoriyanadan chiqib ketishi kerak.

10. Mikroorganizmlar kulturasini saqlash, kuzatish va ularni yo‘qotish maxsus ko‘rsatmaga muvofiq amalga oshiriladi.

Mikrobiologik tekshirish usullariga quyidagilar kiradi: 1) mikroskopiya, 2) kasallik qo‘zg‘atuvchisining sof kulturasini ajratish hamda uning kultural va biokimyoviy xususiyatlarini o‘rganish, 3) mikroblarning patogenligini aniqlash (laboratoriya hayvonlarida biosinov qo‘yish), 4) serologik diagnostika.

Mikroskopik tekshirishda mikroorganizmlarning morfologiyasi, tinktorial xususiyatlari (har xil bo‘yoqlar va bo‘yash usullariga munosabati), kapsula, sporalari bor-yo‘qligi, harakati aniqlanadi. Bu maqsadda mikroskoplar ishlatiladi. Laboratoriya da bir necha xil mikroskoplardan (biologik, lyuminessent, elektron, proton) foydalilanildi va mikroskopiyaning maxsus usullari (fazokontrast, qorong‘i maydonli) qo‘llanadi (1 – 6-rasm).


Biologik mikroskop. Mikrobiologiya amaliyotida mikroskopning MBR-1, MBI-1, MBI-2, MBI-3, MBI-6, «Biolam» va hokazo turlaridan ko‘p foydalilanildi.

Ular obyektni 2000 va undan ko‘p martagacha kattalashtiradi. Mikroskopning: 1-asosi; 2-mikrovinti; 3-buyum stolchasi; 4-tubus tutqichi; 5-makrometrik vinti; 6-boshchasi; 7-revolver; 8-ko‘rish o‘rnatmasi uchun moslama; 9-ko‘zgu; 10-kondensor; 11-obyektiv; 12- okulari bo‘ladi (7-rasm).

Mikroskop ikki qismidan – mehanik va optik qismlardan iborat. *Mehanik qismiga* mikroskop asosi, tubus va tubusini tutib tu-

ruvchi qismi, buyum stolchasi, makrovint va mikrovint vint kira-di. Tubusni tutib turuvchi qismi makrometrik va mikrometrik vint yordamida ko'tariladi va pastga tushiriladi. Buyum stolchasi ikkita vint yordamida gorizontal tekislikda harakatlantiriladi.


Mikroskop turlari



1-rasm. Biologik mikroskop «Biolam».



2-rasm. Binokular o'rnatma AU-12.



3-rasm. MBI-1 mikroskopi va yoritgich OI-7.



4-rasm. ML-2 lyuminessent mikroskopi.



5-rasm. I-2 tipli «Lyumam» lyuminessent mikroskopi.




6-rasm. Elektron mikroskop.

Mikroskopning *optik qismi* oyna, kondensor, obyektivlar va okulardan iborat. Mikroskopning *oynasi* unga tushayotgan yorug'likni aks ettiradi va uni preparatni yoritish uchun kondensorga yo'naltiradi. Oynasi harakatlanadigan qilib o'rnatilgan, bir tomoni yassi, undan istalgan yorug'lik manbasi va istalgan kattalashtirishda foydalaniladi. Ikkinchi botiq tomoni kichik kattalashtirishlarda kondensorsiz ishlashga mo'ljallangan.

Kondensor oynadan kelayotgan yorug'lik nurlarini to'plab, preparatning sathiga yo'naltiradigan linzalardan iborat. Kondensor

tagida diafragma bo'lib, u yorug'lik kuchini boshqaradi. Ko'rish maydoni yorug'ligini kamaytirish uchun kondensor pastga tushiriladi, ko'paytirish uchun esa ko'tarish kerak.




7-rasm. «Biolam» biologik mikroskopining tuzilishi:

1-asosi; 2-mikrovint; 3-buyum stolchasi; 4-tubus tutgich;
5-makrovint; 6-boshchasi; 7-revolver; 8-ko'rish o'rnatmasi uchun
moslama; 9-ko'zgu; 10-kondensor; 11-obyektiv; 12-okulyar;

Obyektiv – mikroskopning eng muhim qismi. U obyektni haqiqiy kattalashtiruvchi va teskari tasvirni tuzuvchi linzalar tizimidan iborat. Tashqi, asosiy yoki frontal linza preparatga yo'naltirilgan. Bundan tashqari, yuqorisida yana bir nechta (3-4 tadan 10-12 tagacha) korreksion linzalari bor. Ular tasvirni tiniqligini ta'minlaydi. Frontal linzaning kattalashtirishi qancha ko'p bo'lsa, korreksion linzalar shuncha ko'p talab qilinadi.

Quruq va immersion (suvli, yog'li) obyektivlar bo'ladi. Quruq obyektivni ishlatganda obyektiv frontal linzasi bilan preparat orasida

havo qatlami bo‘ladi. Preparat oynasidan o‘tayotgan yorug‘lik nurlari havo qatlamiga tushadi, sinib qaytadi va obyektivga to‘liq tushmaydi. Bunday obyektlarning frontal linzalari 10, 20, 40 marta kattalashdirib ko‘rsatadi. Immersion obyektlarning frontal linzalari 80, 90, 100 marta kattalashdirib ko‘rsatadi.



8-rasm. Mikroskopning optik sxemasi:


a-obyekt; b-obyektiv linzasi; d-obyektning teskari ko‘rinishi;

*c-okularning yuqoridaqgi linzasi; g-obyektning
ko‘rinadigan tasviri.*

Ularning fokus masofasi va diametri kichik bo‘ladi. Kerakli yorug‘likni hosil qilish uchun yorug‘lik nurlarini tarqalishini oldini olish lozim, ya’ni preparatga immersiya yog‘i tomiziladi, uning yorug‘likni sindirish ko‘rsatkichi (1,515) preparat oynasining yorug‘likni sindirish ko‘rsatkichiga yaqin (1.52) bo‘lgani uchun yorug‘lik nurlari tarqalmaydi (9-rasm).

Okulyar tubusning yuqori qismiga qo‘yiladi, ular 7x, 10x, 15x marta kattalashdiradi va yuqorida optik, pastda to‘plovchi linzalari bo‘ladi. Okular faqat obyektiv bergan tasvirni kattalashdiradi. Monokulyar (bitta okularlik) va binokulyar mikroskoplar bor (1,2-rasm). Mikroskopda tasvir quyidagicha paydo bo‘ladi (8-rasm). Kondensor yordamida to‘plangan yorug‘lik nurlari obyektiga tushadi unda aksini topadi, obyektiv linzasida sinib obyektning haqiqiy kattalashgan teskari tasvirini paydo qiladi. Keyin okular-

ing yuqoridagi linzasi qo'shimcha kattalashtirgach obyektning mavhum tasviri hosil bo'lib, u kuzatuvchi ko'ziga kondensor va ko'zgu orasidagi tekislikda joylashgan haqiqiy tasvir bo'lib ko'ri-nadi.




9-rasm. Optik mikroskopning obyektivi:

f – frontal linza; d – buyum oynachasi; $n = 1$ – havoning; $n = 1.33$ – suvning; $n = 1.515$ – immersion moyning sindirish ko'rsatkichlari.

Mikroskopning umumiyligi kattalashtirishi obyektivdagi yozilgan songa okulardagi yozilgan sonni ko'paytirish yo'li bilan aniqlanadi. Masalan, immersion obyektivi 90x va okular 10x bo'lган mikroskopning kattalashtirishi: $90 \times 10 = 900$ marta bo'ladi. Kundalik amaliyotda, odatda, obyekt 630-900 marta kattalashtirib kuzatiladi.

Bakteriyalarning o'lchamlarini tavsiflashda odatda hujayraning uzunligi va eni mikrometrarda (10^{-3}) ko'rsatiladi. O'lchov asbobi sifatida okular va obyekt-mikrometrlar ishlatiladi (9-rasm). Okular – mikrometr – 5 mmli chiziq – shkalasi 10 yoki 20 kesimdan iborat shisha plastinka (okulyarga o'rnatiladi). Obyekt-mikrometr – uzunligi 0,5 yoki 1,0 mm bo'lган, yuz qismiga ajratilgan chiziqli buyum oynachasi. Obyekt-mikrometr buyum oynachasiga joylashtiriladi, okular-mikrometrli okularga qarab okular va obyekt-mikrometrlar ni boshlang'ich chiziqlarini birlashtirib joylashtiriladi. Keyin okular-mikrometrning bo'linish bahosi okular va obyektivdagi berilgan ko'rsatkichlar bilan aniqlanadi.

Okular mikrometr va obyekt mikrometr shkalasi



10-rasm. Obyekt-mikrometr va okular-mikrometr shkalasini taqqlaslash.²

Misol. Obyekt-mikrometr shkalasi 1 mm ni tashkil etib, uning bir bo‘lingan qismi 10^{-2} mm, ya’ni 10 mkm ga teng. Shkalalarni birlashtirib taqqoslaganda obyekt-mikrometrni uch bo‘lingan qismi (ya’ni 30 mkm) okular-mikrometrning 14 bo‘lingan qismiga mos keladi, demak okular-mikrometrning bir bo‘lingan qismi $30:14=2,14$ mkm ni tashkil etadi. Okular-mikrometrning bir bo‘lingan qismi bahosi aniqlangandan keyin, obyekt-mikrometr o‘rniga tekshirilayotgan obyekti bor preparat joylashtiriladi. Masalan, tayoqchasimon mikrob uzunligi okular-mikrometrning – 3, eni – 0,5 bo‘lingan qismiga mos keladi. Agar okular-mikrometrning bir bo‘lingan qismi 2 mkm bo‘lsa, unda bakteriya hujayrasining uzunligi $3 \times 2 = 6$ mkm, eni – $0,5 \times 2 = 1$ mkm bo‘ladi.

Mikroskop bilan ishlash qoidalari. Mikroskop bilan ishlashga kirishganda kondensorning holati tekshiriladi: u buyum stolchasi

²Tracy H Vemulapalli. G Kenitra Hammac. Microbiology for veterinary Technicians. Textbook copyright Printed in the United States of America 2015 y. p.10.

sathigacha ko'tarilgan, diafragma ochiq bo'lishi kerak. Mikroskop tubusini ko'tarib 8 yoki 10 chi obyektivlar o'rnatiladi. Okularga qarab, ko'zgu yordamida ko'rish maydoni to'liq yoritiladi.

Bo'yalmagan preparatlarni mikroskopda ko'rib diafragmaning tirkishi torayib yoki kondesorni tushirib, preparat yuzasiga yaqinlashtirish yo'li bilan ko'rish maydoni qorong'ilashtiriladi.

Preparatlarni immersion obyektivda ko'rishda tayyor bo'yalgan surtmaga bir tomchi immersion moy tomizib, preparat buyum stolchasiga qo'yiladi, so'ngra revolverni burab, immersion obyektivni (90x) o'rnatib, makrovint yordamida ehtiyyotlik bilan pastga tushirib, frontal linzasini moy tomchisiga tegizish kerak. Shundan keyin okularga qarab preparat ko'ringunicha tubusni ko'tarish kerak. Ko'zni mikroskopdan olmay mikrovint vint yordamida tasvir tiniqlashtiriladi.

Ish tugagandan keyin makrovint bilan tubusni sekin ko'tarib, revolver neytral holatga keltiriladi, linzadagi moyni yumshoq mato bo'lakchasi bilan tozalab mikroskop g'ilofiga solib qo'yiladi.

Nazorat savollari:

1. Mikrobiologiya laboratoriyasini tashkil etish va u yerda ishslash tartibi qanday?
2. Mikrobiologik tekshirish usullariga qaysi usullar kiradi?
3. Mikrobiologiya laboratoriyasining qanday jihozlarini bilasiz?
4. Mikroskoplarning vazifasi va mikrobiologiya amaliyotida ulardan foydalanish.
5. Biologik mikroskopning tuzilishi.
6. Biologik mikroskop bilan ishslash qoidalalarini ayting?
7. Preparat mikroskopda qanday kuzatiladi?
8. Bo'yalgan va bo'yalmagan preparatlarni mikroskopda ko'rish usuli.

Test savollari:

1. Hayvonlar kasalliklari tashxisi va oziq-ovqat mahsulotlari xavfsizligi markazi qanday muassasa?

- a) davlat veterinariya xizmat muassasasi
- b) xususiy veterinariya xizmati muassasasi
- c) xususiy ishlab chiqarish muassasasi
- d) veterinariyada qo'llaniladigan biopreparatlarni ishlab chiqarish muassasasi.

2. Ish mashtabi bo'yicha tashxis markazi tizimi qaysi bandda to'g'ri ko'rsatilgan?

- a) respublika, zonal, viloyat va tuman tashxis markazi
- b) tuman, zonal, viloyat va respublika tashxis markazi
- c) zonal, tuman, respublika, viloyat tashxis markazi
- d) viloyat, respublika, zonal va tuman tashxis markazi.

3. Mikroskopning optik qismiga nimalar kiradi?


- a) obyektiv, oyna, buyum stolchasi, revolver
- b) kondensor, makro va mikrovintlar, tubus
- c) oyna, kondensor, obyektiv, okular
- d) okular, tubus tutqichi, tubus, obyektiv.

4. Mikroskopning umumiyligi kattalashtirishi qanday aniqlanadi?

- a) obyektiv, okular va oynachalar oraliq'i masofasini hisoblab
- b) obyektivning ko'rsatkichi bo'yicha
- c) okularning revolvergacha bo'lgan masofasi hisoblanadi
- d) obyektiv va okular ko'rsatkichlarini ko'paytirib.

5. Bo'yalgan preparatlar mikroskopning qaysi obyektivida ko'rildi?

- a) immersion obyektivda
- b) quruq obyektivda
- c) immersion va quruq obyektivda
- d) x8, x20, x40 obyektivlarda.



2-MAVZU.
BAKTERIOLOGIK BO‘YOQLAR. PREPARAT
TAYYORLASH TEXNIKASI, ODDIY BO‘YASH USULI.
BAKTERIYALARING ASOSIY SHAKLLARI

Mashg‘ulotning maqsadi: Bakteriologik bo‘yoqlar bilan tani-shish va ularning eritmasini tayyorlash usullarini o‘rganish. Bak-teriyali preparat tayyorlashni, oddiy bo‘yash usulini o‘rganish. Bakteriyaning asosiy shakllarini o‘rganish.

Material va jihozlar: Shishalarda quruq bo‘yoqlar: asosli va kislotali fuksin, gensianviolet, metilen ko‘ki, safranin, brilliant yashili, bo‘yoqlarning tayyor eritmasi to‘plami, immersion moy, distillangan suv, biologik mikroskop, bakteriologik ilmoq, spirt lampasi, buyum oynalari va filtr qog‘oz, kyuvetalar, Petri kosachasi, pipetkasi va probirkalarda turli shakldagi bakteriyalarning sof kulturalari. Etil spirti, fenol (kristall holda), glitserin (probirkada), forfor hovoncha to‘qmoq bilan, menzurka, etil spirti, ishlatilgan buyum oynachalarini solish uchun maxsus idishda 3-5 % li fenol eritmasi, ishlatilgan pipetkalar uchun maxsus idishda 3-5% li fenol eritmasi, moy qalam. Mavzuga oid ko‘rgazmali plakatlar, videoproyektor, kompyuter.

Uslubiy ko‘rsatmalar

O‘qituvchi mavzuni tushuntiradi, talabalar:

1. Mikrobiologiya amaliyotida ko‘p ishlatiladigan bo‘yoqlar bilan tanishadilar.
2. Mikrob kulturasidan bakteriyali preparat tayyorlab, oddiy usul-da bo‘yashadi.
3. Tayyor preparatni mikroskopda ko‘rib, bakteriyalarning shakli-ni daftarga chizib olishadi.

Bakteriologik bo‘yoqlar. Mikroblar tirik yoki o‘lgan holati-da mikroskopda ko‘riladi. Mikroorganizmlarning morfologiyasi va

tinktorial xususiyatlarini o'rganish uchun maxsus bo'yalgan preparatlar tayyorlanadi. Buning uchun har xil anilin bo'yoqlardan foydalaniadi.

Mikrobiologiya amaliyotida quyidagi anilin bo'yoqlar ko'p ishlatalidi: asosli – fuksin, metil qizili, neytral qizili – eritmada qizil rangda bo'ladi; karbolli kristallviolet, metilviolet, gensianviolet, tayyor suyuq Gimza (azur – eozin) bo'yog'i – binafsharangda; metilen ko'ki, brilliant va malaxit yashili. Quruq kukunsimon yoki kristall holdagi anilin bo'yoqlardan ularning spirtli yoki suvdagi eritmalari tayyorlanadi. Bo'yoqning spirtli eritmalari qorong'ida uzoq vaqt yaxshi saqlanadi. Eritmalarning bo'yash xossasini oshirish uchun ularga har xil kimyoviy moddalar (fenol, o'yuvchi kaliy) qo'shiladi yoki bo'yashdan oldin preparatlarga ular (xlorid, sulfat yoki xrom kislotalarining kuchsiz eritmalari) bilan ishlov beriladi. Shuningdek, bu maqsadda bo'yoq quyilgan preparat qizdiriladi, preparatga qizdirilgan, issiq bo'yoq eritmasi quyiladi. Tez buziladigan, uzoq saqlanmaydigan bo'yoq eritmalari faqat ishlatishdan oldin 1 – 2 %li eritmalar ko'rinishida tayyorlanadi.

Spirtli suvli eritmalar. *Karbolli fuksin (Sil fuksini).* Avval to'yingan spirtli eritma tayyorlanadi: 100 ml 96° spirtga 5 – 10 g asosli fuksin olinadi. Spirtli eritmalar yaxshi to'ynishi uchun bo'yoqlar batamom erib ketguncha termostatda saqlanadi (vaqt – vaqt bilan silkitib turiladi). Bir sutkadan keyin eritma tayyor bo'ladi. Uni shisha idishlarda tiqini zich berkitilgan holda saqlash kerak. Shisha idish tagida ozgina bo'yoq cho'kmasi bo'lishi eritmaning to'yinganlik ko'rsatkichi hisoblanadi. Toza spirtli eritma bo'yash uchun yaroqsiz bo'ladi, shuning uchun uning spirtli suvli eritmalarini tayyorlanadi: 10 – 20 ml fuksinning to'yingan spirtli eritmasiga 100 ml tarkibida 5% fenoli bor distillangan suv qo'shiladi. Karbolli fuksinning tayyor suv – spirtli eritmasi qog'oz filtr orqali filtrlanadi. Chunki eritmada cho'kma bo'lmasa, surtma bir tekis yaxshi bo'yaladi. Sil fuksini qator hollarda ishlatishdan oldin yana bir marta distillangan suv bilan

(1:10) suyultiriladi va uning ishchi eritmasi (Pfeyffer fuksini) hosil bo‘ladi.

Ishchi eritmalar uchi rezinali pipetka o‘rnatilgan va bo‘yoqning nomini yozib yopishtirib qo‘yilgan shisha idishlariga quyib foydalilaniladi.

Karbolly kristallviolet, metilviolet, gensianviolet. Kristallviolet, metilviolet bo‘yog‘i eritmalar tez cho‘kmaga tushadi va preparatni mikroskopda ko‘rganda ular xalaqit beradi. Ko‘pincha gensianviolet bo‘yog‘i ishlatiladi, unda preparat bir tekis bo‘yaladi. Uning spirtli suvli eritmasini tayyorlash uchun 1 g quruq gensianviolet farfor havonchada 10 ml spirt, bir necha tomchi glitserin va 2% fenol (kristall holda) bilan yaxshi ezib aralashtiriladi va 100 ml distillangan suv qo‘shiladi. Eritmani saqlaganda cho‘kma paydo bo‘lishining oldini olish uchun filtr qog‘oz varaqlariga bo‘yoqning to‘yingan spirtli eritmasi shimdirliladi, havoda quritib, kichik o‘lchamlarda qirqiladi, qorong‘i idishda saqlanadi.

Bo‘yashda preparatga qirqilgan gensianviolet bo‘yog‘i shimdiriigan quruq filtr qog‘oz bo‘lagini qo‘yib ustidan bir necha tomchi distillangan suv tomdiriladi, 2 – 3 daqiqa turadi.

Metilen ko‘ki eritmasi (ishqorli Leffler ko‘ki). Eritmani tayyorlash uchun 3 g bo‘yoq 100 ml 96° spirtda uzoq vaqt (3 – 4 oy) eritiladi, so‘ngra 30 ml to‘yingan eritma 100 ml (tarkibida 1ml 1% li o‘yuvchi kaliy bo‘lgan) distillangan suvda suyultiriladi. Filtrlanadi.

Suvli eritmalar. *2%li safranin:* 2 g quruq bo‘yoqqa 100 ml qaynoq distillangan suv quyib, filtrlanadi va shu zahoti bo‘yash uchun ishlatiladi.

1%li malaxit yashili eritmasi: 1 g kristall holidagi bo‘yoq 100 ml qaynoq distillangan suvda eritiladi, uni filtrlab, sovutib bo‘yash uchun ishlatiladi.

Tayyor suyuq azur – eozin bo‘yog‘i (Gimza bo‘yog‘i) bakteriyali preparatlarni maxsus bo‘yash usullarida ishlatiladi. Uni ishlatishdan oldin distillangan suv bilan suyultirish kerak (1:10), lekin bunda tezda

cho'kma hosil bo'ladi. Cho'kma preparatga ta'sir qilmasligi uchun, Romanovskiyning tavsiyasiga ko'ra quyidagicha bo'yaladi: Petri kosachasi tubiga shisha tayoqchalar yoki boshchasi olingen gugurt cho'plari qo'yiladi. Ularning ustiga preparat surtmasini pastga qaratib joylashtiriladi va bo'yoq eritmasi preparat ostiga quyiladi (Romanovskiy – Gimza usuli).

Bakteriyali preparatlarni tayyorlash. Mikroblarning shaklini, ularning tuzilishi va biokimyoviy xususiyatlarini aniqlash maqsadida mikroskopik tekshirish uchun preparat buyum oynasida tayyorlanadi.

Bu jarayon buyum oynalarida surtma tayyorlash, quritish, fiksatsiya qilish va bo'yashdan iborat.

Ishlatiladigan buyum oynalari nihoyatda toza va yog'sizlantirilgan bo'lishi kerak. Surtma tayyorlash uchun bakteriologik ilmoq (12-rasm) yoki Paster pipetkasi ishlatiladi. Preparat suyuq yoki zich muhitda o'stirilgan mikroblar kulturasidagi; sut, qon, yiring (surtma), jigar, taloq yoki boshqa organlar to'qimasi (tamg'ali, klyach – preparat) va h.k.lardan quyidagicha tayyorlanadi:

Suyuq muhitda o'stirilgan mikroblar kulturasidan preparat tayyorlash uchun chap qo'lga kulturali probirkani olib, o'ngiga bakterial ilmoq ushlanadi (ruchkani ushlagandek). Ilmoqni spirit lampasi alangasi ustida qizdirib sterillanadi, kichik o'ng barmoq bilan alangaga yaqin tutib probirka ochiladi, ilmoqni suyuqlikka botirib, bir tomchi olinadi, probirkani yopib, shtativga qo'yiladi. Chap qo'lga buyum oynasini olib unga tomiziladi, yengil aylana harakatlar bilan oynachaga surtiladi, so'ng havoda quritiladi (12-rasm), ilmoq alangada qizdirib sterillanadi (yoki Paster pipetkadan foydalanilsa, dezinfiksiyalovchi eritma – fenolning 5% li eritmasi solingan idishga botirib qo'yiladi).

Quritilgan preparat oynachada qotiriladi (fiksatsiyalanadi). Buning uchun ko'pincha fizikaviy usul ishlatiladi: ya'ni surtma orqa tomonidan spirit lampa alangasi ustidan 3-4 marta o'tkaziladi. Fiksatsiyalovchi kimyoviy vositalardan – efir, etil yoki metil spir-

ti, formalin, formalin-spirit va spirit-efir aralashmalari qo'llaniladi. Fiksatsiya uchun quritilgan preparat fiksatsiyalovchi suyuqligi bor stakanga solinadi (yoki 1 – 2 tomchi suyuqlik preparatga tomdiriladi) va 3 – 5 daqiqa turadi. Surtmani suv bilan yuvib, filtr qog'ozda quritiladi.

Zich muhitda o'sgan kulturalardan surtma tayyorlashda buyum oynasiga bir tomchi steril fiziologik eritma tomiziladi, unga alangada qizdirib sterillangan va sovutilgan bakteriologik ilmoqda probirkadan olingan mikrob kulturasi aralashtiriladi va oyna yuzasiga bir tekis surtiladi.

Mikroorganizmlarni bo'yash uchun oddiy va murakkab usullar dan foydalananiladi.

Oddiy bo'yash usuli va texnikasi. Oddiy bo'yash usulida bitta bo'yovchi eritma, ko'pincha Pfeyffer fuksini (1-2 daqiqa bo'yaladi) yoki metilen ko'ki (4-5 daqiqa bo'yaladi), karbolli gensianviolet (1-2 daqiqa bo'yaladi) ishlatiladi. Suv bilan yuvib, preparat filtr qog'ozda quritiladi, unga immersiya moyi tomdirib mikroskopning 90x obyektivida tekshiriladi.

Bakteriyalarning asosiy shakllari. Bakteriyalar asosan uch xil shaklda: sharsimon (kokklar), tayoqchasimon, spiralsimon (burama) bo'ladi (11-rasm).

Kokklar bo'linganlaridan keyin bir-biriga nisbatan har xil joylashadi va bir necha guruhga bo'linadi: 1) mikrokokklar – bittadan tartibsiz; 2) diplokokklar – ikkitadan; 3) tetrakokklar – to'rtta-to'rtta bo'lib; 4) stafilokokklar – uzum shingiliga o'xshab; 5) streptokokklar – zanjirsimon; 6) sarsinalar – paket (kubik) shaklida joylashadi.³

Tayoqchasimon bakteriyalar va batsillalar. Bu shakldagi mikroblarning ba'zilari bakteriya, ba'zilari esa batsilla deyiladi. Spora hosil qiladigan tayoqchalar – batsilla va hosil qilmaydiganlari esa bakteriyadir. Tayoqchasimon bakteriyalarning joy-

³Воробьев А.А. Медицинская микробиология, вирусология и иммунология. – М.: 2008 г. С.33-34.

lashishiga qarab monobakteriya (monobatsilla), diplobakteriya (diplobatsilla) va streptobakteriya (streptobatsilla) shakllari ajratiladi. Demak, spora hosil qiluvchi tayoqchasimon bakteriyalar har xil ataladi. Agar spora uni hosil qilgan bakteriya diametridan katta bo'limasa, batsilla deb aytildi. Agar spora mikrobynning ko'ndalang yuzasidan katta bo'lsa, klostridiyalar deyiladi. Batsillalarning sporalari, asosan, mikrob hujayrasining markazida joylashadi. Spora klostridiyalar o'rtasida joylashsa markaziy spora, bir uchida bo'lsa – terminal spora, bir uchiga yaqin joylashsa – subterminal spora deyiladi.

Spiral shaklli bakteriyalar. Bularga vibrionlar (vergul shaklli, bir burmali), spirillalar (ikki-uch va beshtagacha burmali), spiroxetalar (juda ko'p mayda, uzun va ingichka burmali) kiradi.

Rikketsiya, xlamidiya va mikoplazmalarning morfologiysi. Rikketsiya va xlamidiyalar hujayra ichidagi obligat parazitlar bo'lib, kuchli polimorfizm bilan ifodalangan mayda grammansiy mikroorganizmlar: kokksimon, tayoqchasimon va ipsimon shakllarda bo'ladi. Pikketsiyalarning o'lchami 0,5 dan 3-4 mkm gacha, ipsimon shakllari 10-40 mkmga yetadi. Spora va kapsula hosil qilmaydi, Zdrodovskiy usulida qizil rangga bo'yaladi.

Xlamidiyalar sharsimon, oval yoki tayoqchasimon shakllarda bo'lib, o'lchamlari 0,1-2,5 mkm. Xlamidiyalarning morfologiysi ularning hujayra ichidagi rivojlanish sikliga bog'liq. U uncha katta bo'limgan sharsimon elementar hosilaning yirik binar bo'lingan initsial tanachalarga aylanishi bilan ifodalanadi. Bo'linishdan oldin xlamidiya qismchalari bakteriya kapsulasini eslatadigan o'ziga xos tuzilmaga o'raladi. Xlamidiyalar Romanovskiy – Gimza usulida bo'yaladi, grammansiy.

Mikoplazmalar bakteriyalardan hujayra devorining yo'qligi bilan farq qiladi: uning o'rniga ularda uch qavatli sitoplazmatik membrana bo'ladi. Ularning o'lchamlari 125-250 mkm. Sharsimon, oval yoki ipsimon shaklda, grammansiy.

Nazorat savollari:

1. Mikrobiologiya amaliyotida ishlatalidigan bo‘yoqlarni aytинг?
2. Bakteriyali preparatlarni tayyorlash jarayonini tushuntiring?
3. Mikroorganizmlarning oddiy bo‘yash usuli deb nimaga aytildi?
4. Bakteriyalarning asosiy shakllarini aytинг?
5. Bakteriyalar bilan batsillalar bir-biridan qanday farq qiladi?
6. Rikketsiyalarning morfologiyasini aytинг?
7. Xlamidiyalarning morfologiyasini aytинг?
8. Mikoplazmalarning morfologiyasini aytинг?

Test savollari:

- 1. Bakteriologik bo‘yoqlar qanday holatda bo‘ladi?**
a) suyuq, yarim suyuq, gel
b) quruq, kukunsimon, kristall
c) quyuq, spirtli eritma
d) suvli, spirtli eritma.
- 2. Bakteriologik bo‘yoqlardan qanday eritmalar tayyorlanadi?**
a) har xil foizli murakkab eritmalar
b) ishchi eritmalar, oddiy eritmalar
c) to‘yingan spirtli, spirt – suvli, suvli eritmalar.
d) bo‘yoqlar aralashmasidan iborat eritmalar.
- 3. Bakteriyali preparatlarni tayyorlash jarayoni qaysi bandda to‘g‘ri ko‘rsatilgan?**
a) fiksatsiya, bo‘yash, quritish, surtma tayyorlash
b) quritish, bo‘yash, fiksatsiya, surtma tayyorlash
c) bo‘yash, fiksatsiya, surtma tayyorlash, quritish
d) surtma tayyorlash, quritish, fiksatsiya, bo‘yash.
- 4. Oddiy bo‘yash usulida nechta bo‘yovchi eritma ishlataladi?**
a) bitta
b) ikkita
c) uchta
d) bir nechta.
- 5. Bakteriyalarning qanday asosiy shakllari bor?**
a) trapesiyasimon, rombsimon, amyobasimon
b) sharsimon, tayoqchasimon, buramasimon
c) kubsimon, spiralsimon, sharsimon
d) tayoqchasimon, yulduzsimon, ko‘p qirrali.

3-MAVZU. PREPARATLARNI GRAM USULIDA BO‘YASH

Mashg‘ulotning maqsadi: 1. Mikrobni bo‘yashning murakkab usuli bilan tanishish. 2. Gram usulida preparatni bo‘yashni o‘rganish.

Material va jihozlar: Biologik mikroskop, immersion moy, buyum oynasi, filtr qog‘oz, spirt lampasi, bakteriologik ilmoq, kyuveta ko‘prikchasi bilan distillangan suv, etil spiriti 96°, fiziologik eritma, bo‘yoqlar eritmasi (karbolli gensianviolet, sil fuksini), lyugol, probirka, bakteriya kulturasi: grammusbat (stafilokokk, streptokokklar), grammanfiy (ichak tayoqchalari), videoproyektor, kompyuter.

Uslubiy ko‘rsatmalar


O‘qituvchi darsni tushuntirib, talabalarga vazifa beradi: 1. Murakkab bo‘yashning Gram usulini daftarga yozib olish. 2. Mikroorganizmlar aralashmasidan surtma tayyorlab, Gram usulida bo‘yash. 3. Mikroskopda ko‘rib, rasmini chizib olish.

Surtmalarni bo‘yashda ikki va undan ko‘p bo‘yoqlar ishlataladigan usul **murakkab bo‘yash usuli** deyiladi. Murakkab bo‘yash usuli hujayraning turli tarkibiy qismlari va ba’zi organik birikmalarini bor-yo‘qligini bilihga, shu orqali har bir mikrob turining *tinktorial xususiyatlarini* aniqlashga imkon beradi.

Har xil mikroorganizmlarni protoplazmasining tarkibi bir xil bo‘limganligidan ular aynan bir xil bo‘yoq bilan turlicha bo‘yaladi. Bir qancha hollarda mikrob hujayrasining turli tarkibiy qismlariga bo‘yovchi eritmalar tanlab ta’sir etadi. Murakkab bo‘yash usuli xuddi ana shunga asoslangan. Bunday usullardan biri Gram usulidir. Bu usulni 1884-yilda Xristian Gram taklif qilgan. Gram usulida bo‘yashiga ko‘ra, bakteriyalarning hamma turi ikki guruh: grammusbat va grammanfiyga bo‘linadi. Grammusbat bakteriyalar sitoplazmasining pH 2 – 3, uning tashqi qavafiga ribonuklein kislotasining magniyli tuzi bor. Bunday kislotali muhitda asosli bo‘yoqlar yod bilan mustahkam

birikma hosil qiladi. Grammanfiylarining pH 4 – 5. ularda bunday birikma hosil bo‘lmaydi. Shu tufayli grammusbat bakteriyalar birinchi bo‘yoq bilan bo‘yagandan keyin spirt ta’sirida rangsizlanmaydi va binafsharangni saqlab qoladi (14,15,18-rasm). Grammanfiy bakteriyalar esa spirt ta’sirida rangsizlanadi va Sil fuksini bilan qo‘shimcha bo‘yaganda, qizil rangga kiradi (16 – 17-rasm).

Gensianviolet (yoki kristallyviolet) va sitoplazmadagi nuklein kislotalar yod (Lyugol eritmasi: kristall holdagi yod – 1g, kaliy yod – 2g, distillangan suv – 300 ml) ishtirokida suvdə erimaydigan hamda spirtda kam eriydigan barqaror birikma hosil qiladi. Shuning uchun 30 soniya spirt ta’sir ettirilganda hujayra devori qalin, ko‘p qavatli peptidoglikani bor (Grammusbat) bakteriyalar rangsizlanmaydi. Grammanfiy bakteriyalarda esa hujayra devori yupqa, peptidoglikani kam va qatlaming g‘ovaklari yirikroq bo‘lib, spirtning o’tishini onsonlashtiradi. Natijada hosil bo‘lgan birikma parchalanib bo‘yoqni tutib qololmaydi hamda spirt ta’sirida hujayra rangsizlanadi (19-rasm).




19-rasm. Grammusbat va grammanfiy bakteriyalar hujayra devorining tuzilishi⁴

⁴P.J.Quinn., B.K.Markey and others. Veterinary microbiology. This edition first published New Dehli, India 2016 y.p.2.

Gram usulida bo'yash

1. Alangaga tutib fiksatsiyalangan surtma filtr qog'oz orqali gensianviolet bo'yog'i bilan bo'yaladi – 2 daqiqa.
2. Filtr qog'ozni olib, bo'yoq to'kib tashlanadi va surtma ustiga Lyugol eritmasi quyiladi – 2 daqiqa.
3. Lyugol eritmasini to'kib, 96° spirit quyiladi (30 soniya).
4. Suvda yaxshilab yuviladi.
5. Sil fuksini bilan 2 daqiqa davomida qo'shimcha bo'yaladi (fuksinni ishlatishdan oldin distillangan suv bilan 1:10 nisbatda suyultirish kerak).
6. Suvdayuvib, filtr qog'ozgashimdirib quritiladi va mikroskopning 90x obyektivida tekshiriladi.

Suyuq gensianviolet (yoki kristallviolet) o'rniغا preparatga mos o'lchamda qirqilgan gensianviolet bo'yog'i shimdirligani quruq filtr qog'ozni ishlatish mumkin. Bunda preparatga qirqilgan bo'yoqli filtr qog'oz bo'lagini qo'yib ustidan bir nechta tomchi distillangan suv tomdiriladi. Bakteriologiya amaliyotida preparatlarni Gram usulida bo'yash juda keng qo'llaniladi. Ba'zi adabiyotlarda bu usulda ikkinchi bo'yoq sifatida Sil fuksini o'rniغا safranin ishlatishni lozim topishgan (20-rasm).⁵



20-rasm. Gram usulida bo'yash jarayonlarining ifodasi

⁵Tracy H Vemulpalli, G Kenitra Hammac. Microbiology for veterinary Technicians. Textbook copyright Printed in the United States of America 2015 y. p.202

Nazorat savollari:

1. Mikroorganizmlarni murakkab bo'yash usuli deb nimaga aytildi?
2. Mikroorganizmlarni Gram usulida bo'yashning mohiyati nimadan iborat?
3. Mikroorganizmlarning grammansiy yoki grammusbat bo'yalishining sababi nima?
4. Gram usulida bo'yash texnikasini aytинг.
5. Lyugol eritmasining tarkibini aytинг.
6. Grammusbat bakteriyalar hujayra devori qanday tuzilgan?
7. Grammanfiy bakteriyalar hujayra devori qanday tuzilgan?
8. Gram bo'yash usulini kim va qachon taklif etган?

Test savollari:

1. Murakkab bo'yash usulida nechta bo'yovchi eritma ishlataladi?
 - a) uchta
 - b) bitta
 - c) ikki va undan ortiq
 - d) beshta.
2. Gram usulida bo'yashda qaysi bo'yoqlar ishlataladi?
 - a) gimza bo'yog'i, kristallviolet
 - b) safranin, metilen ko'ki
 - c) brilliant yashili, leffler ko'ki
 - d) gensianviolet, sil fuksini (1:10).
3. Bakteriyalarning doimiy bo'Imagan elementlari.
 - a) spora, kapsula, xivchin
 - b) sitoplazma, vakuol, mitaxondriya
 - c) qobiq, o'zak, protoplazma
 - d) regid qatlam, membrana, sitoplazma.
4. Bakteriyalarning doimiy elementlari qaysilar?
 - a) spora, mitaxondriya, o'zak
 - b) qobiq, sitoplazma, o'zak
 - c) sitoplazma, xivchin, spora
 - d) membrana, spora, kapsula.
5. Lyugol eritmasining tarkibi.
 - a) kaliy yod, kalsiy xlorid, distillangan suv
 - b) 10 % li yod, glitserin, distillangan suv
 - c) 1g yod kristall, 2 g kaliy yod, 300 ml – distillangan suv
 - d) fenol, kaliy yod, glitserin, distillangan suv.

4-MAVZU.

SPORA, KAPSULA VA KISLOTAGA CHIDAMLI BAKTERIYALARING BO‘YASH USULLARI

Mashg‘ulotning maqsadi: Spora, kapsula va kislotaga chidamli bakteriyalarni bo‘yash usullarini o‘rganish hamda mohiyatini tushunish.

Material va jihozlar: Biologik mikroskop, immersion moy, buyum oynasi, filtr qog‘oz, spirt lampa, bakteriologik ilmoq, kyuveta ko‘prikcha bilan 96° li spirt, 5% li sulfat kislotasi eritmasi, distillangan suv, shisha idishlarda bo‘yoqlar: Leffler metilen ko‘ki, 0,5 % li neytralrot, karbolli Fuksin, Gimza bo‘yog‘i, 2 % li safranin (suvdagi eritmasi), fiziologik eritma, bakteriyalar kulturası: spora hosil qiladigan bakteriyalar (pichan tayoqchasi), kapsula hosil qiladigan bakteriyalar, kislotaga chidamli bakteriyalar. Plakatlar, videoproyektor, kompyuter.

Uslubiy ko‘rsatmalar


O‘qituvchi darsni tushuntirib, talabalarga vazifa beradi:

1. Sporalarni Auyski, Meller, Zlatogorov, Peshkov usullarida bo‘yash, kapsulalarni Mixin, Romanovskiy-Gimza, Olt usullarida, kislotaga chidamli bakteriyalarni Sil-Nilsen usulida bo‘yashni daftarga yozib olish.

2. Preparatlar tayyorlab spora, kapsulaga bo‘yashni o‘zingiz tamlagan bir usulda, kislotaga chidamli va chidamsiz bakteriyalarni Sil-Nilsen usulida bo‘yang. Mikroskopda ko‘rib, rasmini chizib oling.

Mikrob hujayrasining tuzilishida doimiy va doimiy bo‘lmagan elementlari farqlanadi (21-rasm). Doimiylariga – sitoplazma, qobiq, o‘zak moddasi; doimiy emaslariga esa ma’lum sharoitlarda faqat bakteriyalarning alohida turlarida shakllanib, turga oid belgi hisoblanadigan – spora, kapsula, xivchinlar kiradi.


Sporalarni bo'yash. Tashqi muhitda spora hosil qiluvchi tayoq-chasimon mikroblar batsillalar deyiladi. Spora hosil bo'lish jarayonida hujayra sitoplazmasi quyuqlashib, erkin suv 40% gacha kamayadi. Sitoplazma ko'p qavatli qobiqqa o'raladi (22-rasm). Uning tuzilishi, kimyoiy tarkibi tufayli spora qizdirish, quritish, ko'pchilik kislo-ta, ishqor va bo'yoqlar ta'siriga chidamli bo'ladi. Spora hosil qilish jarayoni tugagan bo'lsa spora erkin, vegetativ hujayra qoldiqlarisiz bo'ladi; jarayon tugallanmagan bo'lsa spora mikrob turiga bog'liq ravishda hujayraning markazida, bir uchida yoki bir uchiga ya-qin joylashadi. Oddiy yoki gram usulida bo'yalgan preparatlarda mikroskopda hujayraning bo'yalgan vegetativ qismi va bo'yalmagan yorug'likni yaxshi sindiruvchi sporalar ko'rindi. Demak, sporalar murakkab, maxsus usullarda bo'yaladi.



21-rasm. Bakteriyaning tuzilishi.⁶

⁶P.J.Quinn., B.K.Markey and others. Veterinary microbiology. This edition first published New Dehli, India 2016 y.p.2

Auyski usuli. 1.Havoda quritilgan preparatga 0,5% li sulfat kislota quyib 2-3 daqiqa qizdiriladi, sovutib, suv bilan yuviladi va alanga ustida fiksatsiyalanadi. 2. Preparatga filtr qog'oz qo'yib, ustidan karbolli Sil fuksini quyiladi. bug' hosil bo'lguncha qizdirib 7-8 daqiqa bo'yaladi. 3.Bo'yoqni to'kib tashlab 5 % sulfat kislota eritmasi bilan 5-7 soniya ishlov beriladi, keyin yaxshilab suv bilan yuviladi.



22-rasm. Bakteriyaning yetuk endosporasi tuzilishi⁷

4. Qo'shimcha metilen ko'ki bilan 4-5 daqiqa bo'yaladi. Suv bilan yuvib, filtr qog'ozda quritiladi.


Mikroskopda ko'rinishi: sporalar pushti-qizil, vegetativ hujayralar ko'k rangda.

⁷P.J.Quinn., B.K.Markey and others. Veterinary microbiology. This edition first published New Dehli, India 2016 y.p.3

Meller usuli. Alangada fiksatsiyalangan surtmaga 5% li xrom kislota quyib 2-3 daqiqa ta'sir ettiriladi, suv bilan yuvib, filtr qog'ozda quritiladi. Keyin Auyski usuli kabi davom ettiriladi. Bo'yash natijasi bir xil: sporalar pushti-qizil, vegetativ hujayralar ko'k rangda.

Zlatogorov usuli. Surtma tayyorlanib, havoda quritiladi. Fiksatsiyalashda sporalar qobig'ini biroz yumshatish va ularni nobud qilish uchun spirt lampa yoki gaz gorelkasi alangasi ustida 10 marta u yoqbu yoqqa o'tkaziladi. Surtma ustiga filtr qog'oz qo'yib, karbol fuksini quyiladi, so'ngra bug' hosil bo'lguncha 8-10 daqiqa qizdiriladi (natijada bakteriyalarning sporasi ham, vegetativ shakllari ham bir xil qizil rangga bo'yaladi).

Preparat tayyorlash texnikasi. Bakteriyalarning asosiy shakllari



I SHARSIMON

1. mikrokokklar
2. diplokokklar
3. tetrakokklar
4. stretokokklar
5. stafilokokklar
6. sarsinalar

II TAYOQCHASIMON


1. monobakteriyalar
2. diplobakteriyalar
3. streptobakteriyalar
4. klostridiyalar
5. batsillalar

III BURAMASIMON

1. vibrionlar
2. leptospiralalar
3. spiroxetalar
4. spirillalar

Keyin filtr qog'ozni olib tashlab, 6-10 soniya davomida sulfat kislotaning 5% li eritmasida rangsizlantiriladi (sporalar qizil rangda qoladi) va suv bilan yuviladi. Endi metilen ko'kining eritmasi bilan 1 daqiqa davomida qo'shimcha bo'yaladi (rangsizlangan vegetativ formalari bo'yaladi). So'ngra suv bilan yuvib filtr qog'ozda quritiladi va mikroskopda ko'rildi. Bunda immersion obyektivdan foydalaniлади. Vegetativ hujayralar ko'k, sporalar qizil rangga bo'yaladi.

$\varnothing 1,5-3\text{mm.}$




12-rasm. Surtma-preparat tayyorlash sxemasi

A B D

13-rasm. Bakteriologik ilmoqlar: A va B – noto'g'ri; D – to'g'ri tayyorlangan


Gram usulida bo'yalgan surtmalarda bakteriyalarning ko'rinishi




14-rasm. *Diplococcus pneumoniae*




15-rasm. *Streptococcus pyogenes* qonda



16-rasm. *E.coli*
— grammansiy
tayoqchalar




17-rasm. *Salmonella*
— grammansiy
tayoqchalar




18-rasm. *Bac.*
anthracis —
grammusbat
tayoqchalar

Spora, kapsula va kislotaga chidamli bakteriyalarni bo'yash usullari




23-rasm. Sil-Nilsen usulida bo'yash

a-sil fuksini bilan bug' paydo bo'lgunicha olov ustida qizdirib bo'yaladi;
b-bo'yq suv bilan yuviladi; d-5% li sulfat kislotasi bilan rangsizlantiriladi; e-ayval spirit, keyin f-suv bilan yuviladi va g-metilen ko'ki bilan bo'yaladi.
Tuberkuloz tayoqchalari qizil, boshqasi ko'k rahgga bo'yaladi.




24-rasm. *Bac. anthracis*
Olt usulida bo'yalgan:
a-kapsulasi sariq,
batsillalar-*qo'ng'ir* rangda
b-sporasi Sil-Nilsen
usulida bo'yalgan




25-rasm. *Bac. anthracis*
Leffer usulida bo'yalgan:
kapsulasi pushti,
batsillalar-*ko'k* rangda


Zamburug'larning morfologiysi



26-rasm. Mukor – boshchali mog'orning tuzilishi:
1-sporangiy; 2-sporangiofor;
3-stolon; 4-rizoidlar



27-rasm. *Aspergillus* – zamburug'ining tuzilishi:
1-sterigmalar; 2-konidio-for;
3-vegetativ gif; 4-shaklli kengayish;
5-konidiyalar




28-rasm. *Penitellum* – zamburug'ining tuzilishi: 1-konidiofor; 2-vegetativ gif; 3-metulalar; 4-sterigmalar; 5-konidiyalar




29-rasm. Achitqi va achitqisimon zamburug'lar: 1-haqiqiy achitqilar (saxaromisetlar); 2-sporali asklar; 3-achitqisimon zamburug'larning psevdomitseliylari blastosporalari bilan



30-rasm. Takomillashmagan zamburug' - trixofiton: 1-xlamidosporalar; 2-mitseliyning shoxlanishi; 3-sochda mikrokonidiy zanjirlari; 4-makrokonidiyalar



31-rasm. Osilgan tomchi usulida preparat tayyorlash



32-rasm. Bakteriyalarda xivchinlarining joylashishi

Peshkov usuli. Tayyorlangan surtma spirt lampa alangasida fiksatsiyalanadi.

1. 15-20 soniya davomida (spirt lampasi alangasi ustida) qaynayotgan Leffler metilen ko'ki bilan bo'yaladi. 2. Suv bilan yuviladi. 3. 30 soniya davomida neytralrotning 0,5 % li eritmasida yana bo'yaladi. 4. Suv bilan yuvib, so'ng quritiladi. Mikroskopda ko'rnishi: sporalar havorang yoki ko'k rangda, bakterianing vegetativ shakllari pushti rangda.

Kapsulalarni bo'yash. Kapsula – tashqi qobiq qavatining hosilasidir. U mumsimon modda bo'lib yuqori molekulali polisaxariddan iborat. Patogen kapsula hosil qiluvchi bakteriyalarning kapsulasi faqat zararlangan organizmda fagositozga qarshi himoy vositasi sifatida kuzatiladi (sun'iy oziq muhitlarda ularga qon zardobi yoki fibrinsizlangan qon qo'shgandagina kapsula hosil bo'ladi). Kuydirgi, yomon sifatli shish kasalliklari, diplokokkli septisemiya qo'zg'atuvchilari kapsula hosil qiladi. Kapsula moddasini oddiy usulda bo'yash juda qiyin. Shuning uchun ularni metaxromaziya holatiga asoslangan (bitta bo'yoq bilan sitoplazma boshqa rangga, kapsula moddasasi boshqa rangga bo'yaladi) maxsus usullarda bo'yash lozim.

Olt usuli.

1.Fiksatsiya qilingan preparat, yangi tayyorlangan issiq 2% li safranining suvdagi eritmasi filtrati bilan 5-7 daqiqa bo'yaladi. 2.Tezda suv bilan yuvib, quritiladi. Mikroskopda ko'riladi. Kapsula sariq hujayra qo'ng'ir rangda bo'ladi (24-rasm).

Mixin usuli. 1.Fiksatsiya qilingan qon yoki tamg'ali surtma Leffler ko'ki bilan bug' hosil bo'lguncha qizdirib, issiq holda 5-7 daqiqa bo'yaladi. 2.Bo'yoqni to'kib, tezda suv bilan yuviladi. 3.Filtr qog'ozda quritib, mikroskopda ko'riladi: Kapsula – pushti-qizil: vegetativ hujayra – ko'k rangda bo'ladi (25-rasm).

Romanovskiy-Gimza usuli.

1.Fiksatsiya qilingan surtma, Petri kosachasida gugurt cho'plari ustiga surtmasi pastga qaratib joylashtiriladi. Uning ostiga Gimza bo'yog'ining 1:10 nisbatda distillangan suvdagi eritmasini quyilib 40-50 daqiqa bo'yaladi. 2.Suv bilan yuvib, quritiladi, mikroskopda ko'riladi. Kapsula – pushti, hujayra – ko'k rangda.

Kislota, spirt, ishqorlarga chidamli bakteriyalar ni bo'yash.

Kislotaga chidamli bakteriyalar: tuberkuloz, paratuberkuloz kabi kasallik qo'zg'atuvchilar, grammusbat bakteriyalardir. Ularni boshqa grammusbat bakteriyalardan farqlash uchun ushbu Sil-Nilsen maxsus bo'yash usuli (23-rasm) qo'llaniladi. Kislotaga chidamli bakteriyalar sitoplazmasi va hujayra qobig'ida ko'p miqdorda yog' mumli moddalari, xususan, steorin kislotalari borligi uchun, oddiy usulda bo'yoqni kirishi qiyin bo'ladi. Maxsus usulda bo'yalganda esa, kislota, spirt, ishqorlar ta'sirida rangsizlanmaydi.

Sil-Nilsen usuli

1.Fiksatsiyalangan surtmaga maxsus filtr qog'ozni qo'yib, ustiga karbolli Sil fuksini quyiladi. Spirt lampasi alangasida bug' paydo bo'lguncha qizdirib va 5-7 daqiqa ko'prikhada turadi.

2.Filtr qog'ozni olib tashlab, ustiga sulfat kislotasining 3-5 % li eritmasi quyiladi 5-7 soniya.

- 3.Yaxshilab suv bilan yuviladi.
 - 4.Qo'shimecha Leffler metilen ko'ki bilan 4-5 daqiqa bo'yaladi.
 - 5.Surtmani suv bilan yuvib, filtr qog'ozida quritiladi.
- Mikroskopda kislotaaga chidamli bakteriyalar – qizil; chidamsizlari esa ko'k rangda bo'ladi.

V. V. Pavlovskiy ma'lumoti bo'yicha (Диагностика инфекционных и протозойных болезней сельскохозяйственных животных. Альбом. – М: Колос, 1968, с.101) surtmaga karbolli Sil fuksini quyib 1-2 daqiqa bug' paydo bo'lguncha yoki qaynaguncha qizdiriladi (a). Suv bilan yuviladi (b). 5% li sulfat kislota bilan rangsizlantiriladi (d). So'ngra surtma avval spirt (e). Keyin suv bilan yuviladi (f) va metilen ko'ki bilan bo'yaladi (e), (23-rasm).

Qondan surtma tayyorlash va spiroxetalarni bo'yash. Toza, yog'sizlantirilgan buyum oynachasining bir chetiga yaqin bir tomchi qon tomdiriladi. Ikkinchchi buyum oynachasining silliqlangan tomoni tomchiga 45° burchakda qo'yiladi va pastdag'i oynachanening ikkinchi tomoniga yengilgina surtish harakati bilan siljiteladi. Natijada qon oynachada bir xilda yoyilib yupqa qatlam hosil bo'ladi. Uni havoda quritib metil spiriti yoki etil spiriti va efir aralashmasida fiksatsiya qilish kerak. Preparat Romanovskiy Gimza usulida bo'yoqning ishchi eritmasi (1 ml distillangan suvgaga 2 tomchi bo'yoq) bilan 10-20 daqiqa bo'yaladi. Suv bilan yuvib havoda quritiladi. Leptospiralalar pushti-binafsha, eritrotsitlar pushti, leykositlarning o'zagi binafsharangda bo'ladi.

Rikketsiyalarni Zdradovskiy usulida bo'yash.⁸ Surtma Sil fuksini suyultirmasi (10 ml distillangan suvgaga 10-15 tomchi) bilan 5 daqiqa davomida bo'yaladi va suv bilan yuviladi. Surtmaga 0,5% li limon kislota eritmasi bilan ishlov beriladi. Keyin suv bilan yuviladi. Preparat metilen ko'ki bilan 1 daqiqa davomida bo'yaladi, suv bilan yuviladi va quritiladi.

Rikketsiyalar – qizil, ular parazitlik qilayotgan hujayra sitoplazmasi – moviy, o'zagi – ko'k rangda bo'ladi.

⁸Кисленко В.Н. Практикум по ветеринарной микробиологии и иммунологии.
–М.: КолосС, 2005.с.34

Nazorat savollari:

1. Sporalarni bo'yash usulining mohiyati nimadan iborat?
2. Kapsulalarni bo'yash usulining mohiyati nimadan iborat?
3. Oddiy bo'yashda sporalar va kapsulalar nimaga bo'yalmaydi?
4. Mikroblarning spora va kapsulasini aniqlashning qanday usullari bor?
5. Kislotaga chidamli bakteriyalar nima uchun oddiy usulda bo'yalmaydi?
6. Kapsulalarni bo'yashning qanday usullari bor?
7. Sporalarni bo'yash usullarini aytинг.
8. Sil-Nilsen usulida bo'yash texnikasini aytинг
9. Zdradovskiy usulida rikketsiyalar qanday rangga bo'yaladi?
10. Qondan surtma qanday tayyorlanadi?

Test savollari:

- 1. Murakkab bo'yash usulida nechta bo'yovchi eritma ishlataladi?**
 - a) uchta
 - b) bitta
 - c) ikki va undan ortiq
 - d) beshta.
- 2. Gram usulida bo'yashda qaysi bo'yoqlar ishlataladi?**
 - a) gimza bo'yog'i, kristallviolet
 - b) safranin, metilen ko'ki
 - c) brilliant yashili, leffler ko'ki
 - d) gensianviolet, sil fuksini (1:10).
- 3. Bakteriyalarning doimiy bo'Imagan elementlari qaysilar?**
 - a) spora, kapsula, xivchin
 - b) sitoplazma, vakuol, mitaxondriya
 - c) qobiq, o'zak, protoplazma
 - d) regid qatlam, membrana, sitoplazma.
- 4. Bakteriyalarning doimiy elementlari qaysilar?**
 - a) spora, mitaxondriya, o'zak
 - b) qobiq, sitoplazma, o'zak
 - c) sitoplazma, xivchin, spora
 - d) membrana, spora, kapsula.
- 5. Lyugol eritmasining tarkibi qanday?**
 - a) kaliy yod, kalsiy xlorid, distillangan suv
 - b) 10 % li yod, glitserin, distillangan suv
 - c) 1g yod kristall, 2 g kaliy yod, 300 ml – distillangan suv
 - d) fenol, kaliy yod, glitserin, distillangan suv.

5-MAVZU.

ZAMBURUG'LARNING MORFOLOGIYASI VA BAKTERIYALARING HARAKATINI O'RGANISH

Mashg'ulotning maqsadi: Mog'or zamburug'larini va achitqilarning morfologik xususiyatlarini o'zlashtirish. Bakteriyalarning harakatini o'rganish.

Material va jihozlar: Petri kosachasidagi zich oziq muhitlarda o'stirilgan mukor, penitsillium, aspergillus avlodlariga kiruvchi zamburug'lar kulturasи. Suyuq oziq muhitda o'stirilgan achitqi kulturasи. Buyum va yopqich oynachalar, bakteriologik ilmoq, probirkada spirt, glitserin, suvning teng miqdordagi aralashmasи, fiziologik eritma, mikroskop, ichak tayoqchasi, pichan tayoqchasi kulturasи, mavzuga oid plakatlar, videoproyektor, kompyuter.

Uslubiy ko'rsatmalar

O'qituvchi darsni tushuntirib, talabalarga vazifa beradi:

1. Mukor, penitsillium, aspergillus avlodlariga kiruvchi zamburug'lar va achitqilarning kulturasidan preparatlar tayyorlab mikroskopda tekshirish. Natijasini daftarga chizib, zamburug'larning strukturaviy elementlarini aniqlash.

2. Harakatchan mikroorganizmlar (ichak, pichan tayoqchalar) dan «ezilgan» va «osilgan» tomchi usullarida preparatlar tayyorlash. Ularni mikroskopda ko'rib, bakteriyalarni harakatlanishini kuzatish, o'rganib, daftarga yozib olish.

Zamburug'lar (fungi) – xlorofilsiz eukariot (o'zagi membranaga o'ralgan) mikroorganizmlar. Zamburug' hujayrasining qobig'i, protoplazmasi, o'zagi va kiritmalari bor. Qobig'i xitin, oqsil, glyukan, yog'lardan iborat. Tashqi ko'rinishi, oziqani o'zlashtirishi bo'yicha osimlikka o'xshaydi. Lekin farqi – zamburug'larning xlorofili yo'q, zaxiradagi moddasi glikogen (kraxmal emas), hujayra devorida xitini bor, almashinuv mahsuloti mochevina. Zamburug' hujayrasi

ingichka ipchalardan iborat bo'lib bularga – giflar deyiladi. Giflar o'sib, shoxlanadi va o'ralib zumburug' tanasini – mitseliysi hosil qiladi. Zamburug' mitseliysi oziq muhitda substratli (koloniya oziq muhitga mustahkam kiradi) va havoli (oziq muhit ustida) bo'ladi. Mitseliysining tuzilishi bo'yicha barcha zamburug'lar *tuban* va *yuqori* zamburug'larga bo'linib to'rt sinfga kiritilgan. Fikomitsetlar (*Phycomycetes*) – tuban zamburug'larga kirib, ularning mitseliysi bo'g'inqalda bo'linmagan, ko'p o'zakli bitta kuchli shoxlangan hujayradan iborat. Askomitsetlar (*Ascomycetes*), bazidomitsetlar (*basidiomycetes*) va takomillashmagan zamburug'lar (*Fungi imperfecti*, *Deuteromycetes*) yuqori zamburug'larga kiradi (mikomitsetlar). Ularning mitseliysi giflari bo'g'inqalda bo'lingan bir yoki ko'p o'zakli hujayralardan iborat.⁹

Zamburug'lar vegetativ, reproduktiv (jinsiy va jinssiz) usullarda ko'payadi. Vegetativ usulda maxsus ko'payish organlarisiz – mitseliy qismchalari, mitseliy parchalanganda hosil bo'lgan sporalar (xlamidaspora, oidiylar, artrosporalar, blastosporalar va h.k.), bilan amalga oshadi. Reproduktiv usulda zamburug'lar maxsus organlar yordamida ko'payadi. Jinssiz ko'payish maxsus endogen (sporan-giyasporalar, zoosporalar) yoki ekzogen (konidiyalar) hujayralar yordamida kechadi. Jinsiy ko'payishda ikki hujayraning yadrosi qo'shilib, keyin bo'linadi va maxsus giflar hosil bo'ladi. Giflarda esa spora hosil qiluvchi organlar paydo bo'ladi.

Jinsiy ko'payish xususiyatiga ega zamburug'lar – *takomillashgan*, jinsiy sikli yo'qlari – *takomillashmagan* (*Deuteromycetes*) deb ataladi (30-rasm). Takomillashgan zamburug'larning rivojlanish davrida jinssiz va jinsiy spora hosil qilish bosqichlari bo'ladi.

⁹Кисленко В.Н., Количев Н.М., Суворина О.С. Ветеринарная микробиология и иммунология. Часть 1. Общая микробиология. – М.: КолосС, 2006 г. с.25-26.

Zamburug‘larning suslo agarda o‘sishi

Boshchali – mukor mog‘ori fikomitsetlar vakili. Suslo agarda birinchi sutkada yumshoq kulrang pardek qatlam hosil qilib o‘sadi. Bu zamburug‘ning tanasi bo‘g‘inlarga bo‘linmagan bo‘lib boshchasi – sporangiyasi ichida 2-4 dona endosporalar paydo bo‘ladi, yetilgandan so‘ng sporangiya parchalanib sporalar tashqi muhitga tarqaladi (26-rasm).

Mikomitsetlarning vakili – *penitellium*, *aspergillus* va h.k.lar mitseliysi ko‘p hujayrali bo‘g‘inlarga bo‘lingan, mitseliyalarning ichida konidiyalar, konidiyalarning chetida ekzosporalar joylashadi.

Aspergilla – takomillashmagan zamburug‘ bo‘lib, mukorga nisbatan sekinroq o‘sadi. Ikkinci sutkada o‘sish paydo bo‘ladi. Konidiyalar qora (*Aspergillus niger*) va yashil-sariq (*Aspergillus oryzae*) rangda bo‘lib, konidiyalarni tashuvchi uchlari to‘g‘nog‘ich boshiga o‘xshab, undan tarqalgan nurdek har tomonga zanjirsimon joylashgan ekzosporalar o‘sib chiqadi (27-rasm).

Penitella ham takomillashmagan zamburug‘. Suslo agarda ikkinchi-uchunchi sutkalarda momiq pardek kulrang – yashil yoki yashil cheti oq hoshiyali nozik qatlam hosil qilib o‘sadi. Zamburug‘ning mitseliysi bo‘g‘inlarga bo‘lingan va shaxobchasimon tarmoqlangan ko‘payuvchi gifи bor. Uning uchida shingil shaklli konidiyalar (ekzosporalar) hosil bo‘lib, zanjirsimon joylashadi (28-rasm).

Mikroskopik tekshirish uchun bo‘yalmagan «ezilgan tomchi» preparati tayyorlanadi. Bu maqsadda mikologik ilmoq bilan materialni olib, buyum oynasidagi bir tomchi suyuqlikka (fiziologik eritma, steril suv, albatta teng hajmda olingen suv, spirt va glitserindan iborat suyuqlik yanada yaxshi) solinadi. Mitseliy iplarini tarqatib, yopqich oyna bilan yopiladi. Mukordan tayyorlangan preparat mikroskopning x8 obyektivida, *penitellium*, *aspergilluslar* x40 obyektivda ko‘riladi.

Aktinomitsetlar (nursimon zamburug'lar). Bir hujayrali mikroorganizmlar bo'lib bakteriya va tuban zamburug'larga o'xshaydi. Aktinomitsetlar mitseliysining giflari substrat bo'yicha nursimon tarqalib o'sishi ularni zamburug'larga yaqinlashtiradi. Giflarining qalinligi bakteriyalarnikidan yo'g'on emas, shuning uchun ular ham mikroskopning immersiya sistemasida ko'rildi. Mitseliysi avval substratlil keyin havoli bo'lib, koloniylar baxmalga o'xshash mayin bo'ladi. Koloniya zinch konsistensiyali, oziq muhitga mustahkam kirgani tufayli substrat bilan birga olinadi. Aktinomitsetlar pigment hosil qilgani uchun – pushti, qizil, qora va boshqa ranglarda bo'ladi. Aktinomitsetlar aerob, kraxmal – ammiakli agarda 30 – 35°Cda o'sadi.

Preparat tayyorlash uchun buyum oynasiga ilmoq bilan kultura koloniysi olinadi va ustiga ikkinchi shunday oynani qo'yib eziladi, ikki yoniga tortiladi. Natijada ikkita surtma paydo bo'ladi. Suyuq muhitda o'stirilgan kulturadan ilmoq bilan olib, surtma tayyorlanadi. Qotirilgan surtma Pfeyffer fuksini bilan bo'yaladi.

Achitqilar (drojji) – xaltali zamburug'lar sinfiga kiradi. Ular mitseliysiz bir hujayrali kurtaklanadigan yumaloq yoki oval shaklli zamburug'lar (29-rasm). Achitqi hujayralarining qobig'i, sitoplazmasi, shakllangan o'zagi bor. Sitoplazmada vaqt o'tishi bilan vakuolalar paydo bo'ladi. Ularning diametri bakteriyalarnikidan katta 10 – 15 mkm gacha. Achitqi hujayrasining ichida 4 tadan 12 tagacha sporalar hosil bo'lib, ular xalta – askalarga aylanadi. Achitqilarining tinch holatdagi hujayralari vegetativ shakllaridan ikki qavatli qobig'i, ko'p miqdorda oziga moddalar zaxirasi (glikogen, yog') bor bo'lib, vakuoli yo'qligi bilan farq qiladi. Achitqilar kurtaklanish, spora hosil qilish, oddiy bo'linish va jinsiy yo'l bilan ko'payadi.

Preparat tayyorlash uchun ilmoq bilan buyum oynasiga bir tomchi achitqi kulturasi olinadi. Yopqich oyna bilan yopib mikroskopning immersiya sistemasida ko'rildi. Achitqi hujayralarini x40 obyektivda ham ko'rish mumkin.

Bakteriyalar harakatini o‘rganish

Tirik mikroorganizmlarning ba’zilari harakatlanadi, ba’zilari esa yo‘q.

Bu ularning turlarini bir-biridan farq qilishdagi asosiy belgilardan biri. Mikroblar xivchinlar yordamida harakatlanadi, ular mikrob tanasining turli qismlarida joylashadi.¹⁰ Shunga qarab, harakatlanishi ham turlicha bo‘ladi (32-rasm).

1. Monotrix – xivchini bitta bo‘lib, tanasining bir uchida joylashgan. Monotrix bakteriyalar xivchinsiz tomoniga qarab harakatlanadi.
2. Lofotrix – tanasining bir uchida bir tutam xivchinlar joylashgan.
3. Amfitrix – bu guruh bakteriyalarda xivchinlar tanasining ikki uchida to‘p- to‘p bo‘lib joylashgan.
4. Peritrix – bu guruh bakteriyalarda xivchinlar hujayraning hamma tomonidan o‘sib chiqqan. Tartibsiz harakatlanadi.

Bakteriyalarning harakatini «osilgan tomchi», «ezilgan tomchi» usullarida preparat tayyorlab, yarim suyuq GPA-ga tik ekip yoki GPA kondensatiga ekip aniqlanadi. Bakteriyalarning harakatlanishini tekshirish uchun bulonda o’stirilgan yosh (18-20 soatlik) bakteriya kulturasidan foydalaniлади. Agarda o’stirilgani ham bo‘ladi. Ularni tekshirish uchun oddiy sterillangan fiziologik eritmada yoki suvda suspenziya tayyorланади.

«Osilgan» tomchi preparati. Bu preparatni tayyorlash uchun o‘rtasi chuqr maxsus buyum oynasi ishlataladi. Tekshiriladigan materialdan qoplagich oynaga bir tomchi tomiziladi. Buyum oynasidagi chuqrning chetlariga vazelin surtiladi. Keyin buyum oynasi qoplagich oyna ustiga shunday yopiladiki, undagi tomchi chuqurchaning o‘rtasida bo‘lsin. Oyna ehtiyyotlik bilan to‘nkariladi, ana shunda zinch yopilgan chuqurchada tomchi osilib qoladi, u qurub qolmaydi (31-rasm). Preparat quruq obyektiv sistemasida, yengil qorong‘ilashtirilgan ko‘rish maydonida (diafragma va tushirilgan kondensordan foyda-

¹⁰ Воробьев А.А. Медицинская микробиология, вирусология и иммунология. – М.: 2008 г. С.40.

laniladi) tekshiriladi. Avval x8 obyektivda tomchining chetini topib keyin x40 -60 ga o'tkaziladi.

«Ezilgan tomchi» preparati. Buyum oynasining o'rtasiga tekshiriladigan materialdan bir tomchi tomiziladi. Keyin yopqich oyna bilan usti yopiladi. Unda havo pufakchalari bo'lmasligi kerak. Suyuqlikning ortiqchasi filtr qog'oziga shimidirib olinadi. Bunday preparat tez qurib qolishi mumkin. Undan uzoq muddat foydalaniladigan bo'lsa, qoplagich oyna chetlariga vazelin surtib qo'yish yoki «osilgan» tomchi preparatini tayyorlash kerak.

Nazorat savollari:

1. Mog'or zamburug'larining morfologik xususiyati.
2. Zamburug'lar qanday usullarda ko'payadi?
3. Achitqilarning morfologik xususiyatlari.
4. Bakteriyalarning xivchinining joylashishi.
5. Bakteriyalarning harakatlanishining turi nimaga bog'liq?
6. Bakteriyalarning harakatlanishi qanday usullarda o'r ganiladi?
7. «Osilgan» tomchi preparati qanday tayyorlanadi?
8. «Ezilgan tomchi» preparati qanday tayyorlanadi?

Test savollari:

1. **Zamburug'larning o'simliklardan farqi nimada?**
 - a) oziqlanishi, nafas olishi bilan
 - b) xloraflisiz, zaxira muddasi glikogen, qobig'ida xitini bor, almashinuv mahsuloti mochevina
 - c) ko'payishi, sporalari, tuzilishi bilan
 - d) miseliysi, giflari, o'sishi bilan.
2. **Zamburug'larni mikroskopik tekshirishda qanday preparat tayyorlanadi?**
 - a) «osilgan tomchi» usulida bo'yalmagan preparat
 - b) Gram usulida bo'yalgan preparat
 - c) ezilgan tomchi usulida bo'yalmagan preparat

d) oddiy usulda bo'yalgan preparat.

3. Bakteriyalarning harakati qanday o'rganiladi?

a) maxsus murakkab usulda bo'yalgan preparatda

b) preparatni bo'yab, ezilgan tomchi usulida

c) differensial diagnostik muhitlarda

d) ezilgan tomchi, osilgan tomchi, yarimsuyuq agarga tik ekib, GPA kondensatiga ekib.

4. Bakteriya xivchirlari joylashishi bo'yicha qancha guruhi farqlanadi?

a) 4 ta

b) 8 ta

c) 6 ta

d) 3 ta.

5. Aktinomisetlar qanday mikroorganizmlar?

a) ko'p hujayrali, nursimon

b) bir hujayrali, bakteriya va zamburug'larga o'xshaydi

c) bir va ko'p hujayrali, bakteriyalarga o'xshaydi

d) bir hujayrali, zamburug'larga o'xshamaydi.

6-MAVZU. OZIQ MUHITLARINI TAYYORLASH

Mashg‘ulotning maqsadi: 1. Asosiy oziq muhitlar va ularni tayyorlash usullari bilan tanishish.

Material va jihozlar: Oziq muhitini tayyorlash uchun ingrediyyentlar (go‘sht suvi, pepton, agar-agar, jelatina, kimyoviy toza osh tuzi); GPA, GPB, Kitt-Tarossi, Endo, Levin muhitlari, tarozi toshlari bilan, voronka, Petri kosachasi, tiqinli probirkalar, kolbalar, paxta dokali filtr, elektr plitka, shtativ, pH ni aniqlash uchun Mixaelis komparatori, laksus qog‘oz, mavzuga oid plakatlar, videoproyektor, kompyuter.

Uslubiy ko‘rsatmalar

O‘qituvchi darsni tushuntirib, talabalarga vazifa beradi: Go‘shtli suv, go‘sht-peptonli bulon va go‘sht-peptonli agar tayyorlash bosqichlarini o‘rganib, daftarga yozib olish;

1. Quruq oziq bulonidan va agardan oziq muhitini tayyorlash, uni probirkalarga quyish;

2. Go‘sht-peptonli bulonning pHni aniqlash.

Har qanday mikrobiologik ish, shuningdek, amaliy vazifalarni bajarish mikroorganizmlarni o‘stirish uchun oziq muhitlarini tayyorlash bilan bog‘liq.

Mikrobiologiyada mikroorganizmlarni o‘stirish, to‘plash, saqlash, aniqlash, ularni ajratib olish, ulardan har xil biologik preparatlar va mahsulotlar (toksinlar, antibiotiklar va boshqalar) olish uchun oziq muhitidan ko‘p foydalaniлади.

Har qanday oziq muhitida mikroorganizmlarning o‘sishi va rivojlanishi uchun optimal sharoit yaratilgan bo‘lib, quyidagi talablarga javob berishi kerak: tarkibida yetarli miqdorda organogen elementlar – azot, uglerod, kislorod, vodorod; fosfor, oltingugurt, kaliyli anorganik birikmalar, makro va mikroelementlar, o‘sish

faktorlari bo'lishi kerak. 0.5% NaCl, pH muayyan darajada, namligi yetarli, steril, tiniq bo'lishi shart.

Agar-agar – dengiz suv o'tlaridan olinadigan azotsiz organik modda, oziq muhitni zich holatga keltiradi.

Pepton – oqsillar parchalanishidagi oraliq mahsulot, shirdondan tayyorlanadi. Aminokislota, peptidlarga boy.

Jelatina – hayvonlar oqsili. Tog'ay va suyaklarni qaynatib olinadi, azotli nordon mahsulot.


Oziq muhitlar kelib chiqishi, konsistensiyasi, ishlatalishi bo'yicha klassifikatsiyalarinadi. Kelib chiqishi bo'yicha tabiiy, sun'iy va sintetik oziq muhitlar farqlanadi. Tabiiy oziq muhitlar hayvonot va o'simlik mahsulotlaridan (go'sht, sut, tuxum, qon zardobi, sabzavotlar, kazein va boshqalardan) tayyorlanadi. Sun'iy oziq muhitlar hayvonot va o'simlik mahsulotlari, mineral tuzlardan tayyorlanadi (GPB, GPA, GPJ). Sintetik oziq muhitlar tarkibi aniq nisbatlarda olingan kimyoviy toza moddalar – aminokislotalar, uglevodlar, vitaminlar, mineral tuzlardan tayyorlanadi (Saburo, Chapek muhitlari).

Konsistensiyasi bo'yicha oziq muhiti suyuq, zich, yarim suyuq va quruq bo'lishi mumkin. Suyuq muhitlarga GPB, Peptonli suv, sut va h.k.lar kiradi. Oziq muhiti zich bo'lishi uchun GPBga 2-3 %, yarim suyuq bo'lishi uchun 0,15-0,7 % agar-agar qo'shish lozim. GPJ tarkibida 20% jelatina bo'lishi kerak. Hozirgi vaqtida har xil miqdorda ishlataladigan ko'pgina oziq muhitlar quruq holda ishlab chiqiladi. Quruq oziq muhit qopqog'i zich berkitiladigan shisha idishlarda sotiladi (uglevodlar va ko'p atomli spirtlar bo'lgan Gissa muhiti, Endo, Ploskirev muhiti, baktoagar J, quruq oziq agari va boshqalar).

Ishlatilishiga ko'ra oziq muhitlar oddiy, maxsus va differensial-diagnostik turlariga bo'linadi. Oddiysiga go'sht-peptonli bulon (GPB), go'sht-peptonli agar (GPA) va go'sht-peptonli jelatina (GPJ) kiradi. Ular juda ko'p mikroorganizmlarni o'stirishda ishlataladi. Maxsus oziq muhitlar oddiy oziq muhitlarda rivojlanmaydigan mikroblarni o'stirishda ishlataladi. Selektiv, elektiv, to'plovchi oziq

muhitlar ham maxsus muhit turlari hisoblanadi. Selektiv oziq muhiti tekshirilayotgan materialdan (har xil bakteriyalar aralashmasi) faqat ma'lum turdag'i mikroblarni o'strishda ishlataladi.

Oziq muhitlarning klassifikatsiyasi



Elektiv oziq muhitni faqat ma'lum turdag'i mikroblarni o'stirishda ishlataladi, boshqalari yo'qotiladi (anaeroblar, sut kislota hosil qiluvchi bakteriyalar, ichak tayoqchasi, gemolitik stafilokokklar, proteolitik mikroorganizmlar va boshqalar uchun tayyorlanadigan oziq muhit).

Diflerensial-diagnostik oziq muhitlar (Gissa, Endo, Ploskirev muhit, baktoagar va boshqalar) bakteriyalarni fermentativ xossalariiga qarab aniqlashga imkon beradi.

Mikrobiologiya amaliyotida asosan: go'sht-peptonli bulon, go'sht-peptonli agar va go'sht-peptonli jelatina ishlataladi. Go'sht suvini tayyorlash uchun yangi so'yilgan mol yoki ot go'shti ishlataladi. Buning uchun go'shtni pay, suyakdan ajratib, qiymalagichdan o'tkaziladi. Chiqarilgan qiymaning ustiga sovuq suv quyiladi (1:2 nisbatda), aralashtirib, bir sutka salqin (4-6°C li) joyga qo'yiladi yoki ikki soat 37°C da saqlanadi, so'ngra bir soat qaynatilib paxta-doka filtrda filtrlanadi.

Filtrni siqib olib, filtratga oldingi hajmiga yetguncha suv qo'shiladi. Keyin uni shisha idishga solib, avtoklavda 120°C issiqda 20-30 daqiqa sterillanadi.

Go'sht-peptonli bulon (GPB) tayyorlash uchun go'sht suviga 0.9% natriy xlорид ва 1% pepton qo'shiladi. Keyin u 10 daqiqa qaynatiladi, pH (7,2-7,4) aniqlanadi, sovutiladi, filtrlanadi; oldingi miqdoriga yetkazish uchun suv qo'shiladi, zarur idishlarga quyib, avtoklavda 120°C da 30 daqiqa sterillanadi.

Go'sht-peptonli agar (GPA) tayyorlash uchun GPB ga kesib maydalangan 2-3 % quruq agar qo'shib butunlay erib ketgunicha qaynatiladi, so'ngra pH 7,2-7,4 aniqlanadi. Paxta-doka yoki filtr qog'ozda filtrlanadi. muhit reaksiyasi tekshiriladi va to'g'rilanadi, zarur idishga quyib 30 daqiqa davomida 120°C da avtoklavda sterillanadi. Probirkalardagi GPA qiyalatiladi (40-rasm).

Go'sht-peptonli jelatina (GPJ) tayyorlash uchun GPB ga 10-20% jelatina qo'shiladi, u bo'kkandan keyin eriguncha isitiladi. pH 7,2-

7,4 gacha keltiriladi, qog'oz filtrda filtrlanadi, probirka va kolbalarga quyib, keyin 3 kun 20 daqiqadan Kox apparatida sterillanadi.

Go'sht-peptonli yarim suyuq agar GPB singari tayyorlanadi, faqat agar kamroq miqdorda – ya'ni 0,15 – 0,5% qo'shiladi.

Mikroorganizmlar muhit reaksiyasiga juda sezgir bo'ladi. Oziq muhitining reaksiyasi ikki usulda elektrometrik (LPU 01 markali pH-metrda) va kalorimetrik usulda aniqlanadi. Ko'pincha oddiy Mixaelis to'plami, Uolpol komporatoridan foydalaniladi. To'plamda pH 5,4 – 8,4 gacha bo'lgan indikatorlar bor (metanitrofenol, paranitrofenol). Komporatordagi maxsus 6 ta uyaga sxemada ko'rsatilgandek (39-rasm): 2- uyaga 2 ml dan muhit va distillangan suv, 1 ml indikator; 1, 3 uyalarga 2 ml muhit va 3 ml distillangan suv; 5- uyaga 5 ml distillangan suv solingan probirkalar; 4, 6- uyalarga kavsharlangan standart indikatorlar joyланади. pH talab qilingan ko'rsatkichdan past bo'lsa 0,1 n NaOH, yuqori bo'lsa 0,1 n HCl eritmasi bilan kerak darajaga yetkaziladi va necha ml sarflangani aniqlanadi. 2ml muhitga 0,3 ml sarflandi. Muhitning umumiyligi miqdori – 1litr. Unga qancha NaOH qo'shamiz? Demak, $0,3 \times 1000 : 2 = 150$ ml 0,1n. yoki 15 ml 1 n NaOH qo'shish kerak. Odatda pH 0,1-0,2 ga ko'proq olinadi, chunki avtoklavdan keyin u kislotali tarafga o'zgaradi va optimal holga tushadi.

Nazorat savollari:

1. Oziq muhitlar klassifikatsiyasini aytинг?
2. Pepton, agar-agar va jelatina nima? Ular qanday oziq muhit tayyorlashda ishlataladi?
3. Asosiy oziq muhitlari va ularni tayyorlash usullari.
4. Oziq muhitlarning mikrobiologiya amaliyotida qo'llanilishi.
5. Oziq muhitlarning pH ko'rsatkichi qanday aniqlanadi?
6. Differensial diagnostik oziq muhitlarga tushuncha bering?
7. Oziq muhitining reaksiyasi qanday usullarda aniqlanadi?
8. Oziq muhit qanday talablarga javob berishi kerak?

Test savollari:

- 1. Oziq muhitlar qaysi xususiyatlar bo'yicha klassifikasiyalanadi?**
a) tayyorlanishi, sterilligi. PH ko'rsatkichi bo'yicha
b) tarkibi, manbasi, ishlatilishi
c) kelib chiqishi, konsistensiyasi, ishlatilishi
d) mahsulot turi, mikroorganizmni o'sishi bo'yicha.
- 2. Oddiy oziq muhitlar qaysi bandda to'g'ri ko'rsatilgan?**
a) yarimsuyuq agar, Ploskirev, Gissa muhiti
b) GPB, endo, Vis'mut sul'fit agar
c) GPJ, Levin, qonli agar
d) GPA, GPB, GPJ, yarim suyuq agar.
- 3. Konsistensiyasi bo'yicha qanday oziq muhitlar farqlanadi?**
a) suyuq, yarimsuyuq, zich, quruq
b) suyuq va zich
c) kukunsimon, maxsus, tabiiy
d) zich, oddiy, murakkab, quruq.
- 4. GPA tarkibida agar necha foiz bo'ladi?**
a) 4-5 %
b) 2-3 %
c) 1 %
d) 0.5 %.
- 5. Agar-agar nima?**
a) o'simlik kukuni va hayvonlar mahsuloti aralashmasi
b) maxsus tayyorlangan sun'iy preparat
c) dengiz suv o'tlaridan olinadigan azotsiz organik modda
d) hayvonlar oqsili, sut kukuni aralashmasi.

7-MAVZU. STERILIZATSIYA USULLARI

Mashg‘ulotning maqsadi: 1. Sterilizatsiya usullarini o‘rganish.

Material va jihozlar: avtoklav, Paster pechi, Kox apparati, Zeyts, Shamberlan filtri, termostat, sterilizator, Petri kosachalari, bakteriologik probipkalar, kolbalar, darajali pipetkalar, shpris, igna, pinsetlar, mavzuga oid plakatlar, videoproyektor, kompyuter.

Uslubiy ko‘rsatmalar

O‘qituvchi darsni tushuntirib, talabalarga vazifa beradi:

1. Sterilizator, quritgich, avtoklavlar bilan tanishish. 2. Shisha idish, asbob-uskanalarni sterilizatsiyaga tayyorlashni o‘rganish.

Sterillash (*lotincha – sterilis*—naslsizlash) turli muhitlardagi barcha mikroblarni (vegetativ va sporali) shakllarini to‘liq yo‘qotishga, ya’ni o‘ldirishga qaratilgan.

Laboratoriyalarda oziq muhitlar, shisha idishlar (probipka, pipetka, kolba va h.k.), asboblar, bog‘lovchi materiallar, xalatlar sterillanadi. Maxsus ish sharoitini yaratish uchun havo va boksdagi buyumlar ham sterillanadi. Sterillashning bir necha fizikaviy va kimyoviy usullari mavjud. Bu usullarning ta’sir etish mexanizmi har xil bo‘lgani bilan, ular ikkita asosiy talabga javob berishi kerak.

1. Mikrobni to‘liq naslsizlantirish. 2. Sterillanayotgan materialni fiziko-kimyoviy xususiyatlarini saqlab qolish.

Fizikaviy usul: 1. Quruq issiq bilan sterillash. *Olovda* – bakteriologik ilmoq, paster pipetkalari, oynalar, asboblar cho‘g‘dek qizartirib sterillanadi.

Quruq qizdirilgan havo bilan sterillash maxsus ikki qavat devorli metall quritgich shkaf – yumaloq elektorli, Paster pechkasida amalga oshiriladi (33-rasm). Unda toza, yaxshi yuvilgan, quritilgan shisha idishlar sterillanadi. Kolbalarni paxta tigin bilan yopib, ustidan qog‘oz bilan o‘raladi va bog‘lanadi. Probirka, Petri kosachasi va probirkalarni

pergament qog'ozga o'rash lozim. Ularni quritgichga joylashtirgach elektr tarmoqqa ulab, kerak haroratga yetganida sterillashning boshlanish vaqtiga belgilanadi. Sterillash davomiyligi: 160°C – 2 soat; 170°C – 1,5 soat, 180°C – 1 soat. Yuklash hajmiga bog'liq holda 171°C – 1 soat, 121°C da 10–16 soat davomida va undan ham uzoqroq vaqt sterillanadi.¹¹ Sterillash vaqtiga tugashi bilan jihozni o'chirib, harorati 45°C ga tushgandan keyingina u ochiladi. Yonuvchi moddalar, suyuqliklar, oziq muhitlar, rezina narsalarni quruq issiqda sterillash mumkin emas.

2. Nam issiq bilan sterillash. *Qaynatish* – onson, oddiy sterillash usuli bo'lib, maxsus sterilizator (35-rasm) yoki toza idishlardan foydalaniladi. Bu usulda ignalar, shprits, pinsetlar, qaychi, skalpellar, rezinali va shisha narsalar sterilizator setkasidagi 2 – 3 qavatli doka ustiga qo'yib sterillanadi. Shpritslarni qismlarga ajratib, ignalarini mandreni bilan, o'tkir asboblar – skalpel, qaychilarining o'tkir qismlarini doka yoki paxtaga o'rab sterilizatorga joylash kerak. Sterilizatorga asboblarni to'liq yopgunicha distillangan suv quyiladi. Qopqog'ini yopib 20 – 30 daqiqa qaynatiladi. Keyin suvini to'kib, sovugandan so'ng asboblar ishlatiladi.

Oqar bug' bilan 100°C da, 100°C dan kam haroratda bo'lib-bo'lib sterillashga asoslangan. Kox apparati ishlatiladi (34-rasm). 100°C da 30- 40 daqiqa ketma-ket 3 kun sterillanadi. Avtoklavda ham 100°C da bo'lib-bo'lib sterillash mumkin. Bu usulda 100°C dan ortiq haroratga chidamsiz – uglevodli oziq muhitlar, sut, jelatina va boshqa materiallar sterillanadi.

Tindalizatsiya – 100°C dan kam haroratda suv hammomida bo'lib-bo'lib sterillash. 70 – 80°C da 3 kun, 60 – 65°C da 5 kun, 56 – 58°C da 6- 7 kun davomida: birinchi kun 2 soat, qolgan kunlari esa bir soatdan sterillanadi. 56 – 58°C da kolloid eritmalar, qon zardoblari, ya'ni oqsil saqlovchi moddalar sterillanadi.


¹¹Tracy H Vemulapalli. G Kenitra Hammac. Microbiology for veterinary Technicians. Textbook copyright Printed in the United States of America 2015 y. p.24.

Pasterizatsiya usulida oziq-ovqat mahsulotlari – sut, go'sht, baliq, sabzavot konservalari 80°C da 30 daqiqa qizdiriladi va tezda 4 – 8°Cgacha sovutiladi. Bunda bakteriyalarning vegetativ shakllari o'la-di, sporalar saqlanib qoladi. Tezda sovutish va ularni past haroratda (4 – 5°C) saqlash sporalarning o'sishi va ko'payishiga to'sqinlik qiladi.



Bug' bilan bosim ostida yuqori haroratda sterillash (avtoklavlash) – 100° C dan ortiq haroratda sterillashning eng samarali usu-li. Avtoklavda bug'ning bosimi bilan birga harorat ham ortadi: 0,5 atm. –110–112° C, 1 atm.–120–121° C, 1,5 atm.–124–126° C, 2 atm. –132–133° C. Vertikal va gorizontal avtoklavlar mavjud (36,37-rasm). Avtoklavdagi bug'ning bosimi va harorat monometr ko'rsatkichiga mos kelsa sterillash to'g'ri bajarilgan bo'ladi. Buni nazorat qilish uchun maxsus indikatorlardan foydalaniladi. Avtoklav indikatori sariq yoki oq tasmalni ko'rsatkichdan iborat. Sterilizatsiya bajarilganda indikator tasmasining rangi sariq yoki oq rangdan to'q qo'ng'ir yoki qoraga rangga o'tadi. Rangning o'zgarishi 121°C haroratda 15–20 daqiqada amalga oshadi. Ba'zan yuqori haroratda bir necha daqiqada indikatorni rangi o'zgaradi, demak bu uslubga to'liq ishonib bo'lmaydi. Sterillikni to'liq amlga oshganini aniqlashning boshqa usuli – biologik indikatorlar (yuqori haroratga chidamli – *Geobacillus stearothermophilus* endosporalari) dan foydalanish mumkin. Bu usuldan avtoklavni to'g'ri ishlayotganini tekshirish uchun har hafta uni yuklangan avtoklavning markaziga qo'yib avtoklavlash kerak. Agar avtoklavlashdan keyin kultura o'lsa flakonda to'q qizil rang, o'lmasa sariq rangga aylanadi va avtoklavning qay darajada to'g'ri ishlayotganini ko'rsatadi. Shunday qilib testda-flakonda to'q qizil rang bo'lsa sterillash to'g'ri bajarilib, nihoyasiga yetadi.¹² Avtoklavda 100° C ga chidamli oziq muhitari (GPA, GPB, fiziologik eritma), qog'ozga o'ralgan shisha idishlar, metall boiksga solingan

¹²Tracy H Vemulapalli. G Kenitra Hammac. Microbiology for veterinary Technicians. Textbook copyright Printed in the United States of America 2015 y. p.24.

Sterilizatsiya




33-rasm. Quritich shkaflar
1-elektorli yumoloq; 2-paster
pechkasi.




35-rasm. Sterilizator
1-qopqog'i;
2-korpusi; 3-setkasi;
4-setkani ilgich.


34-rasm. Oquvchi
bug'li Kox
apparati.




36-rasm. Vertikal
avtoklav sxemasi.



37-rasm. Gorizonttal
avtoklav.



38-rasm. Tayyor Zeyts filtrlari:
1-shisha va 2-metall ushlagichlari
bilan.



39-rasm. Uolpol komporatori: 1-umumiy
ko'rinishi; 2- orqa tomondan ko'rinishi;
3-komporatororda probirkalarini joylashtirish
sxemasi.



40-rasm. Agarni
qiyalatish.

Sterillash usullari

Quruq issiqlik	Fizikaviy		Kimyoiy
	Nam issiqlik	Filtlash va h.k. usullar	
1. Olov yordamida sterillash Flomberilash (bakteriologik ilmoq, pinset va h.k. metall predmetlar)	1. Qaynatish – sterilizatorda 20-30 min (shpris, igna, pinset, qaychi, skalpel va h.k.) 2. Oquvchi bug' bilan bo'lib-bo'lib (100°Cdan yuqori bo'lmagan haroratda). Kox apparati 100°C 30-40 min. 3 kun. a) tindalizatsiya (suy hammonida 100°C dan past haroratda bo'lib-bo'lib sterillash) 70-80°C – 3 kun 60-65°C – 5 kun 56-58°C 6-7 kun (kolloid eritmalar, zardob va oqsil saqlovchi moddalar). Birinchi kun 2 soat, qolgan kunitari 1 soat sterillanadi.	Suyuqliklar quyidagi filterdan o'tkaziladi: 1) Shamberlyan 2) Berkefeld 3) Zeyts 4) Membranal filr (ultrafiltrlar)	I Oziq muhit, vaksina davolochi va diagnostik zardoblarni konservatsiya qiliш 1. xloroform 2. toluol 3. ehir 4. fenol 5. formalin 6. meritolat 7 bor kistotasi 8. glicerinlar bilan.
2. Quruq issiq havo bilan (toza shisha idishilar). Qurigich shakflarda sterillash vaqt: 1600 da – 2 soat 1700 da – 1,5 soat 1800 da – 1 soat	3. yuqorigi bosim ostida (avtoklawda) sterillash 0,5 atm – 110-112°C 1 atm – 120-121°C 1,5 atm – 124-126°C 2 atm – 132-133°C	Urtatuvush yordamida (suv, sut, ba'zi teri xomashyosi mahsulotlari) 1-3% li xloramin 3-5% li fenol 70% li spirit va hokazo	II. Dezinfeksiya uchun: 4. Pasterizatsiya. Maxsus pasterizatorlarda 80°C da 30 min qizdirib tezda (4-8°C cha)sovutildi – sut, go'sht, baliq va sabzovot konservalarini

Sterillash (lotinchcha naslsizlash) – turli muhitlardagi barcha mikroblarni (vegetativ va sporali shakllarini) to'liq yo'qotishga – o'sdirishga qaratilgan.

bog‘lovchi materiallar, xalatlar sterillanadi. Bundan tashqari ishlatilgan bakteriya kulturalari, idishlar zararsizlantiriladi. Sterillash vaqtı tugashi bilan avtoklav o‘chiriladi. Sovuganidan keyin monometr nolni ko‘rsatganida bug‘ chiqaradigan kran ochiladi. Bug‘ to‘liq chiqib ketmagunicha avtoklavning qopqog‘ini ochish mumkin emas. Chunki bosim tez tushganida avtoklavdagi suyuq muhitlar qaynab ketadi, natijada probirkalarning tiqini suyuqlik bilan birga otiladi.

Filtrlash usulida sterillanuvchi suyuqlik bakteriologik filtrlardan (33-rasm) o‘tkaziladi. Qattiq – keramikali (silindr shaklli Shamberlan, Berkefeld), asbestosli (plastina ko‘rinishida Zeyts, F₂ va SF) va membranali (g‘ovakli ultrafiltrlar, kollodiyli membranalar) filtrlar bo‘ladi.

Ultrabinafsha murlari bilan sterillash uchun maxsus bakterisid lampalar ishlatiladi. Boks, operatsiya xonalarining havosini zararsizlantirishda ko‘proq qo‘llaniladi.

Ultratovush bilan sterillash usuli suv, sut, ba’zi mahsulotlar, teri xomashyosini zararsizlantirishda ishlatiladi.

Kimyoviy moddalar yordamida sterillash laboratoriya amaliyotida chegaralangan. Bu usul asosan: vaksina, davolovchi va diagnostik zardoblarni bakterial zararlanishdan saqlash uchun ishlatiladi – *konservatsiya* qilinadi. Vaksina va zardoblar – fenol (0,25 – 0,5% li), xloroform (0,5% li), formalin (0,05% li), mertiolat (1:500 - 1:10 000) bilan; agglutinatsiyalanuvchi zardoblar bor kislotasi, toluol, glitserin bilan konservatsiyalanadi.

Kimyoviy moddalar laboratoriyalarda *dezinfeksiya* uchun ham ishlatiladi: 1-3 % li xloramin, 3-5 % li fenol, 70 % spirit, 3-5-10 % li o‘yuvchi ishqorlar.

Dezinfeksiya – sterillashdan farq qilib, unda faqat patogen mikroorganizmlar o‘ldiriladi, sterillashda esa biror buyumdag‘i barcha mikroblar butunlay o‘ldiriladi.

Antiseptika – kimyoviy dezinfektorlar bilan yara va boshqa obyektlardagi mikroblarni o‘ldirishdan iborat. Antiseptiklar (yod, vodorod peroksiidi, kaliy permanganat, brilliant yashili va h.k.).

Aseptika – mikroblarning yaralarga tushushiga qarshi qaratiladi Aseptika yaralar bilan aloqada bo‘ladigan narsalar (asbob, bog‘lovchi va tikuvcchi materiallar, xirurglarning qo‘llari va h.k.) dagi mikroblarni to‘liq yo‘q qilish bilan amalgalash oshiriladi.

Aseptika va antiseptika, dezinfeksiya va sterillashda kimyoviy vositalar sifatida kislota, ishqor, oksidlovchilar, xlorli preparatlar, organik birikmalar, og‘ir metall tuzlari, gazlar, galogenlar, bo‘yoqlar, sirtki faol moddalar, spirtlar hamda boshqa kimyoviy moddalar va ularning aralashmalari ishlataladi.

Antiseptiklar (grekchadan *anti* – qarshi, *septicos* – chirigan) – odamlar amaliy faoliyatida ishlataladigan bakterisidlar. Veterinariyada antiseptiklar yaralarga ishlov berish uchun, oziq-ovqat sanoatida – mahsulotlarni buzilishdan saqlash uchun, yog‘och inshoatlarni chirishini oldini olish uchun qo‘llaniladi.¹³

Nazorat savollari:

1. Sterillashning fizikaviy usullarini ayting?
 2. Sterillashning kimyoviy usullarini ayting?
 3. Sterilizatsiya usullari qanday talablarga javob berishi kerak?
 4. Sterilizatsiya qilish usullari va ularga qo‘yilgan umumiy talablarni ayting?
5. «Sterillizatsiya», «Dezinfeksiya» tushunchalarining mohiyati va amalda ishlatalishi.
6. Vaksina, davolovchi va diagnostik zardoblar qaysi usulda sterillanadi?
 7. Bug‘ bilan bosim ostida yuqori haroratda sterillash (avtoklavlash) mohiyatini tushuntiring?
 8. Filtrlash usulida, Ultrabinafsha nurlari, Ultratovush bilan sterillashning mohiyatini tushuntiring?

Test savollari:

1. Sterillash nima?

- a) oziq muhitlarni buzilishdan saqlash
- b) mikroblarni vegetativ shakllarini yo‘q qilish

¹³Carter. G. R. darla J. Wise Essentials of Veterinary Bakteriology And Mycology Sixth Edition 2004 y. p.87.

c) mikroblarni o'sishdan to'xtatish

d) mikroblarni vegetativ va sporali shakllarini to'liq yo'q qilish.

2. Sterillash qanday talablarga javob berishi kerak?

a) mikrobni to'liq naslsizlantirish, materialni fizik kimyoviy xususiyatlari saqlanishi kerak

b) mikrobni ma'lum vaqt o'sishdan to'xtatish, material rangini o'zgarimasligi kerak

c) sterillash jarayonida pH o'zgarimasligi, faqat vegetativ shakldagi mikroblar yo'q qilinishi kerak.

d) oziq muhitni ma'lum vaqt buzilmay saqlanishini ta'minlashi kerak

3. Yonuvchi moddalar, suyuqliklar, oziq muhitlar, rezina narsalarni quruq issiqda sterillash mumkinmi?

a) mumkin

b) mumkin emas

c) farqi yo'q

d) juda kam vaqtida.

4. Sterillashning qanday usullari bor?

a) ultrabinafsha nurlari, yuqori bosim bilan

b) quruq, nam issiqlik bilan

c) fizikaviy, kimyoviy

d) qaynatish, filtrlash, konservasiya qilish.

5. Pasterizasiya usulida mahsulot.

a) 90°C da 20 daqiqa qizdiriladi

b) 65°C da 45 daqiqa

c) 70°C da 40 daqiqa

d) 80°C da 30 daqiqa.

6. Bug' bilan bosim ostida yuqori haroratda sterillash uchun jihoz.

a) avtoklav

b) quritkich shkaf

c) Kox apparati

d) sterilizator.

7. Quruq issiqlikda sterillash uchun nimalardan foydalaniadi?

a) Kox apparati

b) olov, qurutgich shkaf

c) avtoklav

d) fil'trlar.

8-MAVZU.

SOF KULTURA AJRATIB OLİSH USULLARI (aerob va anaerob mikroorganizmlarni)

Mashg'ulotning maqsadi: Sof mikrob kulturasini ajratishning diagnostik ahamiyati va sof kulturani ajratish usullarini o'zlashtirish.

Material va jihozlar: har 2-3 talabaga probirkada 10 ml steril fiziologik eritma; 5-6 ta probirkada 9 ml GPA, darajali pipetkalar va 5-6 ta steril Petri kosachalari, probirkada bir nechta tur bakteriyalar aralashmasi (stafilokokklar, salmonellalar, pichan tayoqchasi), plakatlar, videoproyektor, kompyuter.

Uslubiy ko'rsatmalar

O'qituvchi sof kulturani ajratishning turli xil usullarini tushuntiradi.

Talabalarga vazifa beradi: sof kulturani ajratishda qo'llaniladigan turli usullarda ekishni o'zlashtirish va mustaqil bajarish, daftarga yozish.

Laboratoriya amaliyotida ba'zi materiallarni bakteriologik tekshirganda unda ikki yoki bir necha tur mikroblar aralashmasi bo'lishi mumkin. Undan ajratib olingan bir turga mansub mikrobgaga sof kultura deyiladi

Mikroblarning sof (bir turining) kulturasini ajratish bakteriologik tekshirishlarning asosiy ishi hisoblanadi. Mikroblarning xususiyatlarini o'rganish va ularning turini aniqlash uchun faqat uning sof kulturasini ishlatiladi.

Sof kulturani ajratish maqsadida maxsus ekish usullarida bakteriyalarni alohida koloniylar hosil qilib o'sishiga erishiladi (zich oziq muhitda). Koloniya bitta mikrob hujayrasining ko'payib, rivojlanishidan hosil bo'lislarni hisobga olsak, alohida bitta koloniyanan steril oziq muhitga qayta ekilsa, sof kultura ajratib

olishga imkon beradi. Sof kulturani ajratishning har xil usullari mavjud: Paster, Kox, Drigalskiy, fizikaviy, kimyoviy va biologik.


Paster usulida 8-10 probirkaga 9 ml dan GPB olinib, birinchisiga tekshiriladigan namunadan pipetka bilan bir tomchi qo'shib, aralashtiriladi va undan 0,1 ml ikkinchi va keyingi probirkalarga ketma-ket o'tkazilib aralashtiriladi, oxirgi probirkagacha suyultiriladi. Suyultirish darajasi ortishi bilan mikroblar soni kamayib boradi. Paster oxirgi probirkada bir tur mikrob qoladi deb o'ylagan. Lekin ushbu usulda sof kultura ajratish ehtimoli kam. Hozirgi vaqtida Pasterning suyultirish usulidan yordamchi usul sifatida boshqa uslublarni bajarishda foydalaniladi.

Kox usuli 5-6 probirkada eritilgan va 45-50°C gacha sovutilgan GPA 10-15 mldan olinadi va ularda birin-ketin tekshiriladigan material suyultirilib, har bir probirkadan alohida Petri kosachalariga solinadi. Muhit qotgandan so'ng, kosachalar to'nkarilib termostatda 18-34-48 soatga qo'yiladi. Oxirgi kosachalarda alohida-alohida koloniyalar shaklida bizni qiziqtirgan sof kultura o'sib chiqadi. Alohida koloniyadan steril GPB, GPA larga ekiladi. Kox Paster usulidan foydalanib, faqat suyuq muhit o'rniga zich oziq muhitini ishlatgan (42-rasm). Suv, sut, tezak va h.k. materiallarni tekshirishda qo'llanadi.


Drigalskiy usuli 5-6 GPA li Petri kosachalari olinadi. Birinchi kosachadagi muhit markaziga bir tomchi tekshiriladigan material tomdirib shisha shpatel bilan muhit yuzasiga surtiladi (40-rasm).

Shpateldagi qoldiq material ikkinchi kosachaga o'tkazilib muhit yuzasiga surtiladi va h.k. oxirgi kosachaga. Keyin kosachalar termostatga qo'yiladi. Oxirgi kosachalarda alohida-alohida koloniyalar o'sib chiqadi, ulardan tanlab steril oziq muhitga qayta ekib sof kultura ajratiladi. Shpatel o'rniga bakterial ilmoq ishlatish ham mumkin (41-rasm). Bu holda material zigzag yoki shtrix chiziqlar ko'rinishida ekiladi. Sof kultura ajratishning boshqa bir usulida bundan farqli ravishda material namunasi Petri kosachasi yuzasiga may-


Sof kultura ajratish usullari



40-rasm. Mikroorganizmlar kulturasini zich oziq muhit yuzasiga shpatel bilan ekish: 1-Dregalskiy shpateli; 2-ekish; 3-mikroorganizmlarning o'sishi.




41-rasm. Mikroorganizmlar kulturasini zich oziq muhit yuzasiga ilmoq bilan ekish:



42-rasm. Suyultirish usulida olingan anaerob bakteriyalarning chegaralangan koloniyalari.

donning bir joyidan boshlab ilmoq bilan 4 bosqichda zigzag va shtrix chiziqlar ko‘rinishida ekiladi. Har bir bosqichda va oxirida ilmoq olovda sterillanadi. Chunki zigzag va shtrix chiziqlar kesishmasida har bir bosqichda material miqdori kamayadi hamda steril ilmoqga ilinadi. Natijada oxirgi bosqichda ekmalarda alohida koloniylar osib chiqadi (43-rasm).¹⁴



43-rasm. Petri kosachasida agarga ekib alohida koloniylar ajratish texnikasi.

Fizikaviy usul – ko‘pincha bakteriyalarning sporali shakllarini, sporasizlaridan ajratishi uchun qo‘llaniladi. Tekshirilayotgan material suspenziyasi 80° C da 30-40 daqiqa suv hammomida qizdiriladi. Vegetativ shakldagi bakteriyalar o‘ladi, sporalar qoladi. Tekshirish Drigalskiy yoki Kox usullarida davom ettiriladi.

Kimyoviy usul – oziq muhitlarga ma’lum miqdorda kimyoviy moddalar qo‘shilganda bakteriyalarning ayrim turlari o‘ladi (bakterisid ta’sir qiladi) ayrimi – o’sishdan to‘xtaydi (bakteriostatik) boshqa turlariga kimyoviy moddalar ta’sir etmasdan, ular yaxshi o‘sadi. Selektiv va elektiv muhitlarni qo‘llash ham shunga asoslangan.

Biologik usul – patogen mikroblarning sof kulturasini ajratishda qo‘llaniladi: tekshiriladigan material (to‘qima, bakteriya) suspenziyasi

¹⁴P.J.Quinn., B.K.Markey and others. Veterinary microbiology. This edition first published New Dehli, India 2016 y.p.13.

bilan moyil laboratoriya hayvoni (oq sichqon, dengiz cho'chqasi, quyon) zararlantiriladi. Materialda patogen mikrob bo'lsa hayvon kasallanib o'ladi. O'lgan hayvonni yorib, uning ichki organlaridan oziq muhitlarga ekilganda patogen mikrobning sof kulturasini ajraladi.

Shukevich usuli – Material GPA ning kondensat tomchisiga ekilganda, harakatchan bakteriyalar muhitning yuqori qismigacha o'sadi va undan kamgina olinib, toza oziq muhitga ekilsa, harakatchan bakteriyaning sof kulturasini ajratiladi.

Anaeroblarning sof kulturasini ajratish usullari ham yuqorida ko'rsatilgan prinsiplarga asoslanadi. Lekin maxsus anaerob mikroblar o'sadigan muhitlardan foydalaniлади.


Drigalskiy usuli – Petri kosachalarida GPA o'rniغا maxsus qonli – glukozali GPA qo'llanilib, anaerob sharoit yaratiladi (eksikator, mikroanaerostat). *Vilson-Bler muhitiga ekish usuli* – oziq muhitda alohida-alohida qora rangli koloniylar o'sib chiqadi. Ularni Kitt-Tarossi muhitiga qayta ekkanda sof kultura ajratiladi. *Biosinov usuli* – tekshirilayotgan material yoki aralash kultura bilan moyil laboratoriya hayvonlari zararlanganda, ular kasallanib o'ladi. Patalogoanatomik yorib, ularning ichki organlaridan Kitt-Tarossi muhitiga, yarim suyuq agar yoki qonli – glukozali agarga ekib, yuqorida ko'rsatilgan sof kultura ajratish usullaridan birini qo'llagan holda patogen anaeroblarning sof kulturasini ajratiladi.

Mikroorganizmlarni o'stirish. Laboratoriya sharoitlarida o'stirilgan mikroorganizmlar mikrob kulturalari deb ataladi. Kulturani olish uchun tekshirilayotgan material (qon, to'qimalar emulsiyasi, shish suyuqligi, yiring, sut va h.k.) probirka, kolba yoki petri kosachalarida steril oziq muhitlarga ekiladi va ma'lum vaqtida termostatga joylanadi. Termostatda har xil guruh mikroorganizmlar uchun kerak bo'lgan harorat ($37\text{-}38^{\circ}\text{C}$; $26\text{-}30^{\circ}\text{C}$; $22\text{-}25^{\circ}\text{C}$) doim saqlanib turadi.

Mikroorganizmlarni o'stirish uchun jihozlar. Termosstat ikki devorli shkaf, tashqaridan issiqni izolatsiyalovchi material (plastika) bilan qoplangan. Termostatlar suvli yoki quruq-havoli bo'lishi

mumkin. Termostatning ichida bir nechta to‘rsimon tokchasi bo‘lib, unga ekmali shtativlar, probirkalar solingen savatchalar, kolbalar, petri kosachalari, eksikatorlar, mikroanaerostatlar joylandi.

Harorat termostatda termoregulator yordamida tutib turiladi. Harorat keragidan ortib ketsa, termoregulator isitgichni avtomatik tarzda o‘chiradi, pasayib ketsa – uni qo‘shadi. Termoregulatorlar bimetallic, «yostiqchali» va kontaktli (simobli) bo‘lishi mumkin. Zamonaviy termostatlarda odatda *kontaktli termoregulatorlar* ishlatiladi – ikki tomoniga platinali simlar kavsharlangan simobli termometr. Anaerob va mikroaerofil bakteriyalarni o‘stirish uchun eksikatorlar va anaerostatlar ishlatiladi.



44-rasm. Anaerostatlarda kimyoviy usulda anaerob sharoit yaratish.

Eksikator bu qopqog‘i zinch yopishadigan shisha idish. Uning tubiga havo kislorodini faol bog‘laydigan kimyoviy modda (masalan, pirogallol bilan o‘yuvchi natriy) solingen ochiq Petri kosachasi qo‘yiladi. Yuqorida eksikatorning bo‘rtiq qismiga teshikchali farfor plastina (taglik) qo‘yiladi, uning ustiga ekmali probirka yoki kocahalarni joylab, qopqog‘i zinch yopiladi. Germetik yopilishi uchun eksikatorning chetlariga vazelin surtiladi, keyin termostatga qo‘yiladi.

Anaerostat – germetik yopiladigan metall silindr idish, havoni chiqarish yoki ish uchun kerakli gazni (CO_2 , N_2 , O_2 va h.k.) berish uchun jo‘mraklari va vakuum-monometrlari bor. Ekmalarni silindring ichiga joylashtirib, qopqog‘i yopiladi va nasos yordamida

eksikator ichidagi havo chiqariladi. Undagi holatni vakuum-monometr millimetrik Simob ustunida (0 dan 760 gacha) ko'rsatadi. Anaerostat ekmlar bilan termostatga qo'yiladi (41-rasm).¹⁵

Bakteriyanng o'sishi va ko'payishi. Prokariot hujayralarning o'sishi deganda ular tarkib topgan barcha kimyoviy komponentlari miqdorining mos ravishda ortishi tushuniladi. Bunda hujayraning massasi va o'lchamlari kattlashadi.



45-rasm. Oziq muhitlarda bakteriya kulturasining o'sish fazalari.¹⁶

Ammo, hujayraning o'sishi cheksiz emas. O'lchami ma'lum kattalikka yetganda hujayra bo'lina boshlaydi. Aksariyat prokariotlar uchun teng binar ko'ndalang bo'linish natijasida ikkita bir xil qiz hujayralarning hosil bo'lishi xarakterli. Bunday bo'linish usulida uzunasiga va ko'ndalang o'qqa nisbatan simmetriya kuzatiladi. Binar

¹⁵Tracy H Vemulpalli. G Kenitra Hammac. Microbiology for veterinary Technicians. Textbook copyright Printed in the United States of America 2015 y. p.193.

¹⁶P.J.Quinn., B.K.Markey and others. Veterinary microbiology. This edition first published New Dehli, India 2016 y.p.4.

bo'linishning boshqa varianti kurtaklanish hisoblanadi. Bakteriyalar-ning juda ko'p bo'linish yo'li bilan ko'payishi ham ifoda etilgan. U xromasomaning oldindan replikatsiyalanishi va vegetativ hujayra o'l-chamlarining kattalashishi bilan boshlanadi, keyin ona hujayra devorining qo'shimcha fibrillyar qavati ichida qatorasiga tezda ketma-ket binar bo'linadi. Oziq muhitda kulturaning o'sishi bir nechta fazalarda kechadi (45-rasm).

Mikroblarni ekish texnikasi. Sut, yog‘, somon, silos, suv, yiring, o'lgan hayvonlar to'qimalaridan bakteriyali kulturalarini olish uchun steril oziq muhitlarga ekiladi. Albatta, ekish vaqtida tashqaridan bakteriya tushishiga yo'l qo'ymaslik uchun bu jarayon yonib turgan gaz yoki spirt lampasi alangasi yaqinida bajariladi. Ekish ilmoq yoki paster pipetkalari bilan olib boriladi.

Ekishdan avval maxsus moyqalam bilan probirkaga (kolba yoki Petri kosachasiga) ekspertiza raqami, mikroorganizm nomi va ekish sanasi yoziladi. Mikroorganizmlar zinch oziq muhitda o'stirilgan bo'lsa, ekish yoki preparat tayyorlash uchun bakteriologik material bakteriologik ilmoq yoki igna bilan olinadi; suyuq oziq muhitdan hujayralarni olish uchun esa steril pipetkalar ishlataladi. Bakteriologik ilmoq ingichka platinali simdan yasalgan, diametri 1,5 – 3 mm bo'lib, metall tutqichga mahkamlanadi. Bakteriologik ilmoq (igna) mikroorganizm hujayralarini olishdan oldin sterillanadi. Buning uchun sim tutgich bilan tutashgan joyigacha yonib turgan gaz yoki spirt lampasi alangasida qizargunicha qizdiriladi. Bunda bir tekis sterillanishi uchun ilmoq alangada vertikal holatda tutib turiladi, keyin tezda mikroorganizmlar bor idishga solinadi. Mikroorganizmlar hujayrasini shikastlamaslik uchun, ilmoq (igna) idishning ichki yuzasiga yoki oziq muhitning mikrob o'smagani joyiga tegdirib sovutiladi va shundan keyingina kamroq miqdorda mikrob massasi olinadi.¹⁷

¹⁷Кисленко В.Н. Практикум по ветеринарной микробиологии и иммунологии.
– М.: КолосС, 2005.с.56-57.


Probirkada zinch oziq muhitda o'stirilgan mikroorganizmlar hujayralari quyidagicha olinadi: kulturali probirkka chap qo'lda ushlanadi, oziq muhitning mikroorganizmlar o'sgan yuzasi yuqoriga qaragan bo'lishi va yaxshi ko'rinishi kerak. Probirkka gorizontal yoki sal qiya ushlanadi. O'ng qo'lda ilmoq qalamdek ushlanadi, gorelka alangasida qizdiriladi. So'ngra ilmoqni qo'yib yubormay, mayda va nomsiz barmoqlar bilan paxta-dokali tiqinining tashqi tomoni kaftga bosilib, tiqin probirkadan olinadi. Ochiq probirkaning chetlari alanga ustida yengilgina qizdiriladi, probirkaga steril ilmoqni kiritib, kamroq mikrob massasi olinadi va ilmoq probirkadan chiqariladi. Probirkaning chetlari yana gorelka alangasida qizdiriladi, keyin paxta-dokali tiqinining ichkariga kiradigan tomoni ham alangadan o'tkazib olinadi va probirkka yopilib shtativga qo'yiladi.

Olingan material preparat tayyorlash uchun ishlatiladi. Ilmoqda qolgan mikroorganizmlar hujayralari gorelka alangasida kuydiriladi.

Suyuq oziq muhitda o'sgan mikroorganizmlar hujayralari steril pipetkada, kamroq hollarda – ilmoqda olinadi. O'ng qo'lning o'rta va bosh barmoqlari bilan steril pipetka olinadi, chap qo'lga suyuq muhitli probirkka (kolba)ni ushlab, yuqorida aytilgan ehtiyyot choralarini ko'rib, pipetka suyuqlikka yuborildi. Bir qism muhitdan olib, probirkka tiqin bilan yopiladi. Olingan namuna preparat tayyorlash uchun yoki yangi oziq muhitga ekish uchun ishlatiladi. So'ngra ishlatilgan pipetka atrofdagi buyumlarga tegdirmasdan tezda dezinfeksiyalovchi (0,5-3% li xloraminning suvdagi eritmasi yoki 3-5% li fenolning suvdagi eritmasi) eritmaga solinadi.

Mikroorganizm hujayralarini bir muhitdan ikkinchisiga ekish, qayta ekish uchun chap qo'lga ikkita probirkka – birida oziq muhit bor (o'zingizdan uzoqda), ikkinchisida – mikroorganizmlar kulturasи bor (o'zingizga yaqin), o'ng qo'lga bakteriologik ilmoq olinadi. Ilmoq gorelka alangasida sterillanadi, keyin ikkala probirkka tiqinlarini o'ng qo'lning kichik va nomsiz barmoqlari bilan kaftga bosib, probirkalar ochiladi. Bakteriologik ilmoq bilan mikroorganizmlar hujayralari

ilib olinadi va ilmoq qiyalatilgan steril oziq muhitga deyarli probirka tubigacha olib boriladi; ilmoq yuqoriga zigzag yoki to‘g‘ri (shtrix) chiziqli harakatlar bilan yurgizib olinadi. Igna bilan ekish ham xuddi shunday olib boriladi, faqat igna oziq muhitga tik yuboriladi (46-rasm).



46-rasm. Zich oziq muhitga ekish usuli.¹⁸

Suyuq oziq muhitlarga ekish uchun, probirkalar deyarli vertikal ushlanadi, shunda tiqinlarga suyuqlik tegmaydi va ular namlanmaydi. Ilmoq mikroorganizm hujayralari bilan to‘g‘ri oziq muhitga solinadi.

Yuqorida aytilgan barcha jarayonlar gorelka alangasi yonida (alangada emas!) imkon qadar tez bajariladi. Bu bilan kulturaga begona mikroorganizmlar tushishiga yo‘l qo‘yilmaydi. Tez harakatlanish, mikroorganizmlarni ekayotgan odam yonida yurish mumkin emas, chunki havo harakati kulturaning ifloslanishiga olib kelishi mumkin.

¹⁸Tracy H Venulapalli. G Kenitra Hammac. Microbiology for veterinary Technicians. Textbook copyright Printed in the United States of America 2015 y.

Suyuq oziq muhitlarga (sut, GPB) ekkanda chap qo'lda probirkalga surtmali preparatlarni tayyorlagandagidek ushlanadi; o'ng qo'liga ekiladigan materiali bor ilmoq (yoki pipetka) va probirkalar tiqinlari olinadi. Gorelka alangasi yonida material tomchisi olingan ilmoq (yoki pipetka) probirkadagi steril muhitga yengilgina botirib olinadi. Probirkani tiqini bilan yopib, ilmoq olovda kuydiriladi, paster pipetkasi esa dezinfeksiyalovchi eritma (karbol kislota, lizol, farmalin) ga solinadi. Ishlash jarayonida suyuqlik probirkaga tiqiniga tegmasligi va to'kilmasligi kerak. Tayyor ekilgan oziq muhitlar termostatga qo'yiladi.

Zich oziq muhit ga ekkanda qayta ekiladigan kulturali va steril oziq muhitli (GPA) probirkalar chap qo'lda (agarning qiya yuzasi yuqorida) tiqinlari gorelka alangasi tomonga qaratib qiya ushlanadi. Gorelka alangasi yonida ochilgan kulturali yoki boshqa materialli probirkaga ehtiyyotlik bilan ilmoq kiritiladi va yengilgina tekshirilayotgan materialga tegdirib, kamroq miqdorda (bir tomchi) olinadi hamda steril oziq muhitli probirkaga o'tkaziladi. Ilmoqni probirkaga tubiga yetkazib, kondensat suyuqligiga botiriladi va zigzag harakatlar bilan qiya agarning yuzasidan yuqorigacha surtib boriladi. Zich muhitga tik ekkanda probirkaga gorizontal ushlanadi. Ekmalar (probirkalar) termostatga o'stirishga qo'yiladi. 16-18, 24-48 soatdan keyin natija hisobga olinadi va bakteriyalarning kultural xususiyatlari o'rganiladi.

Suyuq oziq muhitda mikroorganizmlarning o'sishi bakteriya hujayralarining ko'payishi hisobiga bir xilda loyqalanish, cho'kmaga tushish (bu holda muhit tiniq bo'ladi) bilan namoyon bo'ladi. Mikroorganizmlarning ba'zi turlarida havo kislorodiga talab katta bo'lib, ular suyuq muhitning yuzida parda hosil qilib o'sadi, bunda bulon loyqalanmaydi. Qator hollarda bakteriya kulturalari bir vaqtida muhitni loyqalantiradi, ko'p cho'kma hosil qiladi va probirkaga devorida halqa paydo qiladi.

Zich oziq muhitlarda kultural xususiyatlar o'sayotgan koloniya xarakteriga qarab aniqlanadi. Muhit yuziga ko'p miqdorda bakteriya hujayralari ekilsa, mikrob yoyilib o'sadi. Oziq muhitning keng yuzasi-ga kamroq hujayra ekilsa, har bir bakteriya hujayrasi bo'linib ko'pa-yishi hisobiga alohida koloniya shakllanadi. Kolonianing diametriga bog'liq ravishda ular katta, kichik, shudringsimon bo'lishi mumkin. Ko'pchilik bakteriyalar, aktinomitsetlar, mog'or zamburug'lari turlarining koloniyalari har xil oziq muhitlarda o'sganda har xil rangga bo'yalishi mumkin. Bu ularning bo'yovchi moddalar – pigment hosil qilishi bilan ifodalanadi. Agar pigment eruvchan bo'lsa, muhit to'liq bo'yaladi, erimaydigan bo'lsa, faqat koloniya bo'yaladi. Har xil mikroorganizmlar turlari uchun aniq rangli – tilla rang, ko'k-yashil, oq, sariq, qizil va h.k.pigment hosil qilishi xarakterlidir. Pigment hosil bo'lish zich oziq muhitlarda yaxshi namoyon bo'ladi. Bunda harorat ham ahamiyatga ega; ko'pchilik turlar uchun 25-30°C optimum hisoblanadi. Havo kislorodi va yorug'lik nurlari ham ma'lum darajada ta'sir etadi.

Mikroorganizmlarning kultural xususiyatlari keyingi mavzular-da (Bakteriyalarning kultural, biokimyoiy xususiyatlarini aniqlash) yanada batafsil yoritilgan.

Nazorat savollari:

1. Sof kulturaga tushuncha bering?
2. Sof kultura ajratishning qanday usullari bor?
3. Kox, Drigalskiy usullarining farqi nimada?
4. Kimyoviy, fizikaviy va biologik usullarini ta'riflang?
5. Anaeroblrarning sof kulturasini ajratish usullarini ta'riflang?
6. Sof kultura ajatishda Paster va Kox usullarining farqini aytинг?
7. Harakatchan bakteriyalarning sof kulturasini qaysi usulda ajratiladi?
8. Biologik usul qanday mikroblarning sof kulturasini ajratishda ishlataladi?

Test savollari:

1. Sof kultura ajratishni Paster va Kox usullarining farqi nimada?

- a) suyultirish darajasida
- b) haroratida
- c) oziq muhitida
- d) kultura miqdorida.

2. Sof kultura nima?

- a) bir xil patmaterialdan ajratilgan kulturalar
- b) kultural xususiyatlari o'xshash mikroblar
- c) morfologik o'xshash mikroblar
- d) mikroblar aralashmasidan ajratib olingen bir turga mansub mikrob.

3. Sof kultura ajratish usullari qaysi bandda to'g'ri ko'rsatilgan?

- a) Paster, Kox, Drigalskiy, kimyoviy, biologik, Shukevich usuli
- b) Paster, Olt, Drigalskiy, Saburo, Kox
- c) Rebiger, Kox, Muromsev, fizikaviy, biologik
- d) Kimyoviy, Drigalskiy, Auyski, Kozlovskiy.

4. Anaeroablarni sof kulturasini ajratish usulini aeroblardan farqi?

- a) farq qilmaydi
- b) maxsus sharoit va oziq muhitlar ishlataladi
- c) aniq haroratda ishlov beriladi
- d) muhit rangi o'zgaradi.

5. Sof kultura ajratishning fizikaviy usulida material suspenziyasini qizdirish ko'rsatkichi qaysi bandda to'g'ri berilgan?

- a) 65°C da 1 soat
- b) 90°C da 20 daqiqa
- c) 80°C da 30-40 daqiqa
- d) 56°C da 20 daqiqa.

9-MAVZU. BAKTERIYALARINI KULTURAL, BIOKIMYOVIY XUSUSIYATLARINI O'RGANISH

Mashg'ulotning maqsadi: talabalarni mikroorganizmlarning kultural xususiyatlari bilan tanishtirish, suyuq, yarim suyuq va zich oziq muhitlarda o'shiga xos o'sish xususiyatlarini ozlashtirish. Bakteriyalarning biokimyoviy xususiyatlarini aniqlashning ba'zi usullarini o'rghanish.

Material va jihozlar: har 2-3 talabaga: GPB va GPAda o'sgan mikrob kulturalari. Probirkalarda toza GPB va GPA, GPJ, Petri kosa-chalarida Levin, Endo, qonli agar, indikator qog'ozlar – vodorod sulfid, indol, ammiakni aniqlash uchun. Tegishli jadvallar, videoproyektor, kompyuter.

Uslubiy ko'rsatmalar

O'qituvchi talabalarni bakteriyalarning suyuq va zich oziq muhitlarda o'sish xususiyatlari bilan tanishtiradi. Ularga vazifa beradi: mikrob kulturalarini ko'zdan kechirib, makroskopik va mikroskopik (obyektiv 8 yoki lupa bilan) tekshirish. Mikrob kulturasini Petri kosachasida tanlangan mikrob koloniyasini maxsus qalam bilan belgilab tekshiriladi: a) sxema bo'yicha b) toza oziq muhitlarga ekib d) surtma preparat tayyorlab. Gram usulida bo'yaladi va mikroskopda tekshirib, natijasi daftarga chiziladi. Mikrob kulturasini uglevodli muhitlarga ekib – saxarolitik, GPJ ga ekib proteolitik, qonli agarda gemolitik xususiyatlarini o'rGANADI.

Laboratoriya da har bir ajratilgan soj mikrob kulturasini, albatta identifikatsiyalanadi (qiyoslash), ya'ni uning turi aniqlanadi. Buning uchun quyidagi xususiyatlari o'rGANILADI:

1. Morfologiyasi (hujayraning shakli, o'zaro joylashishi, hajmi, spora va kapsula hosil qilishi, harakati).

- 2.Tinktorial xususiyatlari (oddiy, Gram va boshqa bo'yash usullariga munosabati).
- 3.Kultural xususiyatlari (oziq muhitlarda o'sishi)
- 4.Biokimoviy xususiyatlari (saxarolitik, gemolitik, proteolitik)
- 5.Toksigenligi (ekzo va endotoksinlar hosil qilishi).
- 6.Patogenligi (laboratoriya hayvonlarini zararlab).
- 7.Antigenlik xususiyatlari (serologik reaksiyalar qo'yib).

Olingen ma'lumotlar maxsus qo'llanma Bergining (1984-yil) «Bakteriyalarni aniqlagich»idan foydalanib mikrob turi aniqlanadi. Mikroorganizmlarni identifikatsiyalashda faqat yosh (16 – 18 – 24 – 48 soat) bakteriya kulturalari ishlataladi, chunki yoshi o'tishi bilan ularning xususiyatlari o'zgarishi mumkin. Zich oziq muhit yuzasida bakteriyalar o'ziga xos koloniylar hosil qiladi.

Koloniya – deb bir tur bakteriya hujayrasining ko'payishidan hosil bo'lgan mikroblar to'plamiga aytildi. Har bir koloniyada bir necha yuz mingdan 2 mlrd.gacha mikrob hujayrasi bo'lishi mumkin.

Suyuq oziq muhitda o'sgan mikroorganizmlarning xususiyatlari:

1. Loyqalanish intensivligi va xossasi – bir xil (diffuz), kuchli, o'rtacha, kuchsiz. 2. Muhitning yuzasida – parda, halqa hosil bo'lishi. Pardaning rangi, tovlanishi (havorang, sarg'ish, kulrang, oq), qalinligi (ingichka, yo'g'on, nozik, dag'al), parda yuzining xossasi (qatlamli, ajinli, silliq, to'rsimon, momiq), konsistensiyasi (mo'rt, shilimshiq, yog'li) hisobga olinadi. 3. Cho'kma hosil bo'lishi – ko'p, oz, yo'q. Holati – zich, yumshoq, donador, paxta bo'lakchasidek, ipr-ipr, ush-oqsimon, shilimshiq. Rangi – oq, sarg'ish, yashil, kulrang. Qoqib ko'rganda cho'kma tarqalib, muhitni bir xilda loyqalantiradi yoki yirik ba'zan mayda ipr-iprli bo'ladi. Shilimshiq cho'kma o'rilgan soch ko'rinishida ko'tariladi.

Mikroblar probirka devoriga yopishib rivojlanishi mumkin. Mikroorganizmlar ba'zan bir nechta xususiyatlarni namoyon qiladi.

Yarim suyuq oziq muhitda o'sgan mikroorganizmlarning xususiyatlari: harakatsiz bakteriyalar ekish yo'lida oq sterjen ko'rinishda

o'sadi. uning atrofidagi muhit tiniqligicha qoladi. Harakatchanlari burchalar ko'rinishida tarqalib muhitni har xil darajada loyqalantiradi.


Zich oziq muhitida o'sgan bakteriya koloniyasining xususiyatlari. Koloniyalar alohida chegaralangan va qo'shilib birlashib ketgan bo'ladi. Qurollanmagan ko'z, mikroskop (x8 obyektiv), lupa bilan o'rganiladi. Avval o'sish jarayoni aniqlanadi – ko'p, o'rtacha, kam. Keyin koloniyalar shaklining bir xil yoki har xilligi va quyidagi belgilari hisobga olinadi. 1. *Shakli* – to'g'ri (oval, yumaloq), noto'g'ri (ildizsimon, yulduzsimon, amyobasimon, shoxlangan va h.k. (47-rasm) .2. *O'lchami* diametrda ifodalanadi: yirik koloniyalar – 4 mm dan ortiq, o'rtachasi 2 – 4 mm, maydasi 1 – 2 mm va yanada mayda shudringsimonlari – 1mm gaha bo'ladi. 3. *Chetlari* – to'g'ri (S – shakl), g'adir-budir (R – shakl), to'lqinsimon, popukli, arratishli, jingalak (49-rasm). 4. *Tiniqligi va yaltirashi* (tushayotgan yorug'likda ko'rildi) – tiniq, tiniq emas, loyqa, xira, yaltiroq, fluoressensiyalovchi koloniya. 5. *Rangi* – kulrang-oq, rangsiz, oq, qora, sariq, qizil, ko'k, tillarang, yashil va boshqa rangli. Hosil qilgan pigmentining rangiga bog'liq. 6. *Yonidan ko'rinishi o'stililgan*) kulturalar ishlataladi, chunki eskilarining kultural xususiyatlari (*relyefi*) – bo'rtiq, yassi, konussimon, tekis, markazi botiq va h.k. (48-rasm). 7. *Yuzasi* – silliq, g'adir-budir, unsimon, ajinsimon, qavat-qavat. 8. *Konsistensiyasi* – zich, ushoqsimon, quruq, yarim suyuq, xamirsimon, shiliimshiq, kukunsimon, yog'li. 9. *Tuzilishi* – bir xil, sertola, donador, pardali (50-rasm). 10. *Hidi* – yo'q. bor (nimani eslatadi?).

Biokimyoiy xususiyatlari



Bakterialarning biokimyoiy xususiyatlarini o'rganish infektion kasallik qo'zg'atuvchilarini aniqlashda muhim differensial diagnostik usul hisoblanadi.

Bakterianing saxarolitik xususiyatlari ularni tarkibida har xil uglevodlar, indikatorlari bor differensial – diagnostik oziq muhitga ekib aniqlanadi. Buning uchun kultura Gissa oziq muhit (tarkibida – glukoza, lakteza, maltoza, saxaroza, mannit, dulsit, arabinoza, sorbit


Bakteriyalarni kultural, biokimyoviy xususiyatlarini o'rganish




47-rasm. Koloniya shakllari:
1-yumaloq; 2-yumaloq chetlari to'lqinsimon;
3-yumaloq chetlari hoshiyali; 4,5-rizoidli;
6-chetlari rizoidli;
7-amyobasimon; 8-ipsimon; 9-qatlam-qatlam;
10-noto'g'ri shaklli; 11-konsentrik;
12-murakkab.



48-rasm. Koloniyaning yon tomonidan ko'rinishi (profile):
1-egilgan; 2-kratersimon; 3-g'adir-budir;
4-substratga o'sib kirgan; 5-tekis; 6-bo'rtiq;
7-tomchisimon; 8-konussimon.



51-rasm. Jelatina erishining har xil shakllari.



50-rasm. Koloniyaning tuzlishi:
1-bir xil; 2-mayda donador; 3-yirik donador;
4-oqimsimon; 5-sertola.




52-rasm. Naychada gaz to'planishi:
1-gaz hosil bo'lgan;
2-gaz hosil bo'lmagan.

va h.k. bo'ladi) steril yog'sizlantirilgan sut, lakmusli sut, metilen ko'ki qo'shilgan sutmurga ekiladi. Termostatda o'stirib, uglevodlarni fermentatsiya qilish natijasi hisobga olinadi. Muhit rangi qizaradi – uglevod parchalanib kislota va gaz hosil bo'ladi (52-rasm). Bu maqsadda uglevod va indikatorlar qo'shilgan yarim suyultirilgan agar, shuningdek, Endo, Levin, Ploskirev zinch oziq muhitlari ishlataladi.

Proteolitik xususiyatlarni ko'pincha GPJ ga kulturani tik ekip o'r ganiladi. Bakteriya fermentlari ta'sirida jelatina proteolizga uchrab, muhitda erish (suyulish) paydo bo'ladi. Har xil turdag'i mikrob jelatinani eritishi har xil bo'ladi. Ba'zisi voronka, ba'zisi xaltachadek, paypoqsimon va h.k. (51-rasm). Bakteriyalar oqsilni parchalashining oxirgi mahsulotlari (indol, vodorod sulfid, ammiak va h.k.) hosil bo'lishiga qarab aniqlanadi. Bunda maxsus tayyorlangan lakkus qog'ozlardan foydalilanadi. Qo'rg'oshin asetat eritmasi shimdirlig'an qogoz vodorod sulfid ta'sirida qorayadi, ammiak ta'sirida pushti rangli lakkus qog'oz zangori, indol ta'sirida esa sariq indikator qog'oz pushti rangga kiradi.

Mikroblarning ba'zilari o'zining fermentlari ta'sirida reduksiyalash xususiyatini namoyon qiladi. Ya'ni organik bo'yoq – metilen ko'ki, malaxit yashili, neytral qizili kabilar qo'shilgan oziq muhitga (sut) ekkanda 24 coat termostatda o'stirgandan keyin uni rangsizlantiradi.

Katalazani aniqlashning har xil usullari bor. 1. Agarda o'stirilgan sutkali kulturaning yuzasiga 1 ml 1%li vodorod peroksid (H_2O_2) eritmasi bir tekis yoyiladi. Katalaza bo'lsa, ajralgan kislород gazi pufakchalari paydo bo'ladi. 2. Buyum oynasiga 3 – 10 %li vodorod peroksid eritmasi tomdirib unga bakterial ilmoqda agarli kultura aralashtiriladi. Gaz pufakchalarining (kislород) ajralishi katalazaning borligidan dalolat beradi. 3. Bulonli kulturada katalazani aniqlash – probirkaga 1 ml kultura quyib unga 1 ml 10%li vodorod peroksid eritmasi qo'shiladi. Gaz pufakchalarining ajralishi (har xil darajada) katalazaning borligidan dalolat beradi.



*53-rasm. Eritrotsitlar lizisga uchrab *S. aureus* koloniya atrofida tiniq gemoliz paydo bo'lgan.*

Gemolitik xususiyatlar. Ba'zi bakteriyalar hayot faoliyatini jarayonida, eritrotsitlarni lizisga uchratuvchi oqsil tabiatli moddalar—gemotoksinlar hosil qiladi. U eritrotsit qobig'ini parchalaydi. Bakteriyalarning gemolitik xususiyatini aniqlash uchun kultura 5 % fibrinsizlangan qon aralashtirilgan go'sht - peptonli agarga ekiladi (qonli agar). Agar gemolitik xususiyati bor bo'lsa, eritrotsitlar lizisga uchrab koloniya atrofida tiniq gemoliz paydo bo'ladi (53-rasm).

Nazorat savollarri:

1. Mikroblarning kultural xususiyatlari?
2. Identifikatsiyalashda mikroorganizmlarni qanday xususiyatlari o'r ganiladi?
3. Bakteriyalarning saxarolitik xususiyatlari qanday aniqlanadi?
4. Proteolitik xususiyatlarning mohiyati nimadan iborat?
5. Gemolitik xususiyatlar qanday o'r ganiladi?
6. Katalazani aniqlash usullarini tushuntiring?
7. Mikrobning proteolitik xususiyatlari qanday o'r ganiladi?
8. Koloniya nima?

Test savollari:

1. Kultura nima?

- a) o'simliklar bargidan ajratilgan mikrob
- b) bakteriyalar aralashmasi
- c) hayvonlar organizmida uchraydigan bakteriyalar to'plami
- d) hayvon, o'simlik, tashqi muhit substratlaridan oziqa muhitlarda o'stilgan.

mikroorganizmlar

2. Koloniya nima?

- a) bir tur bakteriya hujayrasi ko'payishidan hosil bo'lgan mikroblar to'plami

b) mikroblar aralashmasi

c) o'sishdan to'xtagan mikroblar to'plami

d) bir necha xil patmaterialdan ajratilgan mikroblar.

3. Mikroorganizmlarni identifikasiyalashda qanday kulturalar ishlataladi?

a) 4-5 kunlik

b) yosh (16-48 soatlik)

c) 4-5 soatlik

d) qari (8-10 kunlik).

4. Bakteriyalarning saxarolitik xususiyatlari qanday o'r ganiladi?

- a) oddiy oziq muhit tarkibidagi uglevodlar miqdoriga qarab
- b) oddiy oziq muhitlarda o'sishiga qarab
- c) tarkibida har xil ugltvodlar, indekatorlar bor differensial diagnostik muhitlarga ekib

d) suyuq va zich oziq muhitlarda o'sish muddatini uzaytirib.

5. Katalazani aniqlashda qaysi reaktiv ishlataladi?

a) har xil foizdag'i sul'fat kislota eritmasi

b) har xil foizdag'i yod eritmasi

c) har xil foizdag'i xlorid kislota eritmasi

d) har xil foizdag'i vodorod peroksid eritmasi.

6. Bakterianing proteolitik xususiyatlari qanday o'r ganiladi?

a) GPJ ga kulturani tik ekib

b) suyuq oziq muhitga ekib

c) vodorod peroksid qo'shib

d) eritrositlarni kulturaga aralashtirib.

7. Gemolitik xususiyatlari kultura

a) gemokulturani o'ldiradi

b) gemotoksinlar hosil qilib, eritrositlarni lizisga uchratadi

c) eritrosit qobig'ini parchalamaydi bujmaytiradi

d) qonning barcha shaklli elementlarini parchalaydi.

10 -MAVZU. MIKROORGANIZMLARNI ANTIBIOTIKLARGA SEZUVCHANLIGINI ANIQLASH

Mashg'ulotning maqsadi: antibiotikning faolligini, bakteriyalarning ularga sezgirligini va chidamliligini aniqlash usullarini o'rGANISH.

Material va jihozlar: har 2-3 talabaga GPA quyilgan ikkita Petri kosachasi, darajali 2 ml pipetka, mikrob kulturasi (stafilokokk yoki esherixia), pinset, turli xil antibiotiklar shimdirilgan qog'oz diskli flakonlar, Paster pipetkasi, lineyka, avvaldan tayyorlangan ikkita Petri kosachasidagi GPA da antibiotik disklarini bakteriyalarga ta'siri, tegishli jadvallar, videoproyektor, kompyuter.


Uslubiy ko'rsatmalar

O'qituvchi – antibiotiklarning faollik birligi, uni aniqlashni, bakteriyalarning antibiotiklarga sezuvchanligini aniqlash usullarini tanishtiradi. Talabalarga vazifa beradi: qog'oz diskli usulini bajarish. Avvaldan tayyorlangan qog'oz diskli usulining xulosasini daftarga yozish. O'sishdan to'xtash zonasini o'lchash.

Antibiotiklar – bakteriyalardan (gramisidin, polimiksin, tirotrisin, subtilin va h.k.), aktinomitsetlar (streptomitsin, neomitsin, tetrasiklin, eritromitsin va h.k.), mog'or va lishayniklar (penitsillin, grizeofulvin va h.k.), hayvonlar (lizosim, eritrin, ekmolin va h.k.) va o'simliklardan (allisin, fitoaleksin, aloe, piyoz va sarimsoq fitonsidlari va h.k.) olinadi. Bu ularning hayot faoliyatida hosil bo'lgan mahsulotlar. Davolash amaliyotida antibiotiklar ta'sir etish spektoriga qarab farqlanadi: mikroorganizmlarning alohida bir guruhiga (masalan, grammusbat yoki grammanfiylariga) ta'sir etuvchi yoki har xil guruh mikroblarga ta'sir etuvchi.

Antibakterial preparatlar hugayraning tarkibiy qismlariga tanlab ta'sir etadi va bakteriyaga turlicha shikast yetkazadi. Ba'zilari hujayra

DNK, RNK siga, ribosoma, hujayra devoriga ta'sir etsa, boshqalari oqsil sintezi va h.k larga salbiy ta'sir etadi (54-rasm).¹⁹



54- rasm. Antibakterial preparatlarning hugayraga ta'siri.

Antibiotiklar sanoat asosida kaliy, natriy, kalsiyli tuzlari ko'rinishida tayyorlanadi va maxsus upakovkalarda chiqariladi. Hamma vaqt preparatni chiqarishdan avval uning faolligi aniqlanadi.

Antibiotiklar ma'lum mikroblar guruhiga antimikroblı ta'sir etib, ularni rivojlanishdan to'xtatadi yoki o'ldiradi.

¹⁹P.J.Quinn., B.K.Markey and others. Veterinary microbiology. This edition first published New Dehli, India 2016 y.p.18.

Antibiotiklarning biologik faolligi – ta'sir birligi TB bilan belgilanib, 1 ml eritma (TB/ ml) va 1 mg preparatdagi miqdori (TB / mg) bilan ifodalanadi.

Antibiotikning ta'sir birligi (TB) deb ma'lum hajmdagi oziq muhitda unga sezgir standart test mikrobni o'ldiradigan eng kam miqdoriga aytildi. Har bir antibiotikning faolligini aniqlashda o'ziga xos test mikrob ishlatiladi: penitsillin uchun – tillarang stafilokokk 209-R, streptomitsin va tetrasiklin uchun – *Bac. Subtilis*, biomitsin, levomitsetin uchun – *E.coli*. Antibiotiklarning biologik faol ta'sir birligi bir xil emas: penitsillining 1 TB – 0,6 mkg, streptomitsin – 1 mkg, neomitsin – 3,3 mkg sof moddaga ekvivalent. Antibiotikning 1 TB ga ekvivalent og'irlik miqdori xalqaro ta'sir birlik (XTB) deyiladi.

Samarali antibiotiklarni tanlash uchun laboratoriyada ajratilgan sof kulturaning antibiotiklarga sezgirligi aniqlanadi. Mikrobnинг antibiotiklarga sezgirligi ularning eng oz oz miqdori 16-18 soatda bakteriyalarning o'sishini to'xtatishi yoki o'ldirishi bilan aniqlanadi. Buning ikki usuli bor:

1. Suyuq yoki zich oziq muhitlarda antibiotiklarni bir qator suyul-tirish.


2. Agarga diffuzlash (antibiotiklar shimdirligani qog'oz disklar) usuli.

1-usul: a) oziq muhitni tanlash; b) antibiotikning eritmalarini tayyorlash; d) kulturani tekshirishga tayyorlash; e) natijani hisobga olish bilan bajariladi. Oziq muhit mikroorganizmning turi va tekshurish uslubiga bog'liq ravishda kulturaning optimal o'sishini ta'minlashi kerak (pH 7,2 – 7,4). Bir turdag'i mikrobni bitta antibiotikka sezgirligini aniqlashga: 6 ta probirkada 2 ml dan – antibiotikni ketma-ket suyultirish uchun; 2 ta probirkada 9 – 10 ml dan kulturani suyultirish uchun va kolbada antibiotikning ishchi eritmasini tayyorlash uchun oziq muhit (GPB) olinadi. Antibiotiklarning asosiy va ishchi eritmalarini ishlatiladi.

Asosiy eritma 1ml distillangan suvg'a 1000 mkg (TB) antibiotik hisobidan tayyorlanadi. Undan esa tajriba oldidan GPBda suyultirib

ishchi eritmalar tayyorlanadi. Albatta mikroorganizmlarning tax-miniy sezgirligi inobatga olinadi. Agar u $0.01 - 0.1$ mkg/ml bo'lsa, antibiotikning kerakli miqdorini olish uchun probirka va kolbada faolligi 0.5 mkg/ml bo'lgan steril ishchi eritma tayyorlanadi.

Qatordagi 2 ml oziq muhiti bor 6 ta probirkadan birinchisiga kolbadagi miqdori 0.5 mkg/ml bo'lgan antibiotikning ishchi eritmasidan 2 ml quyib, aralashtiriladi. Undan keyingi probirkaga 2 ml dan ketma-ket o'tkazib birin-ketin suyultiriladi. Natijada birinchi probirkadagi oziq muhitda antibiotik miqdori 0.25 mkg, ikkinchisida – 0.12 mkg, keyingisida – $0.06; 0.03; 0.015; 0.007$ mkg bo'ladi. Zich oziq muhitda aniqlash uchun 6 ta probirkada antibiotik bir qator suyultiriladi: $400, 200, 100, 50, 25$ va 12.5 mkg /ml. Har bir probirkadan 1 ml steril Petri kosachasiga quyib, ustidan 19 ml dan (55°C) eritilgan GPA qo'shiladi va sekin chay-qatib aralashtiriladi.




55-rasm. Suyuq oziq muhitda antibiotikni bir qator suyultirish usulida bakteriyani o'sishdan to'xtatuvchi minimal miqdorini aniqlash.²⁰

²⁰P.J.Quinn., B.K.Markey and others. Veterinary microbiology. This edition first published New Dehli, India 2016 y.p.20.

Natijada Petri kosachalarida antibiotikning miqdori 20 marta kamayadi: 20,10, 5, 2.5, 1,25 va 0.6 mkg. Muhit qotguncha stolda turadi. Antibiotik suyultirilgan oziq muhitli probirkalarga yoki Petri kosachalariga 16-18 soat o'stirilgan aniq konsentratsiyali (10000 mikrob/ml) mikrob kulturasi 0,2 ml dan ekiladi. So'ng probirkalarning 1 ml da 1000 ta mikrob bo'ladi. Termostatda 16-18 soat o'stirib, natijasi aniqlanadi: bakteriya o'smagan idishdagi antibiotikning miqdorini, yonidagi bakteriya o'sgan idishdagi antibiotikning miqdoriga qo'shib, ikkiga bo'lganda chiqqan raqam antibiotikning bakteriostatik miqdorini ko'rsatadi. Demak, antibiotikni suyultirish usulida bakteriyani o'sishdan to'xtatuvchi minimal miqdori aniqlanadi (55-rasm).

2-usul – laboratoriya amaliyotida ko'pineha agarga diffuzlash usuli qo'llaniladi. U perpendikular shtrixlar, agarli qoliplar, standart antibiotiklar shimdirlilgan qog'oz disklar usullarida bajariladi (56-57-58-rasm).




Ajratilgan bakteriyalar agar yuzasida bir xil tarqaldi, antimikrob disklarni qo'ygach 37°C da 18 soat qoldiriladi. O'sish yo'q zonalarning diametri o'lchanadi va bakteriya sezuvechanligini aniqlash uchun o'lchamlar taqqoslanib baholanadi

Disc code: ARM, ampicillin; SXT, trimethoprim-sulphamethoxazole; ENR, enrofloxacin; KF, cephalothin; TE, tetracycline
Diskdagi raqamlar diskdagi dori miqdorini (mg) ko'rsatadi

56-rasm. Agarga diffuzlash (antibiotiklar shimdirlilgan qog'oz disklar) usulida kulturaning antibiotiklarga sezgirligini aniqlash.²¹

²¹P.J.Quinn., B.K.Markey and others. Veterinary microbiology. This edition first published New Dehli, India 2016 y.p.20.


Bakteriyalarni antibiotiklarga sezuvchanligini aniqlash



57-rasm. Kulturalarni antibiotiklarga seziluvchan perpendikular shtrixlar usulida aniqlash: a-ekish sxemasi; 1-6 test kultura shtrixlari; 7-antibiotik; b-ularning o'sishi.

58-rasm. Agarli qoliplar usulida antibiotiklarga seziluvchanlikni aniqlash: a-1-4 har xil antibiotiklar; b-kulturaning o'sishdan to'xtash zonasasi.

Antibiotikli standart disklar ishlatilganda steril Petri kosachalariga 20 ml eritilgan GPA quyiladi. Muhit qotgandan so'ng, 1 ml 1 milliardli tekshiriladigan mikrob kulturasi muhit yuzasiga bir tekis surtiladi. Ortiqchasi pipetka bilan olib tashlanadi. Ekmalar 37°C da 15 - 40 daqiqa quritiladi. Keyin antibiotiklar shimdirligian qog'oz disklarni steril pinset bilan kosachalar chetidan va bir-biridan 2 sm masofada o'rnatib, ustidan sekin bosiladi. Kosachaning markaziga ham bir dona disk o'rnatiladi. Har bir diskni o'rnatgandan keyin pinsetni alangada sterillash lozim. Kosachalar uy haroratida 2-3 soat, keyin 16-18 soat termostatda saqlanib, natijasi diskka qo'shib aniqlanadi: uning atrofida mikroblar o'smagan hududning diametri lineyka bilan o'lchanib, mm larda ifodalananadi (59-rasm).



59-rasm. Mikroorganizmlarni antibiotiklarga sezuvchanligini aniqlash natijasini baholash.²²

Natija quyidagicha baholanadi: o'smagan hududning diametri 15 mm gacha bo'lsa mikrob antibiotikka kam sezuvchan; 15-25 mm sezuvchan; o'smagan hudud bo'lmasa sezuvchan emas. O'smagan hudud diametri qancha katta bo'lsa, bakterianing ushbu antibiotikka sezuvchanligi shuncha yuqori bo'ladi.

Nazorat savollari:

1. Antibiotiklar nima?
2. Antibiotiklar bakteriyalarga qanday ta'sir qiladi?
3. Antibiotiklarning ta'sir birligi deb nimaga aytildi?
4. Agarga diffuzlash usulini ta'riflang.
5. Bakteriyalarning antibiotiklarga sezuvchanligini aniqlashning usul-larini aytинг?
6. Suyuq yoki zich oziq muhitlarda antibiotiklarni bir qator suyultirish usuli.

²²Tracy H Vemulapalli, G Kenitra Hammac. Microbiology for veterinary Technicians. Textbook copyright Printed in the United States of America 2015 y. p.201.

7. Suyuq yoki zich oziq muhitlarda antibiotiklarni bir qator suyultirish usuli qanday bajariladi?

8. Mikroorganizmlarni antibiotiklarga sezuvchanligini aniqlash natijasi qanday baholanadi?

Test savollari:

1. Antibiotik nima?

a) hayvonlar organizmidagi mikroblarni o'ldiruvchi vosita

b) makro – mikroelementlar to‘plami

c) bakteriya, aktinomiset, mog‘or, lishaynik, hayvonlar va o‘simliklar hayat faoliyati mahsuloti.

d) bakteriya, zamburug‘lardan olinadigan vitamin, fermentlar.

2. Antibiotiklar mikroblarga qanday ta’sir qiladi?

a) mikrobning shaklini o‘zgartiradi

b) bakteriostatik, bakterisid ta’sir etadi

c) anabiozga uchratadi

d) bakteriyalarni rivojlanishdan to‘xtatadi, o‘ldiradi.

3. Antibiotiklarning biologik faolligi nima bilan belgilanadi?

a) ta’sir birlik

b) eritma konsentrasiyasi

c) eritmaning miqdori

d) eritma tarkibi va hajmi bilan.

4. Penitsillining faolligini aniqlashda qaysi testmikrob ishlataladi?

a) Bac. subtilis

b) tilla rang stafilokokk 209-R

c) E. coli

d) salmonella.

5. Agarga diffuzlash usulida antibiotikning bakteriyalarga ta’siri qanday aniqlanadi?

a) antibiotik miqdori bilan o‘lchanadi

b) diffuzlanish darajasi aniqlanadi

c) o’sish yo‘q hudud diametri o‘lchanadi

d) antibiotikning agarga nisbati bilan o‘lchanadi.

11-MAVZU. ATROF-MUHIT OBYEKTLARINI MIKROBIOLOGIK TEK-SHIRISH USULLARI

Mashg‘ulotning maqsadi: Talabalarni atrof-muhit obyektlari holatini sanitar-mikrobiologik baholashning asosiy usullari va ko‘rsatkichlari bilan tanishtirish.

Material va jihozlar: Koloniya sanash uchun asbob, kolbalarda suv, tuproq, sut namunalari, go‘sht va go‘sht mahsulotlari namunalari; steril Petri kosachalari, Petri kosachalarida GPA, qonli GPA, 9 ml steril suvi bor probirkalar, 10, 2, 0,1 ml hajmli pipetkalar, probirkalarda 10-12 mldan steril GPA, o‘lchangan tuproq, kolbada steril suv (200 ml), probirkalapda Keyssler, Vilson – Bler muhitlari, predmet oynalar, bakteriologik ilmoq, spirt lampasi, bo‘yoqlar to‘plami, mikroskop, ichak tayoqchasi kulturasi, mavzuga oid plakatlar.

Uslubiy ko‘rsatmalar

O‘qituvchi darsni tushuntirib, talabalarga vazifa beradi: Suvdagи mikroblarning umumiy sonini, suvning koli titri va koli-indeksini aniqlash, havo, tuproq mikroflorasini tekshirish usullarini o‘rganish, daftarga yozib olish.

Epizootik xavfsizlikni aniqlash maqsadida atrof-muhitning har xil obyektlarini sanitargigienik holati baholanadi va sanitarkakteriologik tekshirishlar o‘tkaziladi. Ularni to‘g‘ridan-to‘gri aniqlash qiyin, chunki bu mikroorganizmlar miqdori suv, tuproqda kam bo‘lib sekinko‘payadi. Shuning uchun sanitariya-mikrobiologiya amaliyotida ma’lum obyektning mikrob bilan zararlanishini aniqlash va unda sanitarko‘rsatkichli bakteriyalarni topish usuli qo‘llaniladi (rasm 60, 61, 63).

Mikrob bilan zararlanish tekshirilayotgan obyektning ma’lum hajm va massa birligidagi (1 sm^3 suv, 1 g tuproq, 1 m^3 havo)

mikroorganizmlarning umumiy miqdori – ya’ni mikroblar soni bilan ifodalanadi. Ulardagi sanitар ko’rsatkichli bakteriyalar titr va indekslarda baholanadi. Ushbu bakteriyalar topilgan minimal hajm yoki massa titr deb aytildi. 1 litr suyuqlik, 1kg tuproq, 1 m³ havodagi sanitар ko’rsatkichli bakteriyalar soniga indeks deb ataladi.²³

Sanitar ko’rsatkich hisoblangan ichak tayoqchalari guruhi bakteriyalari enterobakteriya oilasining turli avlodlariga mansub.

Suvni sanitary bakteriologik tekshirish uchun namuna olish. *Ochiq suv havzalaridan* suv namunalari yuzadan 10-15sm chuqurlikda va tubidan 10-15 sm yuqori masofada olinadi. *Suv quvuridan* namuna olish uchun avval uning jo’mragini ochib, suv 10-15 daqiqa sharillatib oqziladi, keyin suv berkitiladi. Jo’mrakning uchini alangada kuydirib, so’ngra suv 0,5 litrli flakonlarga olinadi. Suv havzasining tubidan namuna batometr bilan olinadi. Quduqdan suv namunalari ertalab undan foydalanishdan oldin va quduqdan suv olinish to’xtatilgandan 10-12 soatdan keyin olinadi. Suv namunalari steril idishga olingandan so’ng tezda tiqinlari bilan zinch yopiladi.

Xlorlangan suvni tekshirishdan avval Na₂HSO₃ (natriy gidrosulfit) bilan 1 litr suvgaga 10 ml hisobidan qo’shib neytrallash kerak.

Namuna olingandan bakteriologik tekshirishgacha bo’lgan vaqt 2 soatdan ko’p bo’limasligi lozim (1-1,5°C haroratda 6 soatgacha saqlash mumkin).

Suvda mikroblarning umumiy miqdorini aniqlash. Suv quvuridan olingen suv namunasi 1 ml hajmda, ochiq suv havzalardan olingenlari esa – 1,0; 0,1; 0,01 ml hajmlarda olinadi. 0,1 va 0,01 ml suvni ekish uchun tekshirilayotgan suv suyultiriladi. Buning uchun probirkadagi 9 ml steril suvgaga 1 ml suv namunasi pipetkani suv sathidan 3 mm pastga tushirib qo’shiladi. Boshqa steril pipetka bilan puflab aralashtiriladi va undan 1 ml olib Petri kosachasiga solinadi (0,1 ml suv namunasi olingen bo’ladi). Birinchi probirkadan 1 ml

²³Кисленко В.Н. Практикум по ветеринарной микробиологии и иммунологии. – М.: КолосС, 2005.с.97

olib, ikkinchi probirkadagi 9 ml steril suvga qo'shiladi. Undan 1 ml olib Petri kosachasiga solinadi (0,01 ml suv namunasi olingan bo'la-di). Petri kosachalaridagi barcha namunalar ustiga 10-12 mldan eritib 45-50°C cha sovutilgan GPA quyib, aylanma harakat bilan yaxshi aralashtiriladi. GPA qotgach Petri kosachalarini to'nikarib, ekmalarni 37°Cda 1-2 sutka o'stiriladi. Ochiq havzalardan olingan namunalar ikkitadan Petri kosachalariga ekiladi. Bir qatori 37°Cda bir sutka, qol-ganlari 20°Cda 2 sutka o'stiriladi. Keyin ularning yuzasida va ichkari-da o'sgan koloniylar sanaladi hamda suvdagi mikroblarning umumiyy soni – ya'ni 1 ml suvdagi mikroorganizmlar soni hisoblanadi.

1 ml quvur suvida mikroorganizmlarning umumiyy miqdori 100 dan, ochiq havzalar suvida esa 1000 dan ortmasligi kerak.

Suvning koli -titri va koli-indeksini aniqlash.²⁴ Suvning koli-titri bu suvning ichak tayoqchasi uchraydigan eng kichik hajmidir (ml), koli-indeksi esa 1 litr suvdagi ichak tayoqchalari miqdoridir. Koli-titrni aniqlash uchun titrlash usuli va membranalı filtrlar usullari ishlataladi.

Titrlash usuli. Har hil hajmdagi suv namunalari glyukozapeptonli muhitga (1% peptonli suv, 0,5 % li glyukoza eritmasi, 0,5 % NaCl eritmasi, Andrade va bir tomoni kavsharlangan naycha) ekiladi. Katta hajmli (100 va 10 ml) suv namunalarini ekish uchun komponentlar 10 marta orttirilgan konsentrangan holda ishlatiladi. 10 ml konsentrangan muhitga 100 ml tekshirilayotgan suv, 1 ml konsentrangan muhitga 10 ml suv namunasi ekiladi.

Ochiq suv havzalari namunalaridan 100, 10, 1 va 0,1 ml hajmda tekshiriladi. Suv quvuridan olingan suv namunalarini tekshirish uchun 3 ta 100 mldan, 3 ta 10 ml va 3 ta 1 ml hajmdan ekiladi. Ekmalar bir sutka 37 °Cda o'stiriladi. Naychada gaz pufakchalarining borligi bijg'ishdan dalolat beradi. Bijg'igan yoki loyqalangan namunalardan surtmalar tayyorlab Gram usulida bo'yaladi va oksidaza testi qo'yila-

²⁴Кисленко В.Н. Практикум по ветеринарной микробиологии и иммунологии. – М.: КолосС, 2005.с.99.

di. Oksidaza testi Esherichia, Citrobacter va Enterobacter avlodlariga mansub bakteriyalarni suvda uchraydigan Pseudomonadaceae oilasiiga mansub grammanfiy bakteriyalardan hamda boshqa oksidaza hosil qiluvchi bakteriyalardan farqlashga imkon beradi. Buning uchun shisha tayoqcha bilan 2-3 ta koloniya oziq muhit yuzasidan olinadi va dimetil – n – fenilendiamin bilan namlangan filtr qog'ozga shtrixlar shaklida o'tkaziladi. Oksidaza testi manfiy bo'lsa qog'oz rangi o'zgarmaydi, musbat bo'lsa, u bir daqqa ichida ko'k rangga bo'yaladi.

Oksidaza hosil qilmaydigan grammanfiy tayoqchalar, qayta bijg'ish testida tekshiriladi – 0,5 %li glyukozali yarimsuyuq go'sht peptonli agarga ekiladi, 37° Cda 1 sutka o'stiriladi. Natija musbat bo'lsa koli-titri va koli-indeksi statistik jadval bo'yicha aniqlanadi (1-jadval).

1-jadval

Suvda ichak tayoqchasi indeksini aniqlash

Uch hajmda musbat natijalar soni			Koli-indeks	Indeks chegarasi		Koli-titr
100 mldan	10 mldan	1 mldan		Past	Yuqori	
0	0	0	3 dan kam	-	-	333 dan ko'p
0	0	1	3	0,5	9	333
0	1	0	3	0,5	13	333
1	0	0	4	0,5	20	250
1	0	1	7	1	21	143
-	-	-	-	-	-	-
-	-	-	-	-	-	-
3	3	2	1100	150	4800	0,9
3	3	3	1100 dan ko'p	-	-	0,9 dan kam

Suv quvurlarining suvi uchun koli – titr 333dan, ochiq suv havzalari uchun 111 mldan kam bo'lmasligi kerak.

Membranalı filtrlar usuli. Zeyts varonkasiga №3 membranalı filtr

qo'yiladi, u Bunzen kolbasiga o'rnatilib, vakuum – nasosga ularadi. Membranal filtrlar distillangan suvda qaynatib, sterillangan bo'lishi kerak.

Suv quvurlari va artezian suv namunalari 333 ml hajmda filtrlanadi. Ochiq suv havzasidan olingan toza suv namunasi 100, 10, 1,0 va 0,1 ml hajmda filtrlanadi. Nisbatan iflosroq suv namunasini filtrlashdan avval steril suv bilan suyiltirish kerak. Keyin filtrni Petri kosachasidagi Endo muhitini yuzasiga qo'yiladi va 37°C da 1 sutka o'stiriladi, o'sib chiqqan koloniylar sanaladi.

2 – 3 ta qizil rangli koloniyalardan surtmalar tayyorlab Gram usulida bo'yaladi, oksidaza testi qo'yiladi. Buning uchun filtdagi bakteriya koloniylarini pinset bilan dimetil – n – fenilendiamin bilan namlangan filtr qog'ozga o'tkazish lozim. Oksidaza bor bo'lsa indikator koloniyanı ko'k rangga bo'yaydi. Rangi o'zgarmagan 2-3 ta koloniya 0,5% glyukozali yarimsuyuq agarga ekiladi. Ekmalar 37°C da bir sutka o'stiriladi. Gaz hosil bo'lsa, filtdagi qizil koloniyalarni sanab, koli-indeksi aniqlanadi.

Quvur suvining koli-indeksi – 3 (1 litr suvda ichak tayoqchasining soni) va koli-titr 333 (333 ml suvda bitta ichak tayoqchasi bo'lishi mumkin). Koli-titr qancha yuqori bo'lsa suv toza va aksincha, past bo'lsa sifatsiz, iflos suv hisoblanadi.

Koli titrni koli-indeksiga aylantirish uchun 1000 ni koli-titr ko'rsatkichiga bo'lish kerak ($1000:333=3$); koli-indeksni koli-titrga aylantirish uchun esa 1000 ni koli-indeks ko'rsatkichiga bo'lish lozim ($1000:3=333$)

Havo mikroflorasi. Havonning miqdoriy mikrobiologik tekshirish usullari cho'ktirish (sedimentasiya), aspirasiya yoki filtrasiya prinsiplariga asoslangan.

Sedimentasion usul. Go'sht peptonli agar solingan ikkita Petri kosachani ochib xonada 5-10 daqiqa davomida qoldiriladi, keyin ekmalar termostatda 37°C da o'stiriladi. Ikkala kosachada o'sib chiqqan koloniylarning soni yig'indisi bo'yicha natija baholanadi: 250dan

kam koloniya bo'lsa-havo toza hisoblanadi; 250-500-o'rtacha ifoslangan; 500 koloniyadan ortiq-ifoslangan (rasm 61).

Aspirasion usul. Havodagi mikroblar sonini aniqlashning eng ishonchli usuli havoni ekish uskunalar yordamida bajariladi.

Krotov apparati (rasm 62) shunday tuzilgan-ki, havo berilgan tezlikda agarli Petri kosachasi yuzini yopib turgan pleksiglas plastining tor tirqishidan o'tadi. Bunda tarkibida mikroorganizmlar bor aerozol qismlari oziq muhit yuzasiga bir xilda tushadi, chunki kosa-cha tirqish ostida bir xilda aylanib harakatda bo'ladi.

Ekmalarni termostatda o'stirgandan keyin mikroblar soni hisoblanadi (X)

$$X = \frac{A \cdot 1000}{V}$$

A – kosachada o'sgan koloniylar soni;

V – uskunadan o'tgan havo hajmi, dm³;

1000 – izlanayotgan havo hajmi, dm³.

Havo tarkibidagi mikroblar sonini aniqlash uchun go'sht peptonli agar, gemolitik streptokokklarni ajratish uchun-gensian binafsha qo'shilgan qonli agar ishlataladi. Gumanli koloniyalarni tanlab qonli agarda qayta ekiladi.

Oziq muhit tarkibi.²⁵ Gensian binafshali qonli agar: 2% go'sht peptonli agar, 5-10% fibrinsizlantirilgan (ot, quyon yoki qo'y) qoni va gensian binafsha (1:50.000). Tuxum sarig'i-tuzli agar: 2% go'sht peptonli agar, 10% natriy xlorid, 20% (hajmi bo'yicha) tuxum sarig'i (1 ta tuxum sarig'i 200 ml natriy xloridning izotonik eritmasi).

Havoni tekshirish uchun boshqa uskunalar (Dyakov, Rechmen, Kiktenko, ABN-1-aerozolli bakteriologik namuna olgich, HOU-l-havo olish uchun uskuna, unda ma'lum hajm havo suyuqlik yoki filtr-

²⁵Кисленко В.Н. Практикум по ветеринарной микробиологии и иммунологии. -- М.: КолосС, 2005.с.101



dan o‘tkazilib, keyin oziq muhitlariga o‘lchovli ekishlar qilinadi). Bu uskunalarda katta hajmli havolarni tekshirish hamda patogen bakteriya va viruslarni aniqlash mumkin. Mikrobiologik bokslar, jarrohhlik, akusher-ginekologik va boshqa xonalar havosi unda patogen, shartli-patogen bakteriyalar-infeksiya qo‘zg‘atuvcilarini (stafilokokklar, ko‘k yiring tayoqchalar va boshqa grammanfiy bakteriyalar) aniqlash maqsadida tekshiriladi.

Tuproq mikroflorasi. Tuproqning sanitar-mikrobiologik tahlilida undagi mikroblar soni, kolititr, perfringens-titr va termofil bakteriyalarning titri aniqlanadi. Zarur holatlarda nitrifikasiyalovchi va ammoniy-fikasiyalovchi bakteriyalar, aktinomisetlar, zamburug‘lar, sellyulozali va boshqa mikroorganizmlar tarkibi tekshiriladi.


Tuproqni tekshirish uchun steril pichoq bilan 10-15 sm chuqurlikdan olib (tekshirilayotgan hududning har xil joyidan 10 ta namunadan kam bo‘lmasligi kerak), steril bankaga solinadi. Namunalardan 30g o‘lchab, kolbadagi suvga (270 ml) solinadi va yaxshilab aralashtiriladi. Ushbu suspenziyadan 10^1 , 10^4 , 10^5 suyultirmalar tayyorlanadi. Oxirgi ikkitasidan 0,1 ml olib 40ml 0,7%li eritilgan va 45°C gacha sovutilgan go‘sht peptonli agar bilan aralashtiriladi. Keyin Petri kosachadagi 2%li GPA ustiga quyiladi. Ekmalar 37°C da o‘stiriladi. So‘ngra o‘sib chiqqan koloniylar sonini hisoblab, mikroblar soni aniqlanadi.

Tuproqning koli-titri, perfringens titri va termofil bakteriyalarning titrini aniqlash.


Tuproq suspenziyasining har xil suyultirmalarini probirkalardagi Keyssler muhitiga ekiladi va 43°C da 48 soat davomida o‘stiriladi. Keyin tahlil suvning koli-titrini aniqlaganda qo‘llangan sxema bo‘yicha davom ettiriladi. Perfringens-titrini aniqlash uchun tuproq suspenziyasining har xil suyultirilmalarini (1 ml) probirkalarda steril yog‘sizlantirilgan sut yoki extempore tayyorlangan temirsulfitli Vilson-Bler muhitiga ekiladi.




60-rasm. Suvdan olingan namunani tekshirish natijasi.




11-xona




12- xona



Oshxona




Garderob



61-rasm. Cho 'ktirish (sedimentasiya) usulida havodan namima olish va tekshirish natijasi.



HAVO MIKROFLORASINI TEKSHIRISH



MIKEL
NAYCHASI

62-rasm. Krotov apparatining tuzilishi

- 1-ROTOMETRNING JO'MRAGI,
- 2-ROTOMETR,
- 3-JLMOQLI QULF,
- 4-AYLANADIGAN DISK,
- 5-QOPQOOQ, 6 – DISK,
- 7-PONA, 8-KORPUS, 9-OSTI.



63-rasm. Har xil tuproqlardan olingan namunani tekshirish natijasi.

Ekmalar 43°C da 24-48 soat davomida o'stiriladi va natijasi sutning ivishi yoki Vilson-Bler muhitiga Clostridium perfringensning qora koloniyalari hosil bo'lishi bilan hisobga olinadi. Koloniyalardan surtmalar tayyorlanib, Gramm usulida bo'yaladi, mikroskopda ko'rib, perfringens titri aniqlanadi.

Termofil bakteriyalarining titrini aniqlash uchun tuproq suspenziyalarining suyultirilmalaridan (1ml) Petri kosachasiga quyib, ustiga eritib,sovutilgan go'sht peptonli agar quyladi. Ekmalar 60°C da sutka davomida o'stiriladi va koloniyalar sonini sanab, 1 g tuproqdagagi miqdori hisoblanadi. Tuproq kompleks ko'rsatkichlar, bo'yicha sanitar-mikrobiologik baholanadi. Ular ichida najas bilan zararlanish darajasi nihoyatda muhim hisoblanadi.

Oziq muhiti turkibi. Keyssler muhiti: 1% pepton, 5% o't suyuqligi, 0,25% laktosa, gensian binafsha (grammusbat bakteriyalarini o'stirishdan to'xtatish uchun). Temirsulfili Vilson-Bler muhiti: 3% go'sht peptonli agar, 1% glyukoza, 2% natriy sulfit, 0,08% temir xlorid.

Nazorat savollari:

1. Suvning koli-titri nima? Uni aniqlash usullarini ayting?
2. Bakteriologik tekshirish uchun suv namunalarini olish qoidasini ayting?
3. Suvning umumiy mikroblar soni qanday aniqlanadi?
4. Suvning koli-indeksi qanday usullarda aniqlanadi?
5. Suvning sanitariya holati qaysi ko'rsatkichlar bilan baholanadi?
6. Havo mikroflorasi qanday usullarda tekshiriladi?
7. Tuproq mikroflorasi qanday usullarda tekshiriladi?
8. Tuproq qanday ko'rsatkichlar bo'yicha sanitar-mikrobiologik baholanadi?

Test savollari:

1. Atrof-muhit obyektlarini mikrobiologik tekshirishda sanitar ko'rsatkichli bakteriyalar qanday ifodalanadi?
 - a) titr va indekslarda

- b) litr va titrlarda
- c) indeks va millilitrlarda
- d) hajm va titrlarda.

2. Qaysi tur bakteriya sanitar ko'rsatkich hisoblanadi?

- a) protey
- b) ichak tayoqchasi
- c) psevdomonas
- d) streptokokk.

3. Suv namunasini olgandan bakteriologik tekshirishgacha bo'lgan vaqt necha soatdan ko'p bo'lmasisligi lozim?

- a) 3 soatdan
- b) 4 soatdan
- c) 2 soatdan
- d) 5 soatdan.

4. 1 ml quvur suvida mikroorganizmlarning umumiy miqdori qanchadan ortmasligi kerak?

- a) 15
- b) 25
- c) 50
- d) 100.

5. 1 ml ochiq havzalar suvida mikroorganizmlarning umumiy miqdori qanchadan ortmasligi kerak?

- a) 1000
- b) 100
- c) 50
- d) 10.

6. Havoni miqdoriy mikrobiologik tekshirish usullari qaysi?

- a) aspirasion, aerozolli
- b) sedimentasjion, aspirasion.
- c) aerozolli, suv-tomchili
- d) kondensatli, aspirasion.

7. Havo tarkibidagi mikroblar sonini aniqlashda qaysi oziq muhit ishlatalidi?

- a) GPB
- b) GPJ
- c) GPA
- d) Endo.

8. Sedimentasion usulda tekshirilganda koloniyalar soni qancha bo‘lganda havo toza hisoblanadi?

- a) 50
- b) 200
- c) 250
- d) 50.

9. Krotov apparati havodagi mikroblar sonini aniqlashning qaysi usulida ishlataladi?

- a) sedimentasion
- b) aerozolli
- c) miqdoriy
- d) aspirasion.

10. Tuproqning sanitarn-mikrobiologik tahlilida nimalar aniqlanadi?

- a) mikroblar soni, kolititr, perfringens-titr va termofil bakteriyalar titri
- b) kolititr, zamburug'-titr va protey titri
- c) perfringens-titr, achitqi titri, spiroxetalar
- d) termofil bakteriyalar titri, aktinomiset, spirillalar titri.

11. Tuproq suspenziyalari suyultirmalari qaysi oziq muhitga ekildi?

- a) Endo
- b) Keyssler
- c) GPA
- d) Levin.

12. Perfringens-titrni aniqlash uchun tuproq suspenziyalari suyultirmalari qaysi oziq muhitga ekiladi?

- a) glitserinli GPA, GPB
- b) qon zardobli GPB, glyukozali GPA
- c) steril yog'sizlantirilgan sut, temirsulfitli Vilson-Bler muhitiga
- d) Kitt tarossii, qonli agar.

13. Tuproq sanitary-mikrobiologik baholanganda nima nihoyatda muhim hisoblanadi?

- a) biologik chiqindilar ko'pligi bilan
- b) hayvon va o'simliklar qoldig'i
- c) kimyoiy ishlab chiqarish chiqindilari
- d) najas bilan zararlanish darajasi.

12-MAVZU. LABORATORIYA HAYVONLARINI ZARARLASH USULLARI

Mashg‘ulotning maqsadi: Laboratoriya hayvonlarini zararlash usullarini o‘rganish. Mikroorganizmlarning LD-letal dozasi, zararlantiruvchi dozasini – ZD aniqlashning mohiyatini tushunish.

Material va jihozlar: Laboratoriya hayvonlari (oq sichqon, dengiz cho‘chqasi, quyon), GPA da bakteriya kulturasi (*E.coli*), steril bakterial probirka, steril fiziologik eritma, steril shpris ignasi bilan, paxtali tamponlar, spirt, pinset, tegishli jadval va plakatlar, videoproyektor, kompyuter.

Uslubiy ko‘rsatmalar

O‘qituvchi darsni tushuntiradi. Talabalar – fiziologik eritma bilan laboratoriya hayvonlarini zararlash usullarini o‘rganadilar.

Laboratoriya hayvonlarini zararlash – biologik sinov o‘tkazishdan maqsad: tekshiriladigan patmaterialdan qo‘zg‘atuvchining sof kulturasini ajratish, tekshiriladigan mikrob kulturasining patogenligini sinash, vaksinalarning, immun zardoblarning samaradorligini aniqlash.

Sof kulturaning patogenligini aniqlash uchun laboratoriya hayvonlarini zararlashga «biosinov» deyiladi. Biopreparatlarni baholashda ularning zararsizligi ham biosinovda aniqlanadi. Ammo hayvonnizararlash uchun ishlatilayotgan mikrobynning miqdoriy xususiyatlarini aniqlash muhim. Mikrobynning virulentlik (toksigenlik) xususiyatlari maxsus shartli birliklarda o‘lchanadi: absolyut letal doza (D_{cl} – dosis certae letalis) 100% tajribaga olingan zararlangan hayvonlarni o‘ldiradi; 50 %li letal doza (LD₅₀) – 50 % zararlangan hayvonlarni o‘ldiradi; 50 %li zararlovchi doza (ZD₅₀) – zararlangan hayvonlarni 50 % kasallananadi. LD₅₀ va ZD₅₀ – aniq ko‘rsatkichlar hisoblanadi, chunki ular tajribaga olingan hayvonlarni ko‘p qismini mikrobgaga sezuvchan-

ligini ko'rsatadi. Dcl esa chidamli mikrob turlarini sezuvchanligini ko'rsatadi.

Tekshirilayotgan mikrob kulturasining LD_{50} ko'rsatkichi quyidagi-cha aniqlanadi. 1 ml da 1 milliard mikrob hujayrasi bo'lgan suspenziyadan ketma-ket 500 mln, 250 mln, 125 mln, 62.5 mln li suyultirmalar tayyorlanadi. Har biri bilan 6 tadan oq sichqon qorin bo'shlig'i yoki terisi ostiga 0.5 ml dozada zararlanadi. 10 kun davomida kuzatiladi. Odatda qo'zg'atuvchining hech qaysi dozasi zararlangan hayvonlarni 50% ni o'ldirmaydi. Shuning uchun LD_{50} statistik usulda aniqlanadi.

Rid va Mench usulida LD_{50} ni aniqlash.

2-jadval

Rid va Mench usulida LD_{50} ni hisoblash

Bakteriya suspenziyasi miqdori	Zararlangan sichqonlar soni	Haqiqiy ma'lumotlar		Kumulyativ ma'lumotlar				
		o'ldi	tirik	o'ldi	tirik	O'lganlarini Zararlanganlariga nisbati	o'lim %	
1	2	3	4	5	6	7	8	
10^{-2}	6	6	0	14	0	14:14	100	
10^{-3}	6	5	1	8	1	8:9	88,8	
10^{-4}	6	2	4	3	5	3:8	37,5	
10^{-5}	6	1	5	1	10	1:11	9	
10^{-6}	6	0	6	0	16	0:16	0	

Jadvalda ko'rsatilgan tajriba natijasining haqiqiy raqamlari 3-4, kumulyativ ma'lumotlar esa 5-6 ustunlarda berilgan. 10^{-2} qatordagi 14 raqami shu dozada kichik doza bilan (10^{-3} , 10^{-4} va boshqalar) zararlangan barcha sichqonlar ham o'lishi mumkin edi degan ehtimoldan kelib chiqadi: $6+5+2+1=14$ ta sichqon. Xuddi shunday 5 ustundagi

har bir dozaga qarshi, 6 ustundagi (tirik) barcha dozalar uchun kumulyativ ma'lumot aniqlanadi. Masalan, minimal dozada 10^{-6} zararlangan 6 ta sichqon tirik, ammo katta dozada zararlangandan keyin tirik qolgan barcha sichqonlar ham o'lmashligi mumkin edi. Demak, 10^{-6} dozada kumulyativ ko'rsatkich: $6+5+4+1=16$ ta sichqon. Boshqa dozalar uchun ham ko'rsatkichlar shu tarzda aniqlanadi. Kumulyativ ma'lumotlarga asoslanib, har bir dozada zararlaganda o'lgan sichqonlar foizi hisoblanadi. Tajribada hech qaysi doza zararlangan hayvonlarni 50% ni o'ldirmagan, uni topish uchun matematik hisoblash kerak. Misolimizda $LD_{50} = 10^{-2}$ va 10^{-4} o'rtasida, ko'proq 10^{-4} ga yaqin. Farqini (37,5 dan 50% gacha) kattasiga nisbatan olib (37,5 dan 88,8% gacha) proporsionallik faktori, ya'ni 10^{-4} dozani LD_{50} dan farqi aniqlanadi. Bu faktor suyultirish lagorismiga ko'paytiriladi (faktor=10, lg=1). U 1 ga teng. Uni 10^{-4} dan ayirsak LD_{50} kelib chiqadi.

$$\frac{50-37,5}{88-37,5} = 0,243 \text{ (proporsionallik faktori). } 0,243 \cdot 1 = 0,243, 4,0 - 0,243 = 3,756$$

Demak, $LD_{50} = 10^{-3,756}$. Shu ko'rsatkichga to'g'ri keladigan bakteriya suspenziyasini suyultirish darajasini topish uchun lagorismik jadvaldan foydalaniladi. Antilogarifm va izlanayotgan suyultirish 1:5747 ni tashkil etadi. Sichqonlarni zararlash uchun $10^9/\text{ml}$ bakteriya suspenziyasi $0,5 \text{ ml}$ hajmda olingan, bundan kelib chiqqan holda, $LD_{50} = 10^{-9} \times 0,5 : 5747 = 87000$ mikrob hujayrasi.

Mikroorganizmlarning patogenligi ularning boshqa xususiyatlari ni o'rganib ham aniqlanadi. Masalan, plazmokoagulaza, gialuronida za, gemolizin, fibrinolizin, lesitinaza, DNK-aza testlari mikroblarning patogenlik belgilarini namoyon qiladi.

Biosinov ko'pincha oq sichqon, kalamush, dengiz cho'chqasi, quyonlar, ayrim paytlarda tovuq, mushuk, it va yosh tabiiy moyil hayvonlar – qo'y, yirik shoxli hayvonlar va cho'chqalarda o'tkaziladi.

Laboratoriya hayvonlari maxsus xonalarda «Vivariyada» saqlanadi. Vivariyada chiqishi alohida ajratilgan karantin, sog'lom va zararlangan hayvonlar uchun bo'limlar bo'ladi. Zararlangan hayvonlar ular uchun ajratilgan alohida xonada saqlanadi. Yangi keltirilgan laboratoriya hayvonlarini veterinariya ko'riganidan o'tkazib, oq sichqonlar 10 kun, kalamush, dengiz cho'chqalari va quyonlar 21 kun karantinda saqlanadi. Vivariya kerakli anjom, laboratoriya idishlari, tarozi, termometr, hayvonlardan qon olish, zararlash, yorish va h.k. lar uchun asbob-uskunalar bilan jihozlanishi, sovuq kunlarda vivariyada harorat 12-20°C bo'lishi kerak. Hayvonlar maxsus kataklarda saqlanadi, maxsus ratsion bilan oziqlantiriladi.

Biosinov o'tkazish uchun sog'lom, bir turda, yoshda va og'irlikda oq sichqonlar – 16 gr, dengiz cho'chqasi -250-300 gr, quyon -2, 3-5 kg tanlanadi. Ularning tana harorati o'lchanadi va belgilanadi: oq sichqon va kalamushlar anilin bo'yoqlar bilan, dengiz cho'chqasi va quyonlar temir sirg'a bilan belgilanadi. Qulay va xavfsiz ishlash uchun ular yaxshilab fiksatsiyalanadi (harakatsizlantiriladi).

Hayvonlarning zararlanadigan joyi oq sichqondan tashqari jundi dan tozalanadi: spirt. 5% yod eritmasi, 2% karbol eritmasi bilan dezinfeksiyalanadi. Laboratoriya hayvonlarini zararlash uchun mikrob kulturasi, uning toksini yoki patmaterial suspenziyasi qo'llanadi. Patmaterialdan suspenziya steril hovonchada yaxshilab ezib, fiziologik eritma bilan 1:5, 1:10 nisbatda tayyorlanadi.

Laboratoriya hayvonlarini zararlash usullari

1. Teri yuzasiga (skarifikatsiyalash) – skalpel bilan teri yuzasi ternaladi va u yerga tekshiriladigan material surtiladi.
2. Teri orasiga – chap qo'l bilan teri tortiladi igna terining ichiga kirgiziladi, 0,2 ml gacha material yuboriladi. To'g'ri zararlangan yerda mayda, no'xatday shish hosil bo'ladi.

3. Teri ostiga – chap qo'l bilan teri ko'tarilganda uchburchak hosil bo'ladi va uning ichkarisiga shprisning ignasi kiritiladi: quyon belining bir tomoniga 20-25 ml, dengiz cho'chqalariga 10 ml (67-rasm), oq sichqon va kalamushning dumg'ozasiga 1-10 ml yuboriladi.

4. Mushak orasiga – ko'pchilik hayvonlarning soniga (ichki tomondan), kabutar va tovuqlarning ko'krak mushagiga (to'shiga), oq sichqonga 0,5 ml, dengiz cho'chqasi va kalamushga 3-5 ml, quyonga 5-8 ml yuboriladi.

5. Qorin bo'shlig'iga laboratoriya hayvonining boshini pastga qaratib fiksatsiyalanadi va tekshiriladigan material 0,1-0,2 ml, shpritsning ignasi bilan, qorin bo'shlig'inining pastki 3 chi qismiga markaziy oq chiziqdan chetroq yuboriladi (66-rasm).

6. Qon tomiriga – quyonlarning quloq venasiga (65-rasm), oq sichqon va kalamushning dum venasiga (64-rasm), dengiz cho'chqasining to'g'ridan-to'g'ri yuragiga zararlanadi. Quyon, sichqon, kalamushlarni yuboriladigan yeri issiq suv yoki ksilol bilan ishlov beriladi. Shunda venalar qonga to'lib yaxshi ko'rindi.

7. Bosh miyaga – quyonlarning ko'z ustidagi suyagi bitmagan joyiga (69-rasm), sichqonga esa shprits ignasi bilan miya suyagini teshib 0,2 ml yuboriladi (68-rasm).


8. Burunga – oldin hayvonning burniga efir bilan namlangan paxta tutib narkozlanadi, keyin pipetka bilan material burniga tomdiriladi.

9. Og'iz orqali zararlash- patmaterial ovqat, suv bilan aralashtrib nonga shimdirib laboratoriya hayvonlariga yediriladi yoki kichik zond orqali yuboriladi.


10. Ko'z konyunktivasiga zararlash faqat yirik hayvonlar: it, quyon, dengiz cho'chqalarida o'tkaziladi. Ko'z qovoqlarini ushlab, material ko'zning ichki burchagiga 1-2 tomchi tomdiriladi.

Ba'zan ajratilgan kulturaning patogenligini, virulentligini o'rganishda zararlashning ikkita usuli birgalikda qo'llaniladi. Masalan, pa-sterella kulturasini suspenziyasini oq sichqonlarning qorin bo'shlig'iga




Laboratoriya hayvonlarini zararlash



64-rasm. Sichqonning venasidan zararlanishi.




65-rasm. Quyonning qulqoq venasidan zararlash.



66-rasm. Qorin bo'shlig'iga zararlash.
a-katta, b-yosh sichqonga.

67-rasm. Dengiz cho'chqasini
terisi ostiga zararlash.



68-rasm. Sichqonning miyasiga
zararlash.



69-rasm. Quyonning miyasiga
zararlash.

yoki terisi ostiga va qorin bo'shlig'iga yuborish usulida zararlash tavsya etilgan.²⁶

Nazorat savollari:

1. Hayvonlarni zararlab, biosinov qo'yishdan maqsad nima?
2. Mikroorganizmlarning virulentligi qanday shartli belgilanadi?
3. Rid va Mench usulida LD₅₀ ni aniqlash.
4. Laboratoriya hayvonlarning turlari va ularni zararlash usullarini ayting?
5. Laboratoriya hayvonlari qanday materiallar bilan zararlantiriladi?
6. Zararlashning ikki usulini bir vaqtda qo'llash mumkinmi?
7. Hayvonlarning zararlanadigan joyi qanday tayyorlanadi?
8. Biosinov qo'yish uchun qanday hayvonlar tanланади ва ular qanday belgilanadi?

Test savollari:

1. Laboratoriya hayvonlarini zararlashdan maqsad nima?

- a) kasallikni klinik belgilarini kuzatish, qarshi kurash chora tadbirlarini ishlab chiqish
- b) kulturaning patogenligini, hayvoni mikrobga chidamliligini aniqlash
- c) biosinov qo'yish, biopreparatlar sifatini aniqlash
- d) patmateriyaldan qo'zg'atuvchining sof kulturasini ajratish, kulturaning patogenligini sinash, vaksina, immun zardoblar samaradorligini aniqlash.

2. Mikrobynning virulentlik xususiyatlari qanday birlikda o'lehanadi?

- a) D cl – 100 %, LD 50, ZD 50
- b) D cl – dosis certae letalis

²⁶Ruzikulova U.X. "Kavshovchi hayvonlarda pasterelloz kasalligiga qarshi kurashish usulini takomillashtirish" mavzusidagi Magistr akademik darajasini olish uchun yozilgan dissertatsiya ishi. Samarqand. 2014-y.

- c) LD 50, TB
- d) ZD 50, TB.

3. Teri orasiga zararlashda necha ml material yuboriladi?

- a) 0.5 ml
- b) 0.2 ml
- c) 0.25-0.5 ml
- d) 0.5-1 ml.

4. Qorin bo'shilig'iga zararlashda hayvon qanday fiksatsiyalanadi?

- a) belini yengil orqaga qayirib
- b) gorizontal holda
- c) boshini pastga qaratib
- d) qulog'i va belini ushlab gorizantal qo'yiladi.

5. Burunga zararlash usuli qanday bajariladi?

- a) avval burnini tozalab, material tomdiriladi va paxta bilan yengil yopiladi
- b) pipetka bilan material tomdirib, burni qisib turiladi
- c) pipetka bilan material tomdirib, 5 soniya qimirlatmay ushlab turiladi
- d) avval narkoz berib, keyin pipetka bilan material tomdiriladi.

13-MAVZU.
JASADNI BAKTERIOLOGIK TEKSHIRISH USULI.
PATOLOGIK
MATERIALNI OLİSH VA LABORATORIYAGA
YO'LLASH USULLARI

Mashg'ulotning maqsadi: 1.Jasadni bakteriologik tekishirish usulini o'rghanish. 2. Patmaterial olib laboratoriya yo'llash qoidalarini bilish.

Material va jihozlar: Biosinovda o'lgan laboratoriya hayvoni jasadi, Paster pipetkalari, qaychi, skalpel, pinset, buyum oynachalari, moyqalam, probirkalarda GPB, GPA, spirt, tamponlar, 5% fenol eritmasi bor idish, kyuveta, plakatlar, bo'yoqlar to'plami, mikroskop, kompyuter, videoproektor.

Uslubiy ko'rsatmalar

O'qituvchi darsni tushuntirgandan keyin, talabalar laboratoriya da hayvon jasadini yorib, ichki organlaridan GPA, GPB larga ekadi, Gram usulida bo'yab, mikroskopda ko'rishadi.

Diagnostik tekshirishda mikrobynning sof kulturasini ajratish, sof kultura bilan zararlangan hayvon, aynan shundan o'lganini tasdiqlash uchun jasad yoriladi, patologoanatomik o'zgarishlari o'rganiladi, bakteriologik tekshiriladi. O'lgan hayvon jasadi darhol yoki 2-3 soatda yorib ko'rildi. Bunda shaxsiy profilaktika, aseptika qoidalariiga rioya qilinadi. Mikrobyn atrof-muhitga tarqalishining oldi olinadi. Tajribadagi mayda laboratoriya hayvonlarining jasadi maxsus taxtachaga orqasi bilan yotqizib ignalar bilan fiksatsiyalanaadi. Kesiladigan joyi 5% li fenol bilan dezinfeksiyalanadi, steril asboblar bilan oq chiziq bo'ylab uzunasiga va ko'ndalang kesib (70-rasm), terisi mushagidan ajratiladi. Teri osti to'qimasi tekshiriladi. Keyin qorin devorini kesib, qorin va ko'krak bo'shlari ochiladi. Bunda pinset bilan qalqonsimon o'simta ushlanib, mushak, ikkala

tomon qovurg'alarini yarmidan kesib, olib tashlanadi va ko'krak qafasi ochiladi. Oq sichqonning jigar va talog'i alohida steril Petri kosachasiga olinadi. Undagi o'zgarishlar e'tiborga olinadi jigar, taloq va yurak, o'pk'a, buyrak sirtini qizigan shpatelda kuydirib, probirkali GPA, GPB larga ekiladi, surtmalar tayyorlanadi. Ekmali probirkalarga, surtmalarga ekspertiza, organ raqamlari, sanasi yoziladi. Yurakdan steril paster pipetka bilan avval GPB, keyin GPAga ekiladi.

Xuddi shunday qorin bo'shlig'ini yaxshi ochish uchun qorin devorining chekkalari qaytarilib igna bilan mahkamlanadi. Qorin bo'shlig'i organlaridagi o'zgarishlar ham e'tiborga olinadi. Parenximatoz organlar, limfa tugunlardan, ilikdan oziq muhitlarga ekib, surtmalar tayyorlanadi. Ekilgan oziq muhitlar termostatga qo'yiladi, preparatlarni bo'yab, mikroskopda ko'rildi.

Jasad qoldig'i avtoklavlanadi yoki maxsus pechlarda kuydiriladi. Kyuveta, taxtachaga 5%li fenol eritmasi quyib 10-12 soat qoldiriladi, ish stoli dezinfeksiyalanadi, asboblar sterillanadi. Biosinovdag'i hayvon saqlangan qafas dezinfeksiyalanib, qolgan yem-xashak, chiqindilar kuydiriladi.

Tabiiy moyil hayvonlarning jasadi ham xuddi shunday tekshiriladi.

Patologik material olish va laboratoriya yo'llash. Infektion kasallikka gumon qilinganda vetvrach kerakli patologik materialni tekshirish uchun veterinariya laboratoriyasiga yo'llaydi. Material kasal, majburiy so'yilgan yoki o'lgan hayvonlardan olinadi. Lekin barcha hollarda antimikrobi preparatlar bilan davolanmagan hayvonlardan olgan ma'qul. Bakteriologik tekshirish uchun material sifatida mayda hayvonlar va parrandalarning jasadlari, yirik hayvonlardan taloq, jigar (o't xaltasi bilan), buyrak to'qimalari, mushak, yurak (butunligicha), limfa tugunlar, qon (bakteriologik tekshirish uchun 15 ml rezina tig'in bilan yopilgan probirkalarda fibrinsizlangan qon; serologik tekshirish uchun ivigan qon), oshqozondagi massa, yiring, balg'am, sut,

13-MAVZU.
JASADNI BAKTERIOLOGIK TEKSHIRISH USULI.
PATOLOGIK
MATERIALNI OLİSH VA LABORATORIYAGA
YO'LLASH USULLARI

Mashg'ulotning maqsadi: 1.Jasadni bakteriologik tekishirish usulini o'rghanish. 2. Patmaterial olib laboratoriya yo'llash qoidalari bilish.

Material va jihozlar: Biosinovda o'lgan laboratoriya hayvoni jasadi, Paster pipetkalari, qaychi, skalpel, pinset, buyum oynachalari, moyqalam, probirkalarda GPB, GPA, spirt, tamponlar, 5% fenol eritmasi bor idish, kyuveta, plakatlar, bo'yoqlar to'plami, mikroskop, kompyuter, videoproektor.

Uslubiy ko'rsatmalar

O'qituvchi darsni tushuntirgandan keyin, talabalar laboratoriyaada hayvon jasadini yorib, ichki organlaridan GPA, GPB larga ekadi, Gram usulida bo'yab, mikroskopda ko'rishadi.

Diagnostik tekshirishda mikrobynning sof kulturasini ajratish, sof kultura bilan zararlangan hayvon, aynan shundan o'lganini tasdiqlash uchun jasad yoriladi, patologoanatomik o'zgarishlari o'rGANiladi, bakteriologik tekshiriladi. O'lgan hayvon jasadi darhol yoki 2-3 soatda yorib ko'rildi. Bunda shaxsiy profilaktika, aseptika qoidalariiga rioya qilinadi. Mikrobyn atrof-muhitga tarqalishining oldi olinadi. Tajribadagi mayda laboratoriya hayvonlarining jasadi maxsus taxtachaga orqasi bilan yotqizib ignalar bilan fiksatsiyalandi. Kesiladigan joyi 5% li fenol bilan dezinfeksiyalanadi, steril asboblar bilan oq chiziq bo'ylab uzunasiga va ko'ndalang kesib (70-rasm), terisi mushagidan ajratiladi. Teri osti to'qimasi tekshiriladi. Keyin qorin devorini kesib, qorin va ko'krak bo'shlqlari ochiladi. Bunda pinset bilan qalqonsimon o'simta ushlanib, mushak, ikkala

tomon qovurg'alarini yarmidan kesib, olib tashlanadi va ko'krak qafasi ochiladi. **Oq sichqonning jigar va talog'i alohida steril Petri kosachasiga olinadi.** Undagi o'zgarishlar e'tiborga olinadi jigar, taloq va yurak, o'pka, buyrak sirtini qizigan shpatelda kuydirib, probirkali GPA, GPB larga ekiladi, surtmalar tayyorlanadi. Ekmali probirkalarga, surtmalarga ekspertiza, organ raqamlari, sanasi yoziladi. Yurakdan steril paster pipetka bilan avval GPB, keyin GPAga ekiladi.

Xuddi shunday qorin bo'shlig'ini yaxshi ochish uchun qorin devorining chekkalari qaytarilib igna bilan mahkamlanadi. Qorin bo'shlig'i organlaridagi o'zgarishlar ham e'tiborga olinadi. Parenximatoz organlar, limfa tugunlardan, ilikdan oziq muhitlarga ekib, surtmalar tayyorlanadi. Ekilgan oziq muhitlar termostatga qo'yiladi, preparatlarni bo'yab, mikroskopda ko'riladi.

Jasad qoldig'i avtoklavlanadi yoki maxsus pechlarda kuydiriladi. Kyuveta, taxtachaga 5%li fenol eritmasi quyib 10-12 soat qoldiriladi, ish stoli dezinfeksiyalanadi, asboblar sterillanadi. Biosinovdag'i hayvon saqlangan qafas dezinfeksiyalanib, qolgan yem-xashak, chiqindilar kuydiriladi.

Tabiiy moyil hayvonlarning jasadi ham xuddi shunday tekshiriladi.

Patologik material olish va laboratoriya yo'llash. Infektion kasallikka gumon qilinganda vetrach kerakli patologik materialni tekshirish uchun veterinariya laboratoriyasiga yo'llaydi. Material ka-sal, majburiy so'yilgan yoki o'lgan hayvonlardan olinadi. Lekin barcha hollarda antimikrobi preparatlar bilan davolanmagan hayvonlardan olgan ma'qul. Bakteriologik tekshirish uchun material sifatida mayda hayvonlar va parrandalarning jasadlari, yirik hayvonlardan taloq, jigar (o't xaltasi bilan), buyrak to'qimalari, mushak, yurak (butunligicha), limfa tugunlar, qon (bakteriologik tekshirish uchun 15 ml rezina tiqin bilan yopilgan probirkalarda fibrinsizlangan qon; serologik tekshirish uchun ivigan qon), oshqozondagi massa, yiring, balg'am, sut,

siyidik, tashlangan homila, bosh miya, ichak qismehasi ikki tomoni boylangan holda, ilik suyagi, gumon qilingan oziqa namunasi, qondan tayyorlangan surtmalar va tamg'ali preparatlar yo'llanadi.

Patologik materialni yo'llashda quyidagi qoidalarga rioya qilish kerak:

1. Materialni yangi o'lgan hayvon jasadidan olish lozim (hayvon o'lgandan keyin 2-3 soatdan kechiktirmay). Ba'zi hollarda kasal hayvonlar guruhidan bir ikkitasini majburiy so'yish maqsadga muvofiq bo'ladi.
2. Patologik materialni olishda qo'zg'atuvchini tarqalishiga, u bilan hayvon va odamlarning zararlanishiga yo'l qo'ymaslik kerak.
3. Patologik materialni olishda mikroorganizmlarning tropizmi va joylashishini inobatga olish kerak. Issiq kunlarda konservantni shunday tanlash kerakki, materialni buzilishdan saqlasin, qo'zg'atuvchini o'ldirmasın.
4. Patologik material germetik yopiladigan alyumin yoki emal idishga joylanadi. Mustahkam yopib muhrlanadi. Hayvonlarning jasadi yog'och qirindisi solingan zinch taxta yashiklarga joylanadi (qirindi suyuqlikni shimib oladi). O'ta xavfli kasallikkarda (kuydirgi, manqa, tuberkuloz, brutselloz, qorason) shisha idishga olingan bo'lsa, maxsus konteynerlarga joylanadi (71-72-rasm). Mustahkam yopib muhrlanadi va taxta yashikka joylanadi.
5. Yo'llanma yoziladi. Unda xo'jalik manzili, jo'natilayotgan material nomi, soni, hayvon turi, yoshi, jinsi, kasallangan va o'lgan vaqt, qanday davolash vositalari ishlatilgan, kasallik belgilari haqida ma'lumot, qachon va qanday vaksinalar bilan emlangan, avvalgi va shu vaqtagi epizootik holat, patologoanatomik yorish natijalari, o'zgarishlari, gumon qilingan diagnoz yoziladi.
6. Patmaterialni shaxsan veterinariya xodimining o'zi laboratoriya yetkazadi.

Laboratoriyada konservatsiya qilinmagan materialni 4°Cda 1-2 sutka, 50% li glitserinda konservatsiyalanganini bir necha hafta

saqlash mumkin. Uzoq saqlash uchun material –15–20°Cda muzlataladi.

Materialni mikrobiologik tekshirish quyidagi bosqichlardan iborat: 1. Tekshirilayotgan materialda qo‘zg‘atuvchini aniqlash: Immunologik bo‘limgan usullar – bo‘yalgan preparatlarni mikroskopik tekshirish, genetik usullarda (gen zondlari, PZR) qo‘zg‘atuvchining nuklein kislotalarini aniqlash. Immunologik usullar – serologik (PR, DPR, FAU, IFA va h.k.) reaksiyalarda qo‘zg‘atuvchi antigenini aniqlash. 2. Biosiniv qo‘yish. 3. Materialni oziq muhitga ekib, qo‘zg‘atuvchi kulturasini ajratish. 4. Serologik (retrospektiv) usul – AR, KBR.

Nazorat savollari:

1. Jasadni bakteriologik tekshirish usulini, maqsadini tushuntiring?
2. Patmaterial olish va laboratoriya yo‘llash qoidalarini ayting?
3. Yo‘llanmada qanday ma‘lumotlar bo‘lishi kerak.
4. Bakteriologik tekshirish uchun qanday patologik materiallar olinadi?
5. Laboratoriya hayvonlarining jasadini yorish qoidasini ayting?
6. Materialni mikrobiologik tekshirish qanday bosqichlardan iborat?
7. Patologik materialni olishda nimalarga e’tibor beriladi?
8. Nima sababdan jasad yoriladi, patologoanatomik o‘zgarishlari o‘rganiladi, bakteriologik tekshiriladi?

Test savollari:

1. Diagnostik tekshirishda o‘lgan hayvon jasadi:

- a) yoriladi, patanatomik o‘zgarishlari o‘rganiladi, bakteriologik tekshiriladi
- b) yoriladi va parenximatoz organlari olinadi
- c) yoriladi va patanatomik tekshiriladi
- d) yoriladi, tashqi va ichki o‘zgarishlari o‘rganiladi, dalolatnoma tuziladi.

2. Jasadni yorishda nimalarga rioya qilinadi?

- a) shaxsiy gigiena, mehnat muhofazasiga
- b) shaxsiy profilaktika aseptika qoidalariga, atrofda tarqalishini oldi olinadi
- c) aseptika, antiseptika qoidalariga
- d) tashqaridan mikrob tushmaslik va tarqalmaslik qoidalariga.

3. Bakteriologik tekshirish qanday bajariladi?

- a) qayta biosinov o'tkazib, bakteriyalogik nazorat qilinadi
- b) kuzatilgan patanatomik o'zgarishlar yozib boriladi va material termo-statga qo'yiladi
- c) olingan materialdan oziq muhitlarga ekiladi, surtmalar tayyorlab, bo'yaladi, mikroskopda ko'rilibadi
- d) bakteriyalogiya, biosinov, mikroskopiya usullari bajariladi.

4. Patmaterialni laboratoriya qanday hujjat rasmiylashtiriladi?

- a) yo'riqnomma
- b) ko'rsatma
- c) dalolatnomma
- d) yo'llanma.

5. Patalogik material olishda nimalar inobatga olinadi?

- a) mikrobynning tropizmi va joylashishi
- b) patmaterialdagi o'zgarishlar
- c) materialning ifloslanish darajasi
- d) materialning yangi yoki eskirganligi.

14-MAVZU. AGGLUTINATSIYA REAKSIYASI

Mashg‘ulotning maqsadi: Agglutinatsiya reaksiyasining mohiyatini bilish; probirkali agglutinatsiya reaksiyasini (AR), tomchili ARni qo‘yish usullarini o‘rganish.

Material va jihozlar: Probirkalar, 1 va 5 ml. li pipetkalar, Paster pipetkalar, shtativlar, y.sh.h. ijobiy (brutsellozli) zardobi, y.sh.h. normal zardobi; AR uchun brutselloz antigeni, fiziologik eritma, rezinali grusha, mavzuga oid plakatlar, kompyuter, videoproektor.

Uslubiy ko‘rsatmalar

O‘qituvchi talabalarni ARning probirkali va tomchili usullari sxemasi bilan tanishtiradi. Keyin talabalar mustaqil AR ni qo‘yishadi. Uni hisobga olishni o‘zlashtirishlari kerak.

Barcha serologik tekshirishlar asosida antigen va antitelolarning o‘zaro maxsus reaksiyalari yotadi.²⁷

Antigenlar – genetik begona moddalar, hayvon organizmiga parenteral yo‘l bilan yuborilganda sensibilizatsiya, tolerantlik va antitelolar ishlab chiqarish kabi javob reaksiyasini paydo qilib, antitelolar bilan *in vivo* va *in vitro* maxsus o‘zaro ta’sirlashadi. Korpuskular, hujayrali (bakteriyalar, eritrotsitlar) va eruvchi (molekular-dispersli) antigenlar farqlanadi. Antigenlarni polivalentli – antitelolar bilan bog‘ hosil qiluvchi bir qancha determinantli retseptorlari bor. To‘liq qiymatli antigenlardan tashqari gaptenlar, ya’ni oqsilsiz polisaxaridlar, mikrob hujayrasi somatik antigenining lipopolisaxarid kompleksi antigenlik xususiyatiga ega.

Antitelo – qon zardobi globulinli fraksiyasining yuqori molekulali maxsus oqsillari (immunoglobulinlar). Antigen va antitelolarning *in vitro* o‘zaro ta’siri bo‘yicha – cho‘kmali (agglutinin, pretsipitin), eri-

²⁷Кисленко В.Н., Колисхев Н.М., Суворина О.С. Ветеринарная микробиология и иммунология. Счаст 2. Иммунология. – М.: КолосС, 2006 г.

tuvchi (bakteriolizin, gemolizin) va neytrallovchi (toksinlarni zararsizlantiradi) reaksiyalar, antitelolar farqlanadi.

Diagnostik maqsadda qo'llanadigan serologik reaksiyalarda komponentlarning bittasi ma'lum bo'lishi kerak, u orqali maxsusligi tufayli boshqa komponentning borligi aniqlanadi. Serologik reaksiyalar fiziologik eritmada qo'yiladi, chunki antigen va antitelo kuchsiz elektrolit muhitda bog'lanadi.

Agglutinatsiya reaksiyasining mohiyati – qon zardobi tarkibidagi antitelo (agglutinin) maxsus antigen (agglutinogen) bilan yopishib, cho'kma (agglutinat) paydo qiladi va probirkha tubida xarakterli shaklda joylashadi. Mikrob hujayrasining antigen tuzilishiga bog'liq ravishda – O - somatik antigenlar mayda donador, xivchinli H-antigenlar yirik donador cho'kma paydo qiladi. Veterinariya amaliyotida AR brutselloz, listerioz, leptospiroz, kampilobakterioz, salmonelloz, kolibakterioz va h.k. kasalliklariga diagnoz qo'yishda ishlatiladi.

AR bir nechta usullarda qo'yiladi: probirkali (klassik) usul, tomchili, qon-tomchili, plastinkali Roz-bengal, sut-halqali, mikroagglutinatsiya usullari.²⁸

Probirkali klassik usulda AR ni qo'yish texnikasi. Infeksiyaga bog'liq pavishda zardoblar yo'riqnomaga asosan suyultiriladi. Yirik shoxli hayvonlar brutsellozida quyidagicha.

Ishlatiladigan komponentlar: tekshirilayotgan zardob, standart brutselloz antigeni, elektrolit muhit – fiziologik eritma (0,85% li NaCl).

Y.sh.h. zardobi 1:50, 1:100, 1:200, 1:400 nisbatda suyultiriladi. Shtatiyga birinchi qatorga 5 ta probirkha terib, raqamlanadi. Birinchisida asosiy suyultirish nisbati 1:25 tayyorlanadi: 0,1 ml zardob+2,4 ml fiziologik eritma. Qolgan to'rtta probirkalarga bir xilda 1 ml dan fiziologik eritma quyiladi. Keyin maxsus pipetkada ketma-ket suyul-

²⁸Кисленко В.Н. Практикум по ветеринарной микробиологии и иммунологии. – М.: КолосС, 2005.с.110-114.

tiriladi – asosiy eritmadan 1 ml ikkinchisiga, undan uchinchi va oxirgi probirkadan dezinfiksiyalovchi eritmali idishga quyiladi. Ikkinchidan boshlab hamma probirkalarga bir xilda 0,05 ml dan antigen quyiladi (1 ml da 10 mIrd mikrob hisobidan). Komponentlarning umumiy hajmi 1 ml bo‘ladi (73-rasm).

Har bir komponent uchun alohida pipetka ishlataladi. Probirkalar yaxshilab silkitib aralashtiladi va 37 °C da 4-6 soat termostatda keyin 14-16 soat uy haroratida turadi. Bir vaqtida nazorat reaksiyasi qo‘yilishi shart:

1. Ijobiy brutselloz zardobi + standart brutselloz antigeni natija – (++++) ijobiy.

2. Normal zardob + standart brutselloz antigeni natija (–) manfiy.

3. Standart brutselloz antigeni + fiziologik eritma natija (–) manfiy.

Natijani hisobga olish (74-rasm) nazoratli probirkalardan boshlanadi.

1. Cho‘kma soyabon shaklida, suyuqlik tiniq – 100% agglutinatsiya (+++).

2. Cho‘kma soyabon shaklida, suyuqlik salgina loyqa – 75 % agglutinatsiya (++).

3. Suyuqlik loyqa, soyabon yaxshi hosil bo‘lmagan – 50 % agglutinatsiya (++) .

4. Cho‘kma tugma shaklida, suyuqlik loyqa – 25 % agglutinatsiya (+).

5. Suyuqlik loyqa, soyabon hosil bo‘lmagan – agglutinatsiya yo‘q (–).

1:100 risbatda agglutinatsiya (++) dan kam bo‘lmasa natija ijobiy; 1:50 da gumanli hisoblanadi.

Tomchili AR usuli. Mikrob turini aniqlash va uni farqlash uchun ishlataladi. Buning uchun buyum oynachasiga aniq maxsus zardob va fiziologik eritmadan (nazorat uchun) alohida tomchilar olinadi. Har bir tomchiga tekshirilayotgan mikrob bakterial ilmoqda olib qo‘shiladi,

aralashtiriladi. 5-10 daqiqada natija aniq bo'ladi. Ijobiy natijada suyuqlik tiniq, cho'kma donador bo'ladi. Bu usulda ko'proq kolibakterioz, salmonelloz qo'zg'atuvchilar tipizatsiya qilinadi (75-rasm).

Qon-tomchili AR usuli. Ko'pincha pulloroz, brutsellozga tekshirishda qo'llanadi. Yog'sizlantirilgan buyum oynasiga bir tomchi qon olib unga bir tomchi kerakli antigen (gemotoksilin bilan bo'yalgan) qo'shiladi va shisha tayoqcha bilan aralashtiriladi. Musbat natijada 30-60 soniyadan keyin agglutinat paydo bo'ladi.

Sut halqali reaksiya. Y.sh.h. brutsellozga tekshirishda ishlataladi. Probirkalarga 2-3 mldan sut olib, 0,2 mldan (2 tomchi) gemotoksilin bilan bo'yalgan antigen qo'shiladi. Sut bir xil bo'yalguncha aralashiriladi va 37°C da 45-60 daqiqa saqlanadi. Sutda antitelo bo'lsa, antigen-antitelo kompleksi hosil bo'lib yog' tomchilariga adsorblanadi va yuziga ko'tarilib ko'k halqa paydo bo'ladi, sut rangsizlanadi. Manfiy natijada sut ko'k rangda qoladi, halqa hosil bo'lmaydi (76-rasm).

Nazorat savollari:

1. Serologik reaksiyalarning mohiyatini aytинг?
2. Antigen, antitelo nima? Tushuncha bering?
3. Probirkali AR ning komponentlari, qo'yish texnikasi va hisobga olish.
4. Tomchili AR ning mohiyati, uni qo'yish texnikasini tushuntiring?
5. Sut halqali reaksiyani qo'yish texnikasini tushuntiring?
6. AR da mikrob hujayrasining antigen tuzilishining qanday ahamiyati bor?
7. Nazorat reaksiyasi deganda nimani tushunasiz?
8. AR larining natijasi qanday baholanadi?

Test savollari:

1. AR ning mohiyati qaysi bandda to'g'ri berilgan?

a) qon zardobidagi antitelo va maxsus antigen eritrosit bilan reaksiyaga kirishib cho'kma hosil qiladi

b) qon zardobidagi agglyutinin maxsus agglyutinogen bilan yopishib agglyutinat hosil qiladi.

c) antigen – antitelo kompleksi ko'zga ko'rinnmaydigan cho'kma hosil qiladi

d) har xil antigenlar, antitelo bilan gemolitik sistema orqali reaksiyaga kirishib cho'kma paydo bo'ladi.

2. Qanday antigenlar farqlanadi?

a) oqsilli, polisaxaridli, molekulyar dispersli

b) yopishqoq, kompleks, polivalent

c) korpuskular, hujayrali, eruvchi

d) kimyoviy, genetik begona, turga oid.

3. Antigen va antitelolarning in vitro o'zaro ta'siri bo'yicha qanday antitelalar farqlanadi?

a) elektrolitli, kislotali, ishqorli

b) korpuskular, gemagglyutinasiyalovchi

c) tomchili, halqali, cho'kmali

d) cho'kmali, erituvchi, neytrallovchi.

4. AR ning komponentlari qaysi bandda to'g'ri berilgan?

a) normal, sinovdag'i, standart ijobiy zardob, standart antigen, fiziologik eritma

b) sinovdag'i zardob, gipertonik eritma, gemolizin

c) fiziologik eritma, standart zardob va antigen

d) komplement, eritrosit, zardob, gamsistema.

5. Sut halqali reaksiya qaysi kasallikni tekshirishda ishlataladi?

a) salmonelloz

b) brutselloz

c) listerioz

d) tuberkuloz.

15-MAVZU. PRETSIPITATSIYA REAKSIYASI (PR)

Mashg‘ulotning maqsadi: Pretsipitatsiya reaksiyasining mohiyatini, uni qo‘yish usullari va amaliyotda qo‘llanilishini bilish va o‘zlashtirish.

Material va jihozlar: Probirkalarda ekstraksiya qilingan antigen, maxsus antigen, pretcipitatsiyalovchi zardob, normal zardob, Ulengut probirkalari, ularga shtativ, Paster pipetkalar, rezina grushalar, Petri kosachalarida agar geli, eksikator, plakatlar, shtamp – o‘yiqlar hosil qilish uchun, plakatlar, kompyuter, videoproektor.

Uslubiy ko‘rsatmalar


O‘qituvchi darsni tushuntirgandan keyin, talabalar PRni probirkaga va Petri kosachalarida qo‘yib o‘rganadilar.

Pretcipitatsiya (lotinchadan *praecipitatus* – cho‘kma) reaksiyasi antitelo (pretsipitinlar) va antigen (pretsipitinogenlar) o‘zaro birikib cho‘kma (pretsipitat) hosil qilishi bilan ifodalanadi. PR da eruvchi (molekular-dispersli) antigenlar ishlatiladi. Pretcipitinogenlar yuqori haroratga (qaynatish, avtoklavlash) va chirishga chidamli. PR probirkalarda yoki agar gelida difsuz pretcipitatsiya usulida qo‘yiladi. Ko‘pincha kuydirgi kasalligiga tekshirishda Askoli (1910) halqali pretcipitatsiya reaksiyasi qo‘llanadi.

Komponentlar:

1. Ekstrakt – tekshiriladigan materialdan tayyorlanadi. Avval patologik material avtoklavda 1,5 atmosferada 30 daqiqa yoki 1 atmida 1 soat sterillanadi. Sovugach uni maydalab ekstraksiyalanadi. Ekstraksiyalashning ikki usuli bor: a) issiq usul – maydalangan 1-2 g patmaterial probirkaga solinib, 1:10 nisbat fiziologik eritma quyiladi va suv hammomida 30-40 daqiqa qaynatiladi; b) sovuq usul – 1-2 g patmaterialdan 1:10 nisbatda 0,3 % fenolli fiziologik eritma quyiladi va suspenziya tayyorlab 16-24 soat uy haroratida qoldiriladi. Ekstraktlar asbest paxta bilan filtrланади.


Jasadni bakteriologik tekshirish usuli. Patologik materialni olish va laboratoriya gaga jo'natish usullari



70-rasm. O'lgan sichqonning ko'krak
va qorin bo'shlig'ini yorish tartibi.




71-rasm. Patologik material
namunalarini laboratoriya gaga
yo'llash uchun konteynerlar (fibrali
va plastmassali).




72-rasm. Namunani joylash elementlari:
1-namuna solingen idish, tiqini leykoplastir bilan
o'ralgan probirkalar yoki kavsharlangan shisha
ampula; 2-paxta yoki papiroq qog'ozi; 3-plastikali
xaltacha, kavsharlangan yoki leykoplastir bilan
yopishtirilgan; 4-urilishgiga qarshi prokladka-
g'iijimlangan qog'oz yoki paxta; 5-mustahkam, surv
o'tkazmaydigan tashqi konteyner; 6-zich yopiladigan
qopqoq.


Agglutinatsiya reaksiyasi




73-rasm. AR qo'yish sxemasi.



75-rasm. Plastinkali ARni baholash.





74-rasm. Probirkalarda ARni hisobga olish (Brutselloz, qoramol). A-gumonli AR 1:50; b-nazorat; d-ijobjiy AR 1:100-1:200; t-nazorat.




76-rasm. Sut halqali reaksiya:
a - amaliy; b - gumonli; d - ijobjiy.


Pretsipitatsiya reaksiyasi



77-rasm. DPR qo'yish usullari.





78-rasm. Ijobiy presipitasiya (Askoil) reaksiyasi.



79-rasm. DPR. Chapda markazda pretsipitatsiyalovchi zardob, atrofidagi o'yiqlarda antigenlar- pretsipitatsiya chiziqlari aniq ko'ringan. O'ngda markazda manfiy zardob, atrofida o'sha antigenlar-pretsipitatsiya chiziqlari yo'q.


Pretsipitatsiya reaksiyasi



80-rasm. KBR sxemasi:
1-ijobiy; 2-manfiy




Gemolitik sistema
(indikatorli, bak,
sistemada nima
bo'lganini ko'rsatadi)



81-rasm. KBR sxemasi.

zardobni suyultirish



82-rasm. KBR natijasining ko'rinishi.

2. Standart pretsipitatsiyalovchi kuydirgi zardobi.
3. Elektrolit muhit-fiziologik eritma.
4. Nazorat uchun: standrat kuydirgi antigeni, sog'lom hayvondan olingan material ekstrakti, normal zardob.

PR ni qo'yish texnikasi. Reaksiya ikki xil usulda qo'yiladi:

1. *Zardob ustiga antigen quyish.* Ulengut probirkasiga 0,2-0,3 ml kuydirgi zardobi quyib, ustiga ohista probirka devoridan teng miqdorda ekstract (antigen) quyiladi. Bunda komponentlar orasidagi chegara aniq ko'rinishi kerak.

2. *Antigen ostiga zardob quyish.* Ikkinci usulda probirkaga avval 0,2-0,3 ml ekstract quyib, uning ostiga teng miqdorda Paster pipetkasi bilan kuydirgi zardobi quyiladi. Ikkala usulda ham natija ijobiy bo'lsa, ikkala komponentlar o'rtasida 1-2 daqiqada yaxshi ko'rinaligan tutunsimon rangda halqali pretsipitat hosil bo'ladi (78-rasm).

Nazorat reaksiyasi

1. Standart kuydirgi antigeni + kuydirgi zardobi (natija ijobiy 1-2 daqiqada).
2. Sog'lom hayvon materiali ekstrakti + standart zardob (natija manfiy 1 soatda).
3. Standart antigen + normal zardob (natija manfiy 1 soatda).
4. Fiziologik eritma + standart zardob (natija manfiy 1 soatda).

Natijani baholash. Ijobiy natija (+), gumonli natija (+), manfiy natija (-).

Diffuzli PR. Buyum oynachasida yoki Petri kosachalaridagi 1 % agar gelida qo'yiladi. Gel qotgach standart shtamp bilan o'yinlar qilinadi (77,79-rasm). Markazdagi o'yiqqa standart zardob, atrofidagilarga esa antigen namunalari Paster pipetkasi bilan quyiladi. U eksikatorda bir sutka termostatda turgandan keyin, bir xil antigen va antitelolar uchrashgan joyda kompleks hosil bo'lib, aniq pretsipitat chiziqlari ko'rinaldi. Bunda ham nazorat reaksiyasi qo'yiladi. Pretsipitatsiya chiziqlari yanada yaxshi ko'rinishi uchun plastinalar fiziologik eritmada yuviladi va 65%li kadmiy sulfat eritmasi quyiladi, bir necha daqiqadan keyin yanada ravshan ko'rinaldi.

Nazorat savollari:

- 1.Pretsipitatsiya reaksiyasining amaliyotda ishlatalishi va mohiyati.
- 2.Pretsipitatsiya va agglutinatsiya reaksiyalarida antigenlarning farqi.
- 3.Halqali pretcipitatsiya reaksiyasini qo'yish texnikasini tushuntiring?
- 4.Halqali pretcipitatsiya reaksiyasining komponentlarini aytинг?
- 5.Diffuz pretcipitatsiya reaksiyasini qo'yish, uning mohiyati.
6. Halqali pretcipitatsiya reaksiyasida nazorat reaksiyasi qanday qoyiladi?
7. Halqali pretcipitatsiya reaksiyasi natijasi qanday hisobga olinadi?
8. Halqali pretcipitatsiya reaksiyasini qo'yishning qanday usullari bor?

Test savollari:

1. PR si AR dan qanday farq qiladi?

- a) antitelolar antigenlar bilan faqat komplement orqali birikadi
- b) antigenlari yuqori harorat, chirishga chidamli
- c) eruvchi antigenlar ishlataladi, qo'yish texnikasi o'zgacha
- d) agar gelida chiziqlar hosil qiladi.

2. PR ning komponentlari qaysi bandda to'liq berilgan?

- a) antigen, gemolizin, ekstrakt, fiziologik eritma
- b) sog'lom hayvondan olingan material ekstrakti, standart zardob, fiziologik eritma
- c) antigen, ekstrakt, qon, fiziologik eritma,
- d) ekstrakt, standart zardob va antigen, normal zardob, fiziologik eritma.

3. Probirkali PR qo'yishni necha xil usullari bor?

- a) 2
- b) 4
- c) 5
- d) 3.

4. PR usullarining qaysinisida zardob probirka pastida bo'ladi?

- a) zardobni ekstrakt ostiga quyganda
- b) barcha usullarida
- c) antigenni zardob ustiga quyganda
- d) zardob umuman probirka pastida bo'lmaydi.

5. PR da ekstrakt tayyorlash ketma-ketligi qaysi bandda to'g'ri berilgan?

- a) filtrlash, maydalash, sterillash, ekstraksiyalash
- b) maydalash, filtrlash, ekstraksiyalash, sterillash
- c) sterillash, maydalash, ekstraksiyalash, filtrlash
- d) ekstraksiyalash, filtrlash, maydalash, sterillash.

16-MAVZU. **KOMPLIMENT BOG'LASH REAKSIYASI – KBR**

Mashg'ulotning maqsadi: KBR ning mohiyatini, uning asosiy tajribasini qo'yishni o'zlashtirish.

Material va jihozlar: Shtativda toza probirkalar, darajalangan pipetkalar, flakonda fiziologik eritma, suv hammomi, aniq titrli gemolizin, antigen, kompliment; sinovli zardoblar 1:10 (56°C da 30 daqiqa inaktivlangan), ijobiy, normal zardoblar, qo'y eritrotsitlari 1:40, tegishli jadvallar, videoproektor, kompyuter.

Uslubiy ko'rsatmalar

O'qituvchi KBR komponentlari, ularni titrlash usullari va maqsadini, asosiy tajribani qo'yishni tushuntiradi. Talabalar KBR ning asosiy tajribasini qo'yib, reaksiya natijasini aniqlashadi.

Kompliment bog'lash reaksiyasi Birinchi marta Borde va Jangular tomonidan 1901-yil ifoda etilgan, u juda sezgir va spetsifik reaksiya. Uning asosida – bakterioliz va gemoliz holatlari yotadi. Reaksiyaning namoyon bo'lishi AR va PR dan farq qilib, antigen va antitelolar faqat kompliment ishtirokidagina reaksiyaga kirishadi. Shuning uchun reaksiya ikki sistemada o'tadi:

1. Bakteriolitik – diagnostik sistema (antigen + antitelo +kompliment). Suyuqlik tiniq, rangsiz bo'lgani uchun ularning o'zaro ta'siri natijasi ko'zga ko'rinxaydi.

2. Gemolitik-indikatorli sistema (gemolizin + eritrotsit) bakteriolitik sistemada kompliment bog'langan yoki erkin qolganini aniqlashga imkon beradi. Demak, gemolitik sistemadagi gemolizin-antitelo; eritrotsitlar esa ular uchun antigen. Kompliment erkin qolsa aynan ularga ta'sir qiladi.

Bakteriolitik sistemaga gemolitik sistema qo'shiladi. Eritrotsitlar gemoliz bo'lishiga yoki bo'lmasligiga qarab, bakteriologik sistemada kompliment bog' bor, yo'qligi bilinadi (80-81-rasm).

Ijobiy natijada qon zardobidagi antitelolar bakteriolitik sistemada antigen bilan birikib, undagi komplimentni o'ziga bog'lab ola-di. Natijada gemolitik sistema qo'shilgandan keyin eritrotsitlar lizisga uchramaydi (eritrotsitlar cho'kmaga tushadi).

Manfiy natijada antigen – antitelo kompleksi hosil bo'lmaydi, kompliment erkin qoladi, u gemsistemadagi eritrotsitlar bilan gemo-lizinning o'zaro ta'sirida qatnashib eritrotsitlarni lizisga uchratadi. Probirkada suyuqlik, tiniq, qizil rangda bo'ladi, cho'kma bo'lmaydi.

Kompliment bog'lash reaksiyasini qo'yishdan maqsad: 1.Kasal hayvonning qon zardobidagi spetsifik antitelolarni aniqlash (brutselloz, peripnevmoniya, manqa, leptospiroz va boshqalarda). 2. Tekshirilayotgan patmaterialdagi spetsifik antigenni maxsus immun zardob ishtirokida aniqlash.

KBR komponentlari:

1.Tekshiriladigan qon zardobi – hayvonlardan olinadi.

2.Standart zardob (musbat natijali)– biofabrikalarda tayyorlanadi.

3.Normal zardob (manfiy natijali) – sog'lom hayvondan olinadi.

4. Kompliment (oqsil tabiatli modda bo'lib, hayvon va odamlar zardobi, limfa, to'qima syuyqliklarining tarkibiy qismi)– biofabrikada dengiz cho'chqasining qon zardobidan tayyorlanadi. Aniq titrda suyultirilgan tayyor ishchi eritmasi ishlatiladi.

5.Antigen – aniq mikrobdan biofabrikada tayyorlanadi. Ularda seriya raqami, faolligi (titri) va qancha suyultirishi ko'rsatilgan bo'ladi.

6. Gemolizin – biofabrikada, qo'y eritrotsitlari bilan quyonni giperimmunlab tayyorlanadi. 1:1 nisbatda glitserin qo'shilgan bo'la-di. Aniq titrda suyultirilgan tayyor ishchi eritmasi ishlatiladi.

7. Qo'y eritrotsitlari 1:40 (2,5%) fiziologik eritmada tayyorlanadi.

8. Fiziologik eritma (0,85% li NaCl).

KBR ning asosiy tajribasini qo'yish. Zardoblarni (tekshiriladigan, standart, normal) avval 1:10 nisbatda suyultirib, 56°C da 30 daqiqa inaktivlanadi. Shtativga tekshiriladigan qon zardoblarining soniga

ko'ra (har bir zardob uchun 2- tadan) ikki qator probirkalar olinib, ularga (har bir qatordan bittadan) tekshiriladigan qon zardobidan 0,2 ml dan quyiladi. Nazorat uchun yana ikki juft probirkalar olinib, birinchi juftiga standart, ikkinchisiga—normal zardobdan 0,2 ml quyiladi. 1-qatordagi probirkalarga 0,2 ml antigen, 2-qatordagilariga fiziologik eritma quyiladi. Keyin ikki qatordagi barcha probirkalarga 0,2 ml kompliment quyilib, probirkalar silkitib yaxshi aralashtiriladi va suv hammomida 37°C da 20-40 daqiqa saqlanadi. Bu bakteriolitik sistema. Probirkalarni suv hammomidan olib unga 0,4 ml dan gemsistema (ishchi titrdagi gemolizin bilan eritrotsitlarning teng miqdordagi aralashmasi) qo'shiladi va ikkinchi marta suv hammomida 20 daqiqa saqlanadi.

KBR ning asosiy tajribasini qo'yish

Komponentlar	Tekshirilayotgan zardobli probirkalar 1:10		Standart zardobli		Normal zardobli		Nazorat gemsistema
	№ 1	№ 2	№ 1	№ 2	№ 1	№ 2	
Zardob	0,2	0,2	0,2	0,2	0,2	0,2	
Antigen	0,2		0,2		0,2		
Fiz. eritma		0,2		0,2		0,2	0,6
Kompliment	0,2	0,2	0,2	0,2	0,2	0,2	
37°C da 20 daqiqa suv hammomi							
Gem sistema	0,4	0,4	0,4	0,4	0,4	0,4	0,4
37°C da 20 daqiqa suv hammomi							
	GY	G	GY	G	G	G	GY

GY – gemoliz yo'q, G - gemoliz.

Reaksiya natijasi ikki marta aniqlanadi: birinchisi probirkalar suv hammomidan olingan zahoti, ikkinchisi yakuniy – 18-20 soat uy haroratida turganidan keyin.

Avval sinovli probirkalarning ikkinchi qatori va standart zardobli nazorat probirkalarning ikkinchi qatori hamda normal zardobli

nazorat probirkalarga e'tibor beriladi – ularda eritrotsitlar gemolizga uchrab suyuqlik qizargan – natija manfiy.

Sinovli, standart zardobli probirkalarning birinchi qatori, gemsistema nazoratli probirkalarda gemoliz bo'lmaydi (72-rasm) – natija musbat.

KBR natijasini baholash

(++++) – gemoliz yo'q eritrotsitlar to'liq nuqta shaklida cho'kmaga tushgan, suyuqlik tiniq.

(++) – 25% eritrotsitlar gemolizga uchragan, suyuqlik och qizil rangda.

(+) – 50% eritrotsitlar gemolizga uchragan, suyuqlik qizil rangda.

(-) – 75% eritrotsit gemolizga uchragan, suyuqlik intensiv qizil rangda.

(–) – gemoliz 100%, cho'kma umuman yo'q.

(+++), (+++), (++) – natija diagnostik ijobiy; (+) – natija gumonli; (-) – natija manfiy.

Serologik tekshirishning immunoferment usuli (ELISA). Immunoferment usul mikroorganizmlar va antitelolarni aniqlash hamda qiyoslash uchun qo'llanadi. Immunoferment usulining ikki turi farqlanadi: gomogen va geterogen. Geterogen usul (immunosorbentli ELISA test) va suvda erimaydigan polimerazali materiallar yuzasida adsorbirlangan enzimi nishonlangan antitelolar (yoki antigenlar) reaksiyasi (ENAR). *Gomogen immunoferment usulida* qattiq (zich) faza ishlatilmaydi; asosan kichik molekulali antigenlarni (gormonlar, dorivor preparatlarni) aniqlash uchun ishlatiladi.

Zich fazali immunofermentli usul komponentlari:

1. Maxsus immunoglobulinlar (immun zardobdan ammoniy sulfat bilan cho'ktirib, keyin tozalab olinadi).

2. Turga qarshi globulinlar (giperimmun zardobdan ammoniy sulfat bilan cho'ktirib, keyin tozalab olinadi).

3. Oqsil A (tillarang stafilokokkdan olinadi) yoki ho'kiz zardobi albumini.

4. Antigen (zararlangan hayvonlar organlaridan tayyorlanadi). Oldindan ma'lum bo'lgan musbat va manfiy antigenlar.
5. Peroksidaza fermenti (xrendan olinadi).
6. Kon'yugatlar (periodatli oksidlanish usulida antitelo yoki antigen bilan bog'langan peroksidaza).
7. Substratlari aralashma (5- aminosalitsil kislotasi va vodorod peroksi yoki ortofenilendiamin va vodorod perioksi).
8. Detergent (sirtga faol moddalar: tvin – 20, - 80, triton X – 100, sorbital S – 20).

9. Immunologik planshet (shaffof polistiroldan tayyorlangan).

10. Shprits – dozator (peaksiya ingridientlarini quyish uchun).

Reaksiyani qo'yishning bevosita va bilvosita usullari mavjud. Amaliyotda asosan bilvosita usul qo'llanadi.

Antigenni immunoferment usulida aniqlash. Reaksiyani qo'yishdan avval, liofillangan komponentlar yorlig'ida ko'rsatilgan hajmda 0,01 M fosfatli bufer eritma yoki distillangan suv bilan eritiladi va ishchi eritma hajmiga yetkaziladi. Planshet o'yiqchalariga bosqicha-bosqich solinadigan komponentlar o'zaro teng hajmda bo'lib, 0,1 ml ni tashkil etadi.

Reaksiya bosqichlari:

1. Planshetni sensibillash. Planshet o'yiqchalariga maxsus antitelolar (immunoglobulinlar) yorlig'ida ko'rsatilgan ishchi eritmasi quyiladi. Planshet antitelolar bilan uch soat termostatda 37°C da yoki 4°C ga 18 soat qo'yiladi. Keyin planshetlar tvinli fosfat bufer eritmasi bilan 3 – 4 marta yuviladi. Eritmaning qoldiqlari filtr qog'ozga planshetni bir necha bor qoqib olinadi.

2. Antigen quyish. Maxsus antitelolar bilan sensibillangan planshet o'yiqchalariga nazoratli musbat va manfiy antigenlar hamda 1 : 10 dan 1 : 1280 nisbatgacha suyultirilgan sinovli namunani quyib, termostatda 37°C da 1 soat undiriladi. Inkubatsiya muddati o'tishi bilan planshet o'yiqchalaridagi antitelo bilan bog'lanmay qolgan antigenlarni uch marta yuvib, filtr qog'ozda quritiladi.

3. Antigen + antitelo kompleksini aniqlash uchun suyultirmalarga turga qarshi peroksidazali konyugatni quyish. Konyugat quyib chiqilgach planshetlar termostatga 37°C da 1 soat ga qo‘yiladi. Keyin o‘yiqchalarni uch marta twinli fosfatli bufer bilan yuvib quritiladi.

4. Substratli aralashmani quyish. Reaksiya namoyon bo‘lishi uchun planshet o‘yiqchalariga substrat eritmasi (peroksidaza indikatori) – ortofenilendiamin quyiladi. Eritmaga antigen + antitelo – konyugat kompleksini aniqlash uchun 3% li vodorod peroksid eritmasi qo‘shiladi. Planshetlarni yopib qorong‘i joyda yu haroratida 15 – 30 daqiqa qoldiriladi.

5. Reaksiya ko‘rish orqali yoki spektrofotometrik usulda hisobga olinadi. Reaksiya ko‘rish orqali baholanganda nishonlar soni bilan ifodalanadi :

++++ – intensiv bo‘yalgan ;

+++ – sabzi rang bo‘yalgan ;

++ – och sabzi rang bo‘yalgan;

+ – sariq rang bo‘yalgan.

Ikki va undan ortiq nishonga baholangan namuna musbat hisoblanadi. Maxsus antitelo bilan reaksiyada eng yuqori suyultirishda planshetning nazoratlari o‘yiqlari rangidan intensivligi yuqori bo‘lib, och sabzi rang bo‘ysa (++) , antigen titri hisoblanadi.

Reaksiya natijalarini spektrofotometrik hisobga olishda maxsuslik koeffitsiyenti hisoblanadi. U o‘yiqchalardagi reaksiya mahsulotlarining nazoratlari musbat antigen (OZ1) optik zichligini (OZ) o‘yiqchalardagi substratli aralashmani nazoratlari manfiy antigenli (OZ2) optik zichligi nisbatiga teng.

Maxsuslik koeffitsiyenti 2, 1 dan kam bo‘lmasa reaksiya musbat, 2,1 dan kam bo‘lsa manfiy hisoblanadi.

Antitelolarni aniqlash (yoki titrlash) uchun immunofermentli usulni qo‘yish texnikasi mikrob antigenini aniqlash va qiyoslash singari bajariladi, farqi shundaki, material sifatida tekshiriladigan qonzardobi ishlataladi.

Bakteriyalarning genetikasini o'rganish. Gen zondlari usuli juda ko'p hollarda bakteriyalarni qiyoslashda ishlatiladi. Bu usul oddiy DNK – DNK gibriddashdan total DNKniga emas, balki uning o'zida aniq genni saqlovchi (genetik marker) ma'lum fragmentini (zondini) ishlatish bilan farq qiladi.

Oldindan tekshirilayotgan bakteriyalarning «genlar banki» yaratiladi. Bu maqsadda bakteriya DNKniga endonukleazalar bilan eritib, elektroforez yordamida DNK fragmentlari ajratiladi, transformatsiya usulida ularning genetik xususiyatlari aniqlanadi, DNKniga kerakli fragmenti ajratib olinadi va ligazalar yordamida vektor bo'lib xizmat qiladigan plazmidaga kiritiladi. Aniq gen bilan yaxlit holga keltirilgan plazmidni biror-bir yetarlicha oson va yengil o'sadigan bakteriya shtammiga kiritiladi. Ko'p miqdorda DNK – zond saqlovchi biomassa olinadi. Plazmidli DNKniga ajratib, radioaktiv izotop bilan belgilanadi, keyin bu belgilangan DNK tekshirilayotgan bakteriyaning DNKsi bilan gibriddlanadi. Autoradiografiya usulida markerning tekshirilayotgan DNK bilan gibriddizatsiyasini nisbiy chastotasini aniqlab, shu ko'rsatkich orqali aniq bakteriya – DNK donori va tekshirilayotgan bakteriyaning genetik yaqinligi fikrlanadi.²⁹

Polimerazali zanjirli reaksiya – PZR (*polymerase chain reaction – PCR*). Reaksiyaning prinsipi shundan iboratki, DNK – polimeraza yordamida *in vitro* juda ko'p qayta-qayta DNKniga ma'lum qismi nusxalari sintezlanadi (amplifikatsiya – to'planish).

PZR – siklik jarayon bo'lib, har bir sikli uch bosqichdan iborat.

1.Tekshirilayotgan DNKniga issiqda (95°Cda) denaturatsiyalash. Bunda juft asoslarni bog'lanishni hosil qilgan vodorod bog'lar par-chalanib, DNK zanjirlari tarqalib ketadi, ya'ni bir zanjirli DNK hosil bo'lib praymeronlar DNK polimerazalar kirishi uchun yengillik paydo qiladi. Jarayonning davomiyligi 1 daqiqa.

²⁹Кисленко В.Н. Практикум по ветеринарной микробиологии и иммунологии. – М.: КолосС, 2005.с.90.

Воробьев А.А. Медицинская микробиология, вирусология и иммунология. – М.: 2008 г. С.114.

2. Prayerlarni DNKnini ikkita antiparallel zanjirlarining komplementar qismlariga o'tkazish (yumshatish). Prayerlar 20 – 30 nukleotidlardan iborat ikkita sintetik oligonukleotidlardir. Ularning har biri qo'zgatuvchi DNKsi tanlab olingen chegaralangan segmentlari qismida qarama-qarshi DNK zanjirlariga komplementar bo'ladi. Demak, prayerlar qo'zg'atuvchi uchun maxsus bo'lgan DNK qismini chegaralaydi. Prayerlar reaksiya aralashmasiga keragidan ortiq qo'shiladi, bu ularga bir zanjirli DNKlar ikki zanjirliga birikishidan (renaturatsiya) avval o'zining komplementar qismlarini egallashiga imkon beradi. Bosqichning davomiyligi 1 – 2 daqiqa.

3. Praymerni DNK – polimeraza ishtirokida reaksiya aralashmasiga qo'shilgan dezoksinukleozidtrifosatlardan tuzilib bitish jarayoni (elongatsiya). Odatda termofil bakteriya *Thermus aquaticus* (*Taq* – polimeraza)ning termostabil DNK – polimerazasi qo'llanadi, u polimerizatsiyani optimal haroratlarda 70 – 75°C olib borishga imkon beradi. DNK sintezida prayerlar uning molekulasisiga kiradi. Polimeraza yordamida DNK sintezi faqat prayerlar orasida kechadi. Bunda DNKnini aynan o'sha qismini nusxalari soni ikki hissa ortadi. Bitta praymer yordamida sintezlangan DNK molekulasi boshqa praymer yordamida komplementar DNK sintezi uchun matrisa bo'lib xizmat qilishi mumkin. Bu bosqichning davomiyligi 1 – 2 daqiqa.

Birinchi sikl tugashi bilan reaksiyani to'xtatib, DNKnini yana harorat bilan denaturatsiya qilinadi. Sovutganda ortiqcha prayerlar yana boshlang'ich va yangi sintezlangan DNK zanjirlari bilan gibrildilanadi. DNK – polimerazani qo'shganda polimerizatsiyaning ikkinchi siklini ta'minlaydi. Shu tariqa prayerlarning fermentativ uzaytirishini bir necha o'nlab sikllarini o'tkazish mumkin. Natijada ikki tarafidan prayerlar bilan chegaralangan DNK segmentlarining soni har siklda eksponensial ko'payadi. Demak, PZR usulini qo'llab, *in vitro* preparatni DNK fragment bilan tanlab aniq ketma-ketlikda million va undan ko'p marta boyitish mumkin. DNK fragmentlari sonining

ko‘payishi tekshirilayotgan namunada gomologik DNK, ya’ni infek-sion kasallik qo‘zg‘atuvchisi borligini isbot qiladi.

PZRni amaliyotda ishlatalish uchun DNK matrisani nusxasini tak-rorlovchi zanjirning uchta uchlariga komplementar va nusxasi oli-nadigan DNK fragmentlarini chegaralovchi praymerlarni sintezlash kerak. Ular qo‘zg‘atuvchi genomini nukleotidlar ketma-ketligi ras-shifrovka qilingan va genetik o‘zgarishlarga chidamli qismlari asosi-da tanlanadi. Masalan, *C. psittaci* qiyoslash uchun tashqi membrana oqsilini kodlashtiruvchi genlar asosida yoki 16s rRNK kodlashtiruv-chi genlar asosida tanlangan praymerlar taklif etilgan. Brusellalarни qiyoslash uchun praymer 31 KDa tashqi membranasi oqsilini kod-lashtiruvchi gen asosida tanlangan va h.k.

PZR – diagnostikani o‘tkazish uchun quyidagi komponentlar ke-rak: to‘rt xil tipdagi dezoksitrifosfatlarning suvdagi eritmalari (dTTF, dTTF, Dstf, 10 mM, pH 7,0); birinchi praymer (5 mM); ikkinchi praymer (5 mM); *Taq* – polimeraza fermenti (5 TB/mkl); amplifisirla-nadigan DNK (- 1 mkg), Mg^{2+} ionlari (25 mM) polimerazaning ishi-ni ta’minalash uchun: buferli eritma (10 karrali konsentrat), masalan, qoramol albumini va ionsiz detergentlar qo‘shilgan tris-xlorid kislota-si (pH 6,8 – 7,7).

Ko‘rsatilgan komponentlar, masalan quyidagi miqdoriy nisbatlar-da probirkalarga solinadi: dezoksinukleozidtrifosfatlar – 8 mkl, buffer – 10 mkl, amplifisirlanadigan DNK – 1 mkg, praymerlar – 1 – 5 mkl dan, polimeraza – 0,5 mkl, distillangan suv – 100 mkl gacha. Bug‘la-nishning oldini olish uchun probirkadagi suyuqlik ustiga mineral yog‘ quyiladi. PZRni o‘tkazishning birinchi bosqichida DNK denaturatsi-yalanadi, keyin dezoksinukleozidtrifosfati bor reaksiya aralashmasi-ga polimeraza quyib, amplifikatorga yoki termosikler (loyihalovchi termostat) ga solinadi. Amplifikatsiya termosiklerda berilgan dastur-da o‘tkazila-di, masalan: 90°C – 1 daqiqa, 60°C – 1 daqiqa, 72°C – 1 daqiqa (5 sikl), 93°C – 1 daqiqa, 57°C – 1 daqiqa, 92°C – 1 daqiqa (5 sikl), 93°C – 1 daqiqa, 55°C – 1 daqiqa, 72°C – 3 daqiqa (25 sikl).

Amplifikatsiya tugaganidan keyin PZR mahsulotlari, ya'ni amplifikonlarni aniqlash bosqichi keladi. DNK molekulalari va ularning fragmentlari agar gelida elektroforez bilan ajratiladi. Gelda DNK etidiy bromidi bilan bo'yaladi, so'ng ultrabinafsha nurlari ostida foregrammalar analiz qilinadi, rasmi olinadi. Amplifikatsiyalangan DNK chiziqlarining maxsusligi belgilangan fragmentlar va standart DNK-ga nisbatan taqqoslash bilan tasdiqlanadi. Qo'shimcha ravishda amplifikonlarning maxsusligini maxsus radioaktiv zond bilan gibridlash yo'li orqali tasdiqlash mumkin.

PZRda qo'zg'atuvchi kulturasi, qo'zg'atuvchisi bor to'qimalar tekshirish obyekti bo'lishi mumkin. Materialdan biror-bir usulda DNK ajratib olinadi. Materialning xarakteriga bog'liq ravishda unga ishlov berish usullari har xil bo'ladi.

Infektion kasallik qo'zg'atuvchilarini aniqlash yoki o'stirish qiyin bo'lgan yoki tipik bo'limgan shaklli (L – shakl) bakteriyalarni topishda, shuningdek, mikroorganizmlarning biror patogenlik faktorlarini nazorat qiluvchi genlarini aniqlashda PZR – diagnostikasining yutug'i katta.

Kundalik diagnostik amaliyotda, odatda, mikroorganizmlarning patogenligini aniqlash bilan chegaralanadi; biopreparatlarni baholashda hayvonlarni zararlash uchun olingan mikroorganizmlar virulentligining miqdoriy xarakteristikalari kerak.

Nazorat savollari:

1. Kompliment bog'lash reaksiyasining AR, PR lardan farqi?
2. Kompliment bog'lash reaksiyasining komponentlarini aytинг?
3. Kompliment bog'lash reaksiyasining asosiy tajribasi qanday qo'yildi?
4. Kompliment bog'lash reaksiyasi natijasini hisobga olishni tushuntiring?
5. Kompliment bog'lash reaksiyasining tizimlarini mohiyatini tushuntiring?
6. Kompliment bog'lash reaksiyasi mohiyatini tushuntiring?

7. Immunoferment usul qanday maqsadda qo'llaniladi va uning turlarini ayting?

8. Kompliment bog'lash reaksiyasining natijasi qanday baholanadi?

Test savollari:

1. KBR nechta tizimda o'tadi?

- a) 4
- b) 1
- c) 3
- d) 2.

2. KBR da qanday holat namoyon bo'ladi.

- a) bakteriolizis, gemoliz
- b) agglyutinasiya, lizis
- c) presipitasiya, toksigenlik
- d) bakteriya komplement bog' hosil qilishi.

3. KBR boshqa AR, PR laridan qanday farq qiladi?

- a) antigen – antitelo kompleksi ko'zga ko'rinxmaydi
- b) komponentlari, gemsistema ishtiroki
- c) komplement gemolizin eritrositlarni lizisga uchratadi
- d) eritrositlar ishlatiladi.

4. KBR natijasi musbat bo'lganda eritrositlar...

- a) komplement bilan bog'lanadi
- b) lizisga uchraydi
- c) lizisga uchramaydi
- d) gemsistemada – komplement bilan bog'lanadi.

5. KBR komponentlari qaysi bandda to'g'ri berilgan?

- a) sinovdagi zardob, fiziologik eritma, eritrosit, komplement
- b) komplement, standart zardob, gemolizin, fiziologik eritma, antigen
- c) fiziologik eritma, normal zardob, antigen komplement
- d) sinovdagi, standart, normal zardoblar, komplement, antigen, gemolizin, eritrositlar (2.5 %), fiziologik eritma.

II-MODUL.

MIKROBIOLOGIYA FANINING XUSUSIY QISMI

QISHLOQ XO'JALIK MIKROBIOLOGIYASI

17-MAVZU.

BAKTERRIAL INFEKSIYA QO'ZG'ATUVCHILARI – TUBERKULOZ, BRUTSELLOZ, CHO'CHQALAR SARAMASI, PASTERELLOZ, KOLIBAKTERIOZ, SALMONELLOZ QO'ZG'ATUVCHILARI

Mashg'ulotning maqsadi: Patmaterial olish uni joylash va labaratoriya yuborish qoidalari, bakteriologik tekshirish uchun patmaterialga ishlov berish (tayyorlash) usullarini o'zlashtirish. Keltirilgan patmaterialni tekshirish usullarini o'rganish.

Material va jihozlar: patmaterial, qaychi, skalpel, pinset, buyum oynachalari, bo'yoqlar komplekti, mikroskop, moyqalam, kyuveta, preparatlar, biopreparatlar, jadvallar, plakatlar, kompyuter, videoproektor.

Uslubiy ko'rsatmalar

O'qituvchi talabalarni patmaterialni tekshirish tartibi, kuydirgi, qorason, qotma kasalliklari, botulizm qo'zg'atuvchilarini xususiyatlari bilan tanishtiradi. Talabalar tayyor bo'yalgan preparatlarni mikroskopda ko'rib, plakatlardan foydalanib qo'zg'atuvchining morfologik, kultural xususiyatlarini daftarlarga yozib, rasmlarini chizib olishadi.

Tuberkuloz (sil) – uy va yovvoyi hayvonlar, jumladan, parrandalar va odamlarning surunkali yuqumli kasalligi bo'lib, har xil organ va to'qimalarda o'ziga xos tugunlar (tuberkulalar) hosil bo'lishi bilan xarakterlanadi (87, 88-rasm). Qo'zg'atuvchisini 1882-yilda R.Kox ochgan. Hozirgi vaqtida 5 turdag'i tuberkuloz qo'zg'atuvchisi ma'lum.

- 1.Odamlarda – *Mycobacterium tuberculosis*
 - 2.Qoramollarda – *Mycobacterium bovis*
 - 3.Parrandalarda – *Mycobacterium avium*
 - 4.Sichqonlarda – *Mycobacterium microt (murium)*
 - 5.Sovuqqonli hayvonlarda – *Mycobacterium poykilotermorum*.
- Qishloq xo'jalik hayvonlari va odamlar patologiyasida *M.tuberculosis*, *M. bovis*, *M. avium* turlari muhum ahamiyatga ega. Tuberkuloz asosan yashirin kechadi.

Kasal hayvonni vaqtida aniqlash uchun tuberkulin bilan allergik usulda tekshiriladi.³⁰

Patologik material: *Kasal hayvonlardan* – burundan oqqan ajratma, balg'am, traxeya shilimshig'i, tezagi, siyidik namunalari olinadi. *O'lganidan* – zararlangan organ bo'lakchalari, bronxial, tomoq, yelin usti, kurak oldi limfa tugunlari olinadi. O'lgan parrandaning jasadi yuboriladi. Patmaterial olishda aseptika, shaxsiy profilaktika, texnika xavfsizligi qoidalariga rioya qilish shart. Patmaterial olingan zahoti labaratoriya yuboriladi. Buning imkonni bo'lmasa 30–40% glitserinda kanservatsiyalab yoki muzlatilgan holda yuboriladi.

1. Mikroskopiya: Qo'zg'atuvchi kislota-spirit-ishqorlarga chidamli bakteriyalar guruhiга kiradi. Uning qobig'ida steorin kislotalari va mumsimon moddalar bor. Bu moddalar suv, bo'yoq, kislota va ishqorlarni suvdagi eritmalarini hujayraga o'tkazmaydi. Shuning uchun ham tuberkuloz bakteriyalari bo'yoqni qiyin qabul qiladi. Maxsus, Sil-Nilsen usulida bo'yaladi:

1. Fiksatsiyalangan surtmaga maxsus filtr qog'oz, ustidan karbolli Sil fuksini quyiladi. Spirit lampasi alangasida bug' paydo bo'lguncha qizdiriladi va 5-7 daqiqa ko'prikchada turadi.

2. Filtr qog'ozni olib tashlab, ustiga sulfat kislotasining 3-5 % li eritmasi quyiladi 5-7 soniya.

³⁰Tracy H Vemulapalli. G Kenitra Hammac. Microbiology for veterinary Technicians. Textbook copyright Printed in the United States of America 2015 y. p.84.

3. Yaxshilab suv bilan yuviladi.
 4. Qo'shimcha Leffler metilen ko'ki bilan 4-5 daqiqa bo'yaladi.
 5. Surtmani suv bilan yuvib, filtr qog'ozida quritiladi.
- Mikroskopda kislotaga chidamli bakteriyalar – qizil (83-rasm); chidamsizlari esa ko'k rangda bo'ladi.

V. V. Pavlovskiy ma'lumoti bo'yicha (Диагностика инфекционных и протозойных болезней сельскохозяйственных животных. Албомъ. М., Колос, 1968, с.101) surtmaga karbolli Sil fuksini quyib 1-2 daqiqa bug' paydo bo'lguncha yoki qaynaguncha qizdiriladi (a). Suv bilan yuviladi (b), 5% li sulfat kislota bilan rangsizlantriladi (d). So'ngra surtma avval spirit (e), keyin suv bilan yuviladi (f) va metilen ko'ki bilan bo'yaladi (e), (89-rasm).

Gram usulida bo'yagan surtmada grammusbat, tayoqcha shakldagi, uzunligi 1,5-5-6 mkm, diametri 0,3-0,6 mkm bakteriyalar ko'rindi. *M. tuberculosis* – ingichka, yengil egilgan, *M. bovis* – kalta, yo'g'on, *M. avium* – boshqalariga nisbatan mayda, polimorf tayoqcha. Surtmada bittadan, to'p-to'p bo'lib joylashadi. Harakatsiz, spora va kapsula hosil qilmaydi. Kulturadan tayyorlangan surtmada ipsimon uzun shakli ham uchraydi.

2. Bakteriologiya: Avval Gon yoki Alikayev usullaridan birida patmaterialga ishlov beriladi.

Gon usuli: Patmaterialni steril havonchada yaxshilab ezib 1:4 nisbatda 10-12%li sulfat kislotaning suvdagi eritmasi bilan aralashtiriladi. Hosil bo'lgan suspenziya daqiqasiga 3000 aylanma tezlikda 10-15 daqiqa sentrifuga qilinadi. Ekspozitsiya (kislotaning ta'siri) 20-30 daqiqadan oshmasligi kerak. Cho'kmadan surtmalar tayyorlanadi, oziq muhitga ekiladi. Biosinov uchun cho'kma 1-2 mar-ta steril fiziologik eritma bilan yuviladi.

Alikayev usuli: Ko'pincha patmaterial yangi, kam ifloslangan bo'lganda qo'llaniladi. Patmaterial steril hovonchada $0,5\text{sm}^3$ kattalikda maydalanim, ustiga 10-8-6%li sulfat kislotaning suvdagi eritmasi quyiladi. 10-20 daqiqa turadi. Kislotaning ekspozitsiya vaqtini

va konsentratsiyasi materialning ifloslanish darajasiga bog'liq. 10-20 daqiqadan keyin kislota to'kib tashlanib, o'mniga fiziologik eritma qu'yiladi va 8 daqiqa turadi. Keyin fiziologik eritmani to'kib, patmaterial hovonchada yaxshilab eziladi. fiziologik eritmada suspenziya tayyorlanadi, 5-6 probirka oziq muhitga ekiladi.

Ishlov berilgan patmaterial – elektiv: tuxum-kraxmalli, kartoshkali-glitserin-bulonli (84-rasm) – begona mikroorganizmlarning o'sishini to'xtatuvchi muhitlarga ekiladi. Ko'pincha Petranyani (86-rasm), Levenshteyn-lyensen. Gelberg muhitlaridan foydalaniladi. Glitserinli GPB va GPA lari ham ishlatiladi (85-rasm).

Tuberkuloz qo'zg'atuvchisi – aerob, sekin o'sadi (2-4 hafta va undan ko'proq). Glitserinli bulonda uzoq vaqt davomida (6-8 hafta) o'stirilganda zaharli modda **tuberkulin** to'planadi. Undan tuberkulozni aniqlashda foydalaniladi. Suyuq muhitda qo'zg'atuvchi 10-30 kundan keyin o'sib parda hosil qiladi.

M.tuberculosis – qalin parda, *M.bovis* – to'rsimon o'simtali parda, *M.avium* – esa 7-10 chi kuni yupqa, nozik, oqishroq 21 chi kuni kuchli ajinlashgan avval quruq, keyin shilimshiq parda hosil qiladi. Zich oziq muhitlarda boshida zo'rg'a ko'rindigan mikrokoloniylar paydo bo'ladi, keyin ular kattalashib boradi. Oziq muhit yuzasidan mayda yoki katta, yaltiroq yoki xiraroq, silliq yoki kengish 1-2 koloniylar paydo bo'ladi, yoki koloniylar birlashib ketib, yuzasi bilan bitta oqish qatlam hosil qiladi. Bakteriologik tekshirish muddati – 2 oy. Ekmalarini har 4-5 kunda ko'rib natija yozib boriladi.

3. Biosinov. Dengiz cho'chqasi chotining terisi ostiga 1 ml, quyonlar quloq venasiga 2 ml, tovuqlar qanoti osti venasiga 1-2 ml suspenziya yuboriladi. Kuzatish muddati 3 oy.

Biosinovga olingan hayvonlar oldindan tuberkuloga tuberkulin bilan allergik usulda tekshirilishi kerak. Manfiy natija bergenlarigina biosinov uchun ishlatiladi. O'lgan hayvонни yorib, xarakterli tuberkulalardan surtmalar tayyorlanadi, oziq muhitga ekiladi.

Qo‘zg‘atuvchilarни farqlash (tipizatsiya)

M.bovis – kulturasi dengiz cho‘chqalari va quyonda umumlashgan tuberkuloz jarayonini keltirib chiqaradi.

M.tuberculosis – dengiz cho‘chqalarida umumlashgan, quyonlarda esa o‘pkasida mahalliy jarayonni paydo qiladi.

M.avium – quyonlarda septik jarayon paydo bo‘lgach, u o‘ladi. Ba’zida mahalliy jarayon hosil qiladi. Dengiz cho‘chqalarida faqat mahalliy jarayon (kultura yuborilgan joyda abscess) ni keltirib chiqadi.

Virulentligi past kulturani kislotaga chidamli saprofitlardan farqlash uchun 3 ta test o’tkaziladi: 1.katalazali aktivlik-50% *pergidrol eritmasi* bilan gaz pufakchalari hosil bo‘lishi mm da o‘lchanib *aniqlanadi*. Saprofitlarda bu xususiyat yuqoriroq bo‘ladi. 2.*Formamidaza* aktivligi-formamid eritmasi va bir nechta kimyoviy moddalar bilan ishlov berilgan kulturali probirkada ko‘k halqa paydo bo‘ladi. Bu hol faqat saprofitlardagina namoyon bo‘ladi. 3.Dorilarga *sezgirligi*-tuber-kulostat preparatlar (streptomitsin, ftivazid, PASK va h.k.) qo‘silgan oziq muhitda o‘rganiladi.

M.tuberculosis va *M.bovis*lar ularga sezgir, saprofitlar va *M.avium* esa chidamlidir.

Biopreparatlar: BSG vaksinasi – *M.Bovis* vaksina shtammini quritilgan tirik kulturasi.

Tozalangan, quruq PPD tuberkulini, sutevizuvchilar uchun.

Alttuberkulin, sutevizuvchilar uchun.

PPD tuberkulini parrandalar uchun.

Brutselloz – hayvon va odamlarda surunkali kechadigan yuqumli kasallik. Kasallik odatda klinik belgisiz kechadi, ba’zan-homila tashlash, bursit, orxit, epidedimit, endometrit kabi klinik belgilari namoyon bo‘ladi. Qo‘zg‘atuvchisini birinchi bo‘lib 1886-yilda Bryus o‘rgangan va ilmiy isbotlagan.

Qo'zg'atuvchisi – *Brusella* avlodiga mansub.³¹ 6 ta turdan iborat: *melitensis* (qo'y-echkilarda), *abortus* (qoramollarda), *suis* (cho'chqalarda), *ovis* (qo'chqorlarda), *canis* (itlarda), *neotomae* (kalamushlarda). *Brusella ovis* – qo'chqorlarda infeksion epidedimit kasalini chaqiradi.

Patologik material. *Kasal hayvondan* tashlangan homila, homila pardasi bilan yoki ikki tomoni bog'langan homila oshqozoni, jigar va taloq bo'lakchalari (90-rasm); gigroma moddasi, sut – (yelinni yuvib, 70° spirtda dezinfeksiyalab, keyin har bir so'rg'ichdan alohida steril probirkalarga oxirgi porsiyalardan 10-15ml olinadi). Qo'y va echkidan esa, sut yelindan shpris ignasi bilan steril holda olinadi. Sut, namuna olingan kuni tekshirilishi kerak. Imkonli bo'lmasa, borat kislotasi bilan 10 ml sutga 0,1gr miqdorda konservatsiyalanadi.

Qo'chqorlardan (so'yilganda) urug'don xaltasi bilan olinadi. Har bitta hayvondan olingan patmaterial bo'lak selofan, pergament qog'ozlarga alohida o'ralib, suv o'tkazmaydigan idishga (polietilen paket, yashik, banka) joylanadi. Homila tashlagan hayvonlar qonini albatta tekshirish shart (homila tashlagandan bir hafta keyin). Patmaterialni laboratoriya yagonma bilan mutaxassis olib keladi

1.Mikroskopiya. Patmaterialdan ikkitadan surtma tayyorlab Gram va Kozlovskiy usullarida bo'yaladi. Brusellalar – mayda, tayo-qcha yoki koksimon shakldagi bakteriyalar, uzunligi 0,6-1,5mkm, diametri 0,3-0,5mkm, grammanfiy, harakatsiz, spora hosil qilmaydi, surtmada bittadan, ikkitadan yoki to'p-to'p bo'lib joylashadi. Kozlovskiy usulida bo'yalgan surtmalarda-brusellalar qizil, boshqa mikroblar yashil rangda bo'ladi (91-rasm).

Ye.V.Kozlovskiy bo'yash usuli (1936): fiksatsiya qilingan surtmaga 2 % li safranining suvdagi eritmasini quyib, pufakcha hosil bo'lguncha qizdiriladi, keyin suv bilan yuvib, qo'shimcha 0,75%

³¹Кисленко В.Н., Количёв Н.М., Суворина О.С. Ветеринарная микробиология и иммунология. Часть 3. Частная микробиология. – М.: КолосС, 2007 г. с.113.

– 1 % li malaxit ko‘ki bilan 30 soniya bo‘yaladi. Brusellalar qizil rangda, boshqa bakteriyalar va to‘qima hujayralari yashil rangga bo‘yaladi.

2.Bakteriologiya. Brusellalar maxsus oziq muhitlarda o‘sadi: go‘sht-peptonli jigarli bulon (GPJB), jigar-glukoza-glitserinli agar (JGGA) va bulon (JGGB), eritrit-agar, zardobli-dekstrozali agar va h.k. Patmaterialdan bir probirka bulon, ikki probirka agarga, oshqozondan ikki probirka bulon, beshta probirka agarga ekiladi.

Qo‘chqor patmaterialidan ekilgan oziq muhitlar 10–15% karbonat angidridli, atmosferada o‘stiriladi.

Qoramollardan olingan patmaterial ekmalari esa yarmi 10–15% karbonat angidridli, qolganlari odatdagি atmosferada o‘stiriladi (91, 92-rasm).

Ekmalar 30 kun termostatda 37–38°C o‘stiriladi.

Zich oziq muhitda – mayda, tiniq, bo‘rtgan, yumaloq, yaltiroq, yuzasi silliq (*S-shakl*) va ko‘kimir tovlanadigan (*R-shakli* ham uchraydi) koloniylar hosil qiladi. Uzoq o‘stirilganda koloniylar xiralashib, pigment hosil bo‘lishi bilan – qorayib, bir-biriga tutashib ketadi.

Suyuq oziq muhitda bir xil loyqalanish, ko‘kimir tovlanadigan halqa hosil qiladi, keyin kamroq cho‘kma tushadi. Ko‘proq ifloslangan materialni ekish uchun 1:800000 kristallviolet yoki antibiotik qo‘shilgan muhitga ekiladi (93 a, b-rasm). Ularda begona mikroflora o‘smaydi, kristallvioletli muhitda brusellalar ko‘kimir, yaltiroq, sillik, yumaloq koloniylar ko‘rinishida o‘sadi.

Brusella turlarini farqlashning bakteriostatik usuli. Brusellalarning oziq muhitga qo‘shilgan bo‘yoqqa munosabati inobatga olinadi. Go‘sht peptonli jigarli agarga alohida probirkalarda – fuksin (1:25000), tionin (1:50000-1:100000) aralashtiriladi.

Ularga brusellalarning sof kulturasi ekiladi. *B. suis* fuksinli muhitda, *B. abortus* tioninli muhitda o‘smaydi. *B. melitensis* ikkala bo‘yolar qo‘shilgan muhitda o‘sadi.

3. Biosinov. Avval 350-400 grammli dengiz cho'chqalari yuragidan qon olib, zardobi AR usulida brutsellozga tekshiriladi. 1:5 nisbatda manfiy natija olinsagina ularda biosinov qo'yish mumkin.

Patmaterialdan tayyorlangan 1:10 nisbatdagi suspenziya 1 ml dozada, dengiz cho'chqalari sonining ichki tarafiga terisi ostiga yuboriladi. 15, 25, 40 - kunlari ulardan qon olinib, zardobi AR usulida 1:10 dan 1:80 gacha nisbatda brutsellozga tekshiriladi. 1:10 va undan yuqori nisbatlarda musbat natija olinsa, keltirilgan patmaterialdan kultura ajratilmasa ham tekshirish natijasi ijobiy hisoblanadi. Biosinov ikki oy kuzatiladi. Ajratilgan barcha kulturalar ish yakunida avtoklavda 1,5 AT 1soat avtoklavlab, yo'q qilinadi.

Serologik tekshirish usullaridan (95, 96, 97, 98, 99-rasm) AR, KBR, UKBR, RBN, sut halqali AR qo'yiladi. AR 1 ml hajmda 4 ta nisbatda qo'yiladi. Qo'y, echki, ohu, itlar qon zardobi 1:25 dan 1:200 gacha (ijobiy natija ikki nishonga 1:50 va undan yuqori titr). Y.sh.m, ot, tuyalarda 1:50 dan 1:400 gacha (ikki nishonga 1:100 va yuqori titr ijobiy). Dengiz cho'chqasi va mo'ynali hayvonlarda 1:10 dan 1:80 gacha (ikki nishonga 1:10 va yuqori titr ijobiy).

RBN. 0,3 ml zardob maxsus emallli plastinkalar o'yiqchalariga quyiladi. Ustiga 0,03 ml Bengal pushtisi bilan bo'yalgan brutselloz antigeni quyiladi. 4 daqiqa davomida sekin chayqatib, aralashtiriladi. Nazorat uchun antigen musbat, manfiy zardoblar, fiziologik eritma bilan reaksiya qo'yiladi. Ijobiy natijada pushti rangda agglutinat paydo bo'ladi. Ijobiy natija bergen zardoblar namunasi AR, KBR da qayta tekshiriladi.

Sut halqali reaksiya. Probirkaga 2-3 ml yangi sog'ilgan sut qu'yib, unga gemotoksilin bilan bo'yalgan antigendan 0,2 ml (2 tomchi) ustiga qo'shiladi. Probirkalarni silkitib, yaxshilab aralashtiriladi, 37°C da 45-60 daqiqa suv hammomi yoki termostatda turadi. Ijobiy natijada – ko'k halqa paydo bo'ladi, sut rangsizlanadi. Manfiy natijada sut ko'k rangda qoladi (97-rasm).

Qo‘zg‘atuvchilarni farqlash (tipizatsiya)

M.bovis – kulturasi dengiz cho‘chqalari va quyonda umumlashgan tuberkuloz jarayonini keltirib chiqaradi.

M.tuberculosis – dengiz cho‘chqalarida umumlashgan, quyonlarda esa o‘pkasida mahalliy jarayonni paydo qiladi.

M.avium – quyonlarda septik jarayon paydo bo‘lgach, u o‘ladi. Ba’zida mahalliy jarayon hosil qiladi. Dengiz cho‘chqalarida faqat mahalliy jarayon (kultura yuborilgan joyda abscess) ni keltirib chiqaradi.

Virulentligi past kulturani kislotaga chidamli saprofitlardan farqlash uchun 3 ta test o‘tkaziladi: 1.katalazali aktivlik-50% pergidrol eritmasi bilan gaz pufakchalari hosil bo‘lishi mm da o‘lchanib aniqlanadi. Saprofitlarda bu xususiyat yuqoriq bo‘ladi. 2.Formamidaza aktivligi-formamid eritmasi va bir nechta kimyoviy moddalar bilan ishlov berilgan kulturali probirkada ko‘k halqa paydo bo‘ladi. Bu hol faqat saprofitlarda namoyon bo‘ladi. 3.Dorilarga sezgirligi-tuber-kulostat preparatlar (streptomitsin, ftivazid, PASK va h.k.) qo‘shilgan oziq muhitda o‘rganiladi.

M.tuberculosis va *M.bovis*lar ularga sezgir, saprofitlar va *M.avium* esa chidamlidir.

Biopreparatlar: BSG vaksinasi – *M.Bovis* vaksina shtammini qu ritilgan tirik kulturasi.

Tozalangan, quruq PPD tuberkulini, sutemizuvchilar uchun.

Alt tuberkulin, sutemizuvchilar uchun.

PPD tuberkulini parrandalar uchun.

Brutselloz – hayvon va odamlarda surunkali kechadigan yuqumli kasallik. Kasallik odatda klinik belgisiz kechadi, ba’zan-homila tashlash, bursit, orxit, epidedimit, endometrit kabi klinik belgilari namoyon bo‘ladi. Qo‘zg‘atuvchisini birinchi bo‘lib 1886-yilda Bryus o‘rgangan va ilmiy isbotlagan.

Qo‘zg‘atuvchisi – *Brusella* avlodiga mansub.³¹ 6 ta turdan iborat: *melitensis* (qo‘y-echkilarda), *abortus* (qoramollarda), *suis* (cho‘chqalarda), *ovis* (qo‘chqorlarda), *canis* (itlarda), *neotomae* (kalamushlarda). *Brusella ovis* – qo‘chqorlarda infekzion epidedimit kasalini chaqiradi.

Patologik material. *Kasal hayvondan* tashlangan homila, homila pardasi bilan yoki ikki tomoni bog‘langan homila oshqozoni, jigar va taloq bo‘lakchalari (90-rasm); gigroma muddasi, sut – (yelinni yuvib, 70° spirtda dezinfeksiyalab, keyin har bir so‘rg‘ichdan alohida steril probirkalarga oxirgi porsiyalardan 10-15ml olinadi). Qo‘y va echkidan esa, sut yelindan shpris ignasi bilan steril holda olinadi. Sut, namuna olingan kuni tekshirilishi kerak. Imkonli bo‘lmasa, borat kislotasi bilan 10 ml sutga 0,1gr miqdorda konservatsiyalanadi.

Qo‘chqorlardan (so‘yilganda) urug‘don xaltasi bilan olinadi. Har bitta hayvondan olingan patmaterial bo‘lak selofan, pergament qog‘ozlarga alohida o‘ralib, suv o‘tkazmaydigan idishga (polietilen paket, yashik, banka) joylanadi. Homila tashlagan hayvonlar qonini albatta tekshirish shart (homila tashlagandan bir hafta keyin). Patmaterialni laboratoriyyaga yo‘llanma bilan mutaxassis olib keladi

1.Mikroskopiya. Patmaterialdan ikkitadan surtma tayyorlab Gram va Kozlovskiy usullarida bo‘yaladi. Brusellalar–mayda, tayo-qcha yoki kokksimon shakldagi bakteriyalar, uzunligi 0,6-1,5mkm, diametri 0,3-0,5mkm, grammanfiy, harakatsiz, spora hosil qilmaydi, surtmada bittadan, ikkitadan yoki to‘p-to‘p bo‘lib joylashadi. Kozlovskiy usulida bo‘yagan surtmalarda-brusellalar qizil, boshqa mikroblar yashil rangda bo‘ladi (91-rasm).

Ye.V.Kozlovskiy bo‘yash usuli (1936): fiksatsiya qilingan surtmaga 2 % li safranining suvdagi eritmasini quyib, pufakcha hosil bo‘lguncha qizdiriladi, keyin suv bilan yuvib, qo‘srimcha 0,75%

³¹Кисленко В.Н., Количёв Н.М., Суворина О.С. Ветеринарная микробиология и иммунология. Часть 3. Частная микробиология. – М.: КолосС, 2007 г. с.113.

Allergik tekshirish. Xo‘jalikda allergenlar qo‘llanadi – brusellizat, brusellogidrolizat, brusellin. Hayvon terisi orasiga 0,2 ml dozada yuboriladi va 24-48 soatdan keyin natija hisobga olinadi.

Biopreparatlar. Brutsellozga qarshi shtamm 82 kulturasidan tay-yorlangan tirik, quruq vaksina. Emlangan hayvonlarni serologik reaksiyalarda farqlash mumkin.

Samaradorligi yuqori 73/79AB yangi vaksina.

Shtamm 19 vaksina shtammidan tayyorlangan AR, KBR, UKBR lar uchun yagona brutselloz antigeni.

Sut halqali reaksiya uchun gemotoksilin bilan bo‘yagan rangli antigen. *B.abortus* (shtamm 19) kulturasidan tayyorlangan.

Fluoressensiyalovchi brutselloz zardobi. Ijobiy brutselloz zardonidan tayyorlangan.

Ijobiy brutselloz zardobi, hayvonlarni giperimmunlab olinadi. Serologik reksiyalarda nazorat uchun ishlataladi.

Cho‘chqalar saramas kasalligi qo‘zg‘atuvchisi – *Erysipelothrix rhusiopathiae*. O‘tkir kechganda septit semiya, eritemali yallig‘lanish, surunkali kechganda endokardit, artrit, bilan namoyon bo‘ladigan yuqumli zooantropoz kasallik (104, 105-rasm). Uch oylikdan bir yoshgacha bo‘lgan cho‘chqalar, uch-to‘rt haftadan katta qo‘zilar kasallanadi. Boshqa tur hayvonlarda kasallik kam uchraydi. Odamlar ham kasallanadi.

Patologik material. Laboratoriya tekshirish uchun hayvonning jasadi yoki parenximatoz organlardan bo‘lakchalar (yurak, jigar o‘t xaltasi bilan, taloq, buyrak) ilik suyagi, yuboriladi. Kasallikning surunkali shakli gumon qilinganda yurakdan qon va endokard, artritda bo‘g‘in suyuqligi yo‘llanadi. Lozim bo‘lganda organ bo‘laklari 30% li glitserin yoki osh tuzining to‘yingan eritmasida konservatsiyalanadi. Ilik suyagini yumshoq to‘qimalardan ajratib, 2 – 3% li fenol eritmasi shimdirligda dokaga o‘raladi.

1. Mikroskopiya. Patmaterialdan tamg‘ali surtmalar tayyorlanib Gram usulida bo‘yaladi. Saramas qo‘zg‘atuvchisi spora, kap-

sula hosil qilmaydi, harakatsiz, grammusbat, bitta, ikkita yoki to'p-to'p bo'lib joylashgan tayoqchasimon bakteriyalardir.³²

O'lchami 0,2-0,3 x 0,5-1,5 mkm. Ba'zi adabiyotlarda berilgan ma'lumotlarda uzunligi 2-2,5 mkm gacha. Zararlangan yurak klapanlaridan tayyorlangan surtmada uzun iplar shaklida joylashadi (100,101-rasm). Fluorescentli zardoblar bilan ham bo'yash mumkin. Lyuminissentli mikroskopiyada saramas qo'zg'atuvchisi intensivligi uch nishondan (+++) kam bo'lмаган maxsus nurlanish paydo qiladi.

2. Bakteriologiya. Patologik materialdan GPB, GPA, GPJ larga ekiladi. Ekmalar 37°C da 18-24 soat termostatda o'stiladi, o'sish bo'lmasa, yana 24 soatga qoldiriladi. *E.rhusopathiae* aerob, mikroaerofil (5-10% CO₂ da yaxshi o'sadi).

GPB da – muhit yengilgina loyqalanadi. 48-72 soatdan keyin tinib, probirka tubida cho'kma hosil bo'ladi (99 a-rasm). Qoqib ko'rganda nozik bulut shaklida ko'tariladi.

GPA da saramas qo'zg'atuvchisi mayda, shaffof, shudringsimon koloniylar hosil qiladi (*S-* shakli). *R-* shaklida – yirik, yuzasi notekis, chetlari o'simtali koloniylar – (kasallik surunkali o'tganda) paydo bo'ladi. Ba'zan oraliq koloniylar ham hosil bo'ladi (100,101,102-rasm).


GPJ ga tik ekilganda uni suyultirmaydi, bir necha kundan keyin «yumaloq sim cho'tka» shaklida o'sadi (103 b-rasm).

Biokimoviy xususiyatlari – saramas qo'zg'atuvchisi vodorod sulfid ajratadi, katalaza hosil qilmaydi. Glukoza, lakteza, galaktozalarni parchalab kislota, gaz hosil qiladi. saxaroza, mannit, salisinni parchalamaydi.

Serologik farqlash. Buyum oynachasida tomchili usulda 1:50 nisbatda saramas zardobi bilan AR qo'yiladi. Bir sutkali GPA da o'sgan kultura ishltiladi. Agar saramas qo'zg'atuvchisi bo'lsa zich, mayda, donador agglutinat paydo bo'ladi.

³²P.J.Quinn., B.K.Markey and others. Veterinary microbiology. This edition first published New Dehli, India 2016 y.p.47.

Tuberkulozning laboratoriya diagnostikasi



83-rasm. Tuberkuloz qo'zg'atuvchisi (Sil-Nilson usulida bo'yalgan).




84-rasm.
Tuberkuloz kulturasini
glitserinli
kartofelda
o'sishi.



85-rasm. Tuberkuloz kulturasini glitserinli GPB da
o'sishi: a-humanus; b-bovinus
tipi.




86-rasm. Tuberkuloz kulturasini Petranjani muhitida o'sishi:
chapdan-bovinus,
humanus, avium tiplari.



87-rasm. Marjon (plevra tuberkulozida hosil
bo'lgan tuberkulalar).



88-rasm. Ohaklashgan lobulyar kazeoz.




89-rasm. Sil-Nilson usulida bo'yash.

a-sil fuksini bilan bug' paydo bo'lgunicha olov ustida qizdirib bo'yaladi;
b-bo'yog suv bilan yuviladi; d-5% li sulfat kislotasi bilan rangsizlantiriladi;
e-avval spirit, keyin f-suv bilan yuviladi va g - metilin ko'ki bilan bo'yaladi.
Tuberkuloz tayoqchalari qizil, boshqasi ko'k rangga bo'yaladi.


Brutsellozning laboratoriya diagnostikasi




90-rasm. Bakteriologik tekshirish uchun asosiy materiallar.





91-rasm. a-brutselloz kulturasini o'stirish uchun eksikator; b-birlamchi kulturalar havosi qisman olingan eksikatorda, d-KIPP apparati yordamida uglekislota hosil qilish.




92-rasm. Ekish, o'stirish va brusella kulturasini ko'rish sxemasi




93-rasm. Brusella koloniyasi:
a-jigarlari agarda; b-kristall violet buyog'i va antibiotik qo'shilgan agarda (begona mikroflora o'smagan).
94-rasm.
Brusellalarni Kozlovskiy usulida bo'yash.
Qotirilgan surma 2% li safranining suvdagi eritmasi bilan bug' hosil bo'lginicha qizdirib bo'yaladi (a), bo'yoq suv bilan yuviladi (b) va 0.5% li metilin ko'ki yoki malaxit yashili bilan bo'yaladi (d). Brusellalar qizil, boshqa mikroblar ko'k yoki yashil rangga bo'yaladi (e).




Brutsellozning laboratoriya diagnostikasi (serologik tekshirish)




95-rasm. Probirkalarda ARni hisobga olish (Brutselloz, qoramol). a-gumonli AR 1:50; b-nazorat; d-ijobiy AR 1:100-1:200; e-nazorat.




96-rasm. Plastinkali ARni baholash.



97-rasm. Sut halqali reaksiya:
a-manfiy; b-gumonli; d-ijobiy.




98-rasm. AR urug' plazmasi bilan: a-ijobiy; b-manfiy.



99-rasm. KBR. Zardob 1:5 va 1:10
(a,b), zardob 1:5 nazorat (d), umumiyyet
nazorat uchun: e) normal zardob +
+kompliment+antigen+gemsistema;
f) ijobiy zardob+kompliment+
+antigen+gemsistema; g) antigen+
+kompliment+gemsistema+fiziologik
eritma; h) gemsistema+fiziologik
eritma; i) ijobiy zardob+kompli-
ment+ fiziologik eritma.


Cho'chqalar saramas kasalligining laboratoriya diagnostikasi



a



a




a



b




b



100-rasm. Mikrobynning S-shaklli koloniyası (a,b); undan tayyorlangan surtmada ko'rinishi.



101-rasm. Mikrobynning kengish R-shaklli koloniyası (a,b); undan tayyorlangan surtmada ko'rinishi.



103-rasm. A-GPB da kulturani qoqib ko'rganda «soch o'rими» singari ko'tarilishi, b-mikrobynning GPJ da o'sishi.



104-rasm. Saramas bilan kasallangan cho'chqalar: 1-kasallik o'tkir kechganda o'lgan; 2-yarim o'tkir kechganda o'lgan; 3-surunkali kechganda cho'chqa terisining nekrozga uchrashi.

105-rasm. Yurakning uch tabaqali klapanida hosil bo'lgan fibrinli to'plamlar.

Pasterellozning laboratoriya diagnostikasi



106-rasm. *Pasterella GPB*
kulturasida tayyorlangan surtma.




107-rasm. *Pasterellaning*
S-shaklli koloniyasi-agarda.



108-rasm. *Pasterellaning*
R-shaklli koloniyasi-agarda.



110-rasm. *GPB* da
2 sutkali *pasterella*
cho 'kmasini
silkitgandan keyingi
ko 'rinish.



109-rasm. *Pasterellalar:*
Patologik materialdan
tayyorlangan surtmada.



111-rasm. *S-shaklli pastrella*
surtmasi.



112-rasm. *R-shaklli pastrella*
surtmasi.

3. Biosinov. Kabutar va oq sichqonlarda qo'yiladi. Kabutarlar to'shiga 0,2 – 0,3 ml dozada, 16-18g li oq sichqonlar terisi ostiga 0,1 – 0,2 ml dozada patmaterial suspenziyasi yoki GPA da o'stirilgan 1-2 sutkali kultura suspenziyasi yuboriladi. Ijobiy natijada zararlantirilgan kabutarlar 3-6 sutka, oq sichqonlar 2-4 sutkadan keyin o'ladi. Biosinov 7 kun kuzatiladi.

Diagnoz qo'yildi deb hisoblanadi:

1. Lyuminissentli mikroskopda patmaterial, aralash kulturadan tayyorlangan surtmalarda saramas qo'zg'atuvchisi topilsa (toza kultura ajratilmasa ham);
2. Patmaterialdan qo'zg'atuvchiga xos xarakterli xususiyatli kultura ajratilsa;
3. Biosinovdagи hayvonlar o'lsa va organlaridan saramas qo'zg'atuvchisi kulturasи ajratilsa (hatto birlamchi qo'zg'atuvchi ajratilmasa ham).

Biopreparatlar: Cho'chqalar saramas kasalligiga qarshi konsentrangan gidrookisaluminli formolvaksina.

Cho'chqalar saramas kasalligiga qarshi deponirlangan vaksina (tirik kultura ishlataligan).

Cho'chqalar saramas kasalligiga qarshi quruq liofillangan tirik vaksina .VR – 2 vaksina shtammi kulturasidan tayyorlangan.

Cho'chqalar saramas kasalligini davolovchi-profilaktik zardoblar: cho'chqalarni giperimmunlab olinadi; oq sichqonlarda sterillik, zararsizlik va faollikka nazorat qilinadi. 0,01; 0,02 va 0,03 ml dozalarda sichqonlar o'lmasa faol hisoblanadi.

Saramasning lyuminessensiyalovchi quruq zardobi bevosita immunofluoresensiya usuli uchun ishlab chiqilgan. Kultura va materialdan tayyorlangan surtmalarda qo'zg'atuvchini serologik qiyoslashga mo'ljallangan.

Pasterelloz qishloq xo'jalik, yovvoyi hayvonlar (parrandalar) da o'tkir o'tuvchi septik kasallik. U sepitseminiya, ichki organlar,

seroz va shilliq qavatlarda gemorragik yallig‘lanish jarayonlari bilan xarakterlanadi. Qo‘zg‘atuvchisi – *Pasteurella multocida*, *Pasteurella avlodiga* mansub.

Patologik material. Tekshirish uchun laboratoriya jigar, taloq, buyrak, limfa tugunlari, yurak, ilik suyagi yuboriladi. Yozning issiq kunlarida masofa uzoq bo‘lganda patmaterial glitserinning 30% li suvdagi eritmasida konservatsiya qilinadi. Ilik suyagi esa 5–10 %li formalin eritmasi shimdirilgan dokaga o‘raladi. Mayda hayvonlar ning jasadi yo‘llanadi.

1.Mikroskopiya. Patmaterialdan tayyorlangan, Gram usulida bo‘yagan surtmalarda qo‘zg‘atuvchi uchlari qayrilgan, mayda, qisqa tayoqcha shaklida ($0,25 -0,5 \times 2$ mkm), grammanfiy bakteriyadir. Leffler ko‘ki yoki Gimza usulida bo‘yagan surtmalarda pasterellalar bipolyar (bakteriyalarning uchlari intensiv bo‘yagan) holda ko‘rinadi³³. Kulturadan tayyorlangan surtmalarda bittadan, ikkitadan ba’zan qisqa zanjir shaklida joylashgan kokksimon yoki qisqa tayoqchasimon bakteriyalar ko‘rinadi. Ba’zi yangi ajratilgan virulentli shtammlari kapsula hosil qiladi. Maxsus usullarda bo‘yalganda (Mixin) kapsula yaxshi ko‘rinadi. Harakatsiz, spora hosil qilmaydi (106, 109, 111, 112- rasm).

2. Bakteriologiya. *P. multocida* – aerob sharoitda, $37-38^{\circ}\text{C}$ da, pH 7,2- 7,4 bo‘lgan GPA va GPB larda o‘sadi. Lekin qonli GPA, zardobli GPA yoki GPB larda yaxshiroq o‘sadi. Patmaterialdan ekilgan ekmalar 24-48 soat termostatda o‘stiriladi. Agar o‘sish bo‘lmasa, ekmalar 4 – 5 sutkagacha termostatda saqlanadi.

GPA da pasterellalar mayda, silliq, bo‘rtgan, tiniq, yumaloq, chetlari tekis (*S*-shakl) kulrang oq koloniylar (107-rasm), ba’zan yirik, shilimshiq (*M*-shakl) yoki chetlari notekis kengish, koloniylar (*R*-shakl) shaklida o‘sadi (108-rasm). *P. multocida* gemolitik xusu-siyatga ega emas.

³³P.J.Quinn., B.K.Markey and others. Veterinary microbiology. This edition first published New Dehli, India 2016 y.p.66.

GPB da muhit bir xilda loyqalanib, shilimshiq cho'kma hosil qiladi (110-rasm). Qoqib ko'rganda cho'kma «o'rilgan soch» shaklida ko'tariladi (S-shakl), mukoid shtammlari intensiv o'sib, ko'p shilimshiq cho'kma hosil qiladi (*M*- shakl), *R*- shaklli shtammlarida muhit loyqalanmaydi, mayda donachali cho'kma hosil bo'ladi. GPJda avval alohida koloniyalar. keyin o'simtasiz oq sterjen kabi o'sadi

P. multocida glukoza, saxaroza, sorbit va mannitni gazzsiz kislota hosil qilib parchalaydi. Laktoza, dulsitni parchalamaydi, sutni ivitmaydi, indol hosil qilmaydi. Somatik va kapsulali antigenlari borligi aniqlangan.

3. Biosinov. Qoramol, cho'chqa, qo'ylardan tekshirilayotgan material bilan oq sichqon va quyonlar zararlanadi. Material oq sichqonga – 0,2 ml, quyonga – 0,5 ml dozada terisi ostiga yuboriladi. Quyonlarni avvalo pasterella tashuvchanlikga tekshiriladi – uch kun davomida ularning burun bo'shlig'iga 2 tomchidan 0,5 % li brillart yashilining suvdagi eritmasi tomdiriladi. Burun bo'shlig'idan yiringli ajratmaning oqishi pasterella tashuvchanligini bildiradi. Ularda biosinov qo'yish mumkin emas. Parrandalardan tekshirilayotgan material bilan – kabutar, tovuq, o'rdaklar mushaklari orasiga 0,3 ml suspenziya yuborib zararlanadi. Ijobiy natijada 18-36 soatda biosinovdag'i hayvonlar o'ladi.

Natija ijobiy hisoblanadi:

Patologik materialdan grammansiy, kapsula hosil qiladigan, harakatsiz tayyoqchasimon bakteriyalar kulturasi ajratilsa; ular glukoza, saxaroza, sorbit va mannitni parchalasa, indol hosil qilmasa, biosinovda virulentligi tasdiqlansa.

Biopreparatlar. Hozirgi vaqtida hayvonlarda pasterellozning oldini olish uchun o'ldirilgan va tirik vaksinalar qo'llanadi. Oxirgi yillarda hayvon va parrandalar pasterelloziga qarshi veterinariya amaliyotiga emulgirlangan vaksinalar kiritilgan. Immunitet 6 – 12 oy davom etadi.

O'zbekiston veterinariya ilmiy tekshirish institutida mahalliy shtammlardan qishloq xo'jalik hayvonlarining pastereloz,

salmonelloz va kolibakterioziga qarshi polivalent radiovaksina ishlab chiqilgan. Immunitet 6 – 12 oy davom etadi.

Qishloq xo‘jalik hayvonlarining pasterelloz, salmonelloz va koli-bakterioziga qarshi polivalent giperimmun qon zardobi ishlab chiqilgan.

Qo‘ylar pasterelloziga qarshi gidrookisaluminli formol vaksina yaratilgan. Ushbu biopreparatlar xo‘jaliklarda keng qo‘llanib, samarali natijalarga erishilmoqda.

Kolibakterioz. Qo‘zg‘atuvchisi *E. coli*. Escherichia avlodiga mansub. Yosh hayvonlarning o‘tkir kechuvchi infektion kasalligi bo‘lib, kuchli ich ketish, holsizlanish va o‘lim bilan xarakterlanadi. Uch shaklda namoyon bo‘ladi – septik, enterotoksemik, enterit. Buzoqlar bir necha kunligida, cho‘chqa bolalari hayotining birinchi kunlarida, sutdan ajratilgandan keyin – shish kasalligi belgilari bilan, qo‘zilar tug‘ilgandan 5 – 6 oylik yoshigacha, parrandalar asosan hayotining 2 – 3 oylarida kasallanadi. *E. coli*, shuningdek, mastit va endometrit qo‘zg‘atuvchisi ham bo‘lishi mumkin.

Patologik metarial. Yangi o‘lgan hayvon jasadi yoki ilik suyagi, jigar bo‘lakchasi o‘t xaltasi bilan, taloq, buyrak, yurak, ichak limfa tugunlari, ingichka ichak bo‘lagi ikki tomondan boylangan holda (u boshqalaridan bo‘lak idishga joylanadi). Materialni 4 soat ichida laboratoriya yuborish kerak. Masofa uzoq bo‘lsa 30 % glitserin, 10 %li osh tuzida konservatsiyalash mumkin. Kasal hayvonning to‘g‘ri ichagidan tezagi olinadi.

1. Mikroskopiya. Patmaterialdan surtmalar tayyorlanib Gram usulida bo‘yaladi. Qo‘zg‘atuvchi uchlari qayrilgan, grammansiy (pushti – qizil rang) tayoqchasimon bakteriyalar; spora hosil qilmaydi; uzunligi 1 – 3 mkm, eni – 0,8 mkm (114-rasm). Bittadan joylashadi. Faqat 08, 09, 0101 shtammlari kapsula hosil qiladi. Harakatchan va harakatsiz turlari bor (115-rasm).

2. Bakteriologiya. Patmaterialdan GPA, GPB, Endo muhitlariga ekiladi. Probirkali muhitlarga Paster pipetkalari bilan, Petri kosacha-

laridagiga shpatel bilan yoki organlardan tamg'a usulida ekiladi. Emalar 37–38°C da termostatda bir sutka o'stililadi. *E. coli* aerob va fakultativ anaerob. Endo muhitida xarakterli koloniya bo'lsa, undan GPB, GPA, qonli agarga ekiladi.

GPB – bir xilda loyqalanish, tez tarqovchi cho'kma hosil bo'ladi. GPA da 16–20 soatda namli, yumaloq chetlari tekis, yuzasi silliq, kulrang koloniyalar hosil qiladi (115-rasm). Qonli GPA da koloniya atrofida gemoliz zonasini hosil bo'ladi (119-rasm).

Biokimiyoviy xususiyatlari – endo muhitida (117-rasm) uch xil: qizil qoramtil tovlanadigan, malina rangli pushti tovlanadigan va pushti koloniyalar hosil qiladi (laktozaning parchalanishi hisobiga). Indol hosil qiladi, vodorod sulfid (H_2S) hosil bo'lmaydi, sutni ivitadi, metilrot bilan musbat, Foges – Proskauer bilan manfiy reaksiya beradi. Gissa rangli qatorda (118-rasm) glukoza, laktozani kislota va gaz hosil qilib parchalaydi. Simmons muhitida *E. coli* o'smaydi, chunki ammoniy sitrat tuzlarini o'zlashtirmaydi. Ajratilgan kultura ARda tipospesifik agglutinatsiyalovchi koli – zardoblar bilan serologik tipizatsiyalanadi. Antigeni bo'yicha somatik «O», qobiqli «K», xivchinli «H» antigenlar farqlanadi (113-rasm). Biofabrikada faqat «O» antigenga diagnostik zardoblar ishlab chiqilgan. Shu bilan *E. coli* ning seroguruhi va serotiplari buyum oynasida tomchili usulda AR da aniqlanadi. AR ko'rsatma asosida qo'yiladi. Avval 4 ta polivalent zardob bilan, keyin monovalent zardoblar bilan qo'yiladi. Har bir polivalent zardobga – 8 – 10 tadan monovalent zardoblar kiradi.


Ozbekistonda *E. coli* ning 026, 0111, 078, 055, 041, 020, 09, 0119, K99, 41, A 25, 086, 015, 08 va h.k. shtammlari uchraydi.

*E. coli*ning ba'zi shtammlari antibiotik tabiatli modda – kolisinlar ishlab chiqaradi. Kolisinlar alohida ichak tayoqchalari shtammini o'sishga yo'l qo'ymaydi, ammo boshqa tur bakteriyalarga ta'sir etmaydi.

3. Biosinov. Uchta oq sichqonning qorin bo'shlig'iiga sutkalik *E. coli* kulturasi suspenziyasi 500 mln/ml konsentratsiyada yuboriladi. 5

sutka kuzatiladi. Shu vaqt ichida oq sichqonlarning bittasi o'lsa ham natija ijobiy hisoblanadi. Zaharlilik xususiyatiga ega kultura Shvarzman fenomenida quyonlar terisi orasiga yuborganda nekroz o'chog'i paydo bo'ladi (120-rasm).

*E. coli*ning antigenlari
O (somatik)
K (kapsulali)
H (Xifchinli)
F (Fimbriyalii) antigenlar



113-rasm. *E.coli* antigenlari.³⁴

Biopreparatlar: Cho'chqa bolalari, buzoq va qo'zilar kolibakte-rioziga qarshi polivalent gidrooksidaluminli formoltiomersal vaksina.

Mo'ynali hayvonlar salmonelloz va kolibakterioziga qarshi polivalent vaksina.

VIEV koliprotektani.

Qishloq xo'jalik hayvonlari kolibakterioziga qarshi polivalent zardob.

Agglutinatsiyalovchi O – koli zardoblar.

Antiadgeziv koli: zardoblar – K 88, K 99, 987 R, A20, F41.

O'zbekiston veterinariya ilmiy tekshirish institutida mahalliy shtammlardan qo'zilar, cho'chqa bolalari va buzoqlar kolibakterioziga qarshi konsentrangan hidrooksidaluminli vaksina. Buzoq, qo'zi va cho'chqa bolalarining kolibakterioz va salmonel-

³⁴P.J.Quinn., B.K.Markey and others. Veterinary microbiology. This edition first published New Dehli, India 2016 y.p.58.

loz kasalliklariga qarshi assotsiatsiyalangan gidrooksidaluminli vaksina.

Qishloq xo'jalik hayvonlarining pasterelлоz, salmonelloz va kolibakterioziga qarshi polivalent radiovaksina. Immunitet 6 – 12 oy davom etadi.

Qishloq xo'jalik hayvonlarining pasterelлоz, salmonelloz va kolibakterioziga qarshi polivalent giperimmun qon zardobi ishlab chiqilgan.

Salmonelлоz – barcha turdagи yosh hayvonlarning septik shaklida namoyon bo'ladigan, o'tkir o'tuvchi yuqumli kasallik. Qo'zg'atuvchilari *Salmonella* avlodiga kiradi. Bakteriyalarni birinchi bo'lib Salmon (1885), o'rgangani uchun uning sharafiga nomi berilgan. Buzoqlar 3-4 haftadan 4 oylikkacha bo'lган yoshda kasallanadi. Qo'zg'atuvchisi *S.enteritidis* (dublin) va *S.typhimurium* lar. Kasallik isitma va kuchli ich ketish bilan kechadi (katta yoshdagilari salmonella tashuvchi hisoblanib, kasallik klinik belgilarsiz o'tadi). Cho'chqalar 4 oylikkacha yoshda kasallanadi, qo'zg'atuvchisi *S.choleraesuis*, *S.typhimurium*. Qo'ylar hamma yoshida kasallanadi, ona qo'ylarda salmonelлоzli homila tashlash kuzatiladi. Qo'zg'atuvchisi *S.abortus ovis*. Toylar ko'pincha ona qornida zararlanadi, biyalar natijada homila tashlaydi. Ularda kasallikni *S.abortus equi* qo'zg'aydi. Parrandalar salmonelлоzi jo'jalar hayotining birinchi kunlari va haftalarida yalpi kasallanish va o'limi bilan namoyon bo'ladi. Tovuq homilasi va katta yoshdagи parrandalar ham kasallanadi. Qo'zg'atuvchisi *S.pullorum* (*S.gallinarum*).

Patologik material. Yangi o'lган hayvon jasadi yoki ilik suyagi, jigar bo'lakchasi o't xaltasi bilan, buyrak, taloq, yurak, charvi limfa tugunlari; kasal hayvondan – tezagi; homila tashlagan hayvonlardan – tashlangan homila yoki oshqozoni va parenximatoz organlari, plasentasi ajratmalari olinadi.

1. Mikroskopiya. Patmateriallardan tayyorlangan tamg'ali surtmalar, ajratilgan qo'zg'atuvchi kulturasidan tayyorlangan surtmalar

Gram usulida bo'yaladi. Mikroskopda ko'rinishi: salmonellalar grammanfiy, tayoqchasimon, 2-4 mkm kattalikdagi bakteriya. Spora va kapsula hosil qilmaydi, bittadan, ba'zan ikkitadan joylashadi. *S.pullorum* dan tashqari, barchasi harakatchan (peritrixlardir). Harakati ezilgan yoki osilgan tomchi usulida tekshiriladi.

2. Bakteriologiya. Patmateriallardan GPA, GPB va elektiv muhitlardan birortasiga – Endo, Ploskirev, Levin, vismut-sulfit agarga ekiladi. Muhitning pH 7,2 – 7,4. Ekmalar 37-38°C da birsutka davomida termostatda o'stiriladi. GPBda qo'zg'atuvchi bir xilda loyqalanish paydo qiladi. GPA da – silliq , rangsiz, tiniq yoki kulrang-ko'kimdir, chetlari tekis (*S* shakl), ba'zan kengish (*R* shakl) koloniylar paydo bo'ladi (121-rasm). Endo, Levin, Ploskirev muhitlarida salmonellalar rangsiz yoki kulrang-ko'kimdir koloniylar, vismut-sulfit agarda qora koloniylar hosil qiladi (125-rasm). Harakatchanligi yarimsuyuq 0,2 – 0,3%li GPAga kulturani ekib aniqlanadi. *S.pullorum* (*S.gallinarum*) tik ekish yo'lida sterjen kabi o'sib, muhit yuzida parda hosil qiladi (122-rasm, o'rtadagi probirka).

Harakatchan kultura esa muhitning butun qalinligi bo'yicha o'sadi va u ham muhit yuzida parda hosil qiladi. Fermentativ xususiyatlari. Salmonellalar glukoza, mannitni parchalaydi, *laktoza, saxarozani parchalamaydi*, jelatinani eritmaydi, sutni ivitmaydi, metilen ko'kili sutni rangsizlamaydi, indol hosil qilmaydi, ko'pchiligi vodorod sulfid (H_2S) hosil qiladi (123-rasm *S.typhimurium* kulturasining rangli qatorda o'sishi). Metilrot bilan musbat, Foges – Proskauer bilan manfiy natija beradi.

Serologik tipizatsiya uchun salmonellaning ajratilgan sof kulturasini avval polivalent salmonellozli agglutinatsiyalovchi «O» – zardoblar bilan tomchili AR usulida tekshiriladi (124-rasm). Ijobjiy natija bersa, polivalent zardob tarkibiga kiruvchi alohida monoreseptorli «O» – zardoblar bilan tekshiriladi. Keyin aynan o'sha kulturalar monoreseptorli «H» zardob bilan (I va II fazalari raqam

va kichik harflar bilan belgilangan) tekshiriladi. Bundan tashqari immunofluorescent diagnoz qo'yish usulini qo'llash mumkin.

Antigen tuzilishi bo'yicha *S.typhimurium*, *S.abortus equi* «B» guruhga; *S.enteritidis*, *S.pullorum* (*S.gallinarum*) «D» guruhga; *S.choleraesuis* «C» guruhga kiradi.

3. Biosinov zarur hollarda qo'yiladi. 15-18 g massali oq sichqonlar terisi ostiga kultura suspenziyasi (50-100 mln mikrob tanachalari 1 mlda) 0,2-0,3 ml yuboriladi. Ijobiy natijada 3-10 kunda sichqonlar o'ladi.

Biopreparatlar: Buzoqlar salmonelloziga qarshi konsentrangan formolachchiqtoshli vaksina.

Cho'chqa bolalari salmonelloziga qarshi vaksina – 50% *S.choleraesuis*, 25% *S.typhimurium*, 25% *S.dublin* shtammlaridan tayyorlangan.

Cho'chqalar salmonelloziga qarshi quruq tirik vaksina *S.choleraesuis* ning TS-177 shtammidan tayyorlangan. Buzoqlar salmonelloziga qarshi vaksina *S.dublin* №6 shtammdan tayyorlangan.

Qo'ylar salmonelloziga qarshi polivalentli formoltiomersalli vaksina.

Suvda suzuvchi parrandalar salmonelloziga qarshi quruq tirik vaksina.

Buzoq, cho'chqa bolalari, qo'zi va parrandalarning salmonelloziga qarshi polivalent antitoksinli zardob. *S.Dublin*, *S.typhimurium*, *S.abortus ovis* *S.choleraesuis* shtammlaridan iborat antigen bilan immunlangan hayvonlarning qonidan olinadi.

Buzoqlar salmonellozi va kolibakterioziga qarshi bakteriofag hamda parranda pulloroziga qarshi bakteriosaglar. Salmonelloz va kolibakterioz bilan kasallanib, sog'aygan hayvonlardan ajratib olingan faglardan tayyorlanadi. O'zbekiston veterinariya ilmiy tadqiqot institutida mahalliy shtammlardan buzoq, qo'zi va cho'chqa bolalarining kolibakterioz va salmonellozlariga qarshi assotsiatsiyalangan gidrooksidaluminli vaksina va immun zardob yaratilgan.

Serologik tekshirish uchun salmonelloz antigeni – inaktivlangan salmonellalardan iborat gomogen suspenziya (miqdori 10⁹/ml), probir-kali AR uchun.

Pullorozli eritrositar antigen.

Parranda pullorozini tekshirish uchun rangli antigen. Formalin bilan o‘ldirib, kristallviolet bilan bo‘yagan salmonellalarning gomogen suspenziyasini. Qon tomchili agglutinatsiya reaksiyasida parrandalar tirik vaqtida salmonellozga tekshirish uchun ishlatalidi.

Fluoresensiyalovchi salmonellozli O-zardoblar.

Salmonellozli O-kompleksli hamda monoreseptorli O- va H- agglutinatsiyalovchi zardoblar to‘plami. Hayvonlar, hayvonlar mahsulotlari va tashqi muhit obyektlaridan ajratiladigan 33 ta salmonella guruhini buyum oynasida AR usulida ekspress tekshirish uchun qo‘llaniladi.

Nazorat savollari:

1. Tuberkeulyoz qo‘zg‘atuvchlarining morfologiyasi, kultural xususiyatlari, laboratoriya diagnozini aytинг?
2. Brutselloz qo‘zg‘atuvchlarining morfologiyasi, kultural xususiyatlari, laboratoriya diagnozini aytинг?
3. Cho‘chqalar saramasi kasalligi, pasterelloz qo‘zg‘atuvchilarining morfologiyasi, kultural xususiyatlari, laboratoriya diagnozini aytинг?
4. Pasterelloz qo‘zg‘atuvchilarining morfologiyasi, kultural xususiyatlari, laboratoriya diagnozini aytинг?
5. Kolibakterioz qo‘zg‘atuvchisining morfologiyasi, kultural xususiyatlari, laboratoriya diagnozini aytинг?
6. Salmonelloz qo‘zg‘atuvchlarining morfologiyasi, kultural xususiyatlari, laboratoriya diagnozini aytинг?
7. Salmonella va E.colilarning differensial – diagnostik muhitlarda o‘sishi.
8. Salmonellalarning esherixiyalardan farqini aytинг?

Test savollari:

1. Tuberkuloz qo‘zg‘atuvchisining nechta turi bor?

- a) 4
- b) 5
- c) 3
- d) 2.

2. Tuberkuloz qo‘zg‘atuvchisi nega oddiy usulda bo‘yalmaydi ?

- a) spirtga chidamli, sitoplazmasi zich, yadrosi shakllangan, donador
- b) kislotaga chidamli, qobig‘i qalin, sitoplazmasi zich
- c) kislotota, spirt, ishqorga chidamli, qobig‘ida steorin kislotalari, mum-simon moddalar bor
- d) ishqorga chidamli, sitoplazma va yadrosi o‘zgargan, donador

3. Kislotaga chidamli bakteriyalar qaysi usulda bo‘yaladi?

- a) Mixin
- b) Gram
- c) Kozlovskiy
- d) Sil-Nilsen.

4. Tuberkulozda patmaterialga ishlov berish – Gon va Alikayev usullarining farqi nimada?

a) Gon usulida patmaterialdan suspenziya 10-12%li H_2SO_4 eritmasida tayyorlanib sentrafugalanadi. Alikayev usulida patmaterial $0,5sm^3$ o‘lchamda maydalanib 10-8-6% li H_2SO_4 eritmasida 10-20 daqiqa turadi

b) Gon usulida patmaterialga H_2SO_4 eritmasining ta’sir ekspozisiyasi 30 daqiqa, Alirayev usulida 10 daqiqa

c) Har xil foizli H_2SO_4 eritmasi ishlatiladi

d) Suspenziya uchun olingan patmaterialning miqdori bilan farq qiladi.

5. Tuberkuloz qo‘g‘atuvchisi qaysi oziq muhitlarda o‘sadi?

a) Tuxum-kraxmalli, Lyuboshenko, Ulengut, Kitt-Tarossi
b) Tuxum-kraxmalli, Petranyani, Levenshteyn Iyensen, Gelberg, glits-serinli GPB, GPA

c) Qonli glyukozali agar, glyukoza zardobli agar, GPB, GPA, Endo

d) Zardobli agar, bulon, Levin, Ploskirev, Kessler.

6. Brusellalarning nechta turi bor?

- a) 4
- b) 5
- c) 6

d) 3.

7. Qo‘y-echkilarda brusellalarning qaysi turi uchraydi?

- a) Br. Neotomae
- b) Br. Abortus
- c) Br. ovis
- d) Br. melitensis.

8. Homila tashlagan hayvonlardan brutsellozga tekshirish uchun qoni qachon olinadi?

- a) bir haftadan keyin
- b) shu kuni
- c) ikki kun o‘tib
- d) bir oydan keyin.

9. Brutsellozga tekshirganda patmaterialdan tayyorlangan surtmalar qaysi usullarda bo‘yaladi?

- a) Gram, Sil-Nilsen
- b) Gram, Kozlovskiy
- c) Kozlovskiy, Romanovskiy Gimza
- d) Gram, Mixin, Peshkov

10. Qo‘chqorlardan olingan patmaterial ekmalari qanday atmosferada o‘stiriladi?

- a) yarmi 10-15% CO₂li atmosferada
- b) odatdagisi atmosferada
- c) hammasi 10-15% CO₂li atmosferada
- d) anaerob sharoitda.

11. Qoramollardan olingan patmaterial ekmalari qanday atmosferada o‘stiriladi?

- a) anaerob sharoitda
- b) odatdagisi atmosferada
- c) hammasi 10-15% CO₂li atmosferada
- d) yarmi 10-15%li atmosferada, qolganlari odatdagisi atmosferada.

12. Brutsellozda biosinov qaysi laboratoriya hayvonida qo‘yiladi?

- a) dengiz cho‘chqasi
- b) quyon
- c) oq sichqon
- d) jo‘ja.

13. Brutsellozda qoramollar qon zardobi nisbatlari AR uchun

- a) 1:25dan 1:200 gacha
- b) 1:50dan 1:400 gacha
- c) 1:10dan 1:80 gacha
- d) 1:2dan 1:64 gacha.

14. Brutsellozda qo‘ylar qon zardobi nisbatlari AR uchun

- a) 1:50dan 1:400 gacha
- b) 1:10dan 1:80 gacha
- c) 1:25dan 1:200 gacha
- d) 1:2dan 1:64 gacha.

15. Brutsellozda dengiz cho‘chqalari qon zardobi nisbatlari AR uchun

- a) 1: 50dan 1:64 gacha
- b) 1:25dan 1:200 gacha
- c) 1:2dan 1:64 gacha
- d) 1:10dan 1:80 gacha.

16. Saramas qo‘zg‘atuvchisi *Eryzipelothrix rhusiopathiae* zararlangan yurak klapanlaridan tayyorlangan surtmada qanday ko‘rinishda bo‘ladi?

- a) tayoqchalardan iborat kichik zanjirlar ko‘rinishida
- b) uzun iplar shaklida
- c) bitta, ikkita, to‘p-to‘p joylashgan holda
- d) alohida joylashgan tayoqchalar ko‘rinisida.

17. Saramasda biosinov qaysi laboratoriya hayvonlarida qo‘yiladi?

- a) quyon, oq sichqon
- b) dengiz cho‘chqasi, kabutar
- c) oq sichqon, kabutar
- d) kabutar, quyon.

18. *Eryzipelothrix rhusiopathiae* qaysi oziq muhitlarda o‘sadi?

- a) tuzli GPA, GPB
- b) GPB, Endo, Levin
- c) GPA, Ploskirev, Gelberg
- d) GPB, GPA, GPJ.

19. *Eryzipelothrix rhusiopathiae* ni o‘sirish uchun optimal harorat qaysi bandda to‘g‘ri ko‘rsatilgan?

- a) aerob, mikroaerofil, 37°Cda 18-24 soat o‘siriladi

- b) aerob, 41°C da 18 soat o'stililadi
- c) anaerob, 35°C da 48 soat o'stililadi
- d) anaerob, $37-38^{\circ}\text{C}$ da 16-18 soat o'stililadi.

20. Saramasga qachon diagnoz qo'yidi deb hisoblanadi?

- a) patmaterialdan qo'zg'atuvchi kulturasi ajratilsa, surtmalarda xarakterli morfologik xususiyatlari bo'lsa
- b) lyuminissent mikroskopiyada qo'zg'atuvchi topilsa, sof kultura ajratilsa, biosinov natijasi ijobiy bo'lsa
- c) lyuminissent mikroskopiyada qo'zg'atuvchi topilmasa ham, patmaterialdan sof kultura ajratilsa
- d) mikroskopik va serologik tekshirish natijalari ijobiy bo'lsa.

21. *Pasteurella multocida* qaysi oziq muhitlarda yaxshi o'sadi?

- a) zardobli GPA, GPB, qonli GPA
- b) GPA, GPB, Saburo agari
- c) GPA, GPJ, Kitt-Tarossii
- d) GPB, Saburo agari, Endo muhiti

22. Pasterellozda patmaterial qaysi usullarda tekshiriladi?

- a) mikroskopiya, bakteriologiya, serologiya
- b) mikroskopiya, bakteriologiya, biosinov
- c) serologik, biosinov, mikroskopiya
- d) biosinov, Gissa muhitiga ekib, serologik.

23. Pasterellozda qaysi laboratoriya hayvonlarida biosinov qo'yiladi?

- a) dengiz cho'chqasi, oq sichqon, kalamush
- b) quyon, oq sichqon, xo'roz
- c) quyon, oq sichqon, tovuq, o'rdak
- d) og'maxon, oq sichqon, o'rdak.

24. Quyonlar pasterellatashuvechanligi qanday tekshiriladi?

- a) qonini bakteriologik va serologik tekshirib
- b) uch kun terisiga 0,5% li brilliant yashili bilan ishlov berib
- c) terisi ostiga 0,2 ml 0,5% li brilliant yashilini suvdagi eritmasini yuborib.
- d) uch kun burniga 2 tomchidan 0,5% li brilliant yashilini suvdagi eritmasini burniga tomdirib.

25. Pasterellozga tekshirganda qaysi holda natija ijobiy hisoblanadi?

- a) grammanfiy, kapsula hosil qiladigan, harakatsiz, tayoqchasimon bakteriyalar kulturasi ajratilsa, biosinovda virulentligi tasdiqlansa

- b) grammanfiy, kapsula hosil qiladigan, harakatchan, tayoqchasimon bakteriyalar kulturası ajratilsa, biosinovda virulentligi tasdiqlansa
- c) qo'zg'atuvchini sof kulturası ajratilsa, biokimyoviy xususiyatlari aniqlansa
- d) grammusbat, kapsula hosil qiladigan, harakatchan, tayoqchasimon bakteriyalar kulturası ajratilsa, biosinovda virulentligi tasdiqlansa.

26. Kolibakterioz qanday shakllarda namoyon bo'ladi?

- a) teri, mushaklar zararlanishi, zaharlanish
- b) intoksikasiya, o'pkaning yallig'lanishi, shish
- c) septik, enterotoksemik, enterit
- d) septisemiya, o'pkaning yallig'lanishi.

27. Kolibakteriozda kasal hayvondan olinadigan patmaterial

- a) ichagidan qirindi
- b) siyidigi, qon, oqmalar
- c) sut, burun oqmasi
- d) to'g'ri ichagidan tezagi.

28. E.coli ning morfologiyasi qaysi bandda to'g'ri berilgan?

- a) grammanfiy, uchlari qayrilgan tayoqcha, bittadan joylashadi, ba'zi shtammlari kapsula hosil qildi, harakatchan va harakatsiz turlari bor, spora hosil qilmaydi
- b) grammusbat, uchlari qayrilgan tayoqcha, bittadan joylashadi, ba'zi shtammlari kapsula hosil qildi, harakatchan va harakatsiz turlari bor, spora hosil qilmaydi
- c) grammanfiy, uchlari qayrilgan tayoqcha, bittadan joylashadi, ba'zi shtammlari kapsula hosil qildi, harakatsiz, spora hosil qildi
- d) grammusbat, uchlari qayrilgan tayoqcha, bittadan joylashadi, harakatchan va harakatsiz turlari bor, spora, kapsula hosil qilmaydi.

29. E.coli ning qanday antigenlari farqlanadi?

- a) O, H
- b) O, K, H
- c) K, O
- d) K, H.

30. E.coli qanday oziq muhitlarda o'sadi?

- a) Seyssler agarı, Ploskirev muhiti
- b) Vismut sulfit agarı, Kitt-Tarossii
- c) GPB, GPA, Endo

d) qonli tuzli GPA, GPB.

31. Salmonellozda kasal hayvondan olinadigan patmateriallar qaysi bandda to‘g‘ri berilgan?

- a) barcha ekskret va sekretlar, parenximatoz organlari
- b) tezak, siyidik, qon, sut namunalari, parenximatoz organlari
- c) qon, sut, teri, ichak qirindisi, parenximatoz organlari
- d) tezak, plasenta, ajratmalar, tashlangan homila yoki uning oshqozoni, parenximatoz organlari.

32. Salmonellalar qaysi oziq muhitlarda o‘sadi?

- a) GPB, GPA, elektiv muhitlarda
- b) GPJB, GPJA, eritrit agar
- c) Seyssler agar, Gissa muhiti, GPJ
- d) Gelberg, Petranyani, Vilson Bleyer muhitlari.

33. Salmonellalar spora va kapsula hosil qiladimi?

- a) ha
- b) yo‘q
- c) ikkalasi ham to‘g‘ri
- d) ba’zida.

34. Salmonellalarning qaysi turi harakatsiz?

- a) S. enteritidis
- b) S. typhimurium
- c) S. pullorum (gallinarum)
- d) S. choleraesuis.

35. Salmonellalar laktzoza va saxarozani...

- a) parchalab gaz hosil qiladi
- b) parchalaydi
- c) parchalab kislota hosil qiladi
- d) parchalamaydi.

18-MAVZU. BATSILLALI INFEKSIYA – KUYDIRGI, QORASON, QOTMA KASALLIKLARI, BOTULIZM QO‘ZG‘ATUVCHILARI

Mashg‘ulotning maqsadi: Patmaterial olish uni joylash va labaratoriya yuborish qoidalari, bakteriologik tekshirish uchun patmaterialga ishlov berish (tayyorlash) usullarini o‘zlashtirish. Keltirilgan patmaterialni tekshirish usullarini o‘rganish.

Material va jihozlar: patmaterial, qaychi, skalpel, pinset, buyum oynachalari, bo‘yoqlar komplekti, mikroskop, moyqalam, kyuveta, preparatlar, biopreparatlar, jadvallar, plakatlar, kompyuter, videoproektor.

Uslubiy ko‘rsatmalar

O‘qituvchi darsni tushuntiradi. O‘qituvchi talabalarni kuydirgi, qorason, qotma kasalliklari, botulizm qo‘zg‘atuvchilari bilan tanishtiradi. Talabalar tayyor bo‘yagan preparatlarni mikroskopda ko‘rib, plakatlardan foydalanib qo‘zg‘atuvchining morfologik, kultural xususiyatlarini daftarlarga yozib, rasmlarini chizib olishadi.

Kuydirgi kasalligi – qo‘zg‘atuvchisi *Bacillus anthracis* (*Bacillus* avlodiga mansub). 1857-yilda Brauel ajratgan va o‘rgangan. U ko‘pchilik qishloq xo‘jalik, yovvoyi hayvonlar, shuningdek, odamlarda intoksikatsiya, isitma, septitsemiya, karbunkulalar paydo bo‘lishi bilan namoyon bo‘ladigan, o‘tkir yuqumli kasallik. Cho‘chqalarda tamoq limfa tugunlari zararlanadi – angionoz shakli. Kuydirgi kasalligiga gumin qilinganda jasadni yorish man etiladi.³⁵

Patologik material. Jasadning yotgan tarafidagi (pastdagii) qulog‘i asosi ikki tomonidan orasi 1 sm bog‘lanadi, o‘rtasidan kesib, kesilgan tomonlari qizdirilgan shpatel bilan kuydiriladi. Kesilgan qulogni 3%

³⁵Кисленко В.Н., Количёв Н.М., Суворина О.С. Ветеринарная микробиология и иммунология. Часть 3. Частная микробиология. – М.: КолосС, 2007 г. с.41.

bor kislotasi shimdirlilgan dokaga o'rab, sellofanga solinadi, ustidan pergament qog'oz bilan yana o'rab, germetik yopiq idishga (karobka, metall yashik) solinadi. Qon olish uchun joyi dezinfeksiyalanadi, qon olinib, joyi olovda yoki qizdirilgan shpatelda kuydiriladi. Cho'chqalardan – tomoq limfa tugunlari va shishgan biriktiruvchi to'qima bo'lakchalari olinadi. Agar yorish vaqtida kuydirgi kasalligiga gumon qilinsa, yorishni to'xtatib, taloqning bir qismi tekshirishga olinadi.

1. Mikroskopiya. Patmaterialdan tayyorlangan surtmalar Gram va kapsulalarga Mixin yoki Romanovskiy Gimza usullarida bo'yaladi. Maxsus eritma 180 ml 96° etil spirti + 20 ml 30% li pergidrol bilan 30 daqiqa qotiraladi. Qo'zg'atuvchi harakatsiz, grammusbat tayoqchalar, qisqa zanjirchalar yoki juft-juft, bittadan joylashadi (126, 127-rasm). Tayoqchaning bir-biriga qaragan tomonlari tekis kesilgandek, ochiq qolgan tomonlari oysimon qayrilgan bo'ladi. Ko'pincha cho'chqalardan olingen patmaterialdan tayyorlangan surtmalarda qo'zg'atuvchining shakli o'zgarishi mumkin: tayoqchalar qisqa, yo'g'on, egilgan yoki donachali bo'lib, o'rtasi yoki ikki cheti shishgan bo'ladi. Kapsula hosil qiladi (hayvon organizmi yoki maxsus oziq muhitda), spora hosil qiladi (kultura va tashqi muhitda). Kulturadan tayyorlangan surtmalarda *B.anthracis* tayoqchalardan iborat uzun zanjirlar hosil qiladi (133-rasm). O'lchamlari 1-1,3 x 3,0-10,0 mkm. Mikroskopik tekshirishlarning taxminiy natijasi haqida darhol javob ekspertizasi beriladi, boshqa tekshirishlar davom etayotgani ta'kidlanadi.


2. Bakteriologiya. Patmaterialdan GPB, GPA larga (pH 7,2-7,6) ekib, 37 °C da termostatda 18-24 soat o'stiriladi, mikrob o'smag'an bo'lsa, yana ikki sutka termostatda turadi. *B.anthracis* – aerob. GPA da silliq (131-rasm), sal xira, kulrang, kengish (*R*, *RO*, *O*-shakl) koloniyalar hosil qiladi (128, 129, 130-rasm). Koloniyalarning markazi qorong'ilashgan, chetlari bo'yra-bo'yra, jingalak sochdek bo'ladi. Koloniyalar mikroskopda ko'rganda «meduza kallasi» yoki «sher yoli» shaklida ko'rinadi.

GPB tiniq (shaffof) holda qolib, tubida yumshoq paxtasimon cho'kma hosil bo'ladi (132 a-rasm). Probirkani silkitib ko'rganda cho'kma mayda bo'lakchalarga bo'linadi yoki bulut kabi ko'tariladi. Ba'zan kultura diffuz holda o'sib (yengil loyqalanish), silkitganimizda muar to'lqinlarini paydo qiladi.

Gumonli hollarda kuydirgi kasalligi qo'zg'atuvchisini saprofit batsillalardan farqlash maqsadida uning harakatchanligi, gemolitik xususiyatlari aniqlanadi, lyuminissentli mikroskopiya, fagotiplash, «Marjon» testi o'tkazilib, laboratoriya hayvonlari zararlantiriladi. Kuydirgi kasalligi qo'zg'atuvchisi – harakatsiz. GPJ da yuzaga yaqin joyda kislorod yetarli bo'lib, yoniga shoxlanib ko'proq o'sadi. Chuqurlashgani sayin o'sish kamayib, shoxlanish qisqaradi, to'ncarilgan archa shaklida bo'ladi (132 b-rasm). 3-5 kun o'tib, jelatina eriydi va voronkasimon shakl paydo bo'ladi), qonli agarda gemoliz hosil qilmaydi (135-rasm), organizmda kapsula hosil qiladi, penitsillinga sezuvchan – «Marjon» testi ijobiy (134-rasm). 1 ml muhit tarkibida 0,5; 0,05 TB penitsillin bor GPA ga kultura ekiladi, 37-38 °C da 3 soat termostatda o'stiriladi, qo'zg'atuvchi hujayrasи marjon shakliga kiradi. Lyuminissentli mikroskopiya «OKVC» fluorescent kuydirgi zardobi yordamida o'tkaziladi. Bevosita yoki bilvosita fluorescentsiyalovchi antitelolar usuli qo'llaniladi. Ijobiy natijada hujayra konturi to'rt yoki uch nishonga nurlanish beradi.

Fagotiplash: oqar tomchi usuli («Gamma – MVA» yoki «K» VIEV) kuydirgi bakteriofaglari bilan probirkalarda yoki mikrousulda bajariladi. 6 ta probirkadagi qiya GPA ga bir xilda tarqatib tekshiri-layotgan kultura ekiladi. 15 daqiqa 37 °C termostatga qo'yiladi. Keyin 4 ta probirkaga bir tomchidan fag agarning chetlaridan 8-10 mm qoldirib tomdirilib, shtativga qo'yiladi. 37 °C da 6-8 soatdan keyin fagolizis paydo bo'ladi. 12-18 soatdan keyin yanada ko'proq namoyon bo'ladi, ya'ni tomchining oqish yo'llarida kultura o'smaydi, uning atrofida kultura odatdagidek o'sib, «bordyur» shaklini beradi (136-rasm).

Kolibakteriozning laboratoriya diagnostikasi



114-rasm. *E. coli* kulturasi – grammansiy kalta tayoqchalar.




115-rasm. *E. coli* kulturasi GPA da.



116-rasm. *E. coli*-uzilgan xivchinlari bilan. Elektronogramma.



117-rasm. *E. coli* kulturasi (chapda) va *salmonella* (o'ngda) Endo muhitida.



118-rasm. *E. coli* kulturasi «Rangli qatorda».




119-rasm. *E. coli* koloniyalari qonli agarda: chapda-gemolitik xususiyatlari, o'ngda-gemolitik xususiyati yo'q.



120-rasm. Shvarsman fenomeni.

Salmonellozni laboratoriya diagnostikasi




121-rasm. *Salmonella* koloniyalari. a) S-shaklda; b) R-shaklda.



122-rasm. *Salmonella*
kulturasini yarim suyuq GPA
da o'sishi.




123-rasm. *S.typhimurium* kulturasining
«Rangli qatorda» o'sishi.




a

b




a




b

124-rasm. AR-plastinkada: a-manfiy; b-ijobiy.




125-rasm. *E. coli* (a) va
S. typhi (b) 1-lakmus-
laktozali agarida;
2-Endoda; *S. typhi*
koloniyalari vismut
sulfit (d) agarida.


Kuydirgi kasalligining laboratoriya diagnostikasi




126-rasm. *Bac. anthracis* qondan tayyorlangan surtmada. Lyoffler usulida bo'yalgan (kapsulapushti, batsilla-ko'k rangda).



127-rasm. *Bac. anthracis* a-kapsulali mikrob, b-sporalari.




128-rasm. *Bac. anthracis* R-shakl koloniyası.




129-rasm. *Bac. anthracis* RO-shakl koloniyası.




130-rasm. *Bac. anthracis* O-shakl koloniyası.



131-rasm. *Bac. anthracis* S-shakl koloniyası.




132-rasm. *Bac. anthracis* a-GPB, b-GPJ da o'sishi.



133-rasm. *Bac. anthracis* GPB dan tayyorlangan surtmada.



134-rasm. «Marjon» testi.




135-rasm. *Bac. anthracis* (chapda) va *Bac. anthracoides* (ongda) qonli agarda o'sishi.



136^a-rasm. Bakteriofag: a-oqar tomchi; b-Petri kosacha usuli.




Qorason kasalligining laboratoriya diagnostikasi




137-rasm. *Cl. Chauvoei*
Kitt-Tarossi muhitidan
tayyorlangan surtmada.



138-rasm. *Cl. Chauvoei*
xifchinli tayoqcha.
Elektronogramma x20000.



139-rasm. *Cl. Chauvoei*
qandli agarda o'sishi va
koloniyalari
(Grossberg bo'yicha).



140-rasm.
Cl. Chauvoei
Kitt-Tarossi
muhitida
o'sishi.



141-rasm. *Cl. Chauvoei* qandli qonli agarda: a-silliq
yumaloq koloniya gemolizi bilan; b-uzum bargi shaklida;
d-hoshiyali koloniylar.



142-rasm. Biosinovda o'lgan dengiz
cho'chqasi (24 soatda): a-teri osti
kletchatkasi serozli gemorragik
yallig 'langan; mushaklari qoraygan;
b-ichaklarda atoniya, gaz yo'q, jigar
qonga to'lgan.



143-rasm. Biosinov buzoqda. *Cl.*
Chauvoei kulturasini mushakka
yuborib zararlangan.

Unda boshqa tur mikroorganizm bo'lsa, kultura muhit sirtida bir xilda o'sadi va «bordyur» shakli hosil bo'lmaydi.

3. Biosinov patmaterial keltirilgan kuni qo'yilishi shart. Laboratoriya hayvonlaridan oq sichqon, dengiz cho'chqasi va quyonlarda qo'yiladi. 2 ta oq sichqon dum asosiga 0,1-0,2 ml, yoki dengiz cho'chqalari qorin qismi terisi ostiga 0,5-1 ml, quyonlarga 6,3 ml dozada patmaterial suspenziyasi yuboriladi. Hayvonlar 10 kun kuza tiladi. O'lgan hayvon yorib ko'rildi, to'liq bakteriologik tekshiriladi.

Serologik tekshirish (PR)

Qulqo qonsizlantirib olingen bo'lsa, qo'shimcha PR ham qo'yiladi. Patmaterial aynigan bo'lib, bakteriologik tekshirishga yaramasa, faqatgina PRni qo'yish bilan chegaralanadi.

Teri – mo'ynali xomashyolarni kuydirgiga tekshirishda pretsipitasiya reaksiyasi muhim ahamiyatga ega. Materialdan namunalar germetik yopiq idishda tekshirish uchun laboratoriyyaga yo'llanadi.

Yakuniy diagnoz qo'yiladi

- patmaterialdan kuydirgi kasalligi qo'zg'atuvchisi ajratilsa, zararlangan hayvonning hech bo'lmasa bittasi o'lib, undan kultura ajratilsa;
- patmaterial ekilgan oziq muhitlarda kultura o'sib chiqmasa, lekin shu material bilan biosinov qo'yilgan hayvonlarning hatto bittasi o'lib, uning organlaridan qo'zg'atuvchi kulturasini ajratilsa;
- lyuminissent mikroskopiya musbat natija bersa va patmaterial dan tayyorlangan surtmalarda kapsulali batsillalar topilsa;
- aynigan (eski) materialdan, PR natijasi ijobjiy bo'lganda .

Biopreparatlar. STI tirik vaksina-etalon shtammdan tayyorlangan. Agarda o'stirilgan kulturaning sporalaridan (95 – 100%) iborat. Steril 30% li glitserin eritmasidagi suspenziya ko'rinishida bo'lib, 1 ml da $(2,5-3,5)10^7$ tirik sporalar mavjud.

GNKI vaksinasi – GNKI etalon shtammidan tayyorlangan quraq, tirik vaksina. 1 mlda 5×10^7 tirik sporalari bor. Shtamm 55dan tayyorlangan kuydirgiga qarshi vaksina.

Yirik shoxli hayvonlarning kuydirgi va qorason kasalliklariga qarshi assotsiatsiyalangan tirik, suyuq vaksina.

Davolovchi – profilaktik zardoblar. Inaktivlangan kuydirgi kasalligi qo'zg'atuvchisi kulturasi bilan otlarni giperimmunlab olinadi.

Kuydirgining pretsipitatsiyalovchi zardobi. Materialni PR usulida tekshirishda ishlatiladi. Otlarni giperimmunlab olinadi.

Kuydirgini standart antigeni pretsipitatsiya reaksiyasi uchun. Pretsipitatsiyalovchi zardobning faolligini nazorat qilishda ishlatiladi. *B.anthracisni* inaktivlangan bakteriyalaridan olingan ekstrakt ko'rini-shida bo'ladi.

Luminessensiyalovchi kuydirgi zardobi. Pretsipitatsiyalovchi kuydirgi zardobidan tayyorlanadi.

Kuydirgining diagnostik bakteriofaglari. Bakteriofag bilan zararlangan qo'zgatuvchining bulonli kulturasi filtrati. Bakteriofag titri 10.

Qorason – shoxli hayvonlarga oid o'tkir o'tuvchi infektion kasallik bo'lib, tananing mushaklarga boy qismalarida o'ziga xos tovush krepitatsiya paydo qiluvchi tez kattalashadigan gazli shish hosil bo'lishi, isitmaning ko'tarilishi bilan namoyon bo'ladi. Qoramol 3 oylikdan 4 yoshgacha kasallanadi. Qo'y, echkilarda kasallik kam uchraydi. Hayvonlar asosan alimentar yo'l bilan zararlanadi.

Qo'zg'atuvchisi – *Clostridium chauvoei*, anaerob.

Patologik material. Laboratoriya tekshirish uchun zararlangan mushak bo'lakchalari (steril asboblar bilan chuqurroq kesib, mushakning o'rta qismidan 3x3x3 sm o'chamda zararlangan to'qima bo'lakhasi kesib olinadi), krepitatsiya qiladigan shishning ekssudati yuboriladi. Jasad yorilgan bo'lsa jigar, taloqdan bo'lakchalar, yurakdan qon olinadi. Patmaterial hayvon o'lgandan keyin 4 soatdan kechiktirmay olinadi.

1. **Mikroskopiya.** Patmaterialdan tayyorlangan surtmalar Gram, Peshkov usulida bo'yaladi. Mikroskopda bo'lak-bo'lak yoki ikkitadan joylashgan polimorf (urchuqsimon, sharsimon, noksimon) donachali

grammusbat tayoqchalar ko'rindi. Peshkov usulida bo'yalgan surt-mada sporalar ko'k rangda ko'rindi. U tayoqchaning o'rtasida, chet-larida joylashishi, erkin holda bo'lishi ham mumkin. Kapsula hosil qilmaydi, harakatchan, uzunligi 2-8 mkm, eni 0,5-0,7 mkm, anaerob (137, 138- rasm).

2. Bakteriologiya. Patmaterialdan Kitt-Tarossi oziq muhitiga ekiladi. Buning uchun mushak, jigar, taloq bo'lakchalarini olovdan o'tkazib, keyin oziq muhitli probirkaga solinadi. Qon, ekssudatlar Paster pipetkasida ekiladi. Bir vaqtida Petri kosachalarida glukoza – qonli Seyssler agariga ham ekish mumkin. Patmaterial eski bo'lsa, undan fiziologik eritmada birga to'rt nisbatda suspenziya tayyorlab, 15-20 daqiqa 80 °C da qizdiriladi. Ekmalar 24-48 soat 37-38 °C da termostatda turadi. Kosachalar anaerob sharoitida 24-48 soat turishi kerak.

Kitt-Tarossi muhitida *Cl.chauvoei* – bulon bo'yicha bir xilda loy-qalanish paydo bo'ladi. 36-48 soatda tinib, cho'kma hosil bo'ladi. Gaz kam hosil qiladi (140-rasm).

Seyssler agarida koloniylar yaltiroq tugma yoki uzum bargi singari chetlari qirqilgandek o'sadi, koloniya atrofida uncha katta bo'limgan gemoliz zonasini paydo bo'ladi (141-rasm). Glukozali tik agarda yasmiqsimon koloniylar hosil qiladi (139-rasm).

Sutni ivitadi. Glukoza, saxaroza, lakteza va maltozalarni intensiv kislota va gaz hosil qilib parchalaydi.

3. Biosinov. Patmaterialdan 1:10 nisbatda suspenziya tayyorlanadi. Suspenziya 0,5-1 ml dozada 350-450 g og'irlilikdagi ikkita den-giz cho'chqasining qorin qismi terisi ostiga yuboriladi. Hayvonlar 8 sutka kuzatiladi. Material ijobiy bo'lsa, zararlangan hayvonlar 24-96 soat davomida o'ladi. Jasadni yorib, bakteriologik tekshirish kerak. Terisida serozli – nekrozli ajratma, qon quyilishlar bo'ladi. Teri zararlangan mushakdan qiyin ajraladi. Ko'krak, qorin, orqa oyoq mushaklari qoramtil qizil rangda bo'ladi. Chot va qo'ltiq osti qisimlarida kamgina gaz pufakchalari yig'iladi (142, 143-rasm).

Quyidagi hollarda qorasongga diagnoz qo'yildi deb hisoblanadi:

1. Patmaterialdan qo'zg'atuvchi kulturasi ajratilsa hamda hech bo'lmasa bitta biosinovdagi hayvon tipik belgilar bilan o'lib, undan qo'zg'atuvchi kulturasi ajratib olinsa;
2. Keltirilgan patmaterialdan qo'zg'atuvchi kulturasi ajratilmasa ham, ikkita biosinovdagi hayvonnинг hatto bittasi tipik belgilar bilan o'lib, undan qo'zg'atuvchi kulturasi ajratib olinsa.

Emlash uchun konsentrangan gidrooksifarmol vaksina ishlataladi. Immunitet 6 oy davom etadi. 3 oylikdan 4 yoshgacha bo'lgan qoramol, 6 oylikdan katta bo'lgan qo'ylar emlanadi.

Biopreparatlar: Yirik shoxli hayvonlar va qo'ylar qorason kasalligiga qarshi gidrooksialuminli inaktivlangan vaksina. Immunitet 6 oy davom etadi. Konsentrangan gidrooksialuminli tirik vaksina. Immunitet 6 oy davom etadi. Ikkala vaksinalarning dozasi 2 ml, mushaklar orasiga yuboriladi.

Qotma – hayvon va odamlarning yuqumli, jarohatli kasalligi bo'lib, mikrobynning toksini ta'sirida kuchli qo'zg'alish, skelet mushaklarining reflektor tortilishi bilan namoyon bo'ladi. Qo'zg'atuvchisi *Cl. tetani*.

Patologik material – laboratoriya tekshirish uchun jarohat sekreti, zararlangan joyning eng chuqur qatlamlaridan olingan to'qima bo'lakchalari yuboriladi. O'lgan hayvonlardan bundan tashqari (5-10 ml) qon, jigar va taloq bo'lakchasi olinadi.

Laboratoriya tekshirishlari ikki yo'nalishda olib boriladi: toksinni ajratish, qo'zg'atuvchi kulturasini ajratib, uning zaharliligini aniqlash.

1. Mikroskopiya. *Cl. Tetani* – ingichka, 4-0,6 mkm o'lchamli, bir uchida yumaloq sporasi bor (baraban tayoqchasi shaklida) tayoqcha. Grammusbat, harakatchan (144, 148-rasm).

Toksinni ajratish

Patmaterialdan birga ikki nisbatda fiziologik eritma bilan suspenziya tayyorlanib, ikkiga bo'linadi. Biri qo'zg'atuvchini ajratish uchun ishlataladi.

Ikkinchisi toksinni ekstraksiya qilish uchun uy haroratida bir soat qoldiriladi, keyin filtrlanadi.

2. Filtrat bilan 16-18 g vazndagi 2-3 ta oq sichqonga 0,5-1 ml dozada yoki ikkita 300-350 g vazndagi dengiz cho‘chqasiga 3-5 ml dozada orqa oyog‘i terisi ostiga yuborib zararlantiriladi. Patmaterialda qotmaning toksini bo‘lsa 48-96 soatdan keyin biosinovdagagi hayvonlarda mushaklarning tetanik qisqarishi bilan xarakterlanadigan kasallik belgilari rivojlanadi. Hayvonlar xarakterli holatda – oyoqlari cho‘zilgan, umurtqa pog‘onasi material yuborilgan tomoniga qiyshaygan holda o‘ladi (147-rasm).

Biosinovdagagi hayvonlar 10 kun kuzatiladi.

Tekshirilayotgan materialda va qotma toksini ajratilsa, kulturani ajratish uchun tekshirish o‘tkazilmaydi.

Qo‘zg‘atuvchi kulturasini ajratish

Bakteriologiya. Patmaterialdan tayyorlangan suspenziya ikki probirka Kitt-Tarossi muhitiga ekiladi. Bittasi 80 °C da bir soat qizdiriladi. Ekmalar termostatda 37-38 °C da o‘stiriladi.

Bu muhitda *Cl. tetani* – intensiv loyqalanish paydo qilib kamroq gaz hosil qiladi. 48-72 soatdan keyin bulon tiniqlasha boshlaydi, cho‘kma hosil bo‘ladi. Kulturadan o‘ziga xos kuydirilgan shox hidi keladi (145-rasm).

Kultura termostatda yana o‘stiriladi, 4-5 chi sutkada, unda toksining bor yoki yo‘qligi tekshiriladi. Buning uchun kultura – oq sichqon yoki dengiz cho‘chqalariga yuboriladi.

Qonli agarda *Cl. tetani* – markazi ozgina ko‘tarilgan, o‘smalari bor, nozik koloniylar, ba’zan mayda yumaloq koloniylar hosil qiladi. Gemoliz zonasini bilan o‘ralgan alohida koloniylar ham uchrab turadi (146-rasm).

Qotmani bakteriologik tekshirish muddati 15 kun.

Diagnoz qo‘yildi deb hisoblanadi:

tekshirilayotgan patologik materialda qotma toksini aniqlansa (kulturasini ajratilmasa ham);

patologik materialdan toksin hosil qiluvchi qotma qo'zg'atuvchisi kulturasiga xarakterli xususiyatli kultura ajratilsa.

Biopreparat. Aktiv immunizatsiya uchun konsentrangan, bir foiz achchiq toshli anatoksin ishlatiladi. Immunitet 30 kundan keyin hosil bo'lib, bir yildan ko'p saqlanadi, otlarda esa besh yilgacha. Profilaktika, davolash maqsadida qotmaga qarshi zardob ishlatiladi.

Botulizm – barcha hayvonlarga oid toksikoinfektion kasallik. Botulinum zaharini saqlovchi oziqlarni yejish natijasida paydo bo'lib, markaziy asab tizimining og'ir zararlanishi, hiqildoq, til va pastki jag'ning falajlanishi bilan xarakterlanadi. Botulizm bilan odam ham kasallanadi. Qo'zg'atuvchisi – spora hosil qiluvchi anaerob – *Cl. botulinum* ning A, B, C, D, E, F tiplaridir. Bu tiplar faqatgina immunologik jihatdan o'zaro farq qiladi: har biri o'zining o'xshash zardoblari bilan neytrallanadi.

Patologik material – laboratoriyyaga tekshirish uchun gumon qilingan oziqalardan namunalar (silos, don, kombikorm, go'sht va baliq chiqindilari), shuningdek, o'lgan hayvonlarning oshqozonidagi massa, jigar bo'lakchasi va kasal hayvonlarning qoni yuboriladi.

Patmaterial hayvon o'lidan keyin ikki soatdan kechiktirmasdan olinadi. Patmaterialdan birga bir yoki birga ikki nisbatda fiziologik eritma bilan suspenziya tayyorlanadi. Ekstraksiya bo'lish uchun ikki soat uy haroratida turadi. Bir qismi – toksinni ajratish uchun, ikkinchisi – qo'zg'atuvchini ajratish uchun ishlatiladi.

1. Mikroskopiya. *Cl. botulinum* – uchlari aylanasimon, spora hosil qiluvchi, anaerob tayoqcha. Sporalari oval shaklida bo'lib hujayra uchlariga yaqin joylashgani uchun **tennis raketkasi** shaklida bo'laadi. Grammusbat, harakatchan. O'lchami 4-6 mkm (149, 150-rasm). Toksini 15-20 daqiqadan ikki soatgacha qaynatilganda parchalanadi. Sporalari juda chidamli, 5-6 soat qaynatilganda o'ladi.

Botulizm toksinini ajratish

Patmaterial va oziq namunalaridan tayyorlangan suspenziya filtrlanadi. Ikliga bo'linib bir qismi qaynoq suv hammomida

20-30 daqiqa qizdiriladi. Bittasiga qaynatilgan va ikkinchisiga qaynatilmagan filtratlar ikkitadan oq sichqon qorin bo'shlig'iga 0,5-0,8 ml dozada yoki dengiz cho'chqalari (300-350 g vaznli) terisi ostiga 3-5 ml dozada yuboriladi (153- rasm).

Agar botulizm toksini bo'lsa qaynatilmagan filtrat yuborilgan laboratoriya hayvonlari, ikkinchi beshinchi sutkada botulizmga xos klinik belgilari bilan (muvozanatni yo'qotish, nafasning tezlashishi, skelet mushaklarining bo'shashi, qorin devorining tushishi «ari belidek») o'ladi. Qaynatilgan filtrat yuborilgan hayvonlar esa sog'qoladi.

Ajratilgan toksin maxsus har xil tiplardagi botulizm zardobi bilan neytralizatsiya reaksiyasi qo'yiladi. Buning uchun filtrat polivalent antitoksik botulizm zardobi bilan aralashdirilib, bir-ikki soat termo-statga qo'yiladi. Keyin aralashma laboratoriya hayvonlariga yuboriladi. Toksin zardob bilan neytrallanib, hayvonlar tirik qoladi. HP natijasi to'rt kun davomida hisobga olinadi.

Qo'zg'atuvchini ajratish

2. Bakteriologiya. Patmaterial Kitt-Tarossi, Xottinger buloni, qonli Seyssler agariga ekiladi. Ekmalar 30-35 °C da termostatga qo'yiladi. Petri kosachalaridagi ekmalarni anaerostatga joylashtirib, anaerob sharoit yaratish kerak. Qo'zg'atuvchi ikki-to'trt sutka o'sadi.

Kitt-Tarossida qo'zg'atuvchining o'sishi muhit asta-sekin loyqalanib (2-3 sutkada), gaz hosil qiladi. Undan achigan moyning hidi keladi. Kultural suyuqlikda toksinlar 5-7 sutkada aniqlanadi (151-rasm).


Seyssler agarida – *Cl. botulinum* koloniyalari yumaloq, ildizsimon o'smalari bor, rangsiz yoki kulrang intensiv gemoliz zonasini bo'ladi (152-rasm).

Biopreparat. Odatda, norkalar botulizmga qarshi farmol kvassli anatoksin vaksina bilan emlanadi. Immunitet bir yilgacha saqlanadi. Davolash uchun botulizmga qarshi antitoksik zardob taklif etilgan. Neytralizatsiya reaksiyasi uchun maxsus butulizm tiplari zardobi ishlab chiqilgan.


Qotma kasalligining laboratoriya diagnostikasi




144-rasm. *Cl. tetani*: a-kulturadan; b-bulyondan tayyorlangan surtmada; d-xifchinli tayoqcha.



145-rasm. *Cl. tetani* kulturasisi: a-Kitt-Tarossi muhitida; b-chuquur ekilgan qandli agarda; d-miyali muhitda (qoraygan).



148-rasm. *Cl. tetani* kulturada. Sporali tayoqchalar.




146-rasm. *Cl. tetani* qandli-qonli agarida:
a-yumaloq koloniya-S shakl; b-R-shakl;
d-harir ro'molsimon koloniya-R-shakl.




147-rasm. Dengiz cho'chqasida qotmaning klinik ko'rinishi.

Botulizmning laboratoriya diagnostikasi



149-rasm. *Cl. botulinum* kulturadani
tayyorlangan surtmada.



150-rasm. *Cl. botulinum* tayoqcha
xivchinlari bilan.



151-rasm. *Cl. botulinum* chapda-
jigarli bulyonda, o'ngda-qandli
agarda o'sishi.



152-rasm. *Cl. botulinum*
koloniyalari qonli agarda.



153-rasm. *Cl. botulinum* bilan zararlangan dengiz cho'chqasi.

Diagnoz qo‘yildi deb hisoblanadi:

- tekshirilayotgan patologik materialda botulinumning toksini aniqlansa (kulturasи ajratilmasa ham);
- patologik materialdan botulizm qo‘zg‘atuvchisiga xarakterli xususiyatlар kultura ajratilsa, biologik usulda uning zaharliligi aniqlansa.

Nazorat savollari:

1. Kuydirgi kasalligi qo‘zg‘atuvchisining morfologiyasi, kultural xususiyatlари, laboratoriya diagnozini aytинг?
2. Qorason kasalligi qo‘zg‘atuvchisining morfologiyasi, kultural xususiyatlари, laboratoriya diagnozini aytинг?
3. Qorasonga tekshirish uchun patmaterial olish va laboratoriyaga yuborish qoidalari.
4. Kuydirgi va qorason kasallikkleri qo‘zg‘atuvchilarining farqini aytинг?
5. Qotma kasalligi qo‘zg‘atuvchisining morfologiyasi, kultural xususiyatlари, laboratoriya diagnozini aytинг?
6. Qotma kasalligida toksinni ajratish usulini aytинг?
7. Botulizm qo‘zg‘atuvchisining morfologiyasi, kultural xususiyatlари, laboratoriya diagnozini aytинг?
8. Botulizm kasalligida toksinni ajratish usulini aytинг?

Test savollari:

1. Kuydirgi kasalligi gumon qilinganda jasadni yorish

- a) qat’iy man etiladi
- b) ruxsat etiladi
- c) qisman amalga oshiriladi
- d) ixtiyoriy.

2. Kuydirgi kasalligida olinadigan patmateriallar

- a) parenximatoz organlardan bo‘lakchalar, qon, ilik suyagi, limfa tugunlar
- b) quloq, qon, taloq, tomoq limfa tugunlari, biriktiruvchi to‘qima bo‘lagi
- c) zararlangan ichak bo‘lakchasi, jigar o‘t xaltasi bilan, buyrak, qon
- d) ajratmalar, balg‘am, limfa tugunlar, qon, ilik suyagi, ichak bo‘lakchasi.

3. Kuydirgi kasalligida surtmalar qaysi usulda qotiriladi?

- a) etil spirtida 20 daqiqa
- b) alanga ustida

- c) maxsus spirt - pergidrolli eritmada 30 daqqa
- d) spirt – efirda 20 daqqa.

4. Kuydirgi kasalligi diagnostikasida “Marjon” testi uchun qaysi antibiotik ishlataladi?

- a) eritromisin
- b) streptomisin
- c) tetrasiklin
- d) penicillin.

5. Laboratoriya tekshiruvlarida kuydirgiga yakuniy diagnoz nima-ga asoslanib qo‘yiladi?

- a) lyuminissent mikroskopiya, PR, biosinov natijasiga
- b) mikroskopiya, bakteriologik tekshirish natijasiga
- c) bakteriologiya, PR, mikroskopiya natijasiga
- d) “marjon” testi, “fagotiplash”, mikroskopiya natijasiga.

6.Qorason kasalligida laboratoriyaga tekshirish uchun qanday pat-material yo‘llanadi?

- a) zararlangan mushak bo‘lakchalari, gazli shish ekssudati, jigar, taloq, yurak
- b) parenximatoz organlardan bo‘lakchalar, ilik suyagi, zararlangan ichak bo‘lagi
- c) zararlangan mushak, ichak bo‘lakchalari, limfa tugunlari
- d) ekskret va sekretlar, parenximatoz organlardan namunalari.

7. Qorason kasalligi qo‘zg‘atuvchisi qaysi bandda to‘g‘ri ko‘rsatil-gan?

- a) Cl. septicum
- b) Cl. chauvoei
- c) Cl. oedematiens
- d) Cl. perfringens.

8. Qorason kasalligi qo‘zg‘atuvchisi spora hosil qiladi

- a) oziq muhitda
- b) tashqi muhitda
- c) organizmda, tashqi muhitda
- d) tuproqda.

9. Qorason kasalligi qo‘zg‘atuvchisi:

- a) gr+, sporali, harakatsiz, kokksimon
- b) polimorf, gr-, spora va kapsulali, harakatsiz tayoqcha
- c) gr-, kapsulali, harakatchan tayoqcha
- d) polimorf, gr+, sporali, harakatchan tayoqcha. bakteriya.

10. Qorason qo‘zg‘atuvchisi qanday oziqa muhitlarda va sharoitda o‘sadi?

- a) Kitt-Tarossi, glyukoza-qonli Seyssler agari, 37-38°C da, anaerob sharoitda
- b) GPB, GPA, GPJlarda, 40-42°C da, aerob sharoitda
- c) Endo, Levin, Ploskirev muhitlarida, 37°C da, anaerob sharoitda
- d) Gissa muhiti, Gelberg, Lyuboshenko muhitlarida, 37°C da, anaerob sharoitda.

11. Laboratoriyyada qorason kasalligiga qaysi usullarda tekshirildi?

- a) mikroskopiya, serologik, bakteriologiya
- b) mikroskopiya, bakteriologiya, biosinov
- c) serologik, mikroskopiya, patanatomik
- d) biologik, patanatomik, klinik.

12. Qotma kasalligi qo‘zg‘atuvchisi qaysi?

- a) Cl. oedematiens
- b) Cl. chauvoei
- c) Cl. septicum
- d) Cl. tetani.

13. Qotma kasalligi qo‘zg‘atuvchisi:

- a) bir uchida yumaloq sporasi bor, baroban tayoqchasi shaklida
- b) sporasi markazida joylashgan, urchuqsimon shaklda
- c) sporasi bir uchiga yaqin joylashgan, noksimon shaklda
- d) sporasi oval, limonsimon shaklda.

14. Qotma kasalligida laboratoriyyaga qanday patmateriallar yo‘llanadi?

- a) zararlangan mushak bo‘lakchalari, to‘qima ekssudati, parenximatoz organlar
- b) jarohat sekreti, to‘qima bo‘lakchalari, qon, jigar, taloq
- c) zararlangan mushak, ichak bo‘lakchalari, limfa tugunlari
- d) parenximatoz organlar, ilik suyagi, zararlangan ichak bo‘lagi.

15. Laboratoriya tekshiruvlari nechta yo‘nalishda olib boriladi?

- a) 4
- b) 3
- c) 2
- d) 5.

16. Qotma kasalligi qo‘zg‘atuvchisi kulturasining qanday o‘ziga xos hidi bo‘ladi?

- a) buzilgan tuxum hidi
- b) achigan moy hidi

- c) achigan baliq hidi
- d) kuydirilgan shox hidi.

17. Botulizm qo‘zg‘atuvchisining qanday tiplari bor?

- a) A,B,C,D,E,F
- b) C,D,E,F,Z,S
- c) A,B,S,Y,U,V
- d) W,S,C,V,E,R.

18. Botulizm qo‘zg‘atuvchisining tiplari qaysi jihatdan o‘zaro farq qiladi?

- a) bakteriologik
- b) immunologik
- c) fermentativ
- d) morfologik.

19. Botulizmda laboratoriyyaga yo‘llanadigan patmaterial

- a) ilik suyagi, ingichka ichak bo‘lakchasi, shirdon
- b) parenximatoz organlardan namunalar, ilik suyagi
- c) gumon qilingan oziqdan namunalar, o‘lgan hayvon oshqozonidagi massa, jigar bo‘lakchasi va kasal hayvonlarning qoni
- d) ekskret va sekretlar, ilik suyagi, parenximatoz organlar.

20. Botulizm toksinini ajratish:

- a) suspenziya tayyorlab, filtrlanadi, oziq muhitga ekiladi, biosinov qo‘yiladi.
- b) suspenziya tayyorlab, filtrlanadi, suv hammomida 30 daqiqa qizdiriladi, biosinov qo‘yiladi
- c) patmaterial suspenziyasi ekstraksiya qilinadi, filtrlanadi, biosinov qo‘yiladi
- d) 1:2 suspenziya tayyorlab 2 soat uy haroratida qoldiriladi, filtrlanadi, 2ga bo‘lib qaynoq suv hammomida 20-30 daqiqa qizdiriladi. Filtratlar bilan biosinov qo‘yiladi.

21. Cl. botulinum:

- a) sporasi oval, hujayra tennis raketkasi shaklida
- b) sporasi yumaloq, hujayra baroban tayoqchasi shaklida
- c) sporasi oval, hujayra urchuq shaklida
- d) sporasi oval, yumaloq, hujayra nok, limon shaklida.

19-MAVZU. YEM-XASHAK MIKROBIOLOGIYASI

Mashg'ulotning maqsadi: Oziqa o'simliklari va boshoqlilarning epifit mikrofloralarini tekshirish. Senaj, silosni mikrobiologik tekshirish (mikroskopiya, oziqa muhitlariga ekib, sut kislotali bakteriyalarni o'stirish). Mikroskopda achitqi zamburug'larini achitishning boshi va oxirida bevosita sanash yo'li bilan aniqlash.

Material va jihozlar: Steril farfor havoncha to'qmoqchasi bilan, buyum oynachalari, eritrozin, mikroskop, immersiya yog'i, silos namunalari, kolbalarda steril suv, pipetkalar 10 ml hajmli, oziqa muhitlar, achitib tayyorlangan oziqa namunalari, paster pipetkali, yopqich oynalar, fiziologik eritma, filtr qog'oz, bakteriologik ilmoq, spirit.

Uslubiy ko'rsatmalar

O'qituvchi darsni tushuntirib, talabalarga vazifa beradi: silos namunalarining mikroflorasini aniqlash, surtmalar tayyorlab mikroskopda ko'rish. Silosni mikrobiologik tekshirish, sifatini aniqlash. Laboratoriya sharoitiда achitilgan oziqlardan namuna olib, «Ezilgan tomchi» usulida preparat tayyorlash.

O'rilgan o'tlarni quritish, pichan, senaj tayyorlash va siloslash yo'li bilan saqlash mumkin (154-rasm). Siloslash asosan haroratga, namlik va o'simliklar turiga bog'liq. O'sib turgan o'simliklar tanasida ularga ziyon yetkazmaydigan epifit mikroorganizmlar ko'p, chunki o'simlik hujayralari shu mikroorganizmlarga qarshilik qilish qobiliyatiga ega. Siloslangan paytida esa o'simliklarning mikroorganizmlarga qarshi himoyasi susayadi va yo'qoladi. Natijada, ayniqsa chirituvchi mikroorganizmlar rivojlanadi. Noto'g'ri siloslangan oziqlarda mog'or zamburug'lari, chirituvchi, moy kislotali bakteriyalar va hokazolar uchraydi. Buzilgan silosni yegan hayvonlarda zaharlanish alomatlari paydo bo'ladi. Uning oldini olish uchun silos laboratoriyada

tekshiriladi. Siloslangan oziqada shakar, sut kislota sirkalasiga nisbatan 2-3baravar ko‘p boladi.



154-rasm. Silos tayyorlash uchun xomashyo.

Silosdagi mikroflorani aniqlash. Namuna olish. Silosdagi mikroorganizmlar soni va sifatini aniqlash uchun uch marta namuna olinadi: 1) silosni tayorlash paytida epifit mikroorganizmlarni aniqlash uchun; 2) silos tayorlangandan so‘ng 10 -15 kun o‘tgach yetilgan silosning mikroflorasini aniqlash uchun; 3) silosni ochgandan keyin. Silosning umumiyl massasida mikrobiologik jarayonlar bir xilda kechmaydi. Shuning uchun minora ustidan va pastidan 1 m uzoqlikda №1, №2, va ular oralig‘idan №3namunalar olinadi. Transheyadan uzunligiga qarab 2-3 ta namuna ustidan 1 m chuqurlikda olinadi.

Silosni mikroskopik tekshirish

Bir parcha silosni farfor havonchada kamroq distilangan suv bilan aralashtirib eziladi. To‘qmoqcha bilan undan buyum oynachasida surtma tayyorlab, qotiriladi, ertirozin bilan bo‘yaladi. Surtmani

mikroskopda ko'rib, chizib olinadi. Sifatli silosda bir-ikkita toyoqcha, kokklar ko'rindi, yomon silosda ular ko'p miqdorda uchraydi.

Silosni mikrobiologik tekshirish – mikroorganizmlarning turli xil fiziologik guruhlari: sut kislotali, moy kislotali, chirituvchi, gaz hosil qiluvchi, achitqi, mog'or zamburug'larini aniqlash uchun o'tkaziladi.

Avval 1:10 nisbat suyultirma tayyorlanadi – steril sharoitda texnik tarozida 40g silos o'lchab toza bankaga solinadi, ustiga 360 ml steril suv quyib 10 daqiqa davomida silkitib aralashtiriladi. Keyin har birida 90 mldan steril suvi bor, raqamlangan II, III, IV, V, VI, VII 6 ta kolbada 1:10 nisbatdan 10 ml olib ketm- ket suyultiriladi.

Quyidagi oziqa muhitlarga ekiladi:

GPA – chirituvchi mikroflorani aniqlash uchun . I, II,III,IV,V aralashmadan;

Suslo agar – mog'or va achitqilarni aniqlash uchun. I,II,III,IV aralashmadan;

Suslo agar mel bilan sut kislotali bakteriyalarini aniqlash uchun. II,III,IV,V,VI,VII aralashmadan;

Sut – sut kislotasi hosil qiluvchi. II,III,IV,V,VI,VII aralashmadan;

Laktoza – gaz hosil qiluvchi (ichak) bakteriyalarini. I,II,III,IV, V aralashmadan;

Kartofelli Rushan muhiti – moy kislotali bakteriyalarini aniqlash uchun. I,II,III,IV, V aralashmadan.

Ekmalar 30-35°C haroratda termostatda 3 sutka o'stiriladi. 4 chi sutkada ularda mikroorganizmlarining fiziologik guruhlari aniqlanadi.

Silosning sifatini baholash

Organoleptik baholash. Rangi silos tayyorlangan o'simlik rangiga yaqin bo'lishi kerak. Sifatli silos rangi – sariq, sarg'itmır – yashil, qo'ngir-yashil, oehiq-qo'ng'ir bo'ladi. Sifatsiz silosning rangi qo'ng'ir, to'q qo'ng'ir bo'ladi.

Sifatli silosning hidi yoqimli meva, non kvasi, ho'l olma hidini eslatadi. Buzilgan silosdan sirka hidi paydo bo'ladi. Sifatsiz silosdan

turup, achigan moy, chirigan baliq hidi, ba'zan yoqimsiz go'ng hidi keladi.

Sifatli silosning ta'mi kuchsiz kislotali, yoqimli bo'ladi. Buzilgan silosning ta'mi achchiq, kislotali.

Sifatli silosning konsistensiyasi o'simliklarni maydalab silos qil-gan vaqtdagidek bo'ladi. Sifatsiz yoki buzilgan silosda o'simlik mas-sasi yopishqoq, surtiluvchi bo'lib, barglari bir-biridan ajralmaydi.

Silosning pH-ni aniqlash

Silos pH-ni aniqlash uchun sifatli va sifatsiz silosdan alohida suvli so'rimlari tayyorlanadi. 100 g mayda qirqilgan silosni 1litrli idishga solib $\frac{3}{4}$ hajmgacha distillangan suv quyiladi. Yaxshi aralashdirib 1 litrga yetgunicha suv qo'shiladi. 4-5 soat davomida vaqt vaqtida aralashdirib turiladi. Filtrlanadi. Farfor havonchaga 1 ml silosning suvli so'rimini solib, unga 1 tomchi universal indikator tomiziladi va aralashdiriladi. Aralashmaning rangi o'zgaradi. Standart indikator qog'oz rangi bilan taqqoslab pH aniqlanadi.

A.N.Mixin usuli bilan pH aniqlanganda bromtimol va metilrot aralashmalari indikator sifatida ishlataladi. Havonchaga 2 ml silosning suvli so'rimini solib, unga 2-3 tomchi indikator aralashmasi tomiziladi va rangning o'zgarishini hisobga olib 4-jadval yordamida silosning sifati aniqlanadi.

4-jadval

Silosning sifatini ballarda baholash (A.N. Mixin bo'yicha)

Silos suvli so'rimini indikator qo'shgandan keyingi rangi	pH ko'rsatkichi	Ball
Silos pH-i		
Qizil	4,2 va past	5
Qizil-to'q sariq	4,2 – 4,6	4
To'q sariq	4,6 – 5,1	3
Sariq	5,1 – 6,1	2
Sarg'imir-yashil	6,1-6,4	1

Yashil	6,4 – 7,2	0
Yashik-ko'k	7,2 – 7,6	0

Hidi

Xushbo'y, meva, biroz achigan non hidli	4
Kuchsiz xusbo'y, sirkal kislotali, bodring hidli	2
O'tkir sirkal kislotali, yog' kislota – hidli	2-1
Chirigan, sassiq, go'ng, o'tkir yog' kislota hidli	0

Rangi

Yashil	3
Qo'ng'ir yoki sariq-yashil	2
Qora-yashil	1
Qora	0

**Silosning ko'rsatkich ballari bo'yicha umumiy
yoki sifat bahosi**

Juda yaxshi	11-12
Yaxshi	9-10
O'rta sifatli	7-8
Yomon	4-6

Amaliyotda silos pH-i kolorimetrik, elektrometrik va boshqa usullar bilan aniqlanadi.

3 ball va undan past baholangan silos sifati o'ta sifatsiz, hayvonlarni oziqlantirish uchun yaroqsiz hisoblanadi.

Silosda mikrobiologik jarayonlarning rivojlanishi

Birinci faza. Asosan enterobakteriya guruhi bakteriyalari, ammonifikasiatorlar, mog'or zamburug'lari va achitqilar ko'p bo'ladi. Siloslash to'g'ri olib borilsa bu mikroflora 1-2 sutkadan keyin sut kislotali bakteriyalar hayot faoliyatini mahsulotlari ta'sirida kamayib ketadi.

Ikkinci faza. Sut kislotali mikroorganizmlar ko'payib, avval sut kislotali streptokokklar, keyin sut kislotali tayoqchalar rivojlanadi.

Uchinchi faza. Sut kislotali tayoqchalar miqdori ortib, sut kislotalining yuqori konsentrasiyasiga chidamsiz bo'lgani uchun kokksi-

mon bakteriyalar kamayib ketadi. Bu fazada pH 4,0-4,2 ga yetadi, sut kislota miqdori 1,5-2% oziqaga nisbatan.

Achitish – oziqani oziqlantirish uchun tayyorlashning mikrobiologik usuli. Achitqilar oziqani oqsil, vitamin, fermentlar bilan boyitadi. Yovvoyi va madaniy achitqilar mavjud. Achitqilarning madaniy turlari tez va kuchli rivojlanib ko'payishi, hamda sun'iy oziq muhitlarda o'sishi bilan farq qiladi. Madaniy achitqilarga pivo, non, vino, oziqa achitqilari kiradi. Ular bir-biridan achitish aktivligi, spirt hosil qilishi, kraxmalni qandga aylantirish qobiliyati bilan farq qiladi. Oziqani achitish uchun shu achitqilarning xohlagan birortasini ishlash mumkin, lekin eng yaxshisi non achitqisidir.

Achitqilarning to'yimlilik qiymati yuqori bo'ladi. Ular tarkibida: 48-52 % oksil, 13-16 % uglevod, 2-3 % yog, 22-40 % biologik aktiv moddalar, 6-10 % kul bor. Achitqilar tarkibiga ko'pgina hayot uchun zarur bo'lgan aminokislotalar-arginin, gistidin, lizin, leysin, tirozin, treonin, fenilalanin, metionin, valin, triptofan kiradi. Qishloq xo'jalik hayvonlarining o'sishi uchun zarur bo'lgan lizin oziqa achitqilari tarkibida ko'pligi bilan asosiy o'simlik oziqalaridan ustun turadi va hayvonlardan olinadigan oziqaga yaqin bo'ladi. Achitqilar kuli tarkibida fosfor, kaliy, kalsiy, natriy, magniy, mis, sink, marganes, kobaltlar bor. Achitqilarda «B»guruhi vitaminlari ko'p (tiamin, riboflavin, pantoten kislota, xolin, piridoksin, biotin, inozit, foliy kislota), vitamin «D₂»ning provitaminini (ergosterin), shuningdek «E», «C» va boshqa vitaminlar bor.

Achitqilarning rivojlanishi uchun oziqa moddalar, havo kislorodi, optimal harorat kerak. Achitqilar oziq moddalarni achitiladigan masadan, kislorodni havodan, haroratni 25-30 °C darajada isitish yo'li bilan oladi. Achitish jarayoni 9-12 soat davom etadi.

Oziqalarni tanlash va tayyorlash. Achitqilar o'simliklardan olingan har xil oziqalarda rivojlanadi. Ayniqsa uglevodlarga boy va proteini kam oziqalar-kartoshka, lavlagi, oshqovoq, don va un ishlab chiqarish chiqindilari, pichanlarni ishlatgan yaxshi. Oziqa aralashma-

larida yetarli darajada uglevodlar, azotli moddalar va fosfor bo‘lishi lozim. Hayvonlardan olinadigan oziqalarni (go‘sht, qon, go‘sht-suyak uni), oshxonada chiqindilarini achitish kerak emas. Bunday muhitlarda chirituvchi mikroorganizmlar tez ko‘payadi. Kombikorm, jmix, dukkaklilarni toza o‘zini achitish kerak emas.

Achitishdan oldin oziqalarni yaxshilab tayyorlash kerak. Pichan maydalani, don chiqindilari tugiladi, kartoshka, lavlagi yuvilib maydalani.

Tarkibida eruvchi qand yetarli miqdorda bo‘lgan oziqalarni achitish ko‘proq samaralidir. Ko‘pgina konsentrangan oziqalarda (suli, arpa, makka, kombikorm) suvda eruvchi qand miqdori 2 % dan oshmaydi. Uni ko‘paytirish uchun oziqani solodlash, ya’ni solod (undirib yanchilgan bug‘doy, arpa) qo‘sish yo‘li bilan yem-xashak sifatini yaxshilash. Bunda fermentlar faoliyati aktivlashib, bir qism kraxmalni qandga aylantiradi. Uning miqdori 8-12 % ga yetadi. Oziqani solodlash $55\text{--}60^{\circ}\text{C}$ haroratda issiq xonada 3-4 soat davomida olib boriladi.

Oziqani achitishning 3 xil usuli bor: ko‘pchitib, ko‘pchitmay va ivitib achitish.

Ko‘pchitish usulida avval xamirturush ko‘pchitilib tayyorlanadi, keyin oziqa achitiladi. Ko‘pchigan xamirturushni tayyorlash uchun, presslangan achitqi suyultirilib oziqa bilan aralashtiriladi (1 % achitqi va oziqaining 5 chi qismi) va 6 soat davomida har 20-30 daqiqada aralashtirib turiladi. Keyin oziqaning qolgan qismi 2 barobar suv qo‘sib yana qayta aralashtiriladi va yana 3 soat turadi. Shu vaqt davomida vaqtiga bilan aralashtirilib tursa, achish jarayoni kechadi.

Ko‘pchitmay achitish usuli oziqaning hammasini birdan achitishdan iborat. Buning uchun 1 % zichlangan hamirturush iliq suvda suyultiriladi, oziqa va ikki miqdor suv bilan aralashtiriladi. Aralashma 8-10 soat davomida har 30 daqiqqa davomida aralashtirib turiladi. Shu vaqt ichida achitish jarayoni tugab, hayvonlarga berish mumkin bo‘ladi.

Hamirturush (achitqi) kam bo'lgan xollarda **ivitib achitish usuli** qo'llaniladi. Avval ivitqi tayyorlanadi, oziqa solodlanadi va u achi tiladi. Ivitqi tayyorlashni bir necha usullari bor, hammasi bir narsaga asoslanadi – 0,5 kg zichlangan xamirturush, kamroq miqdordagi yax shi achiydigan uglevodli oziqalarda (kepak, suli, arpa) 30-35°C dan past bo'limgan haroratda 5-6 soat davomida saqlanadi. Solodlangan oziqaga shuncha miqdorda suv va ivitqini yarmi qo'shiladi. Yaxshilab aralashtirib, yopiladi va 6 soatga iliq joyga qo'yiladi.

Achitqilarning o'sishi va ko'payishini nazorat qilish. Achitish jarayonida oziqa oziq moddalari bilan boyitiladi. 1 gr yangi navvoy chilik xamirturushida 10 mlrd dan ko'p achitqi hujayralari bor. Bunday quyuqlikda achitqilarda 45-60 % oqsil bo'lib, hayvon organizmi uni yengil o'zlashtiradi. Achitqi hujayralarning rivojlanishi uchun aniq harorat (25-30°C), havo, pH 3,8-4,2 gacha bo'lishi kerak. Agar havo yetishmasa oziqada 4-6 soatda spirt hosil bo'lishi kuchayadi va achish jarayonini pasaytirib, oziqada proteinning to'planishini to'xtatadi.

Laboratoriya sharoitida achitilgan oziqalardan achitishning boshida va oxirida namuna olib «Ezilgan tomchi» usulida preparat tayyorlanadi. Preparat tayyorlash uchun ilmoq bilan buyum oynasiga bir tomchi namuna olinadi. Yopqich oyna bilan yopib mikroskopning immersiya sistemasida, x90 obyektivda ko'rildi. Achitqi hujayralarini x40 obyektivda ham ko'rish mumkin.

Zamburug'larni mikroskopda ko'rib, sanash usuli bilan tek shiriladi. Achitishning boshida va oxirida achitqi hujayralarining soni e'tiborga olinadi.

Nazorat savollari:

1. Silosdagi mikroflorani aniqlash uchun namuna olish qoidasini aiting?
2. Silosni mikrobiologik tekshirish usulini aiting?
3. Silosning sifati organoleptik usulda qanday baholanadi?
4. Silosning pHni aniqlash usullarini aiting?

5. Silosda mikrobiologik jarayonlarning rivojlanish fazalariga tushuncha bering?
6. Achitqi zamburug'lari bilan oziqani achitishning mohiyatini tushuntiring?
7. Oziqalarni achitishda qanday achitqi zamburug'lari ishlataladi?
8. Achitqilarning rivojlanishi uchun qanday sharoitlar kerak?
9. Oziqani achitishning qanday usullari bor?
10. Achitqilarning o'sishi va ko'payishi qanday nazorat qilinadi?

Test savollari:

- 1. Siloslash asosan nimalarga bog'liq?**
 - a) harorat, namlik va o'simliklar turiga
 - b) osimlikni quritish darajasi, muhitiga
 - c) namlik, mikroblar bilan ifloslahish darajasiga
 - d) mikroblar bilan ifloslahish darajasiga va turiga.
- 2. Qanday mikroorganizmlar epifit mikrofloraga kiradi?**
 - a) Osimliklarning faqat bargida ko'payadiganlari
 - b) Osimliklarning yer usti qismida ko'payadiganlari
 - c) Osimliklarning yer osti qismida ko'payadiganlari
 - d) Osimliklarning faqat bandida ko'payadiganlari.
- 3. Epifitlar sog'lom o'simlik hujayrasiga kirib, uni zararlaydimi?**
 - a) Zararlaydi
 - b) Turini tanlab zararlaydi
 - c) Zararlamaydi
 - d) Faqat bargini zararlaydi.
- 4. Silosda mikroorganizmlarning maksimal miqdori qachon paydo bo'ladi?**
 - a) 3 kuni
 - b) 20 kuni
 - c) 10 kuni
 - d) 7 kuni.
- 5. Silosdag'i mikroorganizmlar soni va sifatini aniqlash uchun necha marta namuna olinadi?**
 - a) 3
 - b) 2

c) 1

d) 4.

6. Mikroskopik tekshirishda natija qanday bo‘lganda silos sifatli hisoblanadi?

a) bir-ikkita zamburug‘, kokklar ko‘rinsa

b) bir-ikkita tayoqcha, kokklar ko‘rinsa

c) bir-ikkita tayoqcha, achitqi ko‘rinsa

d) bir-ikkita spora, zamburug‘lar ko‘rinsa.

7. Siloslash jarayoni nechta fazada o‘tadi?

a) 4

b) 2

c) 3

d) 1.

8. Silosning pH –ni aniqlash natijasi qanday bo‘lsa silos sifatsiz hisoblanadi?

a) 3 ball va undan past baholansa

b) 4 ball va undan past baholansa

c) 5 ball va undan past baholansa

d) 6 ball va undan past baholansa.

9. Achitqilar oziqani nima bilan boyitadi?

a) Oqsil, vitamin, ferment

b) Vitamin, makro-, mikro elementlar

c) Ferment, gormon, ami nokislotalar

d) Toksin, oqsil, fermentlar.

10. Achitqilar tarkibida oqsil necha foizni tashkil etadi?

a) 18-22%

b) 48-52%

c) 20-25%

d) 3-5%.

11. Oziqani achitishni necha xil usuli bor?

a) 4

b) 5

c) 3

d) 2.

12. Oziqani achitishni qanday usullari bor?

- a) Ivitib, sovutib, ko'pchitib
- b) Ivitmay, ko'pchitib, quritib
- c) Ko'pchitimay, quruq, issiq
- d) Ko'pchitib, ko'pchitmay, ivitib.

13. Ko'pchigan xamirturushni tayyorlash uchun:

- a) 1 % achitqi va oziqaning 5 chi qismi aralashtiriladi
- b) 2 % achitqi va oziqaning 6 chi qismi aralashtiriladi
- c) 3 % achitqi va oziqaning 7chi qismi aralashtiriladi
- d) 4 % achitqi va oziqaning 8chi qismi aralashtiriladi.

14. Ko'pehitmay achitish usulida oziqaning hammasini birdan achitish uchun:

- a) 1 % zichlangan hamirturush iliq suvda suyultiriladi, oziqa va ikki miqdor suv bilan aralashtiriladi
- b) 3 % zichlangan hamirturush iliq suvda suyultiriladi, oziqa va uch miqdor suv bilan aralashtiriladi
- c) 5 % zichlangan hamirturush iliq suvda suyultiriladi, oziqa va to'rt miqdor suv bilan aralashtiriladi
- d) 7 % zichlangan hamirturush iliq suvda suyultiriladi, oziqa va ikki miqdor suv bilan aralashtiriladi.

15. Ivitib achitish usulida avval:

- a) ivitqi tayyorlanadi, oziqa solodlanadi va u achitiladi
- b) oziqa solodlanadi va u achitiladi, ivitqi tayyorlanadi
- c) oziqa achitiladi va solodlanadi, ivitqi tayyorlanadi
- d) ivitqi tayyorlanadi, oziqa solodlanadi va u achitiladi.

16. Oziqani achitish uchun eng yaxshi achitqi qaysi?

- a) pivo achitqisi
- b) non achitqisi
- c) vino achitqisi
- d) oziqa achitqisi.

20 -MAVZU.
SUT VA SUT MAHSULOTLARINI MIKROBIOLOGIK
TEKSHIRISH

Mashg‘ulotning maqsadi: Sutdagi mikroorganizmlar sonini hisoblash, koli-titrini aniqlash, reduktaza namunasini qo‘yish. Sut kislotali bakteriyalarning toza kulturasini ajratish.

Material va jihozlar: Petri kosachalar, 6 ta probipkada 9 ml dan steril suv, 1-2-10 ml li darajali pipetkalar, 3 xil sut namunasi, GPA, Suslo agar, mel qo‘shilgan Suslo agar, Kessler muhitni probirkalarda steril sut, glyukoza, katta 20ml sut uchun probirkalar, metilen ko‘ki, suv hammomi, termometr.

Uslubiy ko‘rsatmalar

O‘qituvchi darsni tushuntirib, talabalarga vazifa beradi:

1. Sut namunasidan ketma-ket suyultirmalar tayyorlab oziqa muhitlarga ekish.


2. Reduktaza namunasini qo‘yish.

Sut – sut emizuvchilar sut bezining sekreti. Mikroblar rivojlanishi uchun yaxshi oziqa muhit.

Sutdagi mikroorganizmlar miqdori va guruhini ekish yo‘li bilan aniqlash. Namuna olish. Sutni yaxshilab aralashtirgandan kein steril kolbagacha 500 ml sut olinadi. Namuna sovuq joyda +6°C haroratda saqlanadi. Namuna olgan zahoti yoki 4 soatdan kechiktirmay oziqa muhitlarga ekiladi.

Sutdan suyultirmalar tayyorlashdan avval unda taxminan qancha mikroblar borligini bilish kerak: alohida bir sigirdan olingan yangi sutning 1 mlda 10 000, yig‘ilgan sutda 100 000, sut zavodida yig‘ilgan sutda 100 000 dan 100 000 mikroblar bo‘ladi. Sut tarkibidagi mikroblar miqdori qancha ko‘p bo‘lsa, suyultirish darajasi shuncha yuqori bo‘lishi kerak. Lekin oxirgi suyultirmada 1-10 ta tirik mikrob hujayralari qolishi kerak.

Suyultirma tayyorlash uchun 9 ml dan steril suvi bor 7 ta probirka raqamlanadi. birinchisiga steril pipetka bilan 1 ml sut namunasini quyib aralashtiriladi 1:10 nisbat hosil bo'ladi. Shu tarzda 1:1000000 gacha ketma-ket suyultirmalar tayyorlanadi.



155-rasm. Sut va sut mahsulotlarini laboratoriya da tekshirish.

Quyidagi oziqa muhitlarga ekiladi:

GPA Petri kosachasida – chirituvchi mikroflorani aniqlash uchun II, III, IV aralashmdan;

Suslo agar Petri kosachasida – mog'or va achitqilarni aniqlash uchun I,II,III aralashmdan;

Steril sut probirkalarda - sut kislotasi hosil qiluvchi. III,IV,V,VI,- VII aralashmdan;

Laktoza – gaz hosil qiluvchi (ichak) bakteriyalarini. I,II,III,IV, V, VI aralashmdan;

Ekmalar Petri kosachasidagi GPA termostatda 37°C, Suslo agar 25-28°C haroratda 2-3 sutka o'stiriladi. Sut va laktozali probirkadagi ekmalar termostatda 30-40°C haroratda o'stiriladi.

Sutni mikroblar bilan ifloslanganligini aniqlash uchun reduktaza namunasini qo'yish.

1. *Metilen ko'ki bilan sinash.* Reduktaza bu mikroorganizmlar ajaratadigan ferment bo'lib, metilen ko'kini rangsizlantirish xususiyatiga ega. Tekshirilayotgan sutda mikroorganizmlar qancha ko'p bo'lsa, ferment miqdori shuncha ortadi. Sutning mikroblar bilan oz yoki kop ifloslanganligini aniqlash aynan shunga asoslangan.

Metilen ko'kining ishchi eritmasini tayyorlash. Avval bo'yoqning to'yingan spirtli eritmasi tayyorlanadi: 10 g metilen ko'ki 100 ml 96° etil spirti bilan aralashtiriladi. Eritma 1 sutka termostatda 37° Cda saqlanadi, filtrlanadi. Ushbu to'yingan eritmaning 5 ml ga 195 ml distillangan suv aralashtiririb metilen ko'kining ishchi eritmasi tayyorlanadi.

5-jadval

Sutning rangsizlanishi va bo'yalishi bo'yicha sifatini baholash

Sinf	Sutning sifat bahosi	Sutning rangsizlanish davomiyligi	1 ml sутдаги микроблар миқдори
I	Yaxshi	5,5 soatdan keyin	500000dan kam
II	Qoniqarli	2 soatdan 5,5 soatgacha	500000 dan 4mln. gacha
III	Yomon	20daq.dan 2 soatgacha	4mln.dan 20mln.gacha
IV	Juda yomon	20 daqiqagacha	20 mln va undan ortiq

Reaksiyani qo'yish. Bakteriologik probirkaga 1 ml metilen ko'kining ishchi eritmasi va 20 ml sut namunasini quyib rezina tiqin bilan yopiladi. Ohista aralashtirib 38-40°C li suv hammomiga qo'yiladi. Sutning rangsizlanishi 20 daqiqa, 2 soat va 5,5 soatdan keyin hisobga olinadi. Rangsizlanish vaqtiga bog'liq ravishda sut 4 sinfga bo'linadi (5-jadval).

Metilen ko'ki bilan sutni tekshirishni tezlashtirilgan usuli. Steril probirkalarga 1 ml metilen ko'kining ishchi eritmasi va 10ml

sut namunasini quyib rezina tiqin bilan yopiladi. Ohista aral-ashtirib 38-40°C li suv hammomiga qo'yiladi. Sutning rangsizlanishi 5,10,15 daqiqadan keyin hisobga olinadi. Bu vaqtida sutning rangsizlanishi, uning 1 ml da 10 millionlab mikroorganizmlar borligini ko'rsatadi.

Mikroblarni bevosita mikroskopda sanash

Drayer – Korolev usuli. Bu usul standart suspenziyadagi hujayralar bilan tekshirilayotgan sutdagi mikroblar sonini taqqoslashga asoslangan. Standart bu biror mikrobning (masalan, achitqi) fiksatsiya qilingan, o'ldirilgan aralashmasi bo'lib, uning 1 ml da 10 mln hujayra bor. Yaxshilab silkitib 1 ml dan standart va sut namunasini olib aralashtiriladi. Yog'sizlantirilgan buyum oynachasiga bir tomchi aralashma yoyib surtiladi. Qotirib, bo'yagandan keyin mikroskopning 10 – 20 ta ko'rish maydonida standart hujayra va boshqa mikroflora alohida sanaladi. Keyin mikrob hujayrasining o'rtacha soni standart mikrobning o'rtacha soniga taqqoslab aniqlanadi.

Masalan: 20 ta ko'rish maydonida 60 ta standart hujayra va 80 ta mikrob hujayrasi aniqlandi. 1 ml standartda 10 mln hujayra bo'lsa, 1 ml tekshirilayotgan sut namunasida taxminan 13 mln hujayra bo'ladi.

$$X = 80 \times 10^7 : 60 = 13 \cdot 10^6.$$

Sutda mikroblarning umumiyligi miqdorini aniqlash

Har bir mikrob hujayrasi zinch oziq muhitda koloniya hosil qiladi. Tekshirilayotgan sutdagi mikroblar miqdorini Petri kosachalaridagi zinch oziqa muhitda o'sib chiqqan koloniyalarini sanash bilan hisoblanadi.

Agar ko'p koloniyalar o'sgan bo'lsa sanash qulay bo'lishi uchun kosacha bir nechta sektorlarga bo'linadi. Sutning har xil suyultirish darajasidagi ekmalaridan koloniyalar sanaladi. Sanash natijalarini taqqoslab, koloniyalarining o'rtacha soni aniqlanadi. 1 ml sutdagi

mikroblar soni umumiy koloniylar miqdorini sutning suyultirish dajaranisiga ko‘paytmasiga teng.

1 ml sutda qancha mikrob borligi uni steril yog‘i olinmagan yoki olingen sutga ekkanda uni ivishiga qarab hisoblanadi.

Masalan: agar birinchi beshta probirkalarda ivisa, 1 mlda 100 ming mikrob hujayra bor, birinchi oltita probirkalarda ivisa, 1 mlda 1 mln. mikrob hujayra bor.

Sutning koli-titrini aniqlash

Sutning koli-titri Kessler muhitida aniqlanadi. Uning tarkibida sut kislotali va boshqa grammusbat mikroblarni o‘sishdan to‘xtatuvchi moddalar bor – o‘t suyuqligi, gensian violet bo‘yog‘i.

Sut yoki sut mahsulotlari avval 1:10, 1:100 va h.k. nisbatlarda suyultiriladi. Keyin Kessler muhitni bor oltita probirkadan uchta-siga 1 mldan, qolganlariga – 0,1 ml har bir suyultirmadan solib ekiladi. Ekmalar 43°C haroratda termostatga ikki sutka qo‘yiladi. Oltita probirkaning hammasida gaz hosil bo‘lmasa mahsulotning tozaligidan dalolat beradi, va uning koli-titri 3 mldan yuqori hisoblanadi; 1 ml ekilgan probirkaning bittasida gaz hosil bo‘lsa, koli-titr 3 mlga teng; birdan optiq 0,1 ml ekilgan probirkalarda gaz hosil bo‘lsa koli-titr 0,3 ml; olti yoki beshta probirkalarda gaz hosil bo‘lsa koli-titr 0,3 mldan kam hisoblanadi. Bunday sut iste’molga yaroqsiz bo‘ladi.

Ichak tayoqchasi Endo muhitida identifikatsiya qilinadi (qiyoslanadi). Gaz hosil bo‘lgan probirkalardan unga ekib, bir sutka 37°Cda termostatda o‘stiriladi. Endo muhitida qizil rangli qoramitir tovlandigan xarakterli koloniyalarning paydo bo‘lishi ichak tayoqchasi borligini bildiradi. Koloniyalardan surtmalar tayyorlab, Gram usulida bo‘yaladi, mikroskopda ko‘riladi va kulturadan laktozali Gissa muhitiga ekiladi.

Tarkibidagi mikroblar miqdori va ichak tayoqchasi titri bo‘yicha pasterizasiyalangan sut ikki guruhga bo‘linadi: A va B (6-jadval).

Sigir sutining mikrobiologik tasnifi

Sut pasterizatsiyalangan	1 ml suda umumiy mikroblar soni	Ichak tayoqchasining titri. ml
Butilka va paketlarda:		
Guruh A	75 000	3
Guruh B	150 000	0,3
Flyaga va sisternalarda	300 000	0,3

Sut kislotali bakteriyalarning toza kulturasini ajratish. Sut kislotali bolgar tayoqchalarini ajratish uchun prostokvashadan ilmoqda olib steril sutga ekiladi. 40-45°Cda termostatda o'stiriladi. Ikki sutkadan keyin sut ivigan probirkalardan surtmalar tayyorlab, mikroskopda ko'riladi.

Nazorat savollari:

1. Sutdagi mikroorganizmlar miqdori va guruhini aniqlash usulini ayting?
2. Sutni mikroblar bilan ifloslanganligini reduktaza namunasida aniqlash.
3. Sutda mikroblarning umumiy miqdori qanday aniqlanadi?
4. Mikroblarni bevosita mikroskopda sanash usulini ayting?
5. Sutning koli-titrini aniqlash usulini ayting?
6. Sutga ta'rif bering?
7. Sut kislotali bakteriyalarning toza kulturasini ajratish.
8. Sigir sutining mikrobiologik tasnifiga tushuncha bering?

Test savollari:

1. **Sut bu nima?**
 - a) Ichki sekretsiya bezi mahsuloti
 - b) Sut emizuvchilar sut bezining sekreti
 - c) Diyetik to'yimli ichimlik
 - d) Alveolalar oqimida to'planadigan suyuqlik.
2. **Olingan sut namunasi necha vaqtda oziq muhitga ekiladi?**
 - a) olgan zahoti, 5 soatdan kechiktirmay

- b) olgan zahoti, 6 soatdan kechiktirmay
- c) olgan zahoti, 4 soatdan kechiktirmay
- d) olgan zahoti, 7 soatdan kechiktirmay.

3. Sutni suyultirish uchun qancha nisbatgacha ketma-ket suyul-tiriladi?

- a) 100 000
- b) 10 000
- c) 1000
- d) 1 000 000.

4. Reduktaza namunasini qo'yishda qaysi bo'yoq ishlatiladi?

- a) metilen ko'ki
- b) asosli fuksin
- c) gensianviolet
- d) brilliant yashili.

5. Reduktaza namunasini qo'yishda sutning rangsizlanishi necha daqiqadan keyin hisobga olinadi?

- a) 20,30,35
- b) 5,10,15
- c) 3,7,10
- d) 20,25,30.

6. Sutdagi mikroblarni mikroskopda sanash qaysi usulda bajariladi?

- a) Krotov
- b) Alikayev
- c) Drayer-Korolyov
- d) Kox.

7. Keyssler muhitida sut kislotali va boshqa grammusbat mikroblarni o'sishdan to'xtatuvchi qanday mikroblar bor?

- a) safranin va streptomisin
- b) brilliant yashili va glitserin
- c) asosli fuksin va andrade
- d) o't suyuqligi va gensianviolet bo'yog'i.

8. Tarkibidagi mikroblar miqdori va ichak tayoqchasi titri bo'yicha pasterizasiyalangan sut necha guruhga bo'linadi?

- a) 2
- b) 3
- c) 4

d)5.

9. Butilka va paketlarda pasterizatsiyalangan A guruhiga kiradigan sutning 1 ml da umumiy mikroblar soni va ichak tayoqchasining titri qancha bo'ladi?

- a) 50 000, 4
- b) 75 000, 3
- c) 25 000, 2
- d) 15 000, 1.

10. Butilka va paketlarda pasterizatsiyalangan B guruhiga kiradigan sutning 1 ml da umumiy mikroblar soni va ichak tayoqchasining titri qancha bo'ladi?

- a) 50 000, 2
- b) 75 000, 3
- c) 150 000, 0,3
- d) 25 000, 0,3.

11. Flyaga va sisternalarda pasterizatsiyalangan sutning 1 ml da umumiy mikroblar soni va ichak tayoqchasining titri qancha bo'ladi?

- a) 50 000, 2
- b) 75 000, 3
- c) 25 000, 0,3
- d) 300 000, 0,3.

12. Sut kislotali bakteriyalarning toza kulturasini ajratish uchun namuna qaysi oziq muhitga ekiladi?

- a) steril sutga
- b) qon zardobiga
- c) GPB, GPA larga
- d) Endo, Levin muhitlariga.

21-MAVZU. GO'SHT, TUXUMNI MIKROBIOLOGIK TEKSHIRISH

Mashg'ulotning maqsadi: Yangi va buzilgan go'shtni yuza va chuqur qatlamlaridan surtma tayyorlab mikroskopda tekshirish. Go'shtni oziq muhitlarga ekib mikroblarning umumiyligi sonini aniqlash. Go'shtning pH ni, Nessler reaktivini bilan ammiakni aniqlash. Sifati buzilgan tuxumni mikroflorasi bilan tanishish. Ovoskopda tekshirish va tuxumni suvga solish namunasini qo'yish.

Material va jihozlar: Sifati yaxshi (№1) va buzilgan (№2) go'sht namunalari, qaychi, pinset, scalpel, gensianviolet, lyugol, etil spirti 96°, sil fuksini, spirt lampasi, bakteriologik ilmoq, kyuveta ko'prikchasi bilan, distillangan suv, mikroskop, immersion moy, buyum oynasi, filtr qog'oz, Nessler reaktiv, benzidinning 0,2 % eritmasi, spirt lampasi, yangi va eskirgan tuxum namunalari, ovoskop, stakanda suv, GPB, GPA, Saburo oziq muhitlari, mavzuga oid plakatlar.

Uslubiy ko'rsatmalar

O'qituvchi darsni tushuntirib, talabalarga vazifa beradi:

1. Go'shtdan surtma tayyorlab Gram usulida boyash va mikroskopda ko'rib natijasini daftarga yozish. Go'sht namunalari dan suspenziya, ekstraktlar tayyorlab GPA ga ekish, go'shtning pH ni aniqlash.
2. Ovozkopda tuxumni tekshirish.
3. Tuxumni suvga solish namunasini qo'yish.
4. Sifati buzilgan tuxumdan surtma tayyorlab Gram usulida bo'yash, mikroskopda ko'rish.

Go'shtning mikroblar bilan ifloslanganligini, unda har xil mikroblar – kasallik qo'zg'atuvchilarini, go'sht iste'molgayaroqliliginini aniqlash uchun mikrobiologik tekshiriladi. Go'sht avval organoleptik tekshiriladi, keyin uning yangiligiga bog'liq ravishda undan surtmalar tayyorlab mikroskopik tekshiriladi va GPB, GPA larga ekiladi.

Sog'lom hayvonlardan olingan go'shtda odatda, mikroorganizmlar bo'lmaydii. Ammo qulay sharoitlarda go'sht mikroorganizmlar bilan endogen va ekzogen zararlanishi mumkin. Go'sht mikroorganizmlarning yashashi va rivojlanishi uchun yaxshi oziq muhit hisoblanib mikroorganizmlar go'shtning sifatini buzadi.

Go'shtni mikroorganizmlar ta'sirida buzilishi. Go'shtni chisheri uning yetlishidan keyin boshlanadi. Bunda anaerob va aerob mikroorganizmlar ishtirok etib, oqsil moddasini zaharli moddalarga (NH_3 va N) parchalaydi. Go'shtda mikroorganizmlar ta'sirida buzilishlar ro'y berganda, uning rangi, xidi ta'mi va konsistensiyasi o'zgaradi (156-rasm).

Go'shtning pigmentatsiyasi. Pigment (rang) hosil qiluvchi bakteriyalar go'shtning ustki qatlamida rivojlanadi. Ular sariq, ko'k, qizil, ranglar hosil qiladi. Ular zaharli moddalar ishlab chiqarmaydi.

Go'sht mahsulotlaridan zaharlanish 2 guruhga bo'linadi. Toksikoinfeksiya va toksikozlar. Toksikoinfeksiyalarni salmonella guruhidagi bakteriyalar, shartli patogen mikrofloralar va kokklar keltirib chiqaradi. Toksikozlarni esa faqat mikroorganizmlar ajratib chiqargan zaharlari qo'zg'atadi.



156-rasm. Mikroorganizmlar paydo qiladigan go'shtning kamchiliklari.

Mikroskopiya. Kamida 3 ta 1 – 1,5 sm li yuza qavatdan va 3 – 3,5 sm li ichkari qavatdan surtma olish lozim. №1, №2 go'sht namunalarining: 1) yuza qismidan tamg'ali surtmalar tayyorlanadi. Buning uchun steril qaychi bilan bir bo'lak go'shtni kesib, shu tomoni tayyor steril buyum oynasiga yengilgina bosib olinadi. 2) go'shtning ichki chuqur qatlamidan surtma tayyorlanadi. Avval qizdirilgan shpatel go'shtning ustiga bosib olinadi, keyin chuqurroq joyidan bo'lakchani kesib, steril buyum oynasiga yengilgina bosib olinadi. Preparatlar havoda quritiladi, spirt lampasi alangasida qotiriladi,sovugach Gram usulida bo'yab, mikroskopda ko'rildi. Kamida beshta ko'rish maydonida sharsimon va tayoqchasimon bakteriyalar sanaladi. Sanalgan barcha mikroblar sonini qo'shib, ko'rilgan maydon soniga bo'linsa, mikroblarning o'rtacha miqdori aniqlanadi.

Natijani hisobga olish

Nihoyatda yangi, sovutilgan go'sht – oynada to'qima tamg'alarini deyarli yo'q, surtma bo'yalgani bilinmaydi. Go'sht yuzasidan tayyorlangan surtmada bir, ikkita tayyoqchalar ko'rindi. Chuqur qatlamidan tayyorlanganida mikroblar bo'lmaydi.

Shartli yaroqli go'sht – surtmalar yaxshi bo'yalgan, chunki to'qima suvida ko'p zikh moddalar bor (to'qima buzilishining boshlanishi). Ko'rish maydonida kokklar va uncha ko'p bo'limgan tayyoqchalar bor.

Eskirgan go'sht – surtma kuchli bo'yalgan, chunki unda ko'p miqdorda buzilgan to'qimalar bor. Ko'rish maydonida kokklar va tayyoqchalar juda ko'p. Kuchli chirishda kokklar deyarli bo'lmaydi, tayyoqchasimon bakteriyalar uchraydi,

Go'shtda mikroblarning umumiyligi sonini aniqlash

Har bir go'sht namunasidan steril qaychi bilan 1-2 g kesib, steril boksga solinadi va o'chanadi. Steril hovoncada to'qmoqcha bilan ezib 10 ml steril suvda suspenziya tayyorlanadi. Steril Petri kosacha-

lariga 1 ml suspenziya va 10-12 ml eritib 45°C gacha sovutilgan GPA quyiladi. Uni aylanma harakatlar bilan aralashtirib, zichlashgunicha qoldiriladi. Kocachalarni teskari to‘nkarib termostatga 37°Cga bir sutka qo‘yiladi. 1 g go‘shtdagi mikroblar sonini aniqlash uchun unib chiqqan koloniyalar soni suyultirish darajasiga ko‘paytiriladi.

Vodorod ionlari miqdorini aniqlash (pH)

Ekstrakt filtrati tayyorlanadi – pay va yog‘siz toza go‘shtdan 10 g o‘lchab olinadi. Mayda kesiladi va 100 ml distillangan suv quyib, silkitib aralashtiriladi. Har 5 daqiqada chayqatilib turiladi. 15 daqiqadan so‘ng qog‘oz filtrda filtrlanadi. Ekstrakt filtrat kalorimetrik usulda paranitrofenol bilan tekshiriladi.

Natija – yangi go‘shtda pH 5,9-6,4; gumonlida – 6,6; yaroqsizida – 6,7 va undan yuqori.

Nessler reaktivini bilan ammiakni aniqlash (tomchili usul)

Ikkita probirka olib bittasiga 1 ml go‘sht ekstrakti filtrati, ikkinchisiga 1 ml distillangan suv quyiladi. Probirkalarga Nessler reaktivini tomchi bilan qo‘shiladi. Har bir tomchini qo‘shgandan so‘ng rangining o‘zgarishi va cho‘kmaning hosil bo‘lishi hisobga olinib, + lar bilan belgilanadi (jadval 7).

Nessler reaktivini tayyorlash. 5g kaliy yodid 5 ml issiq distillangan suvda eritiladi. 15g KOH 40 ml distillangan suvda eritiladi. Eritmalarni aralashtirib unga 1-2 ml to‘yingan sulema eritmasi qo‘shiladi. Sovuganidan keyin distillangan suv qo‘shib hajmi 100 mlga yetkaziladi.

Benzidin sinov reaksiyasida go‘shtekstrakti filtratidan probirkaga 2 ml olib unga 5 tomchi benzidinning 0.2%li spirtli eritmasi va 2 tomchi 1%li vodorod peroksidi qo‘shiladi, silkitib aralashtiriladi. Natijani hisobga olish:

1. Sifatli go‘sht – aralashma 0.5-1.5 minutda ko‘k-yashil rangga kiradi.

2. Sifati gumanli, shartli yaroqli go'sht - aralashma ko'k-yashil rangdan asta-sekin to'q qo'ng'ir rangga o'zgaradi.

3. Sifatsiz go'sht – aralashma bo'yalmaydi.

7-jadval

Nessler reaktivini orqali ammiakni aniqlash (V.Yu. Volfers bo'yicha)

Reaktiv tom-chilar soni	Rangi o'zgarishi, Cho'kma hosil bo'lishi	Ammiak mg/ml hisobida (taxminan)	Reaksiya bahosi	Go'shtning sifati
10	Rangi o'zgarmagan, loyqalanih, cho'kma yo'q	16 gacha	-	Yangi
10	Rangi sariq, biroz loyqa, cho'kma yo'q	16 - 20	+ -	Buzila bosh-lagan, go'shtni saqlash mumkin emas
10	Rangi sariq, biroz loyqa, kamroq cho'kma bor	21 - 30		Shartli yaroqli, go'shtni tozalab, tezda ishlatish kerak
6 - 9	sariq, yoki sabzi rang, qizilroq, cho'kma	31 - 45	++	Iste'molga yaroqsiz, texnik utilizasiya qilinadi
1 - 5	Rangi sariq, yoki qizilroq, cho'kma	45 dan ortiq	+++	

Tuxum mikroflorasi. Tuxum 3 ta asosiy qism: oqsil, sarig'i va po'stloq osti g'ilof hamda po'stloqdan iborat. Parranda tuxumi vitaminlarga boy oziqa hisoblanadi. 100 gram tuxum sarig'ida 2500 – 5000 mkg vitamin A – (retinol), 3,5 – 12,5 mkg vitamin D, 200 mkg – vitamin B₂ (tiamin), 600 mkg vitamin B₁ (riboflavin) mavjud. Tuxum oqsillar, yog', uglevodlar, mineral moddalar, suvdan, po'stlog'i esa 90 % kalsiy fosforidan iborat. Tuxum oqsilining tabiiy xususiyatlari pasayishi natijasida uning po'chog'idagi mikroorganizmlar ichiga kirib turli xil buzilishlarni hosil qiladi. Bunday tuxumlar kasallik

infeksiyalarini tarqatuvchi manba bo'lib, hisoblanadi va odamlarda taksikoinfeksiyani qo'zg'atadi.

Tuxumga mikroblar faqat uning shakllanish vaqtida emas, saqlash vaqtida ham tushadi. Tuxum po'stloq bilan himoyalangan bo'lib, unda diametri 4-10 mkmli teshiklari bor. Po'stloqning 1 sm² da ularning miqdori: tuxum yo'nalishida 147, go'sht yo'nalishida – 132 ta. Mikroblar shu teshiklardan tuxumning ichiga kiradi. Harorat va namlikning ortishi bunga ko'proq imkon beradi. Sifati buzilgan tuxumda vulgar protei, ichak tayoqchasi, zamburug', achitqi va h.k. mikroorganizmlar topiladi. Tuxum oqsili mikroorganizmlarning rivojlanishi uchun juda yaxshi oziqa muhit. Ko'pincha eski, uzoq saqlash natijasida himoya kuchi kamayib, lizosimi neytrallangan tuxumlar zararlanadi. Yangi tuxumda tabiiy immunitet bo'ladi. Lizosim miqdori tovuq tuxumining oqsilida ko'p (5,71 mg/ml), suvda suzuvchilarda kamroq: o'rdak (1,80 mg/ml), g'oz (0,38 mg/ml). Tovuq oqsilida mikroblarning rivojlanishi mahsulotlarning buzilishiga olib keladi. Bunday tuxumlarni ovoskopda tekshirganda qora dog', nuqta shaklida koloniya ko'rindi.

Ayniqsa suvda suzuvchi parrandalar (o'rdak, g'oz) tuxumlari xavfli, ko'pincha salmonella, mikobakteriya va boshqa infektion kasallik qo'zg'atuvchilari bilan zararlangan bo'ladi. Shuning uchun ularni faqat qandolat mahsulotlarini ishlab chiqarishda 13 -14 daqiqa qaynatib pishirgandan keyingina qo'llashga ruxsat etiladi.

Mikroorganizmlar ta'sirida tuxumning buzilishlari


Mog'orlash – mog'or zamburug'lari havo kamerasi yaqinida koloniyalar hosil qilib yorug'lik o'tkazmaydi, har xil qora, ko'k, qo'ng'ir, ko'kimtir dog'lar hosil bo'ladi. Giflar zich to'r hosil qiladi, oqsil eriydi. Ko'pincha *Penicillium*, *Aspergillus*, *Cladosporum* avlodi vakillari uchraydi.

Tuxumning chirishi – ammonifikatorlanir proteolitik fermentlari ta'sirida oqsil chirib parchalanadi, natijada ammiak, vodopod sulfid va boshqa gazlar hosil qiladi. Bunday gazlar po'stloqni yorilishiga

olib keladi, tuxum oqib atrofidagi boshqa tuxumlarni mikroblar bilan zararlaydi. Zararlangan tuxum oqsili suyuq-yashil, qora ba'zan sariq rangda. Ulardan *Pseudomonas*, *Proteus*, shuningdek, esherixia, salmonella, pichan tayoqchasi, sarsina va h.k.lar ajratiladi.

Tuxumning yangiligini aniqlash:

Ovoskopiya – o'tuvchi yorug'likda ovoskop yordamida tuxumni ko'rish. Ovoskop bu ustida tuxumlarni joylashtirish uchun teshiklari bor yashik. Ichida yorug'lik manbai – elektr lampochkasi o'rnatilgan moslama. Qorong'i xonada bajarish samarali natija beradi. Yorug'lik manbai kuchli bo'lsa tabiiy yorug'likda ham ishlash mumkin.




157-rasm. Ovoskopiya usulida tuxumni tekshirish.

Yangi tuxumning havo kamerasi kichik, dog‘lari yo‘q, sarig‘i markazida joylashgan bo‘ladi. Biroz eskirgan tuxumda dog‘ va yorilish hosil bo‘ladi. Eskirgan tuxumdan yorug‘lik faqat havo kamerasidan o‘tadi.

Tuxumni suvgan solish namunasini qo‘yish. Tuxumni o‘tmas tomonidan ehtiyyotlik bilan stakandagi suvgan solinadi. Bunda eski, sifati buzilgan tuxum turib qoladi yoki qalqib chiqadi. Yangi tuxum – stakan tubida yotadi.

Tuxumni mikrobiologik tekshirish

Eski, sifati buzilgan tuxum ichidagi massadan (oqsili va sarig‘idan alohida) surtma tayyorlab Gram usulida bo‘yaladi. Mikroskopda ko‘rib mikroblarning tarkibi va miqdori bo‘yicha tuxumda kechayotgan jarayonlar haqida mulohaza qilinadi. GPB, GPA, Saburo muhitlariga ekiladi va termostatda o‘stiriladi.



158-rasm. Tuxumni tekshirishga tayyorlash.

Nazorat uchun savollar:

- 1. Go'stni mikrobiologik tekshirish usullarini ayting?**
2. Go'shta mikroblarning umumiy soni qanday aniqlanadi?
3. Goshning pH ni aniqlash usulini ayting?
4. Nessler reaktiv bilan ammiakni aniqlash (tomchili usul).
5. Benzidin sinov reaksiyasida go'shtning sifatini aniqlash.
- 6. Tuxumni yangiligini aniqlash usullari qanday?**
7. Mikroorganizmlar tufayli tuxumda qanday buzilishlar kuzatiladi?
8. Nima uchun suvda suzuvchi parrandalar (o'rdak, g'oz) tuxumlari xavfli hisoblanadi?
9. Tuxumni tekshirishning mikrobiologik usullari.

Test savollari:

- 1. Go'sht nima maqsadda mikrobiologik tekshiriladi?**
 - a) pH, rangini aniqlash
 - b) mikroblar bilan ifloslanganligi, kasallik qo'zg'atuvchisini, iste'molga yaroqlilagini aniqlash
 - c) iste'molga yaroqlilagini, biokimyoviy ko'rsatkichlarini aniqlash
 - d) biokimyoviy ko'rsatkichlarini, harorat, namlik darajasini aniqlash.
- 2. Go'sht mikrobiologik tekshirishdan avval qaysi usulda tekshiriladi?**
 - a) patanatomik
 - b) ovoskopik
 - c) organoleptik
 - d) mikroskopik.
- 3. Go'sht namunalarini mikroskopik tekshirish uchun uning qayeri-dan surtmalar tayyorlanadi?**
 - a) yuza qatlidan
 - b) ichki chuqur qatlidan
 - c) o'rta qatlidan.
 - d) yuza va ichki chuqur qatlidan
- 4. Yangi go'shtni mikroskopik tekshirish natijasi qanday bo'ladi?**
 - a) surtma yaxshi bo'yalmaydi, yuzasidan tayyorlanganlarida bir, ikkita tayoqchalar ko'rindi, chuqur qatlamida bo'lmaydi

b) surtma yaxshi bo'yalgan, yuzasidan tayyorlanganlarida bir, ikkita tayoqchalar ko'rindi, chiqur qatlamida bir, ikkita tayoqchalar bo'tadi

c) surtma yaxshi bo'yalgan, yuzasidan tayyorlanganlarida bir, ikkita tayoqchalar, kokklar ko'rindi

d) surtma kuchli bo'yalgan, kakk va tayoqchalar juda ko'p.

5. 1 g go'shtdagি mikroblar soni qanday hisoblanadi?

a) unib chiqqan koloniylar soni suyultirish darajasiga ko'paytiriladi

b) unib chiqqan koloniylar soni suyultirmalar soniga ko'paytiriladi

c) unib chiqqan koloniylar soni suyultirish soniga qo'shiladi

d) unib chiqqan koloniylar soni suyultirish darajasiga bo'linadi.

6. Go'shtning pH ni aniqlashda ekstrakt qaysi usulda tekshiriladi?

a) fotoelektrokalorimetrik usulda, paranitrofenol bilan

b) uolpol komparatorida, metanitrofenol bilan

c) kalorimetrik usulda, paranitrofenol bilan

d) kalorimetrik usulda, metilen ko'ki bilan.

7. Benzidin sinov reaksiyasi natijasida sifatsiz go'sht qanday bo'la-di?

a) aralashma ko'k yashil rangga kiradi

b) aralashma qo'ng'ir rangga kiradi

c) aralashma yengil bo'yaladi

d) aralashma bo'yalmaydi.

8. Nessler reaktivining tarkibi qaysi bandda to'g'ri berilgan?

a) KJ, KOH, sulema

b) Fenol, NaOH, sulema

c) sulema, eozin, NaOH

d) sulema, kbzol, KOH.

9. Tuxumning mikrob bilan zararlanishiga chidamliligining sababi nimada?

a) Tuxum oqsilini ko'pligi

b) Tuxum oqi tarkibida lizosim borligi

c) Tuxum sarigida faol moddalar borligi

d) Tuxumda makro-, microelementlar borligi.

10. Qaysi parrandaning tuxumida lizosim moddasi ko'p?

a) O'rdak

b) G'oz

- c) Tovuq
- d) Kurka.

11. Tovuq tuxumi oqining lizosim miqdori qancha?

- a) 0,2 mg/ml
- b) 0,38 mg/ml
- c) 1,8mg/ml
- d) 5,7 mg/ml.

12. Tuxumning chirishi bu:

- a) Mikrobynning proteolitik fermentlari ta'sirida tuxum oqsilining pachalanishi
- b) Mikrobynning proteolitik fermentlari ta'sirida tuxum sarig'inining pachalanishi
- c) Mikrobynning proteolitik fermentlari ta'sirida tuxum qobig'inining pachalanishi
- d) Mikrobynning proteolitik fermentlari ta'sirida tuxum po'stlog'inining pachalanishi.

13. Zararlangan tuxumlar qancha vaqt qaynatiladi?

- a) 20-25 daqiqa
- b) 13-14 daqiqa
- c) 30-35 daqiqa
- d) 5-10 daqiqa.

14. Ovoskopda yangi tuxumning ko'rinishi qanday bo'ladi?

- a) havo kamerasi katta, dog'li, sarig'i markazida joylashgan
- b) havo kamerasi kichik, dog'lari yo'q, sarig'i aralash joylashgan
- c) havo kamerasi kichik, dog'lari yo'q, sarig'i markazida joylashgan
- d) havo kamerasi katta, dog'lari ko'p, sarig'i markazida joylashgan.

15. Tuxumni stakandagi suvga solish namunasida sifatsiz tuxum...

- a) tezda sinib, sarig'i oqadi
- b) po'stlog'inining rangi o'zgaradi
- c) stakan tubida yotadi
- d) turib qoladi yoki qalqib chiqadi.

16. Tuxumni stakandagi suvga solish namunasida yangi tuxum...

- a) stakan tubida yotadi
- b) tezda sinib, sarig'i oqadi
- c) po'stlog'inining rangi o'zgaradi
- d) turib qoladi yoki qalqib chiqadi.

ATAMALAR

O'zbek tili	Ingliz tili	Rus tili	Ma'nosi
Achitqilar (drojji)	Yeasts (drojji)	Дрожжи	Xaltali zamburug'lar sinfiga kiradi. Ular miscliyasiz bir hujayrali kurtaklanadigan yumaloq yoki oval shaklli zamburug'lar.
Aktinomisetlar	Aktinomisety	Акти- номицеты	(grekcha – <i>actis</i> – nur, <i>mykes</i> – zamburug') – nursimon zamburug'lar. Bir hujayrali grammusbat mikroorganizmlar. Bu guruhning 8 ta oilasi <i>Actinomycetales</i> qatoriga kiradi.
Autotrof	Autotrophs	Аутотроф	(<i>autos</i> -o'zim, <i>trophe</i> -oziqlanish) fotosintez yoki hemosintez jarayonida noorganik moddalardan organik birikmalarini hosil qiluvchi mikroorganizmlar.
Agar-agar	Agar-agar	Арап-арап	Dengiz suv o'tlaridan olinadigan azotsiz organik modda, oziq muhitni zich holatga keltiradi.
Aerob mikroblar	Aerobic microorganisms	Аэробные микро- организмы	(grek. – <i>aer</i> -havo, <i>bios</i> -hayot) – atmosferadagi erkin kislородни o'zlashtirib organik va anorganik moddalarni biologik oksidlاب yashab rivojlanadigan organizmlar.
Anaerob mikroblar	Anaerobic microorganisms	Анаэробные микро- организмы	(<i>an</i> -inkor, <i>aer</i> -havo, <i>bias</i> -hayot) erkin kislород bo'limgan muhitda yashaydigan mikroorganizmlar.
Antagonist bakteriyalar	Antagonistic bacteria	Анtagонис- тические бактерии	Tabiatda, tuproqda bo'ladigan jarayonlarda, ayniqsa kasallik qo'zg'atuvchi mikroblarga qarshi kurashishda muhim ahamiyatga ega.

Aktivator mikroblar	Microbial activators	Микробы активаторы	Yashash davrida hosil qilgan mahsulotlari bilan o'simliklarning o'sishi va rivojlanishini tezlatadi.
Autovaksina	Autovaccine	Аутовакцина	Organizmning o'zidan ajratilgan mikroorganizmlar kulturasidan 30 daqiqa 75°C qizdirilib tayyorlangan vaksina.
Anafilaksiya	Anafilaksiya	Анафилаксия	(grekcha "ana" – qarshi, "filaksiya" – himoya demakdir). Begona oqsilni (zardob, antibiotiklar) takror parenteral yuborish natijasida organizmda unga nisbatan haddan tashqari sezuvchanlikning ortishi.
Antitoksinli zardob	Antitoxinous serum	Антитоксическая сыворотка	Toksinga qarshi immun zardoblar.
Allergiya	Allergy	Аллергия	(Grek. <i>Allos</i> -begona, <i>ergon</i> -ta'sir) organizmga yet bo'lган antigenlar (mikrob oqsili, toksini, dorilar va h.k.) ta'sirida organizm sezuvchanligining ortishidir.
Allergenlar	Allergens	Аллергены	(gr. <i>allos</i> -boshqa, <i>ergon</i> -ta'sir) – bakteriyalar gidrolizati bo'lib (brusellin, tuberkulin, mallein), tirik hayvonlarda brutselloz, tuberkuloz, manqaga diagnoz qo'yishda ishlataladi.
Antigen va antitelolarning o'zaro munosabatlari.	Interaction of antigens and antibodies	Взаимодействие антигенов и антител	Antigen va antitelolarning o'zaro ta'siri.
Antitela	Antibody	Антитела	Bu maxsus oqsillar – immunoglobulinlar bo'lib, hayvon organizmida antigenlar ta'sirida paydo bo'ladi.
Antigenlar	Antigens	Антигены	(grekcha <i>anti</i> -qarshi, <i>genes</i> -tur). Organizmga parenteral yo'l bilan yuborilganda o'ziga qarshi immun modda hosil qiluvchi yet oqsillar.

Agglyutinasiya reaksiysi	Agglutination Reactions	Реакция агглютинации	Qon zardobi tarkibidagi antitela (agglyutinin) maxsus antigen (agglyutinogen) bilan yopishib, cho'kma (agglyutinat) hosil qilishi.
Agglyutinatsiya	Agglutination	Агглютинация	(lot. <i>agglutinatio</i> – yopishish) suyuqlikdagi zarrachalar (bakteriya, eritrosit va boshqa hujayra elementlari) ning bir-biriga yiopishishi.
Aktiv immunitet	Active immunity	Активный иммунитет	Yuqumli kasallik yoki emlash natijasida paydo bo'lib, bunda organizm aktiv ishtirot etadi.
Anaerob bakteriyalar	Anaerobic bacteria	Анаэробные бактерии	Kislorodsiz muhitdagina yashaydigan mikroorganizmlar, bakteriyalar, bular klostridiyalar, enterobakteriyalar.
Aralash infeksiya	Mixed infection	Смешанная инфекция	Ikki yoki undan ortiq tur qo'zg'atuvchilar kirishidan paydo bo'ladigan kasallik. Aralash infeksiyalar og'ir o'tadi.
Anaerostat	Anaerostat	Анаэростат	Germetik yopiladigan metall silindr idish, havoni chiqarish yoki ish uchun kerakli gazni (CO_2 , N_2 , O_2 va hokazo) berish uchun jo'mraklari va vakuum-monometrlari bor. Ekmalarni silindrning ichiga joylashtirib, qopqog'i yopiladi va nasos yordamida eksikator ichidagi havo chiqariladi.
Antiseptika	Antiseptika	Антисептика	Kimyoviy dezinfektorlar bilan yara va boshqa obyektlardagi mikroblarni o'ldirishdan iborat.
Aseptika	Aseptika	Асептика	Mikroblarning yaralarga tushushiga qarshi qaratiladi. Aseptika yaralar bilan aloqada bo'ladigan narsalardagi (asbob, bog'lovchi va tikuvchi materiallar xirurglarning qo'llari va h.k.) mikroblarni to'liq yo'q qilish bilan amalga oshiriladi.

Antibiotiklar	Antibiotics	Антибиотики	(anti-qarshi, bios-hayot) bakteriyalar, aktinomisetlar, mog'or va lishayniklar, hayvonlar va o'simliklarning hayot faoliyatida hosil bo'lgan mahsulotlar.
Antibiotiklarning biologik faolligi	Biological activity of antibiotics	Биологическая активность антибиотиков	Ta'sir birligi TB bilan belgilanib, 1 ml eritma (TB/ml) va 1 mg preparatdagi miqdori (TB / mg) bilan ifodalanadi.
Antibiotikning ta'sir birligi (TB)	Antibiotic Effectiveness (TB)	Эффективность антибиотиков (ТБ)	Ma'lum hajmdagi oziq muhitda unga sezgir standart test mikrojni o'ldiradigan antibiotikning eng oz miqdori.
Antizardob	Antiserum	Антисыворотка	Tarkibida aniq kasallikka qarshi maxsus antitelolar bo'lgan immun qon zardobi.
Absolyut letal doza	Absolute lethal dose	Абсолютная смертельная доза	(Dcl – dosis certae letalis) 100% tajribaga olingan zararlangan hayvonlarni o'ldiradi.
Antagonizm	Antagonism	Антагонизм	Bir tur mikrob rivojlangan muhitda ikkinchi bir tur mikrob rivojlana olmaydi. Masalan: chirituvchi mikroblar, ko'k yiring tayoqchasi kuydirgi tayoqchasingin o'sishiga to'sqinlik qiladi.
Bakteriyemiya	Bacteremia	Бактериемия	Mikrobynning qonda juda qisqa muddat bo'lib, ko'paymasdan, qon orqali hamma organlarga tarqalishi.
Biosinov	Bioassay	Биопроба	Kulturaning patogenligini aniqlash uchun laboratoriya hayvonlarini zararlash.
Bakteriologiya	Bacteriology	Бактериология	Bakteriyalarning hayot faoliyati, ular chaqiradigan infekcion kasalliklarga bakteriologik diagnoz qo'yish, kasallikning oldini olish bilan shug'ullanadi.

Bakterioliz	Bacteriolis	Бактериолиз	(grek. <i>bakterion</i> -бактерия, <i>lysis</i> -еріш) бактериалар қоғынинг yemirilishi natijasida sitoplazmasining tashqi muhitga chiqishi. Bakteriofag, bakteriolizinlar, lizosim fermentlari shu xususiyatga ega.
Bakteriologik bo'yoqlar.	Bacteriological paints	Бактериологический краски	Mikroorganizmlarning morfologiysi va tinktorial xususiyatlarini o'rganish uchun ishlatalidigan maxsus (anilin) bo'yoqlar.
Bakteriyali preparatlar	Bacterial preparations	Бактериальный препараты	Mikroblarning shaklini, ularning tuzilishi va biokimyoviy xususiyatlarini aniqlash maqsadida mikroskopik tekshirish uchun buyum oynasida tayyorlanadi. Bu jarayon buyum oynalarida surtma tayyorlash, quritish, fiksatsiya qilish va bo'yashdan iborat.
Bakteriya	Bacterium	Бактерия	Shakli, o'lchami va ba'zi biologik xususiyatlari bilan farq qiladigan bir hujayrali mikroorganizmlar bo'lib, sharsimon (kokklar), tayoqchasimon (bakteriya, batsilla va klostridiylar), burama (vibrion, spirillalar, spirochetlar) shaklli bo'ldi. Bakteriya hujayrasи qobiq, sitoplazma va o'zak apparatidan iborat.
Bakteriyaning hujayra devori	The cell wall of bacteria	Клеточная стенка бактерий	Uch qatlamdan – tashqi lipoproteid, o'rta-lipopolisaxarid va ichki mukopolimerlardan tuzilgan regid qatlamlardan iborat.
Bakterisid ta'sir	Bactericidal effect	Бактерицидная действия	Bakteriyalarni o'ldiradi.
Bakteriostatik ta'sir	Bacteriostatic effect	Бактериостатическая действия	Bakteriyalarni o'sishdan to'xtatadi.

Bakteriyalarning gemolitik xususiyati	Bakteriyalarning gemolitik xususiyati	Гемоли- тические свойства бактерий	Qonli agarda eritrositlar lizi- sga uchrab koloniya atrofida tiniq gemoliz paydo qiladi.
Bakteriyalarni kultural xususiyatlari	Cultural properties of bacteria	Культу- ральные свойства бактерий	Oziqa muhitlarda o'sgan bakteriyalarning o'ziga xos ifodasi.
Bakteriologik ilmoq	Bacteriological implant	Бакте- риологи- ческая петля	Ingichka platinali simdan yasalgan bo'lib, u metall tutqichga mahkamlanadi.
Bursit	Bursitis	Бурсит	Sinovial bo'shliqning yal- lig'lanishi.
Bakteriosaglar	Bacteriophage	Бактериофаги	Fag ta'sirida bakteriyalarning erib ketishi bakteriosagiya deyiladi. Bakteriosaglar davolash va diagnostik maqsadda ishlatalidi.
Batsilla	Bacillus	Бацилла	Spora hosil qiluvchi tayoq- chasimon bakteriyalar. Spora uni hosil qilgan bakteriya diametridan katta emas.
Bipolyar bakteriyalar	Bipolar bacteria	Биполярные бактерии	Uchlari intensiv bo'yagan bakteriyalar (pasterellala).
Dezaminlovchilar	Dezaminidazi	Дезами- низаторы	Aminokislotalarni parechalaydi.
Dermatomikozlar	Derma- tomycoses	Дермато- микозы	Teri va uning hosilalarini zararlash bilan kechadigan mikozlar kiradi. Qo'zg'atuvchi keratini bor to'qimalarda parazitlik qiladi.
Denitrifikasiya	Denitrification	Денитри- фикация	Nitrifikasiyaga qarama- qarshi jarayondir. Bunda denitrifikasiyalovchi mikroorganizmlar ta'sirida nitrat kislota tuzlari molekulyar azotgacha qaytarilib havoga uchib ketadi, natijada tuproqning unumdonligi pasayadi.

Davolovchi profilaktik zardoblar	Therapeutic preventive serums	Лечебно профилактические сыворотки	Kasal hayvonlarni davolash, kasallikning oldini olishda ishlataladigan biologik preparatlar.
Diagnostik antitelolar (Antizardoblar)	Diagnostic Antibody's (Antiseriums)	Диагностические антитела	Hayvonlarni giperimmunizasiya qilish yo'li bilan olinadi. Diagnostik zardoblar yordamida mikrob antigenlari aniqlanadi va ajratilgan kultura identifikatsiyalanadi.
Diagnostik antigenlar	Diagnostic antigens	Диагностические антигены	Hayvonlarning infekzion kasalliklarini tekshirish uchun ishlataladi, mikroorganizmlar kulturasidan tayyorlanadi.
Diagnostikumlar	Diagnostics	Диагностикумы	Diagnostik maqsadda ishlataladigan standart biologik preparatlar.
Diagnostik immun zardoblar	Diagnostic immun serum	Диагностические иммунные сыворотки	Infekzion kasalliklarga serologik usulda diagnoz qo'yish uchun qo'llaniladigan immun zardoblar.
Dezinfeksiya	Dezinfektsiya	Дезинфекция	Mexanik, fizikaviy, kimyoiy hamda biologik usullarda bajariladi. Dezinfektsiya sterillashdan farq qilib dezinfeksiyada faqat patogen mikroblar o'ldiriladi, sterillashda biror buyumdag'i barcha mikroblar butunlay o'ldiriladi.
Endokardit	Endocarditis	Эндокардит	Yurakning endokard qavatining yallig'lanishi
Eukarioot	Eukaryotes	Эукариот	O'zakli organizmlar: sodda hayvonlar, zamburug'lar, o'simlik va hayvon hujayaralarini kiradi. Yadro membranasidir.
Epidedimit	Epididymite	Эпидедимит	Urug'don ortig'ini yallig'lanishi.

Enterit	Enteritis	Энтерит	Ingichka ichak shilliq pardasining yallig'lanishi.
Elektiv oziq muhiti	Elective food medium	Элективные питательные среды	Faqat ma'lum turdagи mikroblarni o'stirishda ishlataladi, boshqalari yo'qotiladi. Differensial - diagnostik oziq muhitlar (Gissa, Endo, Ploskirev muhiti, baktoagar va boshqalar) bakteriyalarni fermentativ xossalariга qarab aniqlashga imkon beradi.
Endometrit	Endometritis	Эндометрит	Bachadon shilliq pardasining yallig'lanishi.
Eksikator	Defective	Эксикатор	Bu qopqog'i zinch yopiladigan shisha idish. Germetik yopilishi uchun eksikatorning chetlariga vazelin surtiladi.
Ekzogen infeksiya	Heteroinfection	Экзогенная инфекция	Qo'zg'atuvchilari hayvon organizmiga tashqi muhitdan kiradi.
Endogen infeksiya	Endogenous infection	Эндогенная инфекция	Qo'zg'atuvchilari odatda organizmnинг o'zida bo'lib, organizmnинг ahvoli yomonlashgandagina kasallikni rivojlantiradi. Bunga shartli patogen mikroblastlar, latent viruslar va h.k.lar kiradi.
Ekzotoksinlar	Exotoxins	Экзотоксины	(oqsil moddalar) Mikrob tirik vaqtida yoki o'lganidan keyin uning tanasidan sirtga ajrab chiqadi.
Endotolksinlar	Endotoxins	Эндотоксины	Bakteriya hujayrasiga, ayniqsa devoriga mahkam bog'langan bo'ladi. Shu sababdan mikrob o'lganidan keyingina ajraladi.

Fagositoz	Phagocytosis	Фагоцитоз	(<i>Fago – yutish, cytos-hujayra</i>) organizmiga tushgan yot zarrachalar (bakteriyalar) ning fagositlar tomonidan ushlaniб, hazm qilinishi. I.I. Mechnikov fagositoz haqida to'liq ma'lumot bergen.
Fluoresensiyalovchi antitelolar usuli (FAU)	Fluorescence Antitellar Method (FAM)	Метод флуоресцирующих антител (МФА)	O'ta maxsus immunliyuminessensiyalovchi zardoblar ishtirokida bajariladigan, ekspres diagnostika usuli. Bunda antigen va antitelo orasida immunologik reaksiyalar buyum oynachasida amalga oshiriladi.
Fimbriyalar va pili	Fimbriae and drinking	Фимбрии и пили	Ya'ni tukchalar (vorsinka). Bakteriya hujayralarida xivchinlardan tashqari uzun, ingichka, to'g'ri, iplari – simbriyalar ham bo'ladi
Fikomisetlar (Phycomycetes)	Phukomycetes (Phycomycetes)	Фикомицеты	Tuban zamburug'lar, miseliysi bo'g'linlarga bo'linmagani, ko'p o'zakli bitta kuchli shoxlangan hujayradan iborat.
Fakultativ anaerob	Facultative anaerobic	Факультативные анаэробы	Nafas olish aralash turda boradi.
Fitonsidlar	Fitonsidy	Фитонциды	O'simliklardagi antibiotik-larga o'xshash moddalar V.P.Tokin 1928–1930-yillarda isbotlab, ularni fitonsidlar deb atagan. Fitonsidlar o'simlik bargi, guli, ildizi, mevasida bo'ladi. Fitonsidlar asosan yiringli jarayonlarni mahalliy davolashda qo'llaniladi.
Giflar	Gifs	Гифы	Ingichka ipchalardan iborat zamburug' hujayrasi.

Gram usuli	Gram method	Метод Грама	1884-yilda Xristian Gram taklif qilgan. Gram usulida bo'yاليшига ко'ра, barcha bakteriyalar hujayra devoridagi peptidoglikanga bog'liq holda; grammusbat va gram-manfiyga bo'linadi.
Gemoliz	Hemolysis	Гемолиз	(gr. <i>haema</i> – qon, <i>lysis</i> – erish) qondagi eritrositlarning parchalanib, ichidagi gemblobinning tashqi muhitga chiqishi.
Gemolizin	Hemolytic	Гемолизин	Biofabrikada, qo'y eritrositlari bilan quyomni giperimmunlab olinadi 1:1 nisbatda glitserin qo'shiladi. Aniq titrda suyultirilgan tayyor ishchi eritmasi ishlataladi.
Gigroma	Gigroma	Гигрома	Bo'g'imlararo shilliq pardanning shishishi
Gomologik	Homological	Гомологический	(gr. <i>homogenes</i> – bir xil)-o'xshash, bir xil.
Giperimmunlash	Hyperimmunization	Гипериммунизация	Bakteriya, virus yoki toksinlarga qarshi maxsus zardob olish maqsadida hayvonlarni vaksina, toksin yoki mikroblar, viruslar bilan ma'lum tizim bo'yicha bir necha bor emlash.
Gaptenlar	Gaptenlar	Гаптены	Oqsilsiz polisaxaridlar, mikrob hujayrasi somatik antigenining lipopolisaxarid kompleksi antigenlik xususiyatiiga ega.
Gemotoksin	Gemotoxin	Гемотоксин	Bakteriyalar hayot faoliyatini jarayonida hosil bo'ladigan, eritrositlarni lizisga uchratuvchi oqsil tabiatli moddalar. U eritrosit qobig'ini parchalaydi.
Gematogen yo'l	Gemotogenny path	Гематогенный путь	Patogen mikroblarning organizm bo'ylab qon orqali tarqalishi.

Infeksiya	Infection	Инфекция	(lotin chadan <i>infectio</i>) yuqturaman degan ma'nioni anglatadi. Tashqi muhit sharoitida makroorganizm va kasallik qo'zg'atuvchisi orasida vujudga keladigan murakkab biologik jarayon. o'zaro kurash ta'siri.
Infektion kasallik	Infectious disease	Инфекционное заболевание	Makroorganizm va mikroblar o'zaro ta'sirining eng ifodalangan shakli. Bunda qo'zg'atuvchi ta'siriga javoban ma'lum patologik jarayonlar rivojlanadi.
Intoksikasiya	Intoxication	Интоксикация	Toksin bilan organizmning zaharlanishi.
Inkubasion davr	Inkubationny stage	Инкубационный период	Organizmga mikrobynning kirgan vaqtidan kasallikning birinchi klinik belgilari paydo bo'lgan vaqtini o'z ichiga oladigan yashirin davr, klinik belgilarsiz o'tadi.
Infeksiya darvozasi	Infection gates	Ворота инфекции	Mikrobynning organizmga kirish yo'llari. Alimentar-(yem-xashak, suv), aerogen – nafas olish organlari orqali, kontaktda bir-biriga tegishi bilan, hasharotlar chaqqanida, nosteril igna bilan inyeksiya orqali o'tadi.
Infektion immunitet	Infectious immunity	Инфекционный иммунитет	Infektion kasalliklarga chiddamlilikning paydo bo'lishi.
Invazivlik	Invasiveness	Инвазивность	Virulentlikni paydo qiluvchi xususiyatlardan biri bo'lib, Mikroorganizmlarning makroorganizm to'qimalariga kirishi, tarqalish va ko'payishi qobiliyatidir.

Immunitet	Immunity	Иммунитет	(lotincha <i>immunitas</i> – ozod bo'lish, qutilish) Organizmning patogen mikrob yoki zaharli moddasiga chidamliligi.
Immun zardoblar	Immune serums	Иммунные сыворотки	Maxsus antigenlarni sxema asosida yirik hayvonlarga bir necha marta yuborib, giperimmunlash yo'li bilan olinadi.
Jelatina	Gelatine	Желатина	Hayvonlar oqsili. Tog'ay va suyaklarni qaynatib olinadi, azotli nordon mahsulot.
Karbunkul	Carbuncle	Карбункул	(lot. <i>carbo</i> – ko'mir) yog' bezlari, jun ildizlari, teri, teri osti to'qimalarining o'tkiz yiringli yallig'lanishi.
Kultura	Artistic	Культура	Hayvon, odam, o'simlik yoki tashqi muhit substratlardan oziq muhitlarda o'stirilgan mikroorganizmlar.
Klon	Clone	Клон	(grek. <i>klon</i> -nasl, urug') Bir hujayradan ajratilgan mikroorganizmlar kulturasи.
Koli-titr	Koli – titer	Коли – титр	Eng kam miqdordagi suvda (ml) ichak tayoqchasiining miqdori.
Koli-indeks	Koli - index	Коли – индекс	1 l suvdagi ichak tayoqchasi miqdoridir.
Klassifikasiya	Classification	Классификация	Sistematisatik guruhlarlarni xarakterlash va aniqlash jarayoni.
Komplement	Complement	Комплемент	(lot. <i>Complementum</i> – qo'shimcha vosita) oqsil tabiatli modda bo'lib, hayvon va odamlar zardobi, limfa, to'qima suyuqliklarining tarkibiy qismi. Biofabrikada dengiz cho'chqasining qon zardobidan tayyorlanadi.

Komplement bog'lash reaksiyasi	Complement Binding Reaction	Реакция связывания комплемента	Antigen va antitelolar faqat komplement ishtirokida reaksiyaga kirishib, bakterioliz va gemoliz holatlariiga asoslangan serologik reaksiya.
Koloniya	Colony	Колония	Bitta mikrob hujayrasining ko'payishidan hosil bo'lgan mikroblar to'plami.
Kapsula hosil qilish	Capsule education	Капсула оброзование	Virulentlikni paydo qiluvchi xususiyatlardan biri, u mikroblarning agressiv bo'lishiga olib keladi.
Lyuminessent mikroskopiya	Lyuminessent microscopy	Люминесцентная микроскопия	Qator muhim hujayra strukturalarini, organizmning har xil funksional holatlarda ularning o'zgarishini o'rGANISH, o'lgan va tirik hujayralarni farqlashga imkon beradi.
Lyuminessensiya	Lyuminessence	Люминесценция	(lumen – yorug'lik, eskent – kuchsiz ta'sir) bu yutilgan yorug'lik energiyasining qo'zg'alishidan obyektning nurlanishidir.
Lipidlar	Lipids	Липиды	Ularning miqdori 3.8 dan 40 % cha bo'ladi. Lipidlar sitoplazmaning ma'lum tuzilishini qo'llab turadi va sitoplazmatik membrana tarkibiga kiradi.
Mikomisettar	Microcomysets	Микомицеты	Yuqori zamburug'lar. Ularning miseliysi giflari bo'g'lnarga bo'lingan bir yoki ko'p o'zakli hujayralardan iborat.
Mikrobiologiya	Microbiology	Микробиология	Juda mayda organizmlar – mikroblarning – morfologiysi, fiziologiyasi, genetikasi, ekologiyasini, ularning hayvon, o'simlik va odamlar hayotidagi roli va ahamiyatini o'rGANADIGAN fan. Bu fanning nomini E. Dyuklo taklif etgan bo'lib, mikros – mayda, bios – hayot, logos – fan demakdir.

Mikrob	Microbes	Микроб	Mikroorganizmlarni barchasini birlashtirgan yagona atama. Fransuz olimi Seddilo 19 asning oxirida fanga kiritgan.
Mikoplazmalar	Mycoplasma	Микоплазмы	Polimorf mikroorganizmlar bo'lib, 100-150 nm o'lcham-dagi filtrlardan o'tadi, spora, kapsula hosil qilmaydi, grammanfiy harakatsiz mikroorganizmlar.
Mitseliy	Mycelium	Мицелий	Zamburug' tanasi. Giflar o'sib, shoxlanadi va o'rilib mitseliy hosil qiladi.
Mikroaerofillar	Mikroaerofily	Микроаэрофилы	(grek. <i>mikros</i> -kichik, <i>aer</i> -havo, <i>philla</i> -moyillik) – ko'payishining birinchi bosqichida molekulyar kislorodni (1% cha) kam miqdorda talab qiladi.
Mikroorganizmlarning fermentlari	Enzymes and microorganisms	Ферменты микроорганизмов	Mikrob hujayralari tomonidan sintezlanib, murakkab tuzilishga ega endo va ekzofermentlar.
Mikozlar-	Mycoses	Микозы	Patogen mikroskopik zam burug'lar qo'zg'aydigan maxsus kasalliklar guruhı.
Mikroblarining antigenlari	Microbial antigens	Микробные Антигены	Mikrob hujayrasidagi kapsulali, xivchinli va somatik antigenlar.
Orxit	Orchitis	Орхит	Urug'donni yallig'lanishi.
Oqsil	Protein	Белок	Hujayraning eng muhim hayotiy organik moddasi, patogen mikroblar tanasida quruq moddalarning yarmidan ko'pini, boshqalarida esa 80 % gacha miqdorini tashkil qiladi.
Presipitasiya reaksiyasi	Precipitation reactions	Реакция проприципитации	(lotinchadan <i>prae</i> – cho'kma) reaksiyasi antitelo (presipitinlar) va antigen (presipitinogenlar) o'zarो birikib cho'kma (presipitat) hosil qilishi.

Pepton	Peptone	Пептон	Oqsillar parchalanishidagi oraliq mahsulot. shirdondan tayyorlanadi. Aminokislota, peptidlarga boy.
Patogen mikroblar	Pathogens	Патогенные микробы	Kasallik chaqiradigan mikroblar.
Patologik material	Pathological material	Патологический материал	Kasal, kasallikka gumon qilingan yoki o'lgan hayvondan tekshirih uchun olingan material namunalari (qon, sut, parenximatoz organlardan bo'lakchalar va h.k.).
Patogenlik	Pathogenicity	Патогенность	Mikrobning ma'lum sharoitda o'ziga xos infekzion kasallikni qo'zg'atish xususiyati. U mikrob turiga xos, o'zgaruvechan beligidir.
Rikketsiyalar	Rickettsia	Риккетсии	Bakteriyalar bilan viruslar oralig'ida joylashgan, bir hujayrali, harakatsiz, polimorf, grammansiy organizmlar.
Peptidoglikan	Peptidoglycan	Цепти-догликан	(murein, mukopeptid) hisoblanib, bakteriyalar hujayra devorining asosiy komponenti.
Shtammin	Strain	Штамм	Bir turga mansub, lekin har xil hayvon va substratlardan ajratilgan va o'zaro xususiyatlarining kamroq o'zgarishi bilan farq qiladigan kultura.
Spiroxetlar	Spirochetes	Спирохеты	Harakatchan mikroorganizmlar bo'lib, ingichka va spiral shaklda juda ko'p mayda burmalari bo'lgan organizmlardir.
Sistematika	Taxonomy	Систематика	Tirik organizmlarni umumiy o'xshashliklari bo'yicha guruhlash bilan shug'llanadigan biologiya fanining maxsus tarmogi.

Sterillash	Sterilization	Стерилизация	(lotincha – <i>sterillis-naslsizlash</i>) turli muhitlardagi barcha mikroblarni (vegetativ va sporali shakllarini) to'liq yo'qotishga, ya'ni o'ldirishga qaratilgan.
Serologik diagnostika	Serological diagnostics	Серологическая диагностика	(lot. <i>serum</i> – qon zardobi) infektion kasalliklarni serologik reaksiyalar yordamida tekshirish.
Serologik reaksiya	Serologic reactions	Серологическая реакция	Antigen va antitelolarning o'zaro ta'siriga asoslangan o'ta maxsus reaksiya.
Septisemiya	Septicemia	Септициемия	Mikrobynning qonda ko'payib, qon orqali butin organizmga tarqalishi. U juda tez kechib, odatda o'lim bilan tugaydi.
Stafilokokklar.	Staphylococci.	Стафилококки	Sharsimon shakldagi mikroorganizmlar.
Septisemiya	Septicemia	Септициемия	(grek. <i>septicos, haima</i> – qon) kasallik qo'zg'tuvchisining qonda ko'payishi va butun organizmga tarqalishi natijasida organizmda chuquq o'zgarishlar paydo bo'lishi.
Tur	Species	Вид	Kelib chiqishi umumiyligi va xususiyatlari yaqin bo'lgan mikroorganizmlar avlodining to'plami.
Tropizm	Tropism	Тропизм	Mikroorganizmlarning organizmda joylashishi.
Toksinlar	Toxins	Токсины	Mikroorganizmlar hosil qiladigan zararli moddalar, virulentlikni paydo qiluvchi xususiyatlardan biri.
Toksigenlik	Toxicogenicity	Токсигенность	Mikrobynning toksin hosil qilish xususiyati.
Toksemiya	Toxemia	Токсемия	Mikroblar shikastlangan joyning o'zida (to'qima) ko'payadi, hosil bo'lgan toksini qon oqimiga o'tib, butun organizmni zaharlaydi.

Vaksinalar	Vaccines	Вакцины	(lot. <i>vaccinum</i>) maxsus biologik preparat, kasallik qo'zg'atuvchilaridan tayyorlanadi. Kasallikning oldini olish uchun ishlataladi.
Virulentlik	Virulence	Вирулентность	Mikrobning patogenlik darajasi, ya'ni virulentlik mikrobning individual belgisi bo'lib, har xil sharoitlarda o'zgarib turadi.
Viruslar	Viruses	Вирусы	Hujayrasiz mikroorganizmlar bo'lib, barcha turdag'i organizmlar – hayvon, odam, o'simlik, hasharot, bakteriya, zamburug', sodda hayvonlar hujayrasi ichida parazitlik qiladi.
Xlamidiyalar	Chlamydia	Хламидии	Antigenligi bo'yicha qardosh, tinktorial va morfologik xususiyatlari o'xshash mikroorganizmlarning o'ziga xos taksonomik guruhi.
Zamburug'lar	Mushrooms	Грибы	(<i>Fungi</i>) – o'simlik dunyosiga kiradigan xlorofillsiz organizmlar bo'lib, eukariotlarga kiradi. Har xil substratlar yuzasida yashaydilar.

FOYDALANILGAN ADABIYOTLAR

1. P.J.Quinn., B.K.Markey and others. Veterinary microbiology.
This edition first published New Dehli, India. 2016-y.
2. Tracy H Vemulapalli. G Kenitra Hammac. Microbiology for. veterinary
Technicians. Textbook copyright Printed in the United States of America. 2015-y.
3. Carter. G. R darla J. Wise Essentials of Veterinary Bakteriology And
Mycology Sixth Edition/ 2004-y.
4. Кисленко В.Н. Практикум по ветеринарной микробиологии и
имmunологии. – М.: 2005 г.
5. Кисленко В.Н., Колычев Н.М., Ветеринарная микробиология и
имmunология. Часть 1, Обшая микробиология. – М.: 2006 г.
6. Кисленко В.Н., Колычев Н.М. Ветеринарная микробиология и
имmunология. Часть 2, Иммунология. – М.: 2006 г.
7. Кисленко В.Н., Колычев Н.М., Суворина О.С. Ветеринарная
микробиология и имmunология. Часть 3, – М.: 2007 г.
8. Воробев А.А. Медицинская микробиология, вирусология и
имmunология. – М.: 2008 г.
9. Ruzikulova U.X. "Kavshovchi hayvonlarda pastereloz kasalligiga qarshi
kurashish usulini takomillashtirish" mavzusidagi Magistr akademik darajasini olish
uchun yozilgan dissertatsiya ishi. Samarcand. 2014-y.
10. Veterinariya tibbiyoti jurnallari, Toshkent.
11. Gariyev I.G. Mikrobiologiya. Toshkent. 1990-y.
12. Теппер Е.З., Шилникова В.К., Переверзева Г.И. Практикум по микро-
биологии. – М.: 2005 г.
13. Internet ma'lumotlari: www.Ziyo.net.uz.
email: zooveterinariya @.ru
email: sea @ mail.net21.ru
email: veterinariany @actavis.ru
email: fvat@academy.uzsci.net

M U N D A R I J A

Kirish	3
Amaliy va laboratoriya mashg'ulotlari uchun uslubiy ko'rsatma	5

I-MODUL. MIKROBIOLOGIYA FANINING UMUMIY QISMI

1-mavzu. Mikrobiologiya laboratoriyasini tashkil etish va uning tuzilishi, jihozlanishi, maqsadi. Biologik mikroskop, uning tizilishi va ishlash qoidalari	7
2-mavzu. Bakteriologik bo'yqqlar. Preparat tayyorlash texnikasi, oddiy bo'yash usuli. Bakteriyalarning asosiy shakkari.....	18
3-mavzu. Preparatlarni Gram usulida bo'yash	25
4-mavzu. Spora, kapsula va kislotaga chidamli bakteriyalarni bo'yash usullari.....	29
5-mavzu. Zamburug'larning morfologiysi va bakteriyalarning harakatini o'rghanish	41
6-mavzu. Oziq muhitlarini tayyorlash	48
7-mavzu. Sterilizatsiya usullari	54
8-mavzu. Sof kultura ajratib olish usullari	66
9-mavzu. Bakteriyalarni kultural, biokimyoiy xususiyatlarini o'rghanish	75
10-mavzu. Mikroorganizmlarni antibiotikka sezuvchanligini aniqlash	82
11-mavzu. Atrof-muhit obyektlarini mikrobiologik tekshirish	90
12-mavzu. Laboratoriya hayvonlarini zararlash usullari.....	104
13-mavzu. Jasadni bakteriologik tekshirish usuli. Patologik materialni olish va laboratoriyaga yo'llash usullari.....	112
14-mavzu. Agglutinatsiya reaksiyasi	117
15-mavzu. Pretsipitatsiya reaksiyasi.....	122
16-mavzu. Kompliment bog'lash reaksiyasi	129

II- MODUL. MIKROBIOLOGIYA FANINING XUSUSIY QISMI

17-mavzu. Bakterial infeksiya qo'zg'atuvchilar - tuberkuloz, brutselloz, cho'chqalar saramasi, pasterelloz, kolibakterioz, salmonelloz qo'zg'atuvchilar	140
18-mavzu. Batsillali infeksiya - kuydirgi, qorason, qetma kasalliklari, botulizm qo'zg'atuvchilar.....	171
19-mavzu. Yem-xashak mikrobiologiyasi	191
20-mavzu. Sut va sut mahsulotlarini mikrobiologik tekshirish.....	202
21-mavzu. Go'sht, tuxumni mikrobiologik tekshirish	210
Atamalar	221
Foydalilanilgan adabiyotlar	238

Z. J. SHAPULATOVA

MIKROBIOLOGIYA
FANIDAN AMALIY VA LABORATORIYA
MASHG'ULOTLARI

Muharrir O.Qanayev

Dizayner R.Toshmatov

Musahhih M.Xoliqova


Sahifalovchi H.Safaraliyev

Nashriyot litsenziyasi AI №270
Bosishga 09.12.2019-yilda berildi. Qog'oz bichimi 60x84 ^{1/16}
"Times New Roman" garniturasida ofset usulida bosildi.
Nashr bosma tabog'i 15,0. Adadi 300. Buyurtma №103.

"Ijod-Press" nashriyotida nashrga tayyorlandi.
"Dizayn-print" MChJ O'ICHK bosmaxonasida chop etildi.
100054. Toshkent shahri, Cho'pon ota ko'chasi, 28-a uy.

Telefon: (371) 273-19-51

Faks: (371) 273-19-50





9 789943 622487

